

საქართველოს მემკვიდრეობათა აკადემია

ს. ჯანაშიას სახ. საქართველოს სახელმწიფო მუზეუმი

გურამ ჩხაიძე

საქართველოს სახელმწიფო
მუზეუმი
(1852-1932)



თბილისი
2003

წიგნში გაშუქებულია საქართველოს მეცნიერებათა აკადემიის ს. ჯანაშიას სახელობის საქართველოს სახელმწიფო მუზეუმის ისტორია. მან დიდი და ღირსეული გზა განელო ქვეყნის ერთ-ერთ მსხვილ სამეცნიერო-საგანმანათლებლო და მსოფლიოში ცნობილ სამუზეუმო დაწესებულებად ჩამოყალიბებამდე, რომელმაც უდიდესი წვლილი შეიტანა ქართველი ხალხის სულიერი და მატერიალური კულტურის ნაშთთა მოძიების, შეკრებისა და პროპაგანდის საქმეში, ერის ისტორიული მემკვიდრეობის გადარჩენაში.

პირველწყაროების შესწავლის საფუძველზე განხილულია საქართველოში XIX საუკუნის II ნახევარში შეიქმნილი ის ვითარება, რომელმაც ხელი შეუწყო ჩვენში პროფესიონალური სამუზეუმო დაწესებულებათა ფართო ქსელის შექმნას. გეოგრაფიული საზოგადოების, კავკასიის, საეკლესიო, წერა-კითხვის გამავრცელებელი, საისტორიო და საეთნოგრაფიო საზოგადოებების მუზეუმებმა ახალ საფეხურზე აიყვანეს სამუზეუმო საქმიანობა საქართველოში. წლების მანძილზე დაგროვილი ტრადიციებისა და პროფესიონალიზმის წყალობით მოკლე დროში მოხერხდა ყველა დაბრკოლების გადალახვა და ჭეშმარიტად ეროვნული დაწესებულების შექმნა.

ნაშრომი წამოჭრილი საკითხების მონოგრაფიულად შესწავლის პირველი ცდაა. იგი განკუთვნილია ისტორიკოსებისა და ქართული კულტურით დაინტერესებულ მკითხველთა ფართო წრისათვის.

რედაქტორი: საქართველოს მეცნიერებათა აკადემიის აკადემიკოსი ლევან ჭილაშვილი

რეცენზენტები: ისტორიის მეცნიერებათა დოქტორები: შ. ლომსაძე, თ. ბერიძე.

იბუჭდება საქართველოს სახელმწიფო მუზეუმის სარედაქციო საბჭოს დადგენილებით.

წიგნი გამოიცა მალხაზ ამაშუკელის თანადგომით.

გაფორმება ა. სანიშვილის

თავი I

რუსეთის საიმპერატორო გეოგრაფიული სამოგადოების კავკასიის განყოფილების მუზეუმი

ქართველი ერის ისტორიაში XIX საუკუნე უაღრესად მნიშვნელოვანი მოვლენებით აღინიშნა. "სახელი და ღიღბა მეცხრამეტე საუკუნისა ის არის, რომ უხვი, მოსავალი მოგვცა ნათესისა, იმდენად უხვი, რომ მოულოდნელი იყო ჩვენთა წინაპართათვის."¹ ასეთი შეფასება მისცა ღიღმა ილიამ ამ ასწლეულს.

ამ დრომდე ქართველმა ხალხმა მნიშვნელოვანი დანაკარგებით მოაღწია. მუსლიმანური სამყაროს პერმანენტული შემოგვეების შედეგი იყო ქვეყნის პოლიტიკური დაქუცმაცებულობა, მეურნეობის მოშლა და ეკონომიკური დაქვეითება, დიდი ტერიტორიული დანაკარგები, მოსახლეობის რიცხვის კატასტროფულად შემცირება, მამამადიანური კულტურის მოძალება და მისი მოჭარბებული გავლენა.

ასეთი შეჭირვების მიუხედავად, XIX საუკუნემდე მაინც მოგვეყვა "ქართველობა," ქართული ეროვნული ცნობიერება და მართლმადიდებლობაზე დამყარებული ქართული კულტურის ერთიანობა.

XIX საუკუნე დაიწყო იმით, რომ საქართველოსა და "ქართველობის" გადარჩენისთვის ბრძოლის აუცილებლობამ კიდევ უფრო მძაფრი ელერადობა შეიძინა. 1801 წელს რუსეთის სამხედრო-ფეოდალური იმპერიის მხრიდან ქართლ-კახეთის სამეფოს ანექსიას შემდგომ წლებში მოჰყვა დასავლეთ საქართველოს სამეფო-სამთავროების თანდათანობით დაპყრობა და სახელმწიფოებრიობის გაუქმება. საქართველოში არსებობა შეწყვიტეს სამეფო დინასტიამ და ქართული მართლმადიდებლური ეკლესიის ავტოკეფალიამ. შემოღებულ იქნა რუსული სამხედრო მმართველობა და დაიწყო იმპერიული კოლონიური პოლიტიკის განხორციელება, რომლის მთავარ მიმართულებებად გამოიკვეთა

¹ ჭაუჭავაძე ი., თხზ., ტ. V, თბ., 1955, გვ. 7.

ქართველი ერის ასიმილირება-გადაგვარება, დემოგრაფიული სიტუაციის შეცვლა, კუთხური სეპარატიზმის გაღვივება, ყოველგვარი ქართულის შევიწროება და ეკონომიკური ექსპანსიის გაძლიერება.

ქართველი სამოგადოებრიობა მონაწილეობას ვერ იღებდა თავისი ქვეყნის მართვაში. როგორც წესი, ყველა მაღალი ადმინისტრაციული თანამდებობიდან იღვენებოდა ქართველობა, როგორც სრულიად უსარგებლონი "უუნარობისა და საქმეში გამოუცდელობის გამო."² სახელმწიფო დაწესებულებებში ასევე იღვენებოდა ქართული ენა.

მაგრამ ასეთი მძიმე ვითარების მიუხედავად, XIX საუკუნეში მაინც ობიექტურად იქმნებოდა ხელსაყრელი პირობები საქართველოს გადასარჩენად. ამ პირობებს განსაზღვრავდა შემდეგი ფაქტორები: პირველი--მუსლიმანური სამყაროს ჩამოშორება და მისი ექსპანსიის მოშლა; მეორე--მშვიდობიანობის შედეგად მოსახლეობის ფიზიკური გადარჩენა და მომრავლება; მესამე--რუსეთის იმპერიის ერთიან სივრცეში ქართული ისტორიული კუთხეების თავმოყრა და ერთმანეთთან ეკონომიკური დაკავშირება; მეოთხე--ევროპულ კულტურებთან დაახლოება და ბოლოს, კოლონიური ჩაგვრის გაძლიერების კვალობაზე ქართველობაში საპირისპირო აღეკვამტური თვითგადარჩენის ბუნებრივი რეაგირების გამძაფრება.

ეს უკანასკნელი გამოიხატა იმ დაუმორჩილებლობის, აჯანყებებისა და შეთქმულებების სახით, რაც საქართველოს დაპყრობისთანავე დაიწყო და რომელსაც ქართველი ხალხი უკომპრომისოდ და მიზანმიმართულად ეწეოდა XIX საუკუნის პირველ ნახევარში.

კოლონიური რეჟიმის სიმძიმისა და ქაროველობის დევნა-შევიწროების მიუხედავად, ამ საუკუნიდან მაინც იწყება კულტურული ცხოვრების მოწესრიგებისა და ქართული კულტურის ერთგვარი გამოცოცხლების ცდა.

²Акты собранные Кавказской археографической комиссией, т. VIII, гл. 5 (შებდომ შუიკლები-- "Акты").

მართალია რუსეთის იმპერია კულტურის დარგში საქართველოში განხორციელებულ ყველა ღონისძიებას კოლონიურ ამოცანებს უმორჩილებდა, მაგრამ ქართველი მამულიშვილების შეუპოვარი მცდელობის შედეგად ეს ღონისძიებები საბოლოო ჯამში ქართული კულტურის აღდგენა-გადარჩენას ობიექტურად ემსახურებოდა.

ეს პროცესები განსაკუთრებით გამოიკვეთა XIX საუკუნის შუა ხანებიდან, როდესაც საქართველოში შეიყვალა რუსული მმართველობის სისტემა და დაიწყო კოლონიზაციის ახალი ეტაპი. სამხედრო მმართველობის ნაცვლად შემოღებული იქნა სამოქალაქო მმართველობა,³ რომელიც გარეგნულად ერთგვარი დათმობებისა და აღვლილობრივ მოსახლეობაზე ზრუნვის ილუზიას ქმნიდა.

ამ პერიოდისთვის მთავარ ამოცანად დაისახა საქართველოს კულტურული, "მორალური დაპყრობა." მეფის მოხელე ვ.დინგელშტეტი აღნიშნავდა: "ამიერკავკასია მოპოვებული იქნა რუსული იარაღით..მაგრამ ამ მხარის მორალური დაპყრობა ჯერ არ დამთავრებულა...მხოლოდ ამის შემდეგ მოგვიტანს ეს კოლონია სარგებლობას და აანაზღაურებს იმ სისხლსა და ფულს, რაც დაჟდა მისი მოპოვება"⁴.

მიუხედავად გარეგნული ფასადის შელამაზებისა, რუსეთის ხელისუფლების მიზანი საქართველოს მიმართ უცვლელი რჩებოდა: დაემთავრებინა საქართველოს დაპყრობა და იგი გადაექცია მორჩილ კოლონიად, აეთქვიფა მისი მცხოვრებლები იმპერიის მოსახლეობაში. ამ ამოცანის პრაქტიკულად განხორციელებლად მიიჩნიეს გრაფი მ. ვორონსკოვი.

მხედელ სამონას ძე ვორონოვი.(1782-1856 წ.წ.). ძეული, ცნობილი არისტოკრატიული საგვარეულის წარმოადგენელა, აღიზარდა ინგლისში რუსეთის ელჩის ოჯახში. მიიღო ევროპული განათლება. ახალგაზრდობაში მსახურობდა კავკასიაში პ. ციციანოვის არმიამში. პეტრე ბაგრატიონის მეთაურობით მამაკურად იბრძოდა ნაპოლეონის ჯარის წინააღმდეგ. იყო ლაიფციგისა და კრაუნს ბრძოლების მონაწილე, ბოროდინოსთან მძიმედ დაიჭრა. მოკავშირეების მიერ პარიზის ოკუპაციის დროს

³ ჩხუტა შ., რუსული მმართველობის სისტემა საქართველოში, სმ მოამბე, ტ. XII- ბ. თ., 1944. გვ. 1.

⁴ Дингельштедт В, Водовладения и ирригация, 1860, გვ. 2.

ხელმძღვანელობდა კორპუსს. შემდგომ გახდა ფელდმარშალი. 1823-44 წლებში იყო ნოვოროსისის გენერალ-გუბერნატორი და ბესარაბიის ოლქის მეფისნაცვალი. მას მიაწერენ ოლესასა და ყირიმში დიდი აღმშენებლობითი სამუშაოების ჩატარებას. 1844 წელს დაინიშნა კავკასიის საგანგებო კორპუსის მთავარსარდლად. ქერგულად იბრძოდა შამილის წინააღმდეგ. სოფელ დარვოსთან ოპერაციისთვის იგი აყვანილ იქნა თავადის ხარისხში და მიენიჭა "უგანათლებულების" ტიტული.⁵

1844 წელს მ. ვორონცოვი გახდა კავკასიის მეფისნაცვლი. მის სახელთანაა დაკავშირებული კავკასიაში ახალი მოქნილი კოლონიური პოლიტიკის გატარება, რომლის დედააზრი "მათრახისა და ტაბილი კვერის" მეთოდის ოსტატურად გამოყენებაში მდგომარეობდა. თანამედროვეთა გადმოცემით, მ.ვორონცოვს ყველაზე კარგად ეხერხებოდა ნამდვილი ზრახვების შენიღბვა-შელამაზება პირფერობითა და ლოიალობით.

მ. ვორონცოვი დიდ ინტერესს იჩენდა ქართული კულტურისა და ლიტერატურისადმი. მის პირად არქივში თავმოყრილი იყო იერუსალიმის ქართველთა მონასტრის ფრესკების ასლები და ქართული ხელნაწერები. მ. ვორონცოვის პირად ბიბლიოთეკაში ინახებოდა 26 დასახელების 506 ქართული წიგნი. მათ შორის შავეთელის, ჩახრუხაძის, ვახუშტი ბატონიშვილის, გიორგი ერისთავის, მარი ბროსეს, პლატონ იოსელიანის, დავით ჩუბინაშვილის და სხვათა ნაწარმოებები, გიმოთე გაბაშვილის, გრიგოლ და ილია ორბელიანების და სხვა ხელნაწერები.⁶

1844 წლის ბოლოს მთავარმართებელ გენერალ ნეიჰარდტის ხანმოკლე და არაფრით დასამახსოვრებელი მოღვაწეობის შემდეგ, კავკასიის უმაღლეს ხელისუფლად განუსაზღვრელი უფლებებით დაინიშნა მ. ვორონცოვი. იგი 1845 წლის მარტში ჩამოვიდა თბილისში "მეფისნაცვლის" ტიტულით და საავისს მისთვის შესრულებას შეუდგა. მას, როგორც გამოცდილ აღმინისტრატორს, კარგად ესმოდა, რომ ცარიზმის კოლონიური მისწრაფებები საქართველოში მხელად განსახორციელებელი იქნებოდა ადგილობრივი პირობებისა და თავისებურებების გათვალისწინების

⁵ Энциклопедический словарь, т VII, Петербург, 1897, стр. 223.

⁶ შარაძე გ., ვორონცოვის არქივიდან გახუთი "ლიტერატურული საქართველო", 1964 წლის 27 ივნისი № 26.

გარეშე. იგი აგრეთვე კარგად ხედავდა, რომ უხეშ ძალდატანებით მოშებს მხოლოდ შიანი მოქონდა. კავკასიის ხალხების იმპერიაში ათქვეფის საქმეში. გაცილებით უკეთესი იყო დროებით დათმობები, წახალისებები, უფრო მეტი დაპირებები და რასაკვირველია, მეტი ჯილდოები და საჩუქრები, რაც ასე ხიბლავდა ადგილობრივი მაღალი წოდების წარმომადგენლებს.

"საერთოდ ასეთ მნიშვნელოვან საქმეებში აჩქარება არ შეიძლება—მოახსენებდა იგი იმპერატორს—ყოველგვარი ცვლილებები უნდა გატარდეს თანდათანობით და შეუმჩნეველად."⁷

მ. ვორონცოვი კოლონიურ პოლიტიკას საქართველოში უმთავრესად "კულტურული" საშუალებებით ახორციელებდა. კულტურული საშუალებები ვორონცოვისთვის ის ფარდა და ნიღაბი იყო, რომელთა უკან ამოფარებული იგი არასოდეს ივიწყებდა არც მეფის რუსეთის მიზნებს და არც თავისი კლასის ინტერესებს.⁸

ახალმა მეფისნაცვალმა პირველ რიგში კარგი დამოკიდებულება დაამყარა ქართველ თავადაზნაურებთან და ამით ცდილობდა მათ წრეში დასაყრდენის მოპოვებას. მისი ინიციატივით გაუართოვდა ადგილობრივ თავადაზნაურთა უფლებები. მათ მიეცათ სახელმწიფო დაწესებულებებში სამსახურის შესაძლებლობა.

დიდი მნიშვნელობა ჰქონდა აგრეთვე მეფისნაცვლის ცდას აემალლებინა თავადაზნაურთა სოციალურ-კულტურული ცხოვრების დონე. შეიქმნა "სამოგადოებრივი მმრუნველობის პრიკაში" საადგილმამულო გამსესხებელი ბანკით და შემნახველ-გამსესხებელი ხაზინით. ვორონცოვი მემამულეებს ეხმარებოდა ინტენსიური მეურნეობის გამართვაში, აპლევდა გრძელვადიან კრედიტებს, მათ შეიძლებს აგზავნიდა საშლვარგარეთისა და რუსეთის უმაღლეს სკოლებში სასწავლებლად.

ქართველ თავადაზნაურთა პრივილეგიების გამზრდითა და მათზე "მზრუნვით" ვორონცოვმა გარკვეულ წარმატებებს მიაღწია. მან შეძლო მათი დიდი ნაწილი ხელისუფლების ერთგულ და მორჩილ ხელქვეითებად ექცია, ჩამოეშორებინა ისინი ეროვნულ მოძრაობას. ამას კარგად შეტყველებს ქართველ თავადაზნაურთა 1848 წლის

⁷ Акты, т. X, გვ. 823.

⁸ ჩუგაძე შ., დახს. ნაშრ., გვ. 50.

24 აპრილის მიმართვა იმპერატორისადმი, სადაც ქართველი ხალხის სახელით ლაპარაკია რუსეთის მონარქისადმი მადლიერებასა და ერთგულებაზე: "ახლა ჩვენ სრული მშვიდობიანობით ვსარგებლობთ, მშვიდობიანი შინაური საქმიანობით ვართ დაკავებულნი. მტრებს ჩვენთან კი არა, მათ მიწაზე ვებრძვით. ვზრდით და შევხარით შვილებს ისე, რომ არ ვეშინებთ მათ მომავალზე. ჩვენ მართლმადიდებლობასა და საზოგადოებრივ ცხოვრებას კარგა ხანია, რაც არ ეშუქრება საშიშროება. ვინ მიგვიყვანა ჩვენ ამ მდგომარეობამდე? თვითმპყრობელობამ და ერთმთავრობამ, ქრისტიანული სამყაროს მართლმადიდებელმა და დიდმა მონარქმა".⁹

ამრიგად, ვორონცოვს სრული უფლება ჰქონდა მეფისთვის განეცხადებინა: "მე გულმოდგინედ შევეცადე შემესრულებინა თქვენი ყველა დავალება იმის შესახებ, რომ რუსეთთან მრავალეროვანი კავკასიის შერწყმა მოხერხებულიყო".¹⁰

მაგრამ იყვნენ ისეთებიც, რომლებიც კარგად შიფრავდნენ ვორონცოვის "ტკბილ კვერებს" და ფხიზელი გონებით მოუწოდებდნენ თანამემამულეებს არ აპყლოდნენ ცდუნებას. ცნობილი მწერალი და საზოგადო მოღვაწე ალექსანდრე ორბელიანი წერდა: "ესეები სულ მოჩვენება იყო ვორონცოვისაგან, რომ საქართველოს ხალხი გართულები იყვნენ ღროებითაც ამაებაში და მთავრობაზე ცუდი ფიქრი აღარავის არა ჰქონდეს".¹¹

როგორც აღენიშნეთ, კოლონიზაციის ამ ეტაპზე ვორონცოვი განსაკუთრებით დიდ მნიშვნელობას ანიჭებდა კულტურის სფეროში ჩატარებულ ღონისძიებებს და ენერგიულადაც მოქმედებდა ამ მიმართულებით. ამ ღონისძიებათა ჩამოთვლაც იკმარებდა ამის საილუსტრაციოდ: 1845 წელს თბილისში დაარსდა რუსული თეატრი, 1846 წელს იწყებს გამოსვლას გაზეთი "კავკაზი" და "კავკაზსკი კალენდარი", ამავე წელს დაარსდა თბილისის საჯარო ბიბლიოთეკა, 1848 წელს აღდგენილი იქნა მაგნიტური და მეტეოროლოგიური

⁹ Акт., т. X, гл. 26.

¹⁰ იქვე, გვ. 875.

¹¹ თაყაიშვილი გ., სახალხო განათლებისა და პედაგოგიური აზროვნების ისტორია, თბ., 1948 გვ. 45..

ობსერვატორია, 1850 წელს შეიქმნა ქართული თეატრი, დაარსდა რუსეთის გეოგრაფიული საზოგადოების კავკასიის განყოფილება და კავკასიის სოფლის მეურნეობის საზოგადოება, 1851 წელს თბილისში დაიდგა იტალიური ოპერა, 1852 წელს გამოსვლას იწყებს ეურნალი "ცისკარი" და სხვა.

სწორედ ამ პერიოდს, ვორონცოვისეულ დათბობის წლებს უკავშირდება საქართველოში პროფესიული სამუშეო საქმიანობის ჩამოყალიბება. ამ დროს შეიქმნენ მცირე მუშეუმები: 1852 წელს—რუსეთის გეოგრაფიული საზოგადოების კავკასიის განყოფილების მუშეუმი. 1855 წელს—კავკასიის სოფლის-მეურნეობის საზოგადოების მუშეუმი, 1856 წელს—"ნატურალისტ ბაიერნის კაბინეტი", რომლებმაც შემდგომში 1865 წელს საფუძველი ჩაუყარეს უფრო მსხვილ და სოლიდურ ე.წ. "კავკასიის მუშეუმს," გუსტავ რადეს ხელმძღვანელობით. ეს დაწესებულება კი საქართველოს სახელმწიფო მუშეუმის წინამორბედად უნდა მივიჩნიოთ.

ამ დროის საქართველოს კულტურულ ცხოვრებაში დიდი მნიშვნელობა ჰქონდა საიმპერატორო რუსეთის გეოგრაფიული საზოგადოების კავკასიის განყოფილების (შემოკლებით КОИРГО) დაარსებას. იგი პირველი ოფიციალური სამეცნიერო უკრედი იყო მთელ კავკასიაში.

საგულისხმოდ უნდა მივიჩნიოთ ის ფაქტი, რომ რუსეთის საიმპერატორო გეოგრაფიული საზოგადოება დაარსებისთანავე მოკლე ხანში, სულ რაღაც 5 წლის შემდეგ ხსნის თავის პირველ რეგიონალურ კავკასიის განყოფილებას--ეს იმპერიისთვის ამ მხარის განსაკუთრებულ მნიშვნელობაზე უნდა მიუთითებდეს.

ამრი კავკასიის განყოფილების დაარსების შესახებ, როგორც ამ საზოგადოების ისტორიის მკვლევარი და ვიცე-თაჭადომარე პეტრე სემიონოვი აღნიშნავს, 1849 წელს მომწიფებულა და ეკუთვნოდა საზოგადოების მდივანს, ცნობილ მეცნიერს ა.გოლოვნიანს. მალე საზოგადოების საბჭომ ეს ამრი მოიწონა და პირველი ნაბიჯები გადადგა მის განსახორციელებლად. კავკასიის განყოფილების შექმნის შესახებ წინადადება ეცნობა კავკასიის მეფისნაცვალს თავად მ.ს.ვორონცოვს და მას ეთხოვა მფარველობა და

ხელმძღვანელობა გაეწია განყოფილებისთვის. თავადმა სრული მხარდაჭერა და მფარველობა აღუთქვა ამ საქმის ორგანიზატორებს.

ადგილობრივ თავისებურებათა გათვალისწინებით ნ.ნაღველინმა და ა.გოლოვინმა შეიმუშავეს კავკასიის განყოფილების წესდების პროექტი, რომელიც 1850 წლის 27 ივნისს დაამტკიცა უმაღლესმა ხელისუფლებამ და ყოველწლიური სუბსიდიის სახით გამოყო 2000 მანეთი ვერცხლით.¹²

წესდების მე-2 პარაგრაფით განსაზღვრული იყო კავკასიის განყოფილების მიზნები. იგი "თავის საქმიანობას წარმართავდა კავკასიის მხარის შესასწავლად ყველა იმ მიმართულებით, რომლებიც გეოგრაფიული სამოგადოების კვლევის საგანს წარმოადგენდნენ. კერძოდ-გეოგრაფიის, ეთნოგრაფიისა და სტატისტიკის სფეროში".¹³ აღნიშნული დებულების მე-3 პარაგრაფის მე-4 პუნქტის მიხედვით სამოგადოებას უფლება ეძლეოდა თავისთან დაეარსებინა ბიბლიოთეკა, სტატისტიკური არქივი და ეთნოგრაფიული მუზეუმი.¹⁴

რუსეთის გეოგრაფიული სამოგადოების კავკასიის განყოფილება თბილისში გაიხსნა 1851 წლის 10 მარტს მ. ვორონცოვის ბინაზე.¹⁵ განყოფილების მფარველი და ხელმძღვანელი იყო რუსეთის გეოგრაფიული სამოგადოების ნამდვილი წევრი, კავკასიის მეფისნაცვალის, თავადის მ. ვორონცოვის. მას ჰყავდა მოადგილე-ვ. ბებუთიშვილი, საქმისმწარმოებელი-ა. უმანეცი და ხაზინაძარი-ვ. ბელიაევი.

მეფისნაცვლის ანგარიშებში კავკასიის განყოფილების ამოცანების შესახებ აღნიშნული იყო, რომ "მან ხელი უნდა შეუწყოს იმ უამრავი დაუმუშავებელი მასალის შესწავლას, რომელიც ამ მხარეში დაგროვდა გეოგრაფიის, ეთნოგრაფიის და სტატისტიკის დარგში, აგრეთვე ამ საქმეში იმ დიდი რაოდენობის ადამიანთა ჩაბმას, რომლებმაც სურვილი გამოთქვეს ეს განძეული გაწმინდოს

¹² Семенов П., Истрия полувесковой деятельности Императорского Русского географического общества 1845-1895 гг., т. 1, гл. 64.

¹³ Записки Кавказского отдела Императорского Русского географического общества - (შემდეგში შემოკლებით КОИРГО), т. 1, 1851, гл. 1.

¹⁴ Записки КОИРГО т. 1, гл. 2.

¹⁵ Семенов П., დაახ. ნაშრ., გვ. 65; Акты, X, гл. 898.

საარქივო მგერისგან და მოიყვანოს იგი სისტემატიზაციასა და წესრიგში.”¹⁶

კავკასიის განყოფილების საქმიანობას პრაქტიკულად ხელმძღვანელობდა გამგებელი კომიტეტი, რომელშიც სხვადასხვა დროს მოღვაწეობდნენ ი.ბართოლომეი, გ.გაგარინი, ნ.ხანიკოვი. ა.ნიკოლაი, ი.დიუკრუასი, ა.ხარიტონოვი, დ.ყიფიანი და სხვები. განყოფილება შედგებოდა ნამდვილი წევრებისა და წევრ-თანამშრომლებისგან.

ქართველებიდან საზოგადოების კავკასიის განყოფილების ნამდვილი წევრები იყვნენ: ივანე და რევამ ანდრონიკაშვილები, გრიგოლ და ვახტანგ ბაგრატიონ-მუხრანსკები, ალექსანდრე ბარათაშვილი, გრიგოლ და დიმიტრი ჯამბაკურ-ორბელიანები, კონსტანტინე თარხან-მოურავი, დიმიტრი ყიფიანი, გიორგი რომანის ძე ერისთავი, ვასილ ბებუთიშვილი, ლევან მელიქიშვილი, ალექსანდრე გრუზინსკი, ილია ორბელიანი, ლევან დადიანი, მიხეილ და სერგო ჭილაშვილები და სხვები. განყოფილების წევრ-თანამშრომლებად ითვლებოდნენ: დიმიტრი მელვინეთუხუცესი, რაფიელ ერისთავი და ვასილ სარაჯიშვილი¹⁷ და სხვები.

XIX საუკუნის შუა ხანებში კავკასიის განყოფილებასთან 30-მდე ქართველი მეცნიერი და საზოგადო მოღვაწე თანამშრომლობდა. მათგან აღსანიშნავია: პლატონ იოსელიანი, დიმიტრი ბაქრაძე, გიორგი დავითის ძე ერისთავი, დავით და ლევან გურიელები, ალექსანდრე ბაგრატიონ-მუხრანსკი, მელქისედეკ ლომიძე, მიხეილ თუმანიშვილი, ნიკო ბერძენიშვილი და სხვები. ისინი განყოფილების დავალებით ასრულებდნენ რიგ სამეცნიერო სამუშაოებს. ამ პერიოდის მათი ნაშრომებიდან საყურადღებოა: დ.ბაქრაძის ისტორიულ-ეთნოგრაფიული ნარკვევები -- "სცენები ქართველთა ცხოვრებიდან", "ფშაველებთან ჩემი გაცნობა", "საქართველო და ქართველობა",¹⁸ რაფიელ ერისთავის "თუშ-ფშავეხეუსურეთის შესახებ", ა. ცისკარიშვილის "თუშური კილო კავების ლექსიკონი" და სხვ.

¹⁶ Акты, X, გვ 898.

¹⁷ "Кавказский календарь" на 1854, გვ. 607

¹⁸ გამ. "Кавказ" 1850 №№ 91-93; 1851 №13-15.

\ საზოგადოების პირველი თავჯდომარე იყო ნ. ვოლფი. სულ მალე, 1852 წელს იგი შეცვალა თავადმა ვ. ბებუთიშვილმა.¹⁹

ვასილ იოსების ძე ბებუთიშვილი (ბებუთოვი) (1789-1858) იყო ინჟანგერიის გენერალი, იმერეთის ყოფილი მმართველი, ახალციხის განთავისუფლებისათვის ბრძოლების მონაწილე. შემდეგ კი - ახალციხის მმართველი. 1843 წლიდან გენერალ ლეიტენანტის ჩინით სარდლობდა დაღესტანში ჯარებს. 1847-53 წლებში ასრულებდა ამიერკავკასიის მხარის სამოქალაქო მმართველისა და თავმჯდომარის მოვალეობას.¹⁹ 1852-58 წლებში იყო რ.გ.ს.კავკასიის განყოფილების თავმჯდომარე.

კავკასიის განყოფილების თავმჯდომარის მოადგილედ და საზოგადოების ერთ-ერთ ხელმძღვანელად წლების განმავლობაში, მუშაობდა ცნობილი სწავლული, ეთნოგრაფი და დიპლომატი ნ. ხანიკოვი.

ნიკოლოზ ვლადიმერის ძე ხანიკოვი (1819-1878წ.წ.) აღმოსავლეთმცოდნე, ცნობილი მოგზაური. 1850 წელს ხდება პეტერბურგის მეცნიერებათა აკადემიის წევრ-კორესპონდენტი, მეთაურობდა სამეცნიერო ექსპედიციას ჩრდილოეთ ირანში, ხოლო მოგვიანებით მუშაობდა დიპლომატად შუა აზიაში (ქალაქ ბუხარაში). 1854 წელს ინიშნება ქალაქ თაერიზის გენერალურ კონსულად. 1860 წლიდან ცხოვრობს პარიზში. ხაფრანგეთის გეოგრაფიულმა საზოგადოებამ მეცნიერებაში შეტანილი დიდი წვლილისათვის 1876 წელს დააჯილდოვა ოქროს მედლით.

კავკასიის განყოფილებამ თავიდანვე მნიშვნელოვანი სამუშაოები წამოიწყო. მისი ერთ-ერთი ღონისძიება იყო კავკასიის უძველეს მკვიდრთა უღების ეთნოგრაფიული შესწავლა, კავკასიური ენებისა და დიალექტების შედარებითი ლექსიკონის შედგენა და ამიერკავკასიის გეოგრაფიული რუკის დაზუსტება, ამიერკავკასიის კლიმატის შესწავლა და სხვ. ამ სამუშაოებს ასრულებდნენ ისეთი მაღალკვალიფიციური სპეციალისტები როგორებიც იყვნენ: ა.სენკოვსკი, ა.ლამარევი ა.ხარიტონოვი ი.დიუკრუასი ა.უშენეცი და სხვები.²⁰

¹⁹ ქართული საბჭოთა ენციკლოპედია, ტ II, თბ., 1977, გვ. 262.

²⁰ Семенов П., დასახ. ნაშრ., გვ. 65.

წლების განმავლობაში როგორ გამოიყურებოდა კავკასიის განყოფილების წევრთა შემადგენლობა შეიძლება შემდეგი ცხრილით გამოვხატოთ: (ცხრილი 1)²¹

წლები	1851	1852	1853	1854	1855	1856	1861
რ.გ.ს. წევრები	15	18	16	13	10	9	7
ნამდ. წევრები	65	84	125	149	143	105	102
წევრ-თანამშრ.	6	5	8	10	11	12	20
სულ	86	107	149	172	164	126	122

კავკასიის განყოფილებას გააჩნდა ბეჭდვითი ორგანოები: "Записки" და "Отчетი". ამ კრებულებში ბევრი საყურადღებო ორიგინალური გამოკვლევები იბეჭდებოდა. მაგალითად: ევლახოვის "თბილისის ქარვასლები", ი. დიუკრაუსის "ამიერკავკასიის საეპრო გზების აღწერა," ო. ხოლმკოს "ამიერკავკასიის მხარის კლიმატი," ს. ჯუშკარიოვის "შავი ზღვის ჩრდილო-აღმოსავლეთის სანაპიროს პორტები და საეპრო ნაოსნობა, ა. ფილადელფინის "თბილისის კლიმატის შესახებ," ა. ცივერმანის "ქუთაისის გუბერნიის კლიმატი," კ. ბოროზდინის "ბატონყმობა სამეგრელოში," ლ. ლიულიეს "შეხედულება მთიულ ხალხებზე, ჩერქეზებსა და აფხაზებზე," პ. იოსელიანის "ღუშეთის აღწერა," ლ. ბაქრაძის "სვანეთი," ლ. მაჭავარიანის "სამკრძაყანოს შესახებ," გ. რადეს "მოგზაურობა სამეგრელოს აღპებში" და სხვა.

კავკასიის განყოფილების საქმიანობაში ერთ-ერთი მნიშვნელოვანი მოვლენა იყო მუზეუმის დაარსება, რომელსაც ბერძნული სიტყვით "МУЗЕУМ"-ით მოიხსენიებდნენ ოფიციალურ დოკუმენტებში.

ვერ გავიზიარებთ ამრს იმის შესახებ, რომ ახლად ჩამოყალიბებულ მუზეუმს ოფიციალურად კავკასიის მუზეუმი ერქვა²². ასეთი სახელწოდების მუზეუმი უფრო გვიან, 1865 წელს შეიქმნა გ. რადეს ხელმძღვანელობით. მართალია მოგჯერ

²¹ ცხრილი შედგენილია რუსეთის გეოგრაფიული საზოგადოების 1851-1861 წლების ანგარიშების მიხედვით.

²² ჟორდანიას .გ., კავკასიური მუზეუმის დაარსება, თბ., 1951, გვ. 111

(ისიც პირველ ხანებში) 1852 წელს ჩამოყალიბებულ მუზეუმს შემოკლებით "კავკასიურ მუზეუმსაც" უწოდებდნენ, მაგრამ იგი ასეთი სახელწოდებით შემდგომ დოკუმენტებში თითქმის აღარ გვხვდება. მას ოფიციალურად უფრო მოიხსენიებდნენ როგორც რუსეთის გეოგრაფიული საზოგადოების "კავკასიის განყოფილების მუზეუმს."²³ თვით მუზეუმის პირველ კატალოგს (1856 წლის 13 ნოემბერი) ასეთი სათაური აქვს: "Общий каталог имущества Музеума Кавказского Отдела Императорского Русского Географического Общества"

აქვე უნდა აღინიშნოს ისიც, რომ ზოგიერთ დოკუმენტში მუზეუმი იწოდებოდა როგორც "მეფისნაცვლის კანცელარიასთან არსებული" მიუნც-კაბინეტი."²⁴ ხშირად მას "ეთნოგრაფიულ მუზეუმდაც" იხსენიებდნენ.²⁵

საქართველოში იმ დროს მოღვაწე რუს და უცხოელ თვალსაჩინო მეცნიერთა და ზემოთ დასახელებულ ქართველ მამულიშვილთა საქმიანობამ მოამზადა და მოაწიწა თბილისში მუზეუმის დაარსება.

პირველად აზრი მუზეუმის დაარსების შესახებ, რომელიც თავს მოუყრიდა არა მარტო კავკასიის ბუნების არაორგანულ და ორგანულ წარმონაქმნებს, არამედ აქ არსებულ ეთნოგრაფიულ, არქეოლოგიურ, ნუმიზმატიკურ და ისტორიულ ნივთებსაც, ჩაისახა კავკასიაში მ. ვორონსოვის მეფისნაცვლობის დროს--კერძოდ 50-იანი წლების დასაწყისში.²⁶

როგორც ჩანს, მუზეუმის დაარსებას თან ახლდა დიდი სიძნელეებიც. თვით ისეთი ცნობილი მუზეუმელი მოღვაწეც კი როგორც იყო გ. რადე, როდესაც ეხებოდა მუზეუმის დაარსებას 50-იანი წლების საქართველოში, საკითხს ასე სვამდა: "ქვეყანაში, რომლის მიწაც განუწყვეტლივ ირწყვება ჩვენი მეომრების სისხლით.. აუცილებლად უნდა გადაეწყვიტოთ საკითხი -- შეიძლება

²³ Записки КОИРГО, ნაწ. II, გვ 192, 195; იქვე, ნაწ. III, გვ 275, 279.

²⁴ Записки КОИРГО, ნაწ. II, 1853, გვ. 206; Отчет ИРГО на 1857 г., გვ. 106.

²⁵ Записки КОИРГО, ნაწ. III, 1855, გვ-გვ 188, 190, 205.

²⁶ Ксипен Ф, Несколько слов о Кавказском музее, Петербург, 1896, გვ 5.

თუ არა საერთოდ ადგილი დაუთმობთ მეცნიერებას ასეთ ქვეყანაში, თუ უმჯობესია ეს უკანასკნელი გარკვეულ დრომდე მოვაცილოთ ამ არენას".²⁷

მეორე თვალსაჩინო მუშეუშელი მოღვაწე ვლ. სოლოგუბი შემდეგნაირად ახასიათებდა მეცნიერების პერსპექტივებს კავკასიაში: "კავკასიაში ყველაფერი მიიღწევა ომებით, მოთმინებითა და შრომით. მეცნიერება აქ ძნელად იკვლევს გზას ბუნებასთან, ადამიანებთან და მათ ცრურწმენებთან ჭიდილში.. ამ მხარეში საზოგადოებრივი ცხოვრება ახლა იწყებს დაწყნარებას სისხლიანი დუღილისაგან. წესრიგი და უშიშროება ჯერ კიდევ მკვიდრდება იარაღით. ასეთ პირობებში არ შეიძლება მას აქ ისეთივე მშვიდობიანი გასაქანი და საყოველთაო თანაგრძნობა ჰქონდეს, როგორც - ევროპაში."²⁸

1852 წლის 10 მაისს (ახალი სტილით 22 მაისს) საიმპერატორო რუსეთის გეოგრაფიული საზოგადოების კავკასიის განყოფილების გამგებელი კომიტეტის სხდომაზე გრაფმა ვლ. სოლოგუბმა წარმოადგინა პროექტი განყოფილებასთან მუშეუშის შექმნის შესახებ და მიღებული იქნა სათანადო დადგენილება. ამავე სხდომაზე გადაწყდა მუშეუშისთვის დაექირაფებინათ შესაფერისი შენობა. სწორედ ეს თარიღი ითვლება ჩვენში მუშეუშის დღედ. ეს თარიღი გაიზიარეს და მუშეუშის დღედ დაამკვიდრეს აღნიშნული მუშეუშის მემკვიდრე დაწესებულებათა დირექტორებმა გუსტავ რადემ²⁹ და ლევან ჭილაშვილმა.³⁰

თუმცა არსებობს სხვა მოსაზრებაც, იმავე წლის 5 აპრილის გამგებელი კომიტეტის სხდომაზე, სადაც განიხილეს გეოგრაფიული საზოგადოების თავჯდომარის კონსტანტინე მიხეილის ძის წინადადება კავკასიაში მეცნიერული კვლევის გაღრმავებასთან დაკავშირებით ივ. ბართოლომეი და ვლ. სოლოგუბმა წამოაყენეს მოსაზრება მუშეუშის შექმნის შესახებ და კომიტეტიც დაეთანხმა ამ

²⁷ Радде Г., Краткий очерк истории развития Кавказского Музея, гв 1891 гв.

34.

²⁸ Записки КОИРГО, т. I, 1852, гв. 23.

²⁹ Радде Г., Лас.ხ. ნაშრ., გვ. 39.

³⁰ ჭილაშვილი ლ., საქართველოს სახელმწიფო მუშეუში, გამ. "სახალხო გამეოთი", 1997, # 26.

ამრს. პროფ. გ. ეორდანიას სწორედ ეს დღე მიაჩნია მუზეუმის ჩამოყალიბების თარიღად.³¹

1852 წლის გაზაფხულიდან უკვე პრაქტიკულად გადაიდგა ნაბიჯები მუზეუმისთვის შესაფერისი შენობის გამონახვისა და სამუშეომო მასალების მოძიებისათვის. გამგებელი კომიტეტის 21 მაისის და 5 აგვისტოს სხდომებზე მეფისნაცვლის ნებართვის მიღების შემდეგ გადაწყდა უცხოელ ნატურალისტ ფ. ბაიერნისგან 325 მანეთად შეეძინათ მის მიერ კავკასიაში მოპოვებული საბუნებისმეტყველო მასალათა კოლექცია. განიხილეს აგრეთვე მ. ვორონცოვის რეზოლუცია, სადაც მეფისნაცვალი სასწრაფოდ მოითხოვდა გამოქვნილიყო შესაფერისი ბინა, რომელშიც განთავსდებოდა მუზეუმი და ბიბლიოთეკა. აქვე ვორონცოვი პოლკოვნიკ ა. ივანიცკის მიუთითებდა, რომ მას თავისი მინერალების კოლექციიდან ნაწილი მუზეუმისთვის. გადაეცა³²

ამავე წელს ვ. სოლოგუბმა მუზეუმს შემოწირა 44 ერთეული ეთნოგრაფიული ნივთი: კავკასიური ტანსაცმელი, სამკაულები და იარაღები. ინჟინერმა ალ. ივანიცკიმ მუზეუმს ასევე შესწირა მინერალოგიური კოლექცია. თუშ-შუშა-ხევსურეთის ოლქის უფროსმა პოლკოვნიკმა ლევან ჩოლოყაშვილმა ამავე პერიოდში მუზეუმს უსასყიდლოდ გადასცა ოთხი არაბული წიგნი, ნუმისმატიკური მასალა და ეთნოგრაფიული ნივთები.³³ ასევე აღსანიშნავია პლატონ იოსელიანის მიერ მუზეუმისათვის 10 წიგნის საჩუქრად გადაცემა. 1852 წელს კავკასიის განყოფილების მუზეუმში სულ შემოსულა 105 ნივთი. სწორედ ამ მცირე კოლექციებმა დაუღეს საფუძველი ახლად ჩამოყალიბებული მუზეუმის ფონდებს.³⁴

ამავე პერიოდში, მუზეუმმა გეოგრაფიული საზოგადოების კავკასიის განყოფილებასთან არსებულ ე. წ. 'მიუნც-კაბინეტიდან'

³¹ ეორდანია გ., კავკასიური მუზეუმის დაარსება, თბ., 1951, გვ. 111,

³² Записки КОИРГО, ნაწ. 2, 1853, გვ. 197,

³³ ჩაჩაშვილი გ., ქართული ეთნოგრაფიის ისტორიიდან, სსმ შოაზზე XVII-ბ, გვ. 110;

³⁴ გაზ. "Кавказ", 1853 წლის 21 თებერვალი, №14.

მიიღო 509 ერთეული მონეტა და მედალი, რომლის კატალოგი ჯერ კიდევ 1848 წელს შეადგინა გ. ტოკარევი.³⁵

მიუხედავად იმისა, რომ მუზეუმი თავდაპირველი ჩანაფიქრით ეთნოგრაფიული უნდა ყოფილიყო, იგი მრავალმხრივი, კომპლექსური ხასიათის გამოვიდა. მის პირველ ექსპონატებში ფ.ბაიერნისა და ა.ივანიცკის კოლექციების წყალობით ბოტანიკური, მორფოლოგიური და მინერალოგიური მასალები სჭარბობდა, მაგრამ მოკლე ხანში მუზეუმში ეთნოგრაფიული ნივთები მომრავლდა, განსაკუთრებით შემოწირულობებით შემოსული.

როგორც კავკასიის განყოფილების ოქმებიდან და მუზეუმის პირველი 1856 წლის კატალოგიდან ჩანს, განსაკუთრებული ყურადღება მიექცა მუზეუმისთვის ეთნოგრაფიული მასალების მოძიებას. ამ მიზნითა და საერთოდ კავკასიის მხარის ეთნოგრაფიული კვლევის სახელმძღვანელოდ სამოგადოების წევრებისგან მუზეუმთან ჩამოყალიბდა სპეციალური კომისია. მასში შევიდნენ: ვ.სოლოგუბი, ა.ივანიცკი, გ.ტოკარევი, ა.ბერეე და ლ.ჩელოკაევი³⁶ (ლევან .ჩოლოყაშვილი.).

განყოფილების დავალებით კავკასიაში სამეცნიერო ცნობების შესაკრებად შედგა სამოქმედო პროგრამები. ეთნოგრაფიის დარგში პროგრამა წარმოადგინა ვ. სოლოგუბმა, ხოლო ბოტანიკასა და ზოოლოგიაში – ვ. ბეკეტოვმა.

თავდაპირველად, 1853 წლამდე მუზეუმის საქმიანობას წარმართავდა კავკასიის განყოფილების გამგებელი კომიტეტი. იგი მუზეუმზე ხელმძღვანელობას ოფიციალურად ახორციელებდა მუზეუმის მდივნის (გედამხედველის) მეშვეობით. ამ თანამდებობაზე 1852 წლიდან გარდაცვალებამდე მუშაობდა გ. ტოკარევი.

გაბრიელ ანდრეას ძე ტოკარევი (1796-1854) მეცნიერი, მწერალი და მოგზაური, 40-იანი წლების შუა ხანებში ჩამოდის თბილისში და იწყებს მუშაობას მეფისნაცვლის კანცელარიაში, მალე მეფისნაცვლის ბრძანებით იგი ინიშნება თბილისის საჯარო ბიბლიოთეკის პირველ დირექტორად. მას დიდი წვლილი მიუძღვის ამ დაწესებულების

³⁵ Общий реестр монетам и медалям мивои-кабинета при Кавказском отделе Императорского Русского географического общества, составлен Г. Токарским, ტფ., 1848.

³⁶ Радде Г., *დასახ. ნაშრ.*, გვ. 34.

კავკასიოლოგიური ლიტერატურით სწორედ დაკომპლექტების საქმეში ვ. ტოკარევის სახელთანაა დაკავშირებული აგრეთვე კავკასიის შესახებ პირველი ბიბლიოგრაფიის შედგენა. პარალელურად იგი ნაყოფიერ სამეცნიერო სამუშაოებს ეწეოდა. მისი კვლევის სფერო იყო საქართველოსა და სომხეთის ისტორიის, ეთნოგრაფიის საკითხები და ამიერკავკასიის მატერიალური კულტურის ძეგლები. მისი ნარკვევები და სტატიები კავკასიის მეცნიერული შესწავლის ერთ-ერთ პირველ ცდას წარმოადგენს. იგი აქტიურად თანამშრომლობდა გაზეთ "კავკაზიან". მის ყურცლებზე იგი აქვეყნებდა თავის ისტორიულ-ეთნოგრაფიული ხასიათის შრომებს. ბუნებისა და სიძველეთა მოყვარული ბევრს შოგზაურობდა. აკადემიკოს პ. აბიხთან ერთად მონაწილეობდა კავკასიის ქედზე ჩატარებულ ექსპედიციაში.

მუშეუმისადმი თავიდანვე დიდ მზრუნველობას იჩენდა მეფისნაცვალ მ. ვორონცოვი. იგი სისტემატურად ესწრებოდა და ხელმძღვანელობდა გეოგრაფიული სამოგადოების სხდომებს, ყოველთვის საქმის კურსში იყო და ცდილობდა ხელი შეეწყო მისი საქმიანობისთვის. მ.ვორონცოვსა და მის მეუღლეს ხშირად შეჰქონდათ შემოწირულებები. მათ მუშეუმს საჩუქრად გადასცეს ბოტანიკური მასალები და ქერჩის მიდამოებში აღმოჩენილი ძველებურ ძვირფასეულობათა განძი,³⁷ მოგვიანებით მათ მუშეუმს გადასცეს ეთნოგრაფიული და ნუმისმატიკური კოლექცია. მ.ვორონცოვი და მისი მეუღლე ხშირად მოიხსენიებოდნენ კატალოგებსა და განყოფილების ანგარიშებში მუშეუმისთვის შემომწირველთა ჩამოთვლის დროს.

პრაქტიკულად, გამტებელი კომიტეტი მუშეუმის ხელმძღვანელობაში მთავარ როლს აკეთუნებდა მეფისნაცვლის განსაკუთრებულ დავალებათა მოხელეს გრაფ ვლ. სოლოგუბს.

ვლადიმერ ალექსანდრეს ძე სოლოგუბი (1813-1882), ცნობილი რუსი მწერალი და ეთნოგრაფი, მ. ვორონცოვის მოწვევით 50-იან წლებში ჩამოდის თბილისში და აქტიურად ებმება ქალაქის კულტურულ ცხოვრებაში. თავის პიესებსა და ნოელებს აქვეყნებდა გაზეთ "კავკაზში", განსაკუთრებით ნაყოფიერი გამოდგა მისი შოლუაწეობა რ.გ.ს. კავკასიის განყოფილებაში, სადაც ფაქტობრივად ხელმძღვანელობდა განყოფილების მუშეუმს. მისი მემკვიდრეობიდან აღსანიშნავია აგრეთვე "მოგონებანი", სადაც იმდროინდელი თბილისური ცხოვრების და ეთნოგრაფიული ყოფის

³⁷ "Кавказский календарь" на 1855, გვ. 198.

ამსახველი სურათებია გადმოცემული. კულტურულ-საგანმანათლებლო დაწესებულებების ორგანიზებისათვის მახლობელთა წრეში მას "ნატიფი ხელოვნების მინისტრს" უწოდებდნენ. "შე ყოველთვის გულწრფელად მიყვარდა კავკასია და ისიც ასეთივე სიყვარულით მასუხობდა" წერდა იგი.³⁸

1853 წლის 27 იანვარს კავკასიის განყოფილების საერთო კრებაზე არჩეული იქნა მუშეუმის პირველი დირექცია სამი წევრის შემადგენლობით. თავმჯდომარედ აირჩიეს ე. ანდრეევსკი, თანადირექტორებად კი - ვ. სოლოგუბი და კ. ჩერმაკი.³⁹

ვ. სოლოგუბი თავის "მოგონებებში" ძალზე უარყოფითად იხსენიებს პირველ დირექტორ-თავმჯდომარეს ერასტ ანდრეევსკის. იგი განსაკუთრებით მიუთითებს მის არაკომპეტენტურობაზე. ამ თანამდებობაზე მის არჩევას მ. ვორონცოვის მფარველობით ხსნის. მისივე გადმოცემით, ე. ანდრეევსკი ვორონცოვის კანცელარიაში "გენერალ - მტახს-ექიმად" მუშაობდა. მეფისნაცვლის პირადი ექიმიც ყოფილა და მასზე დიდი გავლენით სარგებლობდა⁴⁰ ასევე ცუდად ახასიათებს ე. ანდრეევსკის იმდროინდელი თბილისელი იურისტი ვლადიმერ გოლსტოი, რომელსაც მიაჩნდა, რომ იგი ძალზე ამპარტავნულად ექცეოდა ადგილობრივ მოსახლეობას.⁴¹

ერთი წლის შემდეგ, 1853 წლის 16 დეკემბერს ე. ანდრეევსკი გაათავისუფლეს დაკავებული თანამდებობიდან და მის ნაცვლად აირჩიეს ბარონი ალ. ნიკოლაი.

ო ალექსანდრე პავლუხ ძე ნიკოლაი (1821-1899), 1848 წლიდან მოღვაწეობს კავკასიაში. სამსახურს იწყებს ჯერ მეფისნაცვლის საველე კანცელარიაში, ხოლო 1852 წლიდან - იკავებს სასწავლო ოლქის მმართველს ადგილს. მოგვიანებით მან ბრწყინვალე კარიერას მიაღწია. 1863 წელს იგი ვახდა ხერაგორი, 1875 წელს - სახელმწიფო საბჭოს წევრი, 1882 წელს - იმპერიის განათლების მინისტრი და ბოლოს, 1894 წელს - სახელმწიფო საბჭოს კანონთა დეპარტამენტის თავმჯდომარე. მთელი სიცოცხლის მანძილზე მას გვერდს უმშვენებდა ქართველი პოეტის ალექსანდრე ჭავჭავაძის ასული სოფიო.

³⁸ Соллогуб В., Воспоминание, Ленинград, 1939, გვ. 453.

³⁹ Раде Г., დასახ. ნაშრომ., გვ. 35.

⁴⁰ Соллогуб В., Повести и воспоминание, Ленинград, 1988, გვ. 506.

⁴¹ Толстой В., Князь М. С. Воронцов, еван. «Русский Архив», ,
Киев-ბუერგი, ნოემბერი, 1877, გვ. 308.

სტრუქტურულად მუშეუმი შედგებოდა 3 განყოფილებისგან (კაბინეტისგან): საბუნებისმეტყველო, ეთნოგრაფიული და ისტორიული. მუშეუმის თანამშრომელთა მთელი შტატი მომსახურე პერსონალის ჩათვლით 6 კაცს არ აღემატებოდა. (3-ღირექცია, 1-პრეპარატორი, დარაჯი და დამლაგებელი).

მუშეუმის წლიური ბიუჯეტი შეადგენდა 600 მანეთს ვერცხლით. რასაკვირველია ეს თანხა ვერ გასწვდებოდა, როგორც მუშეუმის შენახვას, ისე ფონდების გაზრდას და ახალი კოლექციების შექმნას. ამიტომ საერთო კრებებზე ხშირად იღვა სუფსიდიების მომატების საკითხი--მაგრამ ამაოდ. მუშეუმი ხშირად მისთვის გათვალისწინებულ თანხასაც ვერ იღებდა სრულად.

რუსეთის გეოგრაფიული საზოგადოების 1852--61 წლების ანგარიშების მიხედვით კაეკასიის განყოფილების მუშეუმზე გამოყოფილი იყო შემდეგი თანხები: (ცხრილი 2)

წლები	1852	1853	1854	1855	1856	1857-61
თანხა, მან.	628	760	700	658	675	900

თუ გავითვალისწინებთ იმას, რომ ამ თანხიდან ყოველწლიურად მუშეუმისა და ბიბლიოთეკის შენობის დასაქირავებლად 600 მანეთი იხარჯებოდა, ნათელი იქნება თუ რა ფინანსურ გაჭირვებას განიცდიდა მუშეუმი.

მუშეუმის მუშაობის პირველ ეტაპზე უმთავრესი ყურადღება უნდა დათმობოდა მისი ფონდების შევსებას, ამისთვის ღირექცია აპირებდა მიზანმიმართული და გეგმიური მოძიებით-- შემგროვებლობითი სამუშაოების ჩატარებას. ამისთვის წარმოადგინეს კიდევ სპეციალური ინსტრუქცია და პროგრამა, რომელიც ცნობილი ეთნოგრაფის ნ. ნაღველინის მიერ აღრე შემუშავებული დოკუმენტის მასეღყსა სყო შედგენილი. ინსტრუქციაში ჩამოთვლილი იყო მუშეუმისთვის საინტერესო ექსპონატთა ათზე მეტი სახეობა. ნივთები მუშეუმში უნდა შემოსულიყო ორი გზით: 1) შესყიდვითა და 2) შემოწირულობით.⁴² ვინაიდან მუშეუმი მუღმივად განიცდიდა სახსრების ნაკლებობას, მისი ფონდები უმთავრესად მეორე გზით კომპლექტდებოდა და ექსპონატების შეგროვება ხშირად შერჩევით არ ხერხდებოდა.

⁴² Записки КОИРГО, ч. III, ст 198.

რაც შეეხება კავკასიის განყოფილების მუშეუმის თავდაპირველ ბინას, იგი მოთავსებული ყოფილა ჭავჭავაძისა და საკომენდატო (დღევანდელი აღ.ჭავჭავაძის ქ. #6 და აღ.გრიბოდოვის ქ. #16) ქუჩების კუთხეში თბილისის საარტილერიო გარნიზონის მეთაურის პოდოლკოვნიკ პეტრე ლაპინსკის ბინის მეორე სართულზე. 1852 წელს გამგებელმა კომიტეტმა გააფორმა კონტრაქტი -- 5 წლის ვადით პოდოლკოვნიკის მეუღლე რომალია ლაპინსკაიასთან, ახლადამენებული ზედა სართულის გაქირავების შესახებ, რისთვისაც ყოველწლიურად ქირა უნდა გადახდილიყო 600 მანეთი ვერცხლით.⁴³ სწორედ ამ კაპიტალური ბინის მეორე სართულის 7 ოთახში მოთავსდა მუშეუმი, კანცელარია და ბიბლიოთეკა.

მუშეუმის შესაფერ ბინაში დაბინავებამ კეთილი ნაყოფი გამოიღო. 1852 წლის აგვისტოდან მთელი ძალით გაჩაღდა მუშაობა ფონდების დაკომპლექტებისთვის და ექსპოზიციის მომზადებისთვის. ამ პერიოდიდან ყირიმის ომის დაწყებამდე (1853 წლის ოქტომბრამდე), ყველაზე ნაყოფიერი ხანა იყო მუშეუმის ისტორიაში.

როგორც ზემოთ აღვნიშნეთ, 105 ერთეულისგან შემდგარმა პირველმა კოლექციებმა (ფ. ბაიერნის, ვ.სოლოგუბის, ა.ივანიცკის და ლ. ჩოლოყაშვილის) საფუძველი დაუდეს მუშეუმის ფონდებს. შემდგომში ფონდები სწრაფად ივსებოდა როგორც შემოწირულობებით, ისე შექმნილი ნივთებით. მათ შესახებ რეგულარულად ქვეყნდებოდა ცნობები გაზეთების "Кавказский халендарь"-ის, "Кавказ"-ის და განყოფილების "Записки"-ს, ფურცლებზე. თუ როგორ ივსებოდა მუშეუმის ფონდები, ყველაზე კარგად ჩანს კავკასიის განყოფილების მუშეუმის საერსოო კატალოგში, რომელიც წარმოადგენს შობარგაყრილ დალუქულ და დანომრილ 99 გვერდიან დავთარს, შევსებულს თბილისში 1856 წლის 13 ნოემბერს.⁴⁴ მას ხელს აწერენ მუშეუმის დირექტორ-თავჯდომარე ა.ნიკოლაი და დირექციის მდივანი ა.ბერკე. ამ უკანასკნელის მიერ 1854 წლის გამაფხულზე მუშეუმის მდივნის

⁴³ ფორდნია გ., კავკასიური მუშეუმის დარსება, თბ., 1951, გვ. 17.

⁴⁴ კატალოგი ამჟამად ინახება საქართველოს სახ. მუშეუმის ეთნოგრაფიის განყოფილებაში.

(შეღამხეულის) თანამდებობის დაიკავების შემდეგ ამ დაწესებულების სამუშაოები კიდევ უფრო მიზანმიმართული გახდა,

ალოლუ პეტრეს ძე ბერეჟე (1828—1885), პეტერბურგის უნივერსიტეტის აღმოსავლეთმცოდნეობის ფაკულტეტის დახმავრების შემდეგ, იმპერატორის რჩევით, 1851 წლის პოლოს ჩამოვიდა თბილისში და მუშაობა დაიწყო ეორონცოვის კანცელარიაში საიდუმლო ნაწილის მოხელედ. აქედან იგი მარი ბროსეს რეკომენდაციით კავკასიის განყოფილების მუშეუში გადავიდა სამუშაოდ. პარალელურად, ა. ბერეჟეს 1856 წელს ირჩევენ რ.გ.ს. კავკასიის განყოფილების მმართველად, 1857 წლიდან იგი თბილისის საჯარო ბიბლიოთეკის დირექტორია. ა. ბერეჟე 1864 წელს აირჩიეს "აზიის საზოგადოების". ხოლო 1865 წელს—საფრანგეთისა და გერმანიის აღმოსავლეთმცოდნეობის საზოგადოებების წევრად.⁴⁵ 1894 წელს დაინიშნა კავკასიის არქეოგრაფიული კომისიის თავჯდომარედ. 1864—1886 წლებში მისი რედაქტორობით გამოიცა 10 ტომი, რომელთაც დღესაც ითვლება სამაგიდო წიგნად კავკასიოლოგიაში. ა.ბერეჟეს წინააღმდეგ საქართველოს და ჩრდილოეთ კავკასიის ხალხთა ისტორიის, არქეოლოგიის, ეთნოგრაფიის და სტატისტიკის საკითხებს.⁴⁶

კავკასიის განყოფილების მუშეუმის ფონდების შესახებ გუსტავ რადე აღნიშნავს, რომ პირველსავე წლებში მუშეუმის ეთნოგრაფიული განყოფილება გამდიდრდა რამოდენიმე ძვირფასი შემოწირულობებითა და შენაძენებით, რომელთა შორის ყურადღებას იპყრობდა "თავად რაფიელ ერისთავის, გოქარევის, მაკინეის, ბერეჟეს, რომანოვის, ხარიტონოვისა და გრამაგინის შემოწირულობანი."⁴⁷

როდესაც გ. რადე ზემოთ ჩამოთვლილ პირთა სათავეში თავად რაფიელ ერისთავს აყენებს და თან სრულად წოდებითა და სახელით მოიხსენიებს, ხოლო დანარჩენებს მხოლოდ გვარებით, ეს ალბათ რაფიელ ერისთავის მუშეუმისადმი განსაკუთრებულ დამსახურებაზე მიუთითებს.

რაფიელ ერისთავის მიერ შემოწირული ნივთები გატარებულია კავკასიის განყოფილების მუშეუმის 1856 წელს შედგენილ პირველ

⁴⁵ ახელუიანი მ., ა. ბერეჟე, საქართველოს და ჩრდ. კავკასიის ხალხების ისტორიის მკვლევარი (სადისერგაციო ნაშრომი), 1998, გვ. 26.

⁴⁶ Кавыков Д., Памяти А. Березе, გვ., 1886.

⁴⁷ Радде Г., დასახ. ნაშრ., გვ. 34.

კატალოგში 107-117 ნომრებით ესაა ძირითადად სამეურნეო და საყოფაცხოვრებო დანიშნულების ეთნოგრაფიული ნივთები. გაცილებით მეტია მისი დამსახურება მუზეუმის ორგანიზებასა და განვითარებაში. როგორც ჩანს, იგი იყო ერთადერთი ქართველი სპეციალისტი, რომელიც სპეციალურად მიუწვევიათ სამუშაოდ მუზეუმში ფონდების მოსაწესრიგებლად, განსაკუთრებით კი ეთნოგრაფიული ნივთების ადგილობრივი ტერმინოლოგიის დასადგენად და დასამუსტებლად. მან პირველმა დააყენა საკითხი სამუზეუმო კოლექციების კატალოგიზაციისა შესახებ და შეიმუშავა კიდეც სანიმუშო მეთოდური ინსტრუქცია.

რაფიელ დავითის ძე ერისთავი (1824-1901), ცნობილი მწერალი, ეთნოგრაფი და საზოგადო მოღვაწე თბილისის გიჰანაზიის დამთავრების შემდეგ, მუშაობდა იწყებს ჯერ თუშეთში-ხვესურეთში თარჯიმნად, ხოლო შემდეგ მეფისნაცვლის კანცელარიაში მაგიდის უფროსის თანაშემწედ. ქართულ და რუსულ პრესაში გამოქვეყნებულ ნაშრომებში იგი ქართული კულტურის, მისი ნაციონალური ზნე-ჩვეულებების და ინტერესების დამცველად გვევლინება. მის ისტორიულ-ეთნოგრაფიული ხასიათის წერილებსა და ნარკვევებს საყოფაცხოვრებო ყურადღება მიაქცია მარი ბროსემ მისი რჩევით რ. ერისთავი 1853 წელს სამუშაოდ გადავიდა მუზეუმში, რომელსაც უდიდესი ამაგი დასდო. იგი შემდეგ მუშაობდა ქუთაისში უფროს მოხელედ, ზუგდიდის მაზრის უფროსად, ქუთაისის გუბერნიის საშრობოლოს განყოფილების უფროსად და ქუთაისის მოპრიგებელ მოსამართლად.⁴⁸ პარდიგულურად ეწეოდა ნაყოფიერ სამეცნიერო და ლიტერატურულ მოღვაწეობას. იკვლევდა საქართველოს სხვადასხვა კუთხის მცხოვრებთა ეთნოგრაფიულ ყოფას, ცხოვრების წესს და ტრადიციულ-ჩვეულებებს. მისი საშრობო შემოქმედება გამოირჩეოდა პატრიოტიზმითა და პუბლიცისტით.

რაფიელ ერისთავი ნახევარი წლის განმავლობაში ასრულებდა მუზეუმის მდივნის (შედამხედველის) მოვალეობას, იმავდროულად იგი არა მარტო უელიდა და პატრონობდა მუზეუმის ნივთებს, არამედ ცდილობდა სისტემატიზაციაში მოეყვანა, შეეესო და მოეწესრიგებინა ეთნოგრაფიული კოლექციები, რის გამოც მას გამოეცხადა "გულწრფელი მაღლობა".⁴⁹

⁴⁸ უაწყობაძე შ., რაფიელ ერისთავი, თბ., 1962, გვ. 48.

⁴⁹ Записки КОИРГО, ნაწ. 3, გვ. 290.

რ. ერისთავს 1855 წლის სექტემბერში დიდი შრომატევადი სამუშაოები ჩაუტარებია. მას შეუჯერებია ეთნოგრაფიული და ისტორიული განყოფილებების ფონდებში დაცული მასალები, რის შედეგადაც წარმოუდგენია სია იმ ნივთებისა, რომელიც უნდა ამოერიცხათ მუზეუმის რეესტრიდან, რადგან "ისინი არ ასახავენ მხარეს არც ეთნოგრაფიულად და არც ისტორიულად."⁵⁰

უფრო მეტიც, მუზეუმის ერთ-ერთი დირექტორის ვ. სოლოგუბის თბილისიდან გადასვლის შემდეგ, რაფიელ ერისთავის კანდიდატურა წარადგინეს ეთნოგრაფიის დარგში მუზეუმის თანადირექტორის თანამდებობაზე. განყოფილების საერთო კრებაზე გამართულ კენჭისყრაზე რ. ერისთავმა იმდენივე ხმა მიიღო, რამდენიც მისმა კონკურენტმა. მართალია შემდეგ გამგებელმა კომიტეტმა ამ ადგილზე მეორე კანდიდატი ნუმიზმატი და მეცნიერი ი. ბართოლომეი აირჩია და მიუხედავად ამ უკანასკნელის უდავო ღირსებებისა, ეს ფაქტი მაინც იმ დროს გაბატონებული წესით, ადგილობრივი ეროვნული კადრების უტულებელყოფის გამოვლინებად უნდა მივიჩნიოთ.

მუზეუმის წინაშე რ. ერისთავის ღვაწლის მიჩქმალვის ცდასაც ქჟონია ადგილი. ამის დამადასტურებელია ის, რომ მის მიერ 1860 წელს იმერეთსა და სამეგრელოში მოძიებული და მუზეუმში ჩამოტანილი ეთნოგრაფიული კოლექციები სხვა პირს--ამ შემთხვევაში ა. ბერძეს მიაწერეს,⁵¹ რაზეც კარგად შეტყვევებს მუზეუმის კატალოგის ჩანაწერები. ასეთი შემთხვევა ალბათ უკანასკნელი არ იქნებოდა.

რ. ერისთავი, როგორც კავკასიის განყოფილების ჯერ წევრ - თანამშრომელი, მოგვიანებით კი--ნამდვილი წევრი, შემდგომშიც აქტიურად მონაწილეობდა მუზეუმის ცხოვრებაში. უნდა ითქვას, რომ მუზეუმში შედგენილ კატალოგებში ყველაზე სრულყოფილად სწორედ ეთნოგრაფიული ნაწილი არის შესრულებული, რაც რაფიელ ერისთავის შრომის შედეგი უნდა იყოს.

⁵⁰ Отчет Императорского Русского географического общества (შემდგომში - შემოკლებით ИРГО) на 1857, ნაწ. 1, გვ. 105.

⁵¹ ჩაჩაშვილი გ., ქართული ეთნოგრაფიის ისტორიიდან, ს.ს.მ. შობაზე XVII--ბ.

მუზეუმის დიდი მონამატე ყოფილა აგრეთვე ცნობილი ქართველი საზოგადო მოღვაწე მიხეილ თუმანიშვილი. მას 120 ვერცხლის მანეთად შეუძენია ხევსური მამაკაცის ტანსაცმლის და იარაღის სრული კომპლექტი (ჩოხა, ახალუხი, შარვალი, ჯაჭვის პერანგი, ჩაჩქანი, ფარი, ხმალი და ა.შ.) და საჩუქრად გადაუცია მუზეუმის ეთნოგრაფიული კაბინეტისთვის.⁵² აღნიშნული ნივთები სოფელ ერწოში 1854 წლის მარტში შეუგროვებია მუზეუმის ეთნოგრაფიული კომისიის წევრს ზემოთ ხსენებულ თავად ლევან ჩოლოყაშვილს. ამ უკანასკნელის მუზეუმისადმი გულშემატკივრობას კარგად გამოხატავს მისი მიმოწერა მიხეილ თუმანიშვილთან, სადაც გამოთქმულია მზადყოფნა საკუთარი თანხებით შეეძინა ექსპონატები მუზეუმისთვის. მანვე მუზეუმს შესწირა ხევსური მამაკაცის ფეხსაცმელები (ბანდულები) თავისი განმარტებებით,⁵³ რომელიც ეთნოგრაფიული ექსპონატის კვალიფიციურად აღწერის ერთ-ერთ პირველ ცდას და სანიმუშო მაგალითს წარმოადგენდა.

ეთნოგრაფ გ. ჩიტაიას გადმოცემით ამავე პერიოდში ლევან ჩოლოყაშვილს მუზეუმისთვის შეუწირავს ბრინჯაოს აქვამონილი. მხედრული ანბანით შესრულებული წარწერიდან ჩანს, რომ იგი ხმალას ხატისათვის შეუწირავთ.⁵⁴

ეეოგრაფიული საზოგადოების კავკასიის განყოფილების სამდვილ წევრს მიხეილ გიორგის ძე ჭილაშვილს მუზეუმისთვის შემოუწირავს ნივთები, რომელთა შორის აღსანიშნავია ფოლადის მუზარადი ოქროს ბარნიშით. ეს უკანასკნელი გატარებულია განყოფილების მუზეუმის კატალოგში მე-12 ნომრით. ალბათ ეს მუზარადი ჰქონდა მხედველობაში ივ. ჯავახიშვილს, როდესაც სინანულით აღნიშავდა: "ოქროს ბარნიშით უხვად შემკული მშვენიერი ქართული მუზარადიც არსებობს, მაგრამ ჯერჯერობით არც ის არის საქართველოში"⁵⁵ და მიუთითებდა იმ ფაქტზე, რომ

⁵² ჩაჩაშვილი გ., დასახ. ნაშრ., გვ. 110.

⁵³ ჩოლოყაშვილი კ., საქართველოს სახ. მუზეუმის საჭურველის ფონდის ისტორიისათვის სს მ ზოამბე. ტ. XXII—ბ, გვ. 385.

⁵⁴ ჩიტაია გ., ჩემი ცხოვრების გმეზა და ბოლიკეზბე, თბ., 1988, გვ. 70.

⁵⁵ ჯავახიშვილი ი., შოთა რუსთაველისა და მისი ეპოქის გამოფერა, გამ. "კომუნისტი", 1937, 9 მარტი # 55.

ძველ ქართულ საჭურველს გერმანიის მუზეუმებში (ბერლინის ცოიგჰაუზში) უფრო ნახავს ადამიანი, ვიდრე საქართველოს მუზეუმებში. პროფ. გ. ჩიტაია ამას თბილისის მუზეუმების იმდროინდელ შესვეურთა "დამსახურებად" მიიჩნევდა, რომლებიც XIX საუკუნის 70 - იანი წლებიდან უხვად უგზავნიდნენ ევროპის მუზეუმებს ქართულ სამუზეუმო ნივთებს.⁵⁶

თვით მუზეუმი არქეოლოგიურ სამუშაოებს არ აწარმოებდა. როდესაც მ. ჭილაშვილმა საზოგადოების გამგებელი კომიტეტის 1856 წლის 29 დეკემბრის სხდომაზე დააყენა საკითხი თბილისის, ქუთაისისა და ერევნის გუბერნიებში არქეოლოგიური გათხრების ჩატარებისა და ამისთვის ქერჩიდან სათანადო სპეციალისტის მოწვევის შესახებ⁵⁷ ეს აზრი, სხდომაზე არ გაიზიარეს იმ მოტივით, რომ გეოგრაფიული საზოგადოების დებულებით, არქეოლოგიური კვლევა არ შედიოდა კავკასიის განყოფილების საქმიანობის სფეროში.

მუზეუმისადმი დახმარება -- შეწევნა უონდების შევსების მიზნით, სხვადასხვა სახის შემოწირულებათა შემოტანა, უცხო არ ყოფილა თბილისის იმდროინდელი საზოგადოებიათვის. გ. რაღეს აღნიშვნით, მუზეუმისადმი ქველმოქმედებაში მანდილოსნებიც იღებდნენ მონაწილეობას. მაგალითად, ამალია რემეტოვამ მუზეუმს შემოწირა სპარსული ალბომი 40 სურათით.⁵⁸ ი. ბებუთოვის მეუღლემ მარიამმა, მუზეუმს გადასცა ჩრდილოეთ კავკასიაში, პიატიგორსკის მახლობლად აღმოჩენილი 27 ერთეული პალეონტოლოგიური მასალა.⁵⁹ ელისაბედ ვორონცოვამ მუზეუმს სარუქრად გადასცა კავკასიულ ქალთა სამკაულები, სხვადასხვა განსაცემელი, ოქროს, ვერცხლის და ლითონის მონეტები, 1849 წელს მდინარე მალკას ქვის ხილთან აღმოჩენილი ძველებური განძეულობა და სხვა ძვირფასი ნივთები, რის შესახებაც "Кавказский календарь"-ი წერდა: "რომ ისინი არა მარტო პირველ ადგილს დაიჭერენ მუზეუმის ახალ

⁵⁶ Чигая Г., Этнографические исследования Грузинской ССР, "Советская этнография", 1848, 4, გვ. 175

⁵⁷ Записки КОИРГО, ნაწ. IV, 1857, გვ. 246.

⁵⁸ Радле Г., დასახ. ნაშრ., გვ. 35.

⁵⁹ Записки КОИРГО, IV, გვ. 244.

ექსპონატთა შორის, არამელ მათი მეძენა დიდი პატივი იქნებოდა ნებისმიერი იშვიათობათა კაბინეტისათვის.”⁶⁰ მანვე მუზეუმის ბიბლიოთეკას შესწირა ყურანის უნიკალური ხელნაწერი.

გ. რადეს აღნიშვნით, 1853-56 წლებში მუზეუმში უფრო ეთნოგრაფიული ნივთები შემოდიოდა შემოწირულობათა სახით. იგი განსაკუთრებით გამოყოფს სამოგადლოების წევრ-თანამშრომლის, თეირანში მომუშავე რუსი მოხელის ეგორ მაკინცევის მიერ შემოწირულ სპარსულ ნივთებს, აგრეთვე კუს ჯავშნისა და სპილოს ძვლისგან დამზადებულ ინლურ და ჩინურ ნაკეთობებს.⁶¹ აღნიშნულ კოლექციაში ყურადღებას იპყრობდა საომარი იარაღები, ძვირფასი ქვები, მონეტები და ლ.პ აბასის ნაქონი ვერცხლით გაწყობილი ყალიონი.

1856 წელს განყოფილების ნამდვილმა წევრმა გენერალ-ლეიტენანტმა ბარონმა იპოლიტე ვრეესკიმ მუზეუმს საჩუქრად გადასცა ჩეჩნეთში მოპოვებული საინტერესო კოლექცია, რომელშიც იყო ოქროს, ვერცხლისა და ძვირფასი ქვებისგან დამზადებული ნივთები, აგრეთვე შამილის ვერცხლის ორდენების სრული კომპლექტი.⁶² (სულ 11 ვერცხლის ორდენის ნიშანი, რითაც შამილი თავის მებრძოლებს აჯილდოებდა).

სამოგადოების ნამდვილმა წევრმა კ. სარაფოვმა ამავე მუზეუმს უსახსოვრა მუმიის ქვის ქანდაკება იეროგლიფური წარწერით. ვლადიკავკაზის ოლქის უფროსმა მუზეუმს შესწირა ოქროს და ვერცხლის სამაჯურები, ბეჭდები, ყელსაბამები და ოთხი ძველებური მონეტა.⁶³

ამავე წელს, კავკასიის განყოფილების თავჯდომარემ, გენერალმა ვ ბებუთოვმა მუზეუმს შესწირა მდინარე ლაბას ნაპირებთან აღმოჩენილი ბრინჯაოს ძველებური ნივთები. გენერალ-მაიორმა ი. კუტკამისკიმ მუზეუმს გადასცა ორი ფაიფურის თასი ქართული წარწერით.⁶⁴

⁶⁰ «Кавказский календарь» на 1885 г., გვ. 198.

⁶¹ Радде Г., *დასახ. ნაშრ.* გვ. 36. Записки КОИРГО IV, გვ. 250.

⁶² Записки КОИРГО, ნაწ. 4, გვ. 253.

⁶³ Записки КОИРГО, IV, 1857, გვ. 257.

⁶⁴ Записки КОИРГО IV 1857, გვ. 256.

ეთნოგრაფიულ და ისტორიულ ნივთებთან ერთად, მუზეუმში შემოდოდა გეოლოგიური, ბოტანიკური და ზოოლოგიური მასალებიც. 1854 წლის ნოემბერში მუზეუმისთვის ბარონ ა.ვრანგელს საჩუქრად გადაუცია 4 ყუთისგან შემდგარი კოლექცია, რომელშიც იყო 774 ეგზემპლარი კავკასიური მწერი.⁶⁵ 1856 წელს შტაბს-კაპიტანმა ისმაილ აბამელიკოვმა მუზეუმს შესწირა პეპლების მდიდარი კოლექცია.

მუზეუმს ქველმოქმედებას სხვა სახითაც უწევდნენ. სამუზეუმო ნივთების გარდა სწირავდნენ თანხებსაც და სამუერნო ნივთებსაც: 1857 წლის მარტში ა.ნოვოსელსკიმ მუზეუმს გადასცა 200 მან. ვერცხლი, ხოლო ვ. ვერდერევესკიმ მუზეუმს აჩუქა მაგიდის ორი შანდალი, კედლის ოთხი ბრა, კარადა და სხვა საჭირო ნივთები.

კავკასიის განყოფილება მუზეუმში განსაკუთრებით მნიშვნელოვანი ნივთების შემომწირველებს თავის წევრ-თანამშრომლად ირჩევდა და ბეჭდვითი ორგანოს მეშვეობით მაღლობას უცხადებდა.

განყოფილების ანგარიშებსა და მუზეუმის პირველ კატალოგში შემომწირავთა შორის ზემოთ დასახელებულ ქართველ პირთა გარდა მოიხსენიება საზოგადოების ნამდვილი წევრი გიორგი რევაზის ძე ერისთავი, რომელსაც მუზეუმისათვის 1854 წელს საჩუქრად გადაუცია მდინარე ურუპის სათავეებთან აღმოჩენილი ბრინჯაოს უძველესი ნივთები.

მუზეუმის ფონდების შევსება შესყიდვითაც ხდებოდა, თუმცა ამას იშვიათი ხასიათი ჰქონდა. მაგალითად, გამგებელი კომიტეტის 1854 წლის 7 მაისის სხდომის გადაწყვეტილებით საზოგადოების სახსრებიდან გარკვეული თანხა გადაუხადეს ერეენის გუბერნიაში მცხოვრებ ორ მოქალაქეს, რომლებისგან მუზეუმმა მიიღო განძი -- 75 ოქროს მონეტა.⁶⁶

1859 წლის ოქტომბრის გადაწყვეტილებით ლენქორანის ოლქის სოფელ შაქალაქუჯას მცხოვრებლებისგან მუზეუმმა შეიძინა მინდვრის სამუშაოების დროს შემთხვევით ნაპოვნი სპარსული მონეტებისაგან შემდგარი განძი, რომელიც ღოქში იყო

⁶⁵ Рауде Г., *დასახ. ნაშრ.* გვ. 35; Отчет ИРГО на 1855, გვ. 13.

⁶⁶ Записки КОИРГО, 1854, III, გვ. 279.

მოთავსებული.⁶⁷ მუზეუმმა არქიტექტორ ი. პიპიუსისაგან 60 მანეთად შეიძინა შირვანის შაჰების გამთრის რეზიდენციისა და ხანეკახის ციხე-ღარბაზის ორნამენტებითა და წარწერებით. მდიდრულად შემკული მოჭიქული ფილები.⁶⁸ ასე თანდათანობით ივსებოდა და მდიდრდებოდა კავკასიის განყოფილების მუზეუმის ფონდები.

თუ მუზეუმის სამივე განყოფილებაში სხვადასხვა წლებში შემოსულ ნივთების საერთო სტატისტიკურ მონაცემებს გავეცნობით, ასეთ სურათს დავინახავთ:⁶⁹ (ცხრილი 3)

განყოფილებები: (კაბინეტები)	1853 თებ.	1854 იანვ.	1855 მაისი	1856 ოქტომბ.	1857 ოქტომბ.
ეთნოგრაფიული	—	87	87	100	108
საბუნებისმეტყვე.	—	2783	2783	2783	2783
ისტორიული	—	445	445	406	408
სულ	1863	3315	3315	3283	3299

თუ ამ ცხრილს დავუმატებთ პირველი, 1852 წლის მონაცემებს, როდესაც მუზეუმში სულ 105 ერთეული ექსპონატი ირიცხებოდა, მაშინ ასეთ საერთო სურათს მივიღებთ: შემოსულობათა მხრივ შედარებით ზრდა ეტყობა ეთნოგრაფიულ განყოფილებას (ისიც პირველ წლებში). რაც შეეხება საბუნებისმეტყველო განყოფილებას, აქ ექსპონატების ზრდა არ ყოფილა, თუმცა ფონდების საერთო ჯამში მათი ხვედრითი წილი გაცილებით დიდი იყო.

მუზეუმში ბოლო ხანებში შემოსული ნივთებიდან მნიშვნელოვანი იყო ერევნის გუბერნიაში ნაპოვნი ნუმისმატიკური განძი, რომელიც მოიყავდა 349 ვერცხლის მონეტას, მოჭრილს XIV საუკუნის 60-იან წლებში არაბეთში, სირიასა და ამიერკავკასიაში თემურ ლენგის შემოსევების წინ.⁷⁰ აღსანიშნავია ფ. ბაიერნის მიერ 1863 წელს ოუშეთიდან ჩამოტანილი ვერძისა და თხის თავის ბრინჯაოს უძველესი ფიგურები. ამ პერიოდში ჩატარებული ოთხი ექსპედიციის შედეგად, ბაიერნის მიერ მოპოვებული იქნა 322

⁶⁷ Записки КОИРГО, V, 1862, გვ 59.

⁶⁸ Записки КОИРГО, VI, 1864, გვ 26.

⁶⁹ გ. ეორდანია, დასახ. ნაშრ., გვ. 32..

⁷⁰ Записки КОИРГО, V, 1862, გვ. 91.

მინერალოგიური ნიმუში, 100 ერთეული ნუშულიტური ფორმაციის ნამარხი, კავკასიის მცენარეთა 13 ოჯახის 170 სახეობა.⁷¹

ლაგროვილმა მასალებმა მუზეუმს შესაძლებლობა მისცა გაეხსნა გამოფენები და მიეღო პირველი დამთვალეიერებლები.

კავკასიის განყოფილების გამგებელი კომიტეტის 1855 წლის 14 სექტემბრის გადაწყვეტილებით ჭავჭავაძისა და საკომენდატო ქუჩების კუთხეში გაიხსნა მუზეუმის პირველი გამოფენა.⁷²

გამოფენა დამთვალეიერებელთათვის ღია იყო კვირაობით ღღის 11-დან 1-საათამდე, ხოლო გეოგრაფიული საზოგადოების ნამღვილი წევრებისა და წევრ-თანამშრომლებისათვის მუზეუმის ფონდებსა და ბიბლიოთეკაში სამუშაოდ--შაბათობით საღამოს 7-დან 11 საათამდე.

სარეკლამო ცნობები მუზეუმის მუშაობის შესახებ პერიოდულად იბეჭდებოდა "Кавказский календарь" -ში და გაზეთ "Кавказ"-ში.

გ. რაღე მუზეუმის გამოფენის გახსნის სხვა თარიღს ასახელებს, კერძოდ - 1856 წ. 5 მაისს.⁷³ იგი ალბათ ეყრდნობა ამ ღღეს გამართულ განყოფილების საერთო კრების გადაწყვეტილებას, რომლითაც მუზეუმის გამოფენების კვირაობით გახსნის სხვა ღრო დაღგინდა (კერძოდ, ღღის 12-დან 2 საათამდე) და ეს ცნობა უნდა გამოექვეყნებინა გაზეთ "Кавказ"-ს.⁷⁴

მუზეუმის საგამოფენო ღარბაზებში გამოტანილი ექსპონატებიდან დამთვალეიერებელთა ყველაზე ღიდ ღაინტერესებას გ რაღეს თქმით იწვევდა ქვის უნიკალური მეტეორიტი, რომელიც 1857 წლის 24 მარტს ჩამოვარდნილა კოსმოსიდან სტავროპოლთან ახლოს, სოფელ შეიღინოსთან და უპოვნია გღეს კალაშნიკოვს, ხოლო შემდეგ მეფისნაცვლის ბრძანებით შუშუქისათვის გადაუციათ.⁷⁵

რუსეთის საიმპერატორო მეცნიერებათა აკადემიამ 1855 წლიდან ღაიწყო კავკასიის ხაღბთა ეთნოგრაფიული და

⁷¹ Отчет о состоянии и действиях КОИРГО с 1859 по 1864 год, გვ. 25.

⁷² Записки КОИРГО, ნაწ. III, გვ. 292.

⁷³ Радде Г., დასახ. ნაშრ. გვ. 36.

⁷⁴ Записки КОИРГО, ნაწ. IV, გვ. 240.

⁷⁵ Радде Г., დასახ. ნაშრ., გვ. 36

ლინგვისტური საკითხების კვლევა. ამ სამუშაოებში აქტიური მონაწილეობის მიღება დაევალა მუზეუმს.

ჯერ კიდევ მ. ვორონცოვის ინიციატივით 1853 წლის 25 აპრილს გამართულ კავკასიის განყოფილების ფილოლოგიის ქვეგანყოფილების სხდომაზე გეოგრაფიული სააზოგადოების ნამდვილი წევრის გენერალ-მაიორ ო. ხოდმკოს მიერ წამოყენებული იქნა კავკასიაში ეთნოგრაფიული და ფილოლოგიური კვლევის გეგმა. იმავე დროს მ. ვორონცოვის თხოვნით ეს საკითხი განიხილეს რუსეთის საიმპერატორო მეცნიერებათა აკადემიაში. განხილვაში მონაწილეობა მიიღეს აკადემიკოსებმა: ღორნმა, შიოგრენმა, ბროსუმ, შიფნერმა, ბიოტლინგმა და სხვებმა. მაგრამ კავკასიაში სამეცნიერო მუშაობის გაშლას ხელი შეუშალა ყირიმის ომმა.

საომარი მოქმედების შეწყვეტის შემდეგ 1855 წლის 15 თებერვალს კავკასიის განყოფილების კრებაზე, საიმპერატორო მეცნიერებათა აკადემიის 1854 წლის 25 მარტის მოწერილობის საფუძველზე, ისევ დაისვა კავკასიაში ეთნოგრაფიული და ლინგვისტური კვლევის აღდგენის საკითხი.

აღგილობრივ თავისებურებათა გათვალისწინებით მუზეუმმა შეადგინა კავკასიის ეთნოგრაფიული და ფილოლოგიური კვლევის კითხვარები. 400-ზე მეტი ასეთი ბარათი დაეგზავნა კავკასიის მხარის თითქმის ყველა გუბერნიასა და მაზრას.⁷⁶ ამ სამუშაოებს ხელმძღვანელობდა აკადემიკოსი ღორნი. 1856-59 წლებში მნიშვნელოვანი სამუშაოები ჩატარდა კავკასიური ენების შედარებითი ლექსიკონის შესადგენად, უდინთა ენისა და ირანული ჯგუფის ენების კელევისტიის.⁷⁷

მუზეუმს საქმიანი სამეცნიერო ურთიერთობა პქონდა დამყარებული სხვადასხვა ცნობილ სამეცნიერო დაწესებულებებთან: პეტერბურგის საიმპერატორო ერმიტაჟთან, ღრუზღინის სამეფო ბიბლიოთეკასა და ეთნოგრაფიულ მუზეუმთან, პეტერბურგის საჯარო ბიბლიოთეკასა და საიმპერატორო ბოტანიკურ ბაღთან.

⁷⁶ Записки КОИРГО, ნაწ. III, 1855, გვ 250

⁷⁷ Отчет о состоянии и действиях КОИРГО с 1859 по 1864 г.; 1864, გვ. 3.

მუზეუმთან თანამშრომლობდნენ ცნობილი მეცნიერები: აბინი, რუპრეტი, რეგელი, კლემი. დოქტორები: არწრუნი, ვალენტინი, შნაიდერი, ლედერი, სივერსი, ბრანდტი და მსოფლიოში სხვა ცნობილი სწავლულები.

ასევე თანდათანობით იზრდებოდა მუზეუმის ბიბლიოთეკის წიგნების ფონდიც. თუ 1852-64 წლების გეოგრაფიული საზოგადოების ანგარიშებს თუ გადავხედავთ შემდეგ სურათს დავინახავთ: (ცხრილი 4):

წლები	1852	1853	1854	1855	1856	1857	1864
დასახ. წიგნი	172	280	291	381	346	305	382
წიგნების რაოდ.	310	565	579	657	665	631	645

1859 წლიდან მუზეუმისაღმე ინტერესი თანდათანობით ნელდება⁷⁸. როგორც ჩანს, საზოგადოების კავკასიის განყოფილების მუშაობის დანიშნულებასა და მიმართულებაში გარკვეული ცვლილებები ხდება. განყოფილების და თვით მუზეუმის მესვეურთა შორის ბატონდება აზრი იმის შესახებ, რომ უმჯობესია განყოფილებამ საკუთარი დასახელების დანიშნულებას – კავკასიის მხარის შესწავლასა და მეცნიერულ კვლევა-ძიებას მიხედოს და ბუჭდვითი გამოცემებით გააცნოს იგი მსოფლიოს, ვიდრე იზრუნოს მუზეუმზე, რომლის შენახვაც ძალიან ძვირი უჯდება. იმავე მოსაზრებით მუზეუმის კოლექციები შესასწავლად უნდა გადაგზავნილიყო ევროპის მსხვილ სამეცნიერო ცენტრებში. ამ შეხედულებას იზიარებდნენ საზოგადოების კავკასიის განყოფილების თავჯდომარე ალ. კარკევი და მუზეუმის დირექტორი ი. ბართოლომეი.⁷⁹ ამ უკანასკნელს მაგალითად მიაჩნდა, რომ ეთნოგრაფიული ექსპონატების ნაცვლად მუზეუმში საკმარისი იქნებოდა მათი შემცველი ფოტოების გამოყენება.

1861 წლის 13 მაისს გეოგრაფიული საზოგადოების კავკასიის განყოფილების საერთო კრებაზე ი. ბართოლომეი ასეთ განცხადებას აკეთებს: «განყოფილებას არ გააჩნია სახსრები, რომ ეს საგნები (ლაპარაკია მუზეუმის ექსპონატებზე -- გ. ჩ.) დააბინაოს შესაფერის შენობაში და მეცნიერულად დაამუშაოს. განყოფილების მიზანს ხომ

⁷⁸ РАЦЦЕ Г, დასახ. ნაშრ., გვ. 36.

⁷⁹ Записки КОИРГО, VI, გვ. 10

აქაურ მხარეზე ცნობების გავრცელება შეადგენს და არა მუშეუმზე ზრუნვა, რომლის კარგ მდგომარეობაში შენახვა ისე ძვირი ჯდება, რომ ნთქავს განყოფილების ისედაც მცირე თანხებს. გაცილებით სასარგებლო იქნებოდა მათი გამოყენება სამეცნიერო სამუშაოთა ხელშეწყობისა და სამეცნიერო პუბლიკაციებისთვის. მუშეუმში შეიძლება მივიღოთ მხოლოდ მცირე ზომის ნივთები, რომელიც ნაკლებად ზიანდება და არ მოითხოვს დიდ მოვლას. დიდი ზომის ექსპონატები კი მაგალითად, ვებერთელა ძელები, აქაური ხალხის ტანსაცმელი და სხვ., უმჯობესია განყოფილებაში ფოტოსურათების სახით დავიგოვოთ. უკეთესი იქნება თუ ნივთებს გადავუგზავნით იმ დაწესებულებებს, სადაც ისინი უფრო მეტ სარგებლობას მოიტანენ. ამით განყოფილება სრულად გაამართლებს თავის დანიშნულებას ევროპის სამეცნიერო საზოგადოებებისა და სპეციალისტების წინაშე».⁸⁰

აქვე უნდა აღინიშნოს ი. ბართოლომეის რიგი მცდარი სუბიექტური გადაწყვეტილებები, რომლებიც ხშირად მუშეუმს შიშვე მდგომარეობაში აყენებდა. მაგალითად, კავკასიის განყოფილების 1865 წლის 8 დეკემბრის საერთო კრებაზე განიხილეს შეფინსაყელის კანცელარიიდან შემახიის გუბერნიაში მტკვრის ძველ კალაპოტში შემთხვევით ნაპოვნი ნუმისმატიკური განძის მუშეუმში გადმოტანის საკითხი. განძი შედგებოდა ერთო ოქროსა და 3400 ვერცხლის მონეტისგან. იგი დასკვნისთვის გადაეცა ი. ბართოლომეის. როგორც გაირკვა, ვერცხლის მონეტები ნადირ შაჰისა და მისი პირველი მემკვიდრეების ხანისა იყო, ხოლო ოქროს მონეტა-ვენეციაში იყო მოპრილი. პნელი დასადგენია, რითი იხელმძღვანელა ი. ბართოლომეიმ, მაგრამ ფაქტია, რომ მისი დასკვნის შემდეგ მუშეუმმა განძის მიღებაზე უარი განაცხადა "ვინაიდან ეს მონეტები ნუმისმატიკური თვალსაზრისით არავითარ ღირებულებას არ წარმოადგენდა"⁸¹ განძი უკან გადაეგზავნა შემახიის სამხედრო გუბერნატორს.

ი. ბართოლომეის მიუძღვის ბრალი იმაში, რომ მუშეუმში თავის ღროზე ვერ მოხვდა ქართული მეცნიერული ნუმისმატიკის

⁸⁰ Записки КОИРГО, VI, 1864, გვ. 10 .

⁸¹ Записки КОИРГО, IV, 1857, გვ. 246.

ფუძემდებლის, პარიზის მეცნიერებათა აკადემიის წევრის მიხეილ პეტრეს ძე ბარათაშვილის მეტად მნიშვნელოვანი კოლექცია. როგორც გამგებელი კომიტეტის 1861 წლის 16 იანვრის გადაწყვეტილებაშია ნათქვამი, იგი მუზეუმში არ მიიღეს "ი. ბართოლომეის დასკვნის საფუძველზე".⁸² ამის მიზეზად კომიტეტის 22 დეკემბრის დადგენილებაში დასახელებულია ორი გარემოება. "განყოფილებას შეუძლებლად მიაჩნია აღნიშნული კოლექცია თავის მუზეუმისთვის შეიძინოს არა მარტო ფასის სიდიდის გამო, უფრო მეტად იმიტომ, რომ იგი წარმოადგენს სრულიად შეუსაბამო საგანს განყოფილების მიზნებისთვის".⁸³ პირველი მიზეზი გასაგებია, მეორე კი გაკვირვებას იწვევს, რადგან მ. ბარათაშვილის კოლექციაში შედიოდა VI – VII საუკუნეების ქართლის ერისმთავრების, დავით აღმაშენებლისა და თამარ მეფის პერიოდის უნიკალური მონეტები.⁸⁴ ყოველივე ამასი კი ითხოვდნენ 2000 მანეთს. აღნიშნულმა კოლექციამ შემდგომ ბერლინის მუზეუმში დაიდო ბინა.

მუზეუმმა ასევე არ შეიძინა 1862 წელს ქ. თავრიზში მიკვლეული ძველი ქართული და სომხური მანუსკრიპტები, რადგან თურმე, ისინიც "არ შეესაბამებოდნენ განყოფილების მიზნებსა და საქმიანობას."⁸⁵

ი. ბართოლომეის დახასიათება სრული რომ იყოს, მოვიყვანთ ციტატას ლ. ზაგურსკის სტატიიდან, რომელიც მან მიუძღვნა ენათმეცნიერ პეტრე უსლარს. "ჩვენი ღიღების მაძიებელნი, როგორც იყო მაგალითად განსვენებული ბართოლომეი, თავის სასარგებლოდ ექსპლუატაციას უწევდნენ მის (იგულისხმება პ. უსლარი – გ. ჩ.) შრომებს."⁸⁶

ამას დაერთო სხვა ნეგატიური მოვლენებიც. ყირიმის ომში რუსეთის დამარცხებამ გაამძაჟრა და გააუარესა ქვეყნის მდგომარეობა ყველა მიმართულებით. კავკასიის ახალი მეუხისნაცვალი ალ. ბარიატინსკი თავის წინამორბედზე ნაკლებ

⁸² Записки КОИРГО, ნაწ. VI, 1864, გვ. 3

⁸³ Записки КОИРГО, ნაწ. V, 1862, . 17.

⁸⁴ კაპანაძე დ., ქართული ნუმიზმატიკა, თბ., 1969, გვ. 76.

⁸⁵ Записки КОИРГО, V, 1862, გვ. 52.

⁸⁶ Загурский Л., И. К. Усларь, წიგნში, Дрепнейшая сказания о Кавказе, ტფ., 1881, გვ. 6.

დინტერესებას იჩენდა მუზეუმისადმი. 1860 წელს მუზეუმიდან წავიდა ალ. ბერძე და მუზეუმის მდივანი გახდა პაველე რისი. ეს უკანასკნელი მალე გარდაიცვალა და 1861 წელს მის თანამდებობაზე უკვე ვხედავთ დიმიტრი კოვალენსკის. ამავე წელს პეტერბურგში საცხოვრებლად გადავიდა ღირექტორ-თავჯდომარე ა. ნიკოლაი. მისი წასვლის შემდეგ მუზეუმის მმართველობაში გარკვეული ცვლილებები მოხდა: გაუქმდა მუზეუმის ღირექცია და მისი ფუნქციები გადაეცა განყოფილების გამგებელ კომიტეტს, რომელიც მუზეუმზე ხელმძღვანელობას ი.ბართოლომეის მეშვეობით ახორციელებდა. ამ უკანასკნელის პოზიცია კი შემოთ დაეახსნიათ.

ივანე ალექსის ძე ბართოლომი (1813-1870 წ.წ.) ცნობილი ნუმიზმატი, ეთნოგრაფი, გენერალ-ლეიტენანტი, 1856 წლიდან პეტერბურგის მეცნიერებათა აკადემიის წევრ-კორესპონდენტი, იგი მ. ფორონცოვის მოწვევით 1850 წლიდან მსახურობდა კავკასიაში დიპლომატად. პარალელურად ეწეოდა სამეცნიერო საქმიანობასაც. აქ მან მუშაო შეუკროვებინა შოფლოში ცნობილი ნუმიზმატიკური კოლექცია, რომელიც შედგებოდა ძველი სპარსული და ბაქერიული მონეტებისაგან. კავკასიაში იგი ატარებდა არქეოლოგიურ გათხრებს და ეთნოგრაფიულ ექსპედიციებს. სწავლობდა კავკასიურ ენებს და ეტიმოლოგიულ ძველებს. დასაფლავებულია თბილისში.

მუზეუმებისადმი ყურადღების შესუსტება, რასაკვირველია, პირველ რიგში გამოიწვევდა დაფინანსების შემცირებას. მუზეუმს აღარ გააჩნდა თანხები, არა მარტო ახალი კოლექციების შესაძენად, არამედ თავისი ბინის შესანარჩუნებლადაც. ამ პერიოდში ფინანსური სახსრების ნაკლებობის გამო მუზეუმმა ორჯერ გამოიყვალა ბინა. 1858 წელს იგი ჯერ გადავიდა იმავე (ჭავჭავაძის) ქუჩაზე მდებარე მრეწველ ივანე მუბალოვის (მუბალაშვილი) სახლში, ხოლო შემდეგ, 1862 წელს-გოლოვინის (დღევანდელი რუსთაველის) გამზირზე ო. გამაზოვის ბინაში.⁸⁷

ფინანსურად გაჭირვებულ მდგომარეობაში ჩავარდნილი მუზეუმის მიტოვება იწყეს მისმა თანამშრომლებმა. მუზეუმი დატოვეს კ. ჩერმაკმა, რ.ერისთავმა და სხვებმა. განსაკუთრებით შიშვე აღმოჩნდა ნატურალისტ ფ. ბაიერნის წასვლა, რომელიც მუზეუმში 1859 წლიდან კონსერვატორის თანამდებობაზე მუშაობდა

⁸⁷ «Кавказский календарь» на 1863 г., გვ 126.

და მდიდარი საბუნებისმეტყველო კოლექციები შექმნა. მან 1863 წელს მთელი თავისი კოლექცია და მუზეუმის კუთვნილი საბუნებისმეტყველო კოლექციათა ნაწილიც გადასცა სასოფლო-სამეურნეო საზოგადოების მუზეუმს და თვითონაც პრეპარატორის თანამდებობაზე იქ გადავიდა.

1864 წლიდან უსახსრობის გამო გადაწყდა კავკასიის განყოფილების მუზეუმის გაუქმება⁸⁸ და იმავე წლის აგვისტოში იგი დაიხურა. მუზეუმის ბიბლიოთეკა გადაეცა კავკასიის სამხარეო ოლქის სამხედრო შტაბს, ხოლო კანცელარია გადატანილ იქნა გეოგრაფიული საზოგადოების მდივნის დ. კოვალენსკის ბინაში.

რაც შეეხება მუზეუმის კოლექციებს, ფ. კეპენი აღნიშნავს, რომ მუზეუმის ღირუქციის გაუქმებასთან ერთად "კოლექციათა ღიდი ნაწილი აღმოჩნდა ბედის ანაბარად მიგოვებული და ამიტომაც დაიღუპა, ნაწილი კი - დატაცებული იქნა".⁸⁹ ამ ამრს არ იზიარებს პროფ. გ. ჟორდანიას, მართალია იგი აღნიშნავს, რომ განყოფილების მუზეუმის კოლექციათა ნაწილი განადგურდა, მაგრამ მიუთითებს, რომ მისი ღიდი ნაწილი გადარჩა და გადაეცა შემდგომ წლებში გ. რადეს თაოსნობით ჩამოყალიბებულ კავკასიის მუზეუმს.⁹⁰

მუზეუმის ექსპონატების ნაწილი რომ მართლაც დაკარგულა, ამას თვითონ გ. რადე და მისი ბიოგრაფი კ. ჰანიც მიუთითებენ: 1861 წელს მუზეუმის ღირუქციის გაუქმების შემდეგ უმეცხველყოფად დარჩენილი მუზეუმის კოლექციები დაკარგულა, ან გაფუჭებულა. ეერპოდ: მ. ვორონცოვის მიერ შემოწირული კავკასიური ალპური ზონის მცენარეები, ა. რეშეტოვას ნაჩუქარი ეთნორაფიული ალბომი და ფ. ვრანგელის მიერ შემოწირულობა კავკასიური მწერების რამოდენიმე ყუთი.⁹¹ ალბათ დაიკარგა სხვა ბევრი ექსპონატიც, ზოგი კი საზღვარგარეთის სამეცნიერო ცენტრებში გადაიტანეს. მუზეუმის საამაყო ექსპონატი--მეტეორიტი, რბილად რომ ეთქვათ, შემდეგ აკადემიკოს პერმან ვილქელმ აბიხის პირად კოლექციაში აღმოჩნდა.

⁸⁸ "Кавказский календарь" на 1865, გვ. 100.

⁸⁹ Кепен Ф., დასახ. ნაშრ., გვ. 5.

⁹⁰ ჟორდანიას გ., დასახ. ნაშრ., გვ. 97.

⁹¹ Радде Г., დასახ. ნაშრ., გვ. 34-36.

მაგრამ ისიც ფაქტია, რომ რუსეთის გეოგრაფიული სამოგალოების ფონდების დიდი ნაწილი გადაეცა შემოთ ხსენებულ კავკასიის მუზეუმს. 1866 წელს გაზეთი "Кавказ"- ი აღნიშნავდა: "რუსეთის საიმპერატორო გეოგრაფიული სამოგალოების კავკასიის განყოფილების საერთო კრებაზე გასული წლის 30 სექტემბერს სახოგალოების ნამდვილმა წევრმა გ. რადემ კრებას მოახსენა კავკასიის მუზეუმის მოწყობაზე გაწეული შრომის შესახებ და როგორც მისმა დირექტორმა მადლიერების გრძნობით აღნიშნა განყოფილების დამსახურება, რომელმაც თავისი კოლექციებისა და ავეჯის გადმოცემით, მტკიცე საფუძველი ჩაუყარა ახლადწამოყალიბებულ მუზეუმს. ამ უკანასკნელისთვის განსაკუთრებით მნიშვნელოვანი იყო ეთნოგრაფიული კოლექციები, რომლებიც შეიყვანნენ ბევრ საყურადღებო ნივთს. ამავე სიტყვაში რადემ მადლიერებით მოიხსენია აგრეთვე პეტერბურგელი მხატვარი ჰეიმერი, რომლისგანაც ბევრი მნიშვნელოვანი საგამოფენო მასალა მიიღო.⁹²

პროფ. გ. ეორდანიამ კავკასიის განყოფილებისა და რადესეული მუზეუმების კატალოგებისა და მეგზურების შეჯერების საფუძველზე გამოიანგარიშა ექსპონატების საერთო რაოდენობა, რომელიც პირველმა მუზეუმმა გადასცა მეორეს. მისი დასკვნით ეს იყო: კავკასიის განყოფილების მუზეუმის კუთვნილი 173 ისტორიულ-ეთნოგრაფიული მინაარსის მქონე ექსპონატი; სამი ათასამდე გეოლოგიურ-მინერალოგიური, პალეონტოლოგიური და კონქილიოლოგიური მინაარსის მქონე ნივთი; ენკომოლოგიური კოლექციები: 3. აბიხის მიერ შემოწირული ოთხი ყუთი მავნე მწერებით; ფ. ბაიერნის კოლექციებიდან კონქილიოლოგიური მასალების 11 ყუთი; სივერსის, ბაიერნის და ლუდერის მიერ მუზეუმში შემოტანილი ნივთებისა და ბოტანიკური კოლექციები.⁹³

ამრიგად, რიგი წყაროებისა, და მასალის გაანალიზების შედეგად შეიძლება დავასკვნათ, რომ კავკასიის განყოფილების მუზეუმმა თავისი არსებობის მანძილზე ოთხი ეტაპი განვლო:

⁹² გაზ. "Кавказ", 1866 წლის 20 მარტი, № 23.

⁹³ ეორდანია გ. დასახ. ნაშრ., გვ. 113.

პირველი ეტაპი (1852–1853 წწ.) მოიცავს პერიოდს მუზეუმის დაარსებიდან—ყირიმის ომის დაწყებამდე. ეს პერიოდი მუზეუმის ისტორიაში შეიძლება ითქვას, ყველაზე ნაყოფიერი ხანა იყო. ქართველი მამულიშვილებისა და იმ დროს თბილისში მცხოვრებ რუსი და უცხოელ მოღვაწეთა მეცადინეობით, საფუძველი ჩაეყარა მუზეუმს. ამით ხორცი ესხმოდა ხელისუფლების სურვილს—გამოეკვლია და შეესწავლა ეს მხარე.

თანდათანობით შეიკრიბა და შეივსო მუზეუმის ფონდები, რომელიც შედგებოდა ეთნოგრაფიული, ისტორიული და საბუნებისმეტყველო კოლექციებიდან. ამ დროს იყო ბევრი ინიციატივა, კეთილი ნება და ენთუზიაზმი. ახლად ჩამოყალიბებულ მუზეუმს მეფისნაცვლისგან, ხელისუფლებისა და თბილისის საზოგადოებიდან არ აკლდა მზრუნველობა და ხელშეწყობა.


მეორე ეტაპი (1853–1856 წწ.) მოიცავს ყირიმის ომის მთელ პერიოდს. ამ დროს საომარი მოქმედებების გაჭიანურებამ და კავკასიის ტერიტორიაზე გადმოტანამ, ბოლოს, ამ ომში რუსეთის დამარცხებამ, ქვეყანა მძიმე მდგომარეობაში ჩააგდო. საყოველთაო გაჭირვების ფონზე—მ. ვორონცოვის კავკასიიდან წასვლის შემდეგ ხელისუფლების მხრიდან შესუსტდა მუზეუმისადმი ზრუნვა და დახმარება. საზოგადოების ყურადღების სხვა პრობლემებზე გადატანამ, კავკასიის განყოფილების გამგებელი კომიტეტისა და მუზეუმის დირექციის საქმიანობას ბევრი დაბრკოლება შეუქმნა, მაგრამ მიუხედავად ამისა, მუზეუმს ფუნქციონირება არ შეუწყვეტია. და წარმატებით აგრძელებდა დაწყებულ საქმეს. მან თავისი გამოფენების გახსნაც კი შექალო.

მესამე ეტაპი (1856–1859 წწ.) ყირიმის ომის დამთავრების შემდეგ იწყება. ამ დროს შეინიშნება სამუსეუმო საქმიანობის ერთგვარი გამოცოცხლება. ახალი მეფისნაცვლის ალ. ბარიატინსკის ჩამოსვლის შემდეგ ამ მხარეში განსაკუთრებული ყურადღება დაეთმო კავკასიის ხალხთა ეთნოგრაფიისა და ლინგვისტური საკითხების კვლევას, რომელიც ხორციელდებოდა რუსეთის საიმპერატორო მეცნიერებათა

აკადემიის ხელმძღვანელობით. ამ სამუშაოებში აქტიურად
გაბმება მუზეუმიც. მისი ფონდები ივსება მრავალი
შემოწრულობებით და იწყება მათი მეცნიერული დამუშავება.

მეოთხე ეტაპი (1859-1864 წწ.) სამწახაროდ მუზეუმის
მუშაობისათვის არახელსაყრელ პერიოდს წარმოადგენდა.
გეოგრაფიული საზოგადოების კავკასიის განყოფილების
მესვეურთა და მუზეუმის დირექციის ძალისხმევა სულ სხვა
მიმართულებით წარიმართა. მათ შორის ბატონდება
მუზეუმისადმი არაკეთილგანწყობილი პოზიცია. მუზეუმის
მიმართ ყურადღების შესუსტებას მოჰყვა ისედაც მცირე
სახსრების შეკვეცა. კავკასიის განყოფილებისათვის მუზეუმი
გადაიქცა “ზედმეტ ფუფუნებად.” მისი მიტოვება იწყეს ძველმა
თანამშრომლებმა. 1859 წლიდან უკვე იშვიათად შემოდიოდა
მუზეუმის ფონდებში მასალები. მბიმე მდგომარეობაში
ჩაგარდნილი მუზეუმი 1864 წლის აგვისტოდან წყვეტს
არსებობას.

თავისი ხანმოკლე არსებობის მანძილზე გეოგრაფიული
საზოგადოების კავკასიის განყოფილების მუზეუმმა უდიდესი
როლი შეასრულა საქართველოში სამუზეუმო საქმიანობის
აღორძინება-განვითარებაში. ფაქტობრივად იგი იყო პირველი
ოფიციალური სამეცნიერო-საგანმანათლებლო დაწესებულება
მთელ კავკასიაში, სადაც ბევრი გამოჩენილი მეცნიერი
მოღვაწეობდა. ამ მუზეუმიდან იწყება ჩვენში პროფესიულ
სამუზეუმო დაწესებულებათა ქსელის შექმნა.



§ 1 “ნატურალისტ ბაიერნის კაბინეტი”

კავკასიის განყოფილების მუზეუმის იმ ექპონატების გარდა, რომელთაც შემდგომში საფუძველი ჩაუყარეს რადესულ კავკასიის მუზეუმის ფონდებს, იყო ე. წ. “ნატურალისტ ბაიერნის კაბინეტის” კოლექციები.

XIX საუკუნის შუა ხანებში საქართველოში სამუზეუმო საქმიანობას მნიშვნელოვანი კვალი დაამჩნია ნატურალისტმა ფ. ბაიერნმა.

ფრიდრიხ სამუელის ძე ბაიერნი (ბაიერი) (1817-1886 წწ.), სწავლული, არქეოლოგი, გრანსილივანიის კრიმიაგამი დაბადებული, ავსტრია-უნგრეთის სახელმწიფოს მოქალაქე, 1845 წელს ჩამოიღის ოდესაში და რიუფტს პანსიონატში ანატომიის ცნობილი პროფესორის დ. ნორდმანის ხელმძღვანელობით ეუფლება საბუნებისმეტყველო მეცნიერებს.⁹⁴ სწავლულების უპაროვისა და მნიშეის რეკომენდაციით მ. ვარონსკოვი მას კავკასიაში სამუშაოდ იწვევს. 1849 წელს კავკასიაში გადმოსვლის შემდეგ იგი იწყებს ინტენსიურ საველე-მოხიებით სამუშაოებს, აღვილობრივი ფლორის, ფაუნის და სიძველეების კვლევას. ფ. ბაიერნმა თითქმის მთელი ამიერკავკასია ფეხით შემოიარა და შექმნა დიდადი საბუნებისმეტყველო კოლექციების შეგროვება, რომლებმაც შემდგომში საფუძველი ჩაუყარეს თბილისის იმდროინდელი მუზეუმების გეოლოგიურ, ბოლოლოგიურ და ბოტანიკურ ფონდებს.

1852 წლის მაისში კავკასიის მეფისნაცვლის მ. ვორონცოვის ნებართვით იგი მიიწვიეს მსამუშაოდ რუსეთის საიმპერატორო გეოგრაფიული საზოგადოების კავკასიის განყოფილების მუზეუმში. ამის შესახებ საზოგადოების ანგარიშებში ნათქვამია: “მუზეუმის დირექციამ გაითვალისწინა ის დარემოება, რომ მხოლოდ სრული საბუნებისმეტყველო ნივთთა კოლექციები მიანიჭებდა მუზეუმს ნამდვილ მნიშვნელობას და მათ შესაკრებად საჭირო იყო ადამიანი, რომელმაც სპეციალურად იცოდა ეს საქმე, აკადემიკოს აბიხისაგან უაღუბითი გამოხმაურების შემდეგ, მუზეუმში სამუშაოდ მოიწვია ბაიერნი.”⁹⁵ 1859 წლის მარტიდან ფ. ბაიერნი იწყებს მუშაობას ამ მუზეუმში კონსერვატორის თანამდებობაზე, ხოლო 1863 წლიდან ტყეშობს სოფლის მეურნეობის სასოგადოების მუზეუმში.

⁹⁴ საქართველოს სახელმწიფო მუზეუმის არქივი, 1882, 26/15, გვ. 57.

⁹⁵ Отчет о состоянии и действиях КОИРГО с 1859 по 1864 год, 1864, გვ.

მის მიერ ინტენსიურად წარმოებული საველე-მოძიებითი სამუშაოების შედეგად, აღნიშნულ მუზეუმებში დიდად გაიზარდა საბუნებისმეტყველო განყოფილებების ფონდში დაცული მასალები, განსაკუთრებით კი პალეონტოლოგიურ—(წარსულ გეოლოგიურ დროთა განმარხებული ნაშთები), კონქილიოლოგიურ—(უძველესი გაქვავებული ნივარები), დენდროლოგიურ — მცენარეული, ენტომოლოგიურ—(მწერებისა და მინერალოგიური ნიმუშების) ექსპონატები.

აქტიურ საველე-მოძიებით სამუშაოებს ფ. ბაიერნი წარმატებით უთავსებდა სამეცნიერო მოღვაწეობას. მის მიერ კავკასიაში აღმოჩენილ ბევრ მცენარეს მისი სახელი ეწოდა და პირველად იქნა შეტანილი საბუნებისმეტყველო მეცნიერების მიმოქცევაში.

XIX საუკუნის თბილისურ პრესაში და სხვადასხვა საზოგადოებების საერთო კრებებზე ხშირად მოიხსენიებდნენ ფ. ბაიერნს და მადლობას უცხადებდნენ მუზეუმის ფინანსების გამდიდრებისათვის.⁹⁶

გეოგრაფიული საზოგადოების კავკასიის განყოფილების ანგარიშებში ხაზგასმით აღნიშნულია: "ბატონი ბაიერნი უკვე 15 წელია ეწევა მხარის საბუნებისმეტყველო ისტორიის შესახებ მასალების შეკრებას. მან კავკასიის განყოფილების უურადღება მიიქცია, როგორც თავისი საქმის მოყვარულმა და უანგარო პიროვნებამ."⁹⁷

50-იანი წლების შუა ხანებში ფ. ბაიერნს უკვე იმდენი მასალა დაუგროვდა, რომ მის გამოსაფენად აღარ კმარობდა თბილისში იმ დროს არსებული მუზეუმების საექსპოზიციო დარბაზები და ფონდსაცავები. ამიტომ ამ კოლექციათა დიდი ნაწილის დაბინავება მას თავის სახლში უხდებოდა, რაც არ იყო სათანადოდ დაცული სტიქიური უბედურებისგან 1855 წლის გაზაფხულზე აღიფლებული მტკერის წყლის შეყარვად ბაიერნის ბინაში და დიდი ზიანი მოაყენა მის კოლექციებს.

1856 წელს მან მოახერხა თბილისში, გერმანული კოლონიის ტერიტორიაზე, მტკერის მარცხენა ნაპირზე დიდუბეში — თავისი მდიდარი კოლექციების გამოსაფენად. გაეხსნა მცირე მუზეუმი. მუზეუმი მოთავსებული იყო გერმანელი ვაჭრის ვინძე

⁹⁶ "Кавказский календарь" на 1861 г, გვ. 178.

⁹⁷ Отчет о состоянии и действиях КОИРГО с 1859 по 1864 год, 1864 გვ. 24.

მაიერის ჭკრივის ბინაში და მას თბილისის საზოგადოებაში "ნატურალისტ ბაიერნის კაბინეტად" მოიხსენიებდნენ.

აღნიშნული მუზეუმი წმინდა საბუნებისმეტყველო პროფილისა იყო. ექსპოზიციაში წარმოდგენილი იყო ფ. ბაიერნის მიერ კავკასიაში სხვადასხვა დრის მოძიებული გეოლოგიური, ბოტანიკური და ზოოლოგიური მასალები. გამოუენა პირველ ხანებში ღია იყო დამთვალეირებულთათვის ოთხშაბათობით 12-დან 2 საათამდე, ხოლო 1861 წლიდან კი - ყოველდღე 10-დან 4 საათამდე.⁹⁸

მის გამო გაზუთი "Кавказский календарь"-ი იტყობინებოდა: "ბატონ ბაიერნს, რომელსაც აქეს სურვილი შეძლებისდაგვარად იყოს სასარგებლო მათთვის, ვინც დაინტერესებულია საბუნებისმეტყველო მეცნიერებებით და ამ დარგში მისი მრევალწლიანი შრიმის შედეგებით, ალებს თავის კაბინეტს ყოველწლიურად 1 ოქტომბრიდან 30 აპრილის ჩათვლით. კაბინეტი მუშაობს ყოველ კვირას ორშაბათობით 8 საათიდან შუა დღემდე. ვინც მოისურვებს კაბინეტში დამატებით მუშაობას, იგი მზადაა გამოყოს მათთვის რამოდენიმე დღე კვირაში."⁹⁹

ყრიდრიხ ბაიერნისათვის მასალების მოძიების თვალსაზრისით განსაკუთრებით ნაყოფიერი გამოდგა 1859-63 წლები, როდესაც მან რუსეთის საიმპერატორო გეოგრაფიული საზოგადოების კავკასიის განყოფილების დავალებით, ზოგ შემთხვევაში პირადი ინიციატივითაც შემოიარა ერევნის, ეჩმიაძინის, დაღესტნის, ახალციხის, ბორჩალოს, რაჭის, ფშავ-ხეესურეთისა და შიდა ქართლის მიდამოები. ამ ადგილებიდან მან ბევრი პირველხარისხოვანი პალეონტოლოგიური, მინერალოგიური და ენტომოლოგიური ნიმუშები შეაგროვა, რითაც გაამდიდრა თავისი კოლექციები. ამ ექსპედიციების პირველ ეტაპზე მას თან ახლდა პეტერბურგის მეცნიერებათა აკადემიის წევრი პენრიხ ოტო ვილჰელმ აბიხი. ამ უკანასკნელმა და ცნობილმა მეცნიერმა აკადემიკოსმა ფრანც ივანეს ძე რუპრეხტმა შექმნა აქტიური მონაწილეობა მიიღეს ფ. ბაიერნის კოლექციების კლასიფიკაციასა და მეცნიერულ დამუშავებაში.¹⁰⁰

ბაიერნის მიერ მოპოვებულ მასალათა მეცნიერულ ღირებულებებზე აღნიშნული იყო საზოგადოების ანგარიშებში:

⁹⁸ "Кавказский календарь" на 1861 г., გვ. 178

⁹⁹ "Кавказский календарь" на 1863 г., გვ. 128

¹⁰⁰ Записки КОИРГО, ნაწ VI, 1864 გვ. 27-29

“ბატონი ბაიერნის მიერ ამ აღგილებიდან ბოლო ოთხი წლის მანძილზე შეკრებილ დიდძალ მასალების შესახებ უნდა დავასკვნათ, რომ თუ მხედველობაში მივიღებთ ამ საქმეში მის გამოცდილებასა და იმ მეცნიერთა აღიარებას, რომელთაც მას უხდებოდა მუშაობა — შეიძლება ამ მასალათა ღირსებებზე თავდებობა.”¹⁰¹

მუზეუმის ფონდების ასეთი გამდიდრებისთვის ფ. ბაიერნი ძალზე დადებითად არის დახასიათებული 1863 წლის “Кавказский календарь”-ის ფურცლებზე, სადაც სპეციალური სტატია არის მოთავსებული მისი “კაბინეტსზე.” აქ აღნიშნულია: “ბატონი ბაიერნი განსაკუთრებით დაკავებულია საბუნებისმეტყველო მეცნიერებებით. მან მთელი თავისი საქმიანობა მიუძღვნა კავკასიის მხარის შესწავლას რომლის დიდი ნაწილიც ფეხით აქვს შემოვლილი. ჩვიდმეტი წლის მანძილზე მან მოასწრო შეკრება მინერალების, ნამარხეულის, გაქვავებული ნიჟარებისა და სხვა ნიმუშები. მისი მასალებიდან დანსაკუთრებით აღსანიშნავია ის დიდი კოლექცია, რომელშიც არის მწერების თითქმის ყველა სახეობა, რომელიც ამ მხარეში გვხვდება. ეს თავის მხრივ ერთადერთი კოლექციაა, რომელიც დაამშვენებდა ყუროპის ნებისმიერი დედაქალაქის მუზეუმს.”¹⁰²

ზემოთ ხსენებული ექვდიციების დროს 1859 წელს იგი ძალზედ დაინტერესდა არარატის მთასთან იგდირთან აღმოჩენილი ურარტული ლურსმნული წარწერებით. ამის შემდეგ იგი არქეოლოგიურ კვლევას კიდებს ხელს და სიცოცხლის ბოლო ოცი წელი ემსახურება მას. აფხაზეთში ფ. ბაიერნმა აღმოაჩინა ღოღამენები, გათხარა ადრინდელი შუა საუკუნეების სამაროვნები შავი ზღვის პირას, სართიჭალასა და დუშეთთან; გვიანდელი ბრინჯაოს ხანის სამაროვანი დილიჟანის ხეობაში, არქეოლოგიური ძიება ჩაატარა ყაზბეგში, ურბნისსა და ნიჩბისში. 1872 წელს დაიწყო სამთაქროს სამაროვნის გათხრა, სადაც გამოავლინა გვიანდელი ბრინჯაოს, ადრინდელი რკინის, ანტიკური და ადრინდელი ფეოდალური ხანის სამარხები და აგრეთვე მინის საწარმოს ნაშთი. გათხრების ანგარიშებს აქვეყნებდა რუსულად, გერმანულად და ფრანგულად. ბაიერნის გათხრებით მსოფლიო

¹⁰¹ Записки КОИРГО, VI, 1864 გვ. 29

¹⁰² Кавказский календарь из 1863 г. გვ. 127.

მეცნიერება პირველად გაეცნო საქართველოს არქეოლოგიურ სიძველეებს.¹⁰³

ფ. ბაიერნის საქმიანობას ყოველთვის დიდი ინტერესით აღჟენებდა თვალს ქართული საზოგადოება. მცხეთაში წარმოებულ საბუნების შესახებ სერგეი მესხი იტყობინებოდა: “ერთი ძველის მცოდნე (არხეოლოგი) უფ. ბაიერნი გაიგზავნა აქ გზის მშენებლობაზე, რომ თვალყური ედევნა და გამოეკვლია, თუ რაიმე შესანიშნავს ნახავდა. უფ. ბაიერნმა ბევრი რამ ყურადღების ღირსი იპოვა და ახლა გაზეთ “კავკაზში” დაბეჭდა თავისი გამოკვლევა და აღწერა ზოგიერთი ნივთები, რომელიც მცხეთის ახლო-მახლო ამოსჩხრიკა. ყველაზე მომეტებული ყურადღება უფ. ბაიერნმა მიაქცია ქვის სასაფლაოებს, რომელიც აღმოჩნდა სამთავროს-მონასტრის ახლოს აქ მუშებს 300 საფლაოზე მეტი ამოუთხრიათ. ამის გარდა ბაიერნს გამოუკვლევია მტკერის ნაპირები და დარწმუნებულია, რომ მტკერის ორივე ნაპირზე თითქმის თბილისამდე აქ ერთ ღროს სიცოცხლე ქუხდა.”¹⁰⁴ ფ. ბაიერნის ყოველ ახალ აღმოჩენას ოპერატიულად ეხმაურებოდა ქართული პრესა. “საქართველოს ისტორიის და მწიგნობრობის შესახებ ამ ახლოხანებში პატივცემულს და დაუღალავად მშრომელს ჩვენს არხეოლოგს ბატონს ბაიერნს აღმოუჩენია ძველ ფულზე და ერთს მცხეთაში ნაპოვნ ქვაზე უძველესი ქართული მხედრული წარწერა”¹⁰⁵.—წერდა გაზეთი “დროება”.

როგორც ცნობილი არქეოლოგი გ. ლომთათიძე აღნიშნავდა “შეიძლება ითქვას, რომ პრაქტიკულად ამ მუშაობამ ჩაუყარა საფუძველი ჩვენში გათხრითს არქეოლოგიას, მაგრამ სამწუხაროდ ამ საფუძველს ბევრი რამით დაედება წუნი — არც თხრა წარმოებდა წესიერად და არც ამონათხარის ისტორიული გააზრება იდგა ჯეროვან დონეზე”¹⁰⁶ ამის გამო მას სამართლიანად აკრიტიკებდნენ თავის დროზე ქართული საზოგადოების მოწინავე წარმომადგენლები.

ფ. ბაიერნის ბოლო წლების საქმიანობაზე რამოდენიმე წერილი გამოაქვეყნა ილია ჭავჭავაძემ. იგი მის შესახებ წერდა: “ბაიერნი, რომელმაც სამთავროს სასაფლაო მცხეთაში გათხარა და ბევრი არქეოლოგიური ნივთი იპოვნა, ეს ბაიერნი ცნობილია,

¹⁰³ გაგოშიძე ი., ბაიერნი, ქართული საბჭოთა ენციკლოპედია, ტ. 2, თბ., 1977, გვ. 154

¹⁰⁴ გაზ. “დროება,” 1872 წლის 4 თებერვალი, № 5.

¹⁰⁵ გაზ. “დროება”, 1882 წლის 3 ივლისი, № 137.

¹⁰⁶ ლომთათიძე გ., წინაპართა ნაკვალევზე თბ., 1952, გვ. 63

როგორც კარგი მთხრელი საფლავებისა და საფლავებში ნაპოვნის კეთილსინდისიერი და უტყუარი აღმწერი, ხოლო მისი საისტორიო დასკვნა და განსჯა კი ყველასაგან სასაცილოდ არის აგდებული. მოდით მართლა და ნუ გაგვიცინებათ, რომ ეს ბატონი ბაიერნი ალექსანდრე მაკედონელის საფლავს სადღაც ავლადბრის ხევში ეძიებდა, და სემირამიდას, რომელიც ახლა მითიურ არსებად შიშნულია, წიწამურში, მცხეთის პირდაპირ არაგვ – გაღმა.”¹⁰⁷

(სამთავროს ფილა ქვებით ნაგებ სამარხების არქეოლოგიური გათხრების დროს დამწვარი ძელებისა და მათი ნაკლულობათა აღმოჩენის შედეგად ბაიერნმა ზერელედ დაიწყო იმის მტკიცება თითქოსდა მცხეთაში. მოსახლე ძველ ქართულ ტომებში კაცობაშია, კანინბალიზმი მასიურად იყო გავრცელებული.

(ბაიერნის ამ თეორიას მიმდევარიც გამოუჩნდა, ხალხოსნური მოძრაობის ერთერთი აქტიური წევრის ივანე ჯაბაძარის სახით. ამ უკანასკნელმა ციმბირის ათწლიანი გადასახლებიდან დაბრუნების შემდეგ პეტერბურგის ჟურნალ “Северный вестник”-ში გამოაქვეყნა ეროვნული ნიჰილიზმით გაქვინთილი სტატია – “წერილი საქართველოზე”, სადაც მთლიანად გაიზიარა ბაიერნის ზემოთ ხსენებული მოსაზრება.

ილიამ სასტიკად გაილაშქრა მათ წინააღმდეგ. 1889 წელს მან წერილების მთელი სერია მიუძღვნა ამ “უღონო თეორიების” გაბათილებას “აი ისტორია”-ს სახელწოდებით: “ბაიერნისაგან ზეგარდმო შთაგონებულმა ავტორმა ვითომც დაგვიმტკიცა – ქართველები ადამიანის ხორცის მჭამელები იყვნენო სამთავროს სასაფლაოს ხანაში”¹⁰⁸ აღშფოთებით წერდა იგი და მიუთითებდა, რომ “ბაიერნის მოწმობა – კი შისთვის საჭირო იყო, რომ ქართველები ბარბაროსებად გამოეყვანა.”¹⁰⁹

იმდროინდელი ცნობილი მეცნიერების მოსაზრებებზე დაყრდნობით ილიამ დაბეჯითებით უარყო ამ თეორიის უსაფუძვლობა: “გრაფმა უგაროვმა, რომელმაც თაქისი თქალით დასინჯა სამთავრო საფლავები და მერე ტიზენაუზენენმა ცხადად დაამტკიცეს, რომ ის საფლავები საცა ბაიერნს რამდენიმე კაცის ძელები ერთმანეთში არეული უნახავს, საოჯახო სამარხნი ყოფილან – რაც შეეხება კაცისმჭამელობას, ეს ისე უღირსად დაინახეს უგაროვმა და ტიზენაუზენენმა, რომ

¹⁰⁷ ჭავჭავაძე ი., თხზ. სრ. კრებული 10 ტომად, ტ. V, თბ., 1955, გვ. 98

¹⁰⁸ ჭავჭავაძე ი., თხზ. სრ. კრებული 10 ტომად, ტ. IV, თბ., 1955, გვ. 103.

¹⁰⁹ იქვე, გვ. 99

ყურიც არ ათხოვეს და ამის თაობაზე ბაიერნს პასუხიც არ აღიარეს." 110

ილიას კვალდაკვალ ქართველი ისტორიკოსებიდან ბაიერნის მიერ სამთავროს სამაროვნებში აღმოჩენილ მასალებს მეცნიერული ახსნა პირველად დიმიტრი ბაქრაძემ მოუძებნა. მოახდინა რა ამ მასალათა კლასიფიკაცია იგი მიუთითებდა, რომ მცხეთის სამაროვნებში აღმოჩენილი ნივთთა სიმრავლე და მრავალფეროვნება, მათი დამუშავების ტექნიკა ძველ ქართველ ტომთა ბარბაროსობაზე კი არ მიანიშნებდა – არამედ მოწმობდა მოცემულ ეტაპზე მათ დაწინაურებულ ყოფაზე".¹¹¹

ასევე შერეივებული იყო ილია ბაიერნის იმ მოსაზრებისადმი, რის მიხედვითაც მის მიერ მცხეთაში სამთავროდან არქეოლოგიური გათხრების შედეგად აკრეფილი თავის ქალები თითქოსდა ქართველებისა არ იყო. ამის შესახებ ილია ირონიულად მიანიშნებდა ზოგიერთი მეცნიერის ავტორიტეტზე და მის "გაბედულ" თეორიებზე: "მაშ სწავლულები რისთვის არიან ქვეყანაზე, თუკი ბაიერნისაგან გაგზავნილი გამოხრული თავი იცნეს პარიჟში და სთქვეს სკვითის თავი არისო. იმათ რა დაემადლებათ ცას ქვეშეთ. ამ შემთხვევაში სხვა არაფერი არ არის საჭირო, მხოლოდ იმის მეტი, რომ სწავლულობის სახელი ჰქონდეს დაეარდნილი და ამასთან ცოტა გაბედუა და გულადობა; მაშინ ყოველისფერს დაუჯერებენ. აბა, ვინ გაბედავს და ვინ იტყვის, რომ მცხეთაში ნაპოენი თავი ქართველისა არის და არა სკვითისა."¹¹²


როგორც ჩანს, ფრიდრიხ ბაიერნი პრაქტიკულ ნატურალისტობას ვერ გასცდა. მაგრამ მისი ღვაწლი და ენთუზიაზმი კავკასიაში საბუნებისმეტყველო მეცნიერების მასალების შეკრების საქმეში უდავოდ დასაფასებელია. მის მიერ მოძიებული და "კაბინეტში" ექსპონირებული ძვლადარი კოლექციები ცოტა მოგვიანებით, 60-იანი წლების ბოლოს, გადაეცა კავკასიის მუსეუმს და თვითონაც სიცოცხლის ბოლომდე ამ დაწესებულების კედლებში მუშაობდა კონსერვატორის თანამდებობაზე.

¹¹⁰ იქვე, გვ. 124

¹¹¹ ბაქრაძე დ., ისტორია საქართველისი (უძველესი დროიდან X საუკუნის დასასრულამდე, ტფ., 1889 გვ. 72-73

¹¹² ჭავჭავაძე ი., თხზ. სრ. კრებული, 20 ტომად, ტ. V თბ., 1991 გვ. 476.

კავკასიის მუზეუმში მუშაობის პერიოდში ფ. ბაიერნმა თავი გამოიჩინა საბუნებისმეტყველო ხასიათის ექსპონატების მაღალკვალიფიციურად დამუშავებისა და მოწესრიგების საქმეში, რისთვისაც მუზეუმის დირექციის მიერ დაენიშნა პენსია 600 მანეთის ოდენობით, გამოეყო საცხოვრებელი ფართი და მიეცა უფლება ეცხოვრა მუზეუმში.
უმეშევიდროდ დარჩნილი მარტოხელა მოხუცი, როდესაც გარდაიცვალა 1886 წლის ნოემბერში, დაკრძალვის ხარჯები კავკასიის მუზეუმმა გაიღო



თავი II

კავკასიის მუზეუმი და თბილისის საჯარო ბიბლიოთეკა.

§ 2 კავკასიის მუზეუმისა და საჯარო ბიბლიოთეკის დაფუძნება, მათი გაერთიანება და პირველი ექსპოზიციები (1865 - 1870წწ).

XIX საუკუნის 60-იანი წლებიდან ქართველი ხალხის ისტორიაში მნიშვნელოვანი ეტაპი იწყება. 1864 წელს აფხაზეთის სამთავროს გაუქმებით რუსეთმა დაამთავრა საქართველოს სამეფო-სამთავროთა ძალით მიერთება. ამავე პერიოდში შამილის დატყვევებით მან შეძლო წარმატებით დაემთავრებინა კავკასიური ომები და მთელი ჩრდილოეთი კავკასია დაემორჩილებინა. იწყება კავკასიაში კოლონიზაციის ახალი ეტაპი, რომლის დედააზრიც რუსეთის მიერ მხარის სრულ პოლიტიკურ, ეკონომიკურ და კულტურულ ათვისებაში მდგომარეობდა. ამ პოლიტიკის პრაქტიკულად განმხორციელებელს კავკასიის ახალ მეფისნაცვალს ალექსანდრე ივანეს ძე ბარიატინსკის (1856-1862 წწ.) მის წინამორბედ მ. ვორონცოვზე მეტი უფლებები უბოძეს. კავკასიის ადმინისტრაციას უფრო მეტი საშუალება მიეცა, მხარე თვითნებურად ემართა. ალ. ბარიატინსკი წინა მეფისნაცვალ მ. ვორონცოვზე მეტად “ჯარისკაცი” და “პირდაპირი” აღმოჩნდა და საქმეს მთელი მონდომებით შეუდგა. მისი მთელი მეცადინეობა მიმართული იყო იქითკენ, რომ კავკასიაში ისეთივე მმართველობის სისტემა, კანონები, ადმინისტრაციული დაყოფა, სახელმწიფო დაწესებულებები და სამოხელეო აპარატი დაემკვიდრებინა, როგორც რუსეთში. მოესპო ყოველგვარი განსხვავება რუსეთის შიდა გუბერნიებისაგან.

სულ მოკლე ხანში კავკასიის კოლონიზაციის საქმეში ალ. ბარიატინსკიმ გარკვეულ წარმატებებს მიაღწია. “მთავრობამ შეძლო მმართველობის იმდენად ძლიერი აპარატის შექმნა, რომ სამოქალაქო მმართველობის ორგანოები და იქ მოკალათებული მოხელეები, რუსული კულტურული დაწესებულებები, მრავალრიცხოვანი ჯარის ნაწილები, პოლიცია, მომადლებული ექსპლუატატორული კლასები... ყველაფერი ეს მთავრობის

დასაყრდენს წარმოადგენდა და საეკსპედიციო უზრუნველყოფდა საქართველოში მისი პოლიტიკის გატარებას მთელი სისრულით".¹¹³

1862 წელს კავკასიის მეფისნაცვლად დაინიშნა იმპერატორ ნიკოლოზ პირველის რიგით მეორე ვაჟი, დიდი მთავარი, მიხეილ ნიკოლოზის ძე (1862-1881 წწ.), რომელშიც თითქოსდა შერწყმული იყო წინა მეფისნაცვლების თვისებები — მ. ეორანცოვის შეფარული მზაკვრობა და ალ. ბარიატინსკის "ჯარისკაცობა". მისი კავკასიაში ხანგრძლივი მოღვაწეობის პერიოდში კიდევ უფრო გააქტიურდა ადგილობრივი მოსახლეობის დამორჩილება-დაწინააღმართების საქმე.

იმპერატორი ალექსანდრე II ასე მოძღვრავდა თავის ძმას-კავკასიის მეფისნაცვალს 1870 წლის 13 სექტემბრის წერილში: "კავკასიური ომების დასრულების შემდეგ დგება ახალი, არანაკლები მნიშვნელობის სახელმწიფოებრივი ამოცანა — კავკასიის ხალხთა საბოლოოდ დამორჩილება და მთიელ ტომებზე ჩვენი ზნეობრივი ძალაუფლების დამყარება, რომელიც ქვეყნის მშვიდობიანი დაუფლების საიმედო საფუძველი უნდა გახდეს".¹¹⁴

ასეთ ვითარებაში იწყება ქართველობის გადარჩენისთვის ბრძოლის ახალი პერიოდი. ამ დროს ასპარეზზე გამოდიან თერგდალეულები, სამოციანელთა დიდი თაობა ილია ჭავჭავაძის მეთაურობით, რომელთა მიზანი იყო ქართველი ხალხის განთავისუფლება კოლონიური ჩაგვრიდან. მათი ბრძოლა მიმართული იყო საქართველოს განახლება-განათლებისაკენ, რის საფუძველზეც უნდა განხორციელებულიყო ერის სოციალური და პოლიტიკური თავისუფლება.

ამ პერიოდში საქართველოში ეროვნულ-განმათავისუფლებელი მოძრაობა თვისობრივად ახალ საფეხურზე ადის. ადრინდელ სტიქიურ, შეიარაღებულ ანტიარევიმულ გამოსვლებს ცვლის იდეოლოგიური ბრძოლა. თერგდალეულთა მთელი ძალისხმევა მიმართული იყო იმისკენ, რომ დაეცვათ ერის პოლიტიკური უფლებები, მოსახლეობას შეენარჩუნებინა ეროვნული ცნობიერება, რწმენა, ენა და

¹¹³ შ. ჩხეტია, რუსული მმართველობის სისტემა საქართველოში (1844-1864წ), საქართველოს სახელმწიფო მუზეუმის მოამბე, XII-ბ, თბ., 1914. გვ. 14.

¹¹⁴ საქართველოს სახელმწიფო მუზეუმის არქივი (შეგდგომში შემოკლ-სსმ არქივი) 1971, 16/5, გვ. 110.

კულტურა, რასაც ქართველი ხალხი უნდა შეემზადებინა კოლონიური უღლის გადასაგდებად.

ამ მიზნების მისაღწევად განსაკუთრებული მნიშვნელობა ჰქონდა სხვადასხვა საზოგადოებრივ და კულტურულ-საგანმანათლებლო დაწესებულებათა შექმნას.

XIX საუკუნის მეორე ნახევარში ბუკრი დაწესებულება ჩამოყალიბდა, რომელთა შორის განსაკუთრებული მნიშვნელობა უნდა ჰქონოდა სამუზეუმო დაწესებულებებს. კავკასიის მუზეუმი, წერა-კითხვის გამავრცელებელი საზოგადოების მუზეუმი, საეკლესიო მუზეუმი და სხვ. ისინი ობიექტურად ემსახურებოდნენ მოსახლეობაში განათლების, თვითმყოფადობისა და პროფესიონალიზმის ამაღლებას, რაც ნაწილობრივ ემთხვეოდა ხელისუფლების იმჟამინდელ მიზნებს—მეცნიერულად შეესწავლა კავკასია—მისი ფლორა და ფაუნა, წიაღისეულის სიმდიდრეები, ადგილობრივი ზნე-ჩვეულებები, ცხოვრების წესი და ტრადიციები.

1865 წელს დაფუძნდა მუზეუმი, რომელსაც საზოგადოებაში "კავკასიის მუზეუმს" უწოდებდნენ. მისი შექმნა დაკავშირებული იყო ცნობილ ბუნებისმეტყველ და ეთნოგრაფ გუსტავ ივანეს ძე რადეს სახელთან. წარმოშობით გერმანელი გუსტავ რადე დაიბადა სკოლის მასწავლებლის ოჯახში, 1831 წლის 15 ნოემბერს ქლაქ დანციგში (ახლანდელი გდანსკი). იმ ქლაქში, რომელიც ყოველთვის იყო განხეთქილების საგანი გერმანიასა და პოლონეთს შორის. 1789 წლიდან იგი გერმანიას ეკუთვნოდა. ბავშვობა გ. რადემ პრუსიაში გაატარა, მაშაჰისი ივანე (იოჰან) რადე ბუნებისმეტყველებას ასწავლიდა ტინგენგოვის სკოლაში. გუსტავ რადემ შრომითი საქმიანობა ადრინდელი ასაკიდან დაიწყო. იგი პროვიზორის თანაშემწედ მუშაობდა დანციგის ერთერთ აუთიქში და ოცნებობდა ბერლინში გამოცდების ჩაბარებაზე ფარმაცევტის სპეციალობაზე. მას თავიდანვე იტაცებდა საბუნებისმეტყველო მეცნიერებები.

50-იან წლებში პროფესორების ა. მენგესა და პ. კუმის რეკომენდაციით გ. რადეს ყურადღება მიაქცია დანციგის საბუნებისმეტყველო საზოგადოებაში, რომელმაც მას შესთავაზა საბუნებისმეტყველო კოლექციების შეგროვების მიზნით სამხრეთ რუსეთში გამგზავრება. რუსეთის კონსულმა ფონ ადელუნგმა ამ მგზავრობისთვის მოუხერხა პანკორტი და გამოუყო 200 მანეთი. გ. რადევ დათანხმდა ამ წინადადებას და თავგადასავლების მოყვარულმა 21 წლის ასაღზარდამ გალიციის გავლით 1852 წლის ზამთარში გადაკვეთა რუსეთის

სახლდარი და ყირიმში ჩაეიდა.¹¹⁵ ყირიმში იგი დაბინავდა ალუპკის მახლობლად მუხალატკას ციხე-დარბაზში შატილოვების მამულ ტამაკში, რომელიც მდებარეობდა სივაშის პირას სიმფეროპოლიდან 100 კმ-ში. ახლომდებარე რაიონებიდან მოპიებითი სამუშაოების შემდეგ შეგროვილი ბოტანიკური მასალებით ო. შატილოვის თხოვნით გ. რადემ აქ მოაწყო პატარა მუზეუმი.

მაგრამ როგორც გ. რადე თავის ავტობიოგრაფიაში გადმოგვცემს, უზრუნველი ცხოვრება დიდხანს არ გაგრძელებულა. იგი შეუწყვეტია ყირიმის ომს და ისიც იძულებული ყოფილა ჯერ მოსკოვში, ხოლო შემდეგ პეტერბურგში გადაბარებულიყო. 1855 წლის 3 აპრილს ბუნების კვლევის მოსკოვის საზოგადოებამ გ. რადე აირჩია წევრ-კორესპონდენტად, ხოლო იმავე წლის მარტში პეტერბურგის სამედიცინო აკადემიიდან მიიღო პროვიზორის თანაშემწის მოწმობა.¹¹⁶ 1855 წელს გეოგრაფიული საზოგადოების გამოცემაში იგი აქვეყნებს შრომას “ყირიმელი თათრები.” პეტერბურგში ახალგაზრდა გ. რადე უახლოვდება ცნობილ მეცნიერებს და აქტიურად თანამშრომლობს რუსეთის სამეცნიერო გეოგრაფიულ საზოგადოებასთან. ამ უკანასკნელის წინადადებით გ. რადე მოხედა გრაფ ნ. მურავიოვის ექსპედიციაში, რომელიც მიემართებოდა აღმოსავლეთ ციმბირის გამოსაკვლევად. ექსპედიციის წევრად მიღებისათვის გ. რადეს რეკომენდაციები გაუწიეს ისეთმა ცნობილმა მეცნიერებმა, როგორებიც იყვნენ პ. სტევენსი, ფ. კაპენი და თ. ბრანდტი.

თავგადასავლების მოყვარულ ახალგაზრდას ასე განუცხადებია საზოგადოების მდივან ე. ლამანსკისთვის: “გამაგზავნეთ იქ, სადაც სხვები არ მიდიან, რაც შორს იქნება, მით უკეთესი.”¹¹⁷ აღმოსავლეთ ციმბირის ფლორისა და ფაუნის შემსწავლელი ექსპედიცია ნ. მურავიოვის ხელმძღვანელობით მოეწყო 1855—56 წლებში.

ამ ექსპედიციების დროს 1858 წელს ქ. ირკუტსკში გ. რადემ მიიღო რუსეთის იმპერიის ქვეშევრდომობა და როგორც იგი აცხადებს “გახდა რუსეთის, ამ ახალი სამშობლოს მადლიერი და ერთგული ქვეშევრდომი.”¹¹⁸

¹¹⁵ Автобиография Г. Радде, Коллекция Кавказского Музея, т. VI, 1912, გვ. 2.

¹¹⁶ სსმ არქივი 1883, 27/16, გვ. 66.

¹¹⁷ Автобиография Г. Радде, Коллекция Кавказского Музея, т. VI, 1912, გვ. 13.

¹¹⁸ იქვე, გვ. 1.

აღმოსავლეთ ციმბირის გენერალ-გუბერნატორ გრაფ მურაეიოვ-ამურსკის წარდგინებით, შოვალეობის კარგად შესრულებისთვის, 1858 წლის 18 ნოემბერს გ. რადეს მიენიჭა "ექსპედიციის ნატურალისტის" წოდება და დაჯილდოვდა წმ. სტანისლავის III ხარისხის ორდენით.¹¹⁹ ციმბირში მან დაარსა დასახლებული პუნქტი—დაბა. მის პატივსაცემად მას "რადოეკა" ეწოდა, რომელიც დღესაც არსებობს.

აღმოსავლეთ ციმბირის რაიონებიდან გ. რადემ შეძლო მდიდარი გეოლოგიური, ზოოლოგიური და ბოტანიკური მასალების მოძიება და შეგროვება. აქ მან დიდი მეცნიერული გამოცდილება მიიღო.

ამ ექსპედიციებმა ახალგაზრდა მეცნიერს სახელი, დიდება და ფული მოუტანა. გ. რადემ თავისი საბუნებისმეტყველო კოლექციებით დააინტერესა პეტერბურგელი მეცნიერები. მან თავისი შეგროვებული მასალა გაანაწილა რუსეთის გეოგრაფიული საზოგადოებას, საიმპერატორო ზოოლოგიურ ბაღსა და მეცნიერებათა აკადემიის ზოოლოგიურ მუზეუმს შორის.

პეტერბურგში დაბრუნებისთანავე გ. რადე წარმატებით აბარებს სათანადო გამოცდებს, იღებს სამეცნიერო ხარისხს ზოოლოგიაში და ინიშნება შტატგარეშე კონსერვატორად ზოოლოგიურ მუზეუმში.

ამასთანავე, გ. რადე იწყებს საჯარო ლექციებით და მოხსენებებით გამოსვლას პეტერბურგის სხვადასხვა სამეცნიერო საზოგადოებებისა და წრეების წინაშე. იგი სასურველი პირი ხდება მაღალი საზოგადოებისთვის. 1861 წლის 18 დეკემბერს სახელმწიფო საბჭოს გადაწყვეტილებით გ. რადეს მიეცა სახელმწიფო დაწესებულებებში სამსახურის უფლება და მიენიჭა ტიტულარული მრჩევლის წოდება. 1862 წელს იგი საიმპერატორო მეცნიერებათა აკადემიისგან იღებს დემოლოგიის პრესტიჟულ პრემიას ნაშრომისთვის "აღმოსავლეთ ციმბირის ურინელები" და 1862 წლის 13 სექტემბერს ხდება დეპარტის უნივერსიტეტის ფიზიკა-მათემატიკური ფაკულტეტის მაგისტრი, მოგვიანებით —ამავე უნივერსიტეტის საპატიო დოქტორი. 1862 წლის ოქტომბერში რადე იღებს სტატ-მრჩევლის ჩინს.¹²⁰ იმპერატორის ოჯახის წევრის კნიაგინია ელენე პავლეს ასულის რეკომენდაციით გ. რადე დაუახლოვდა იმპერატორის ვაჟებს, დიდ მთავრებს—რუსეთის საიმპერატორო გეოგრაფიული

¹¹⁹ Автобиография Г. Радде, Коллекция Кавказского Музея, т. VI, 1912, გვ 69.

¹²⁰ სსმ არქივი, 1964, 11 /1 გვ. 91.

საზოგადოების თავჯდომარეს კონსტანტინე ნიკოლოზის ძეს და კავკასიის მომავალ მეფისნაცვალ მიხეილ ნიკოლოზის ძეს. განსაკუთრებით მნიშვნელოვანი აღმოჩნდა მისი მეგობრობა ამ უკანასკნელთან.

როდესაც დიდი მთავარი მიხეილ ნიკოლოზის ძე 1862 წელს გახდა კავკასიის მეფისნაცვალ და იმპერიის სამხრეთი ოლქების ჯარების მთავარსარდალი, მან კავკასიაში სამუშაოდ მიიწვია გ. რადე. 1862 წლის ივნისში საიმპერატორო მთავარი ფიზიკური ობსერვატორიის დირექციისგან გ. რადე იღებს დავალებას, რისთვისაც საჭირო ხდება ბერლინისა და ვენის გავლით კავკასიაში ჩამოსვლა. იმავე წლის სექტემბრის პირველ რიცხვებში იგი უკვე თბილისშია და მისივე თქმით, ამის შემდეგ "კავკასია ხდება მისთვის ძვირფასი და ღამაზი მეორე სამშობლო".¹²¹

თბილისში ჩამოსვლის შემდეგ გ. რადე აქტიურად ჩაება სამეცნიერო ცხოვრებაში. მას ადრევე ჰქონია კავკასიაში მუშაობის სურვილი. როგორც თავის ავტობიოგრაფიაში აღნიშნავს, საიმპერატორო მეცნიერებათა აკადემიას 1860 წელს განზრახული ჰქონდა მისი კავკასიაში ზოოლოგიურ სამუშაოებზე გაგზავნა, მაგრამ ამის შესაძლებლობა მხოლოდ შაშილის დაპარცხებისა და კავკასიური ომების დამთავრების შემდეგ მოხერხდა. 1863 წლის 26 აპრილს გ. რადე აირჩიეს ბერლინის გეოგრაფიული საზოგადოების წამდელი წევრად, ხოლო იმავე წლის 1 ივნისს ბრესლაუს უნივერსიტეტი მას ფილოსოფიის დოქტორის წოდება მიანიჭა.¹²²

1863 წლის 1 ივლისს აკადემიკოს კ. კუპფერის რეკომენდაციით გ. რადე მუშაობას იწყებს თბილისის ფიზიკურ ობსერვატორიაში დირექტორის თანაშემწის თანამდებობაზე.¹²³

პარალელურად ლექციებს კითხულობს გერმანულ კლუბში. იმავე წლის ივნისში იგი ქორწინდება ცნობილი მეცნიერის თ. ბრანდტის ქალიშვილზე მარიამ თეოდორეს ასულზე.

პირველი სამსახურითარსი ნაბიჯები კავკასიაში უკლებლივ გამოდგა. არც ობსერვატორიის მაშინდელი დირექტორი და არც მშრალი ციფრები არ იზიდავდა ახალგაზრდა მეცნიერს და ხუთი თვის შემდეგ სამსახურს იგი თავს ანებებს. ამ გატყობის ეამს მას დახმარების ხელი გაუწოდა ადოლფ ბერგემ, რომელთან იგი მეგობრობდა გერმანულ კლუბში.

¹²¹ Автобиография Г. Радде, Коллекция Кавказского Музея, т. VI, 1912, გვ. 1.

¹²² სსმ არქივი, 1883, 27/16 გვ. 72.

¹²³ Биография Г. И. Радде, Коллекция Кавказского Музея, т. VI, 1912, გვ. 65.

ა. ბერკე ჯერ კიდევ მ. ეორონცოვის დროიდან მუშაობდა მეფისნაცვლის კანცელარიაში და ამ უწყებაში დიდი გავლენით სარგებლობდა. მისი რჩევით გ. რადემ მეფისნაცვლის მთავარი სამმართველოს უფროსს ალ. ნიკოლაის წარუდგინა კავკასიის ბიოლოგიურ-გეოლოგიური კვლევის დაწერილებითი გეგმა, რომელსაც თან დაურთო გენერალ-ლეიტენანტ ო. ხოდსკოს დასკვნა ამ საკითხზე. ალ. ნიკოლაი თანაგრძნობით შეხვდა ამ წამოწყებას და 1864 წლის 3 თებერვალს გააცნო იგი მეფისნაცვალს. ამ უკანასკნელმა გეგმა მოიწონა. "მისი უდიდებულესობა იღებს მხედველობაში ციმბირში თქვენ სამეცნიერო საქმიანობას, რომელმაც ამდენი სიკეთე მოუტანა მეცნიერებას და ითვალისწინებს იმას, რომ იგი შემდეგში ნაკლებად შესწავლილ ამიერკავკასიის მხარეში, უფრო მეტი სარგებლობის მოტანას შეძლებს. მოწყალეობას იღებს ჩაბრციხოთ მთავარ სამმართველოსთან"¹²⁴. ატყობინებდნენ გ. რადეს მეფისნაცვლის კანცელარიიდან. 1864 წლის 14 თებერვლის № 1240 წერილით გ. რადეს წინადადება მიეცა მთელი კავკასიის მასშტაბით მოეწყო ექსპედიციები, მოეგროვებინა სამუხეუმო მასალები და გაეშალა ფართო სამეცნიერო სამუშაოები.¹²⁵ ამ მიზნით მას მეფისნაცვლის მხარის კეთილმოწყობის ფონდიდან წლიურად დაენიშნა საკმაოდ დიდი თანხა — 3500 მანეთი ვერცხლით. აქედან 1500 მანეთი გამოეყო ექსპედიციების მოსაწყობად, ხოლო 2000 მანეთი — ხელფასისთვის, ამასთან ერთად, მან ერთჯერადი დახმარების სახით მიიღო 400 მანეთი საჭირო ხელსაწყობისა და ნივთების შესაძენად.

1864 წლის გაზაფხულზე გ. რადე გაემგზავრა სვანეთში, ამ მოგზაურობის შედეგად შეიქმნა ნაშრომი "სვანეთი", რომელმაც 20 წლის შემდეგ მეცნიერებათა აკადემიის ოქროს მედალი ღაიმსახურა.¹²⁶

გ. რადეს მიერ შედგენილი კავკასიის ბიოლოგიურ-გეოგრაფიული კვლევის გეგმა შედგენილი იყო კვალიფიციურად და საქმის ცოდნით. იგი ითვალისწინებდა მხარის კომპლექსურ შესწავლას. კავკასიის ფლორისა და ფაუნის კვლევისათან ერთად, განზრახული იყო ქვეყნის ისტორიისა და ეთნოგრაფიის საკითხებზე მუშაობა, ნივთიერი მასალის მოძიება — შეგროვება და მათი მეცნიერული დამუშავება.

¹²⁴ სსმ არქივი, 1864, 11/1 გვ. 1.

¹²⁵ სსმ არქივი, 1864, 11/1 გვ. 1.

¹²⁶ სსმ არქივი 1885, 29/8, გვ. 27.

იგი მეცნიერულ სამუშაოებს მჭიდროდ უკავშირებდა მუზეუმის ჩამოყალიბებას, სადაც მოხდებოდა შეგროვილი მასალის დაცვა, სისტემატიზაცია და მეცნიერული კლასიფიკაცია.

მეფისნაცვლის კანცელარიის მთავარ სამმართველოში ზემოთ აღნიშნული გეგმის მიღების შემდეგ, 1864 წლის 10 ივნისს გ. რადე გაემგზავრა ექსპედიციაში—ენგურის, რიონის სათავეებისა და ცხენისწყლის აუზის მიდამოებში. 1865-66 წლებში მან მოიარა ლეჩხუმი, სვანეთი, სამურზაყანო, სამეგრელო და აფხაზეთი,¹²⁷ ხოლო 1866 წლის შემოდგომაზე იგი უკვე თალიშშია (ლენქორანში). აღნიშნული რეგიონებში მან მდიდარი ბოტანიკური, ზოოლოგიური და გეოლოგიური მასალების შეგროვება მოახერხა, რომელთა შორის უნდა აღინიშნოს ფრინველთა მდიდარი კოლექცია და კასპიის ნაპირებთან მოკლული ორი სამეფო ვეფხეი.

ამასთან ერთად, ექსპედიციების დროს გ. რადეს საშუალება ჰქონდა შეეძინა ისტორიული და ეთნოგრაფიული ნივთებიც. აფხაზეთსა და ახალციხეში მან 90 მანეთად იყიდა ვერცხლის სამი ჩეჩნური ქაშარი, ცხენის უნაგირი, იანიჩარის ორი ხმალი, ორი ხანჯალი, დამბაჩა, ქალის სამკაულები, თიხისა და ხის ჭურჭელი. გარდა ამისა, ამ მოგზაურობების დროს მან შეასრულა მოსკოვის საერთაშორისო გამოფენის დირექციის თხოვნა და მისთვის შეიძინა ჯიხვისა და ირმის რქები, ეთნოგრაფიული ტანსაცმელი, საოჯახო ნივთები, მუსიკალური ინსტრუმენტები, საბრძოლო იარაღი და სხვა. კანცელარიის მთავარი სამმართველოს უფროსისადმი წერილში, გ. რადე დიდი მადლიერებით მოიხსენიებს იმ პირებს, რომლებმაც აღნიშნულ რაიონებში დახმარება გაუწიეს: წებულდის ბოქაულს გიორგი ქურციკიძეს, პოლკოვნიკ თავად როსტომ მარშანიას, ლევან და აღმასხან თოდუებს და სიხე.¹²⁸ თავისი მოგზაურობების შესახებ წერილებს გ. რადე სისტემატურად აქვეყნებდა გაზეთ “კავკასში” და გეოგრაფიული საზოგადოების ანგარიშებში.¹²⁹ 1865 წელს მეფისნაცვლის მთავარმა სამმართველომ გაამყუდრა 1100 მარეთი რადეს ნაშრომის “სვანეთის” გამოსაცემად, ხოლო 1867 წელს, როდესაც გამოქვეყნდა “მოგზაურობა სამეგრელოს ალპებში,” იმპერატორმა ალექსანდრე II წიგნს წააწერა: “მადლობა ავტორს ამ ნაშრომისთვის”.¹³⁰

¹²⁷ Записки КОИРГО, кн. VII, 1866, გვ. 1.

¹²⁸ სსმ არქივი, 1864, 11/1 გვ. 47.

¹²⁹ გაზ. “Кавказ» 1866 1-3; Записки КОИРГО, ნაწ. 8, 1873, გვ. 47.

¹³⁰ სსმ არქივი, 1864, 11/1, გვ. 144.

ბ. რადე ექსპედიციებში მოგზაურობისას სამუზეუმო ექსპონატების შეგროვებასთან ერთად, ფირზე აღბუჭდავდა საქართველოს ზემოთ ხსენებული კუთხეების დიდებულ პეიზაჟებს და ეთნოგრაფიული შინაარსის სურათებს. ამ პერიოდში კავკასიაში ფეხს იკიდებდა ჯერ ხელვითი დეგორატივი, ხოლო შემდეგ ფოტოგრაფია. თბილისში უკვე მოღვაწეობდნენ ჩვენში ფოტოგრაფიის პიონერები: სიმონ მორიცი, პოლკოვნიკი ალ. ივანიცი, გრაფი ნოსტიცი, ლ. გოლდშტეინი და სხვები. მათ ნამუშევრებში დოკუმენტურად აისახებოდა მხარის ფლორა და ფაუნა, ეთნოგრაფიული ყოფა, მატერიალური კულტურის ძეგლები, რაც დიდად უწყობდა ხელს კავკასიის მეცნიერულ შესწავლას. ეს შესაძლებლობები კიდევ უფრო გაიზარდა 1963 წლის იანვრიდან, როდესაც თბილისში კავკასიის არმიის შტაბთან ფუნქციონირება დაიწყო ფოტოგრაფიულმა განყოფილებამ. ამ დროს გადაღებული ბევრი ფოტოგრაფიული ნამუშევრი შემდგომში გამოყენებული იქნა კავკასიის მუზეუმის ექსპოზიციებში.

მიუღიანებებსა და ექსპედიციებში მოგროვებული მრავალრიცხოვანი მასალა საჭიროებდა დაბინავებასა და მოვლას. ამისთვის, როგორც აღვნიშნეთ ბ. რადეს გათვალისწინებული ჰქონდა მუზეუმის შექმნა. ამ იდეას მეფისნაცვლის კანცელარიაში ად. ბერჟესა და ალ. ნიკოლაის რეკომენდაციით აქტიურად დაუჭირეს მხარი. ორივე ეს პირი ბ. რადეს შემდგომში ყოველთვის მიაჩნდა თავის კეთილ მფარველებად. ა ბერჟეს იგი "მუზეუმის გენიალურ დასაარსებელს" უწოდებდა. აღსანიშნავია ის ფაქტი, რომ მოგვიანებით მადლიერი ბ. რადეს ინიციატივით კავკასიის მუზეუმის ეზოში დაიდგა ად. ბერჟეს ბრინჯაოს ბიუსტი. ხოლო ალ. ნიკოლაის პორტრეტი დიდხანს ეკიდა მუზეუმის ეისტიბიულში.

ახალი მუზეუმის შექმნის პროექტის მომზადება მიანდეს ბ. რადეს. პროექტის პრაქტიკულად განხორციელება ამ პერიოდისათვის სავსებით რეალური ჩანდა, რადგან გეოგრაფიული საზოგადოების კავკასიის განყოფილების მუზეუმი 1864 წლის აგვისტოდან აღარ ფუნქციონირებდა და მისი მრავალრიცხოვანი ექსპონატი პატრონობასა და დაცვას მოითხოვდა.

ბ. რადემ სასწრაფოდ შეადგინა ახალი მუზეუმის შექმნის პროექტი, რომელიც არ მოითხოვდა დიდძალი თანხების დაბანდებას. პროექტი წარუდგინეს კავკასიის მეფისნაცვალს, რომელმაც 1865 წლის 2 ივნისს დაამტკიცა აღნიშნული

პროექტი და მუზეუმის შტატი.¹³¹ ეს თარიღი შეიძლება ჩათვალოს ახალი მუზეუმის ისტორიის დასაბამად. 1865 წლის 14 ივნისს გ. რადე დაინიშნა შესაქმნელი მუზეუმის დირექტორად და იმავე წლის ოქტომბერში მიენიჭა “კოლეგიის ასესორის” ჩინი. 1866 წლის იანვარში კი იგი დაჯილდოვდა წმ. სტანისლავის II ხარისხის ორდენით, ხოლო იმავე წლის აპრილში აირჩიეს დრეზდენის გეოგრაფიული საზოგადოების საპატიო წევრად.¹³²

მუზეუმის საშტატო განრიგით, გათვალისწინებული იყო მხოლოდ დირექტორის და პრეპარატორის თანამდებობები, ხოლო ტექნიკური მუშაკების (პრეპარატორის მოწაფისა და დარაჯის) მოწვევა უნდა მომხდარიყო თავისუფალი დაქირავების წესით. მუზეუმს ხარჯთაღრიცხვით ექსპონატების შესაძენად ყოველწლიურად უნდა დახარჯულიყო 500 მანეთი ვერცხლით. ამავე დროს, კარადებისა და სამუზეუმო ავეჯის დასამზადებლად სპეციალურად გამოიყო 2000 მანეთი.¹³³ ხელისუფლებისგან ზურგამაგრებულები დიდი ენთუზიანზით შეუდგნენ ახალი მუზეუმის ჩამოყალიბებას.

პირველი ნაბიჯი, რომელიც ამ მიმართულებით გადაიდგა იყო ის, რომ მუზეუმისთვის დროებით დაიქირავეს საპოთახიანი ბინა სერგეევის (ახლანდელი მაჩაბლის) ქუჩაზე.

1865 წლის 12 მარტს მეფისნაცვლის კანცელარიის მთავარმა სამმართველომ კონტრაქტი დადო თბილისელ ზოქალაქებთან ისაკ და ალექსანდრე ცოვიანოვებთან ქალაქის პირველი ნაწილის მესამე კვარტალში, მათ მიერ ახლად აშენებული სამსართულიანი სახლის მეორე სართულზე ბინის 4 წლით დაქირავების შესახებ. სახლის მეპატრონეებისთვის წლიურად უნდა გადაეხადათ 1200 მანეთი ვერცხლით. მუზეუმს უნდა დათმობოდა აგრეთვე ფლიგელი საკუჭნაოსთვის, სათავსო დარაჯისთვის და შენობის ქვეშ არსებული სარდაყის ნაწილი. ცოვიანოვებს ეკისრებოდათ საჭიროების შემთხვევაში ჩაჭარბინათ შენობის ყველა სარემონტო სამუშაოები. ორი წლის ბინის ღირს 2400 მან. ოდენობით უნდა გადახდილიყო წინასწარ.¹³⁴

1865 წლის 14 ივნისს დამტკიცდა კაჟკასიის მუზეუმის დებულება, რის მიხედვითაც: “კაჟკასიის მუზეუმში ფუძნდება

¹³¹ “Кавказский календарь” на 1867 г. გვ. 275.

¹³² სსმ არქივი, 1883, 27/16, გვ. 72.

¹³³ სსმ არქივი, 1864, 11/1, გვ. 33.

¹³⁴ სსმ არქივი, 1864, 11/1, ფ. 3.

ტფილისში და ექვემდებარება კავკასიის მეფისნაცვლის მთავარ სამმართველოს –საერთო საქმეების დეპარტამენტის მეშვეობით”.

დებულებაში ჩამოყალიბებული იყო მუზეუმის მიზნები და ამოცანები: “მუზეუმის მიზანია კავკასიაში საბუნებისმეტყველო მეცნიერებათა მასალების შეგროვებით, მათი ფონდებში მოთავსებით, გამოფენით და შესწავლით ნათელი წარმოდგენა შექმნას ცოდნის ამ დარგზე და ამით მტკიცე საფუძველი ჩაუყაროს კავკასიის ბუნების ისტორიის შესწავლას”.¹³⁵ დებულების მე-3-ე მუხლით, ახლად შექმნილი მუზეუმი სტრუქტურულად შედგებოდა სამი განყოფილებისგან: ზოოლოგიური, მინერალოგიური და ბოტანიკური. განყოფილებებთან ფუნქციონირებდა ტექნიკური ლაბორატორია-ფიტულეების, ჩონჩხების და სხვა ნივთების დასამუშავებლად და ეთნოგრაფიული კაბინეტი, სადაც თავი უნდა მოეყარა ყველა იმ საგანს, რომელიც ასახავდა კავკასიის მოსახლეობის ყოფა-ცხოვრებას. დებულებით განსაზღვრული იყო მუზეუმის მუშაობის შინაარსი. მის მთავარ ამოცანას შეადგენდა მოძიებითი სამუშაოების ჩატარება და მოპოვებული ნივთების მუზეუმში წარდგენა, რისთვისაც უნდა მოწყობილიყო სამეცნიერო მოგზაურობები და ექსპედიციები. მუზეუმში შესული ყოველი ნივთი უნდა აღერიცხათ, შეესწავლათ და დაეკავად. თითოეულ ნივთს უნდა შეემოდა პატარა ფირფიტა სათანადო განმარტებებით.¹³⁶

მუზეუმს უნდა ეზრუნა ფონდში დაცული კოლექციების კატალოგების გამოსაქვეყნებლად და დაფუძნებიდან ერთი წლის შემდეგ უნდა მოეხერხებინა გამოფენის მოწყობა.

კავკასიის მუზეუმის დებულება თავისი ხელმოწერით 1865 წლის 14 ივნისს დაამტკიცა კავკასიის მეფისნაცვალმა, გენერალ ფელდცეიხეისტერმა, დიდმა მთავარმა მიხეილ ნიკოლოზის ძემ.

კავკასიის მუზეუმის დაარსება მართლაც მნიშვნელოვანი მოვლენა იყო, როგორც ქართველი ერის, ისე მთელი კავკასიის ხალხთა კულტურულ ცხოვრებაში, ამ მხარის ისტორიის, მატერიალური კულტურისა და ბუნების შესწავლის საქმეში. მაგრამ ამ სიკეთესთან ერთად, ისიც უნდა აღინიშნოს, რომ მუზეუმის დაარსება მჭიდროდ იყო დაკავშირებული იმპერიის კოლონიურ ზრახვებთან—გამოეკვლია და შეესწავლა ახლად დაპყრობილი მხარე, განსაკუთრებით კი რეგიონის ბუნებრივ-გეოგრაფიული პირობები, მისი რესურსები და

¹³⁵ სსმ არქივი, 1864,11/1 ფ.22.

¹³⁶ სსმ არქივი, 1864,11/1, ფ.22

რეზერვები და თავის სასარგებლოდ გამოუყენებია იგი. ეს აშკარად არის გაცხადებული ზემოთ აღნიშნულ დებულებაში.

თუ როგორ ესმოდა გ. რადეს მის მიერვე დაარსებული მუზეუმის დანიშნულება და მიზნები, ნათლად ჩანს მის ერთ-ერთ ანგარიშში. მართალია იგი ამ შემთხვევაში ბიბლიოთეკაზე წერდა, მაგრამ იგი შეიძლება თამამად მიესადაგოს თავისი დაწესებულების მეორე ნაწილსაც—მუზეუმსაც: “ემსახურება რა ამ განაპირა მხარეში რუსულ მეცნიერებასა და რუსეთის მსოფლმხედველობის გავრცელების ინტერესებს, ბიბლიოთეკა ყოველთვის ითვისებს წინებდა ხელისუფლებისგან მითითებულ მიზნებს და შესაძლებლობის ფარგლებში ესწრაფვოდა ხელი შეეწყო სხვადასხვა პირებისთვის მეცნიერულ მუშაობაში”¹³⁷

პირველი კოლექციები, რომელთა საფუძველზეც შემდგომ შეიქმნა მუზეუმის ფონდები, იყო გ. რადეს მიერ ზემოხსენებულ ექსპედიციებში მოპოვებული საბუნებისმეტყველო და ეთნოგრაფიული მასალები, აგრეთვე ამ პერიოდში შექმნილი ნივთები: 2100 მანეთად იყიდეს ცხოველებისა და ფრინველების ფოტოლები, ტყავები და რქები; 1865 წლის ივნისში ვიტენბურგელი მეცნიერის პოგენაკერისგან 600 მანეთად შეიძინეს პერბარიუმი, რომელიც შედგებოდა კავკასიის მცენარეთა 2800 ეგზემპლარისგან; 250 მანეთად გ. შმიდტისგან იყიდეს მინის ძველებური ჭურჭელი, 1866 წლის ანგარიშის მიხედვით მუზეუმს თანხა გადაუხდია ხევესურული საომარი აღჭურვილობის, აფხაზური ტანსაცმლის, სპარსული ეთნოგრაფიული ნივთების, სომეხი ქალის ჩადრის, ყუბური ნოხების, ფარდაგებისა და ხალხების შესაძენად. პირველ წლებში გ. რადეს სულ შეუძენია: 1865 წელს - 187, 1866 წელს - 529, ხოლო 1867 წელს 128 ექსპონატი.¹³⁸

მუზეუმის პირველი კოლექციების დაკომპლექტებაში გარკვეული ადგილი ეკავათ სხვადასხვა პირებისა და ორგანიზაციებისგან შემოწირულობებს. მაგალითად, ეთნოგრაფიული საზოგადოების კავკასიის განყოფილებამ მუზეუმს შესწირა ფერწერული ტილო “დღესასწაული სენაოში”, 1867 წელს რუსეთის ეთნოგრაფიული მუზეუმის დახურვის შემდეგ, კავკასიის მუზეუმს გადმოეცა ეთნოგრაფიულ-ნაციონალურ ტანსაცმელში გამოწყობილი 288 ცალი მანეკენი. როგორც ჩანს, იმ დროს ანთროპოლოგიური ტიპაჟების ჩვენებას დიდი გამოყენება ჰქონია რუსეთის

¹³⁷ სსმ არქივი, 1864, 11/1, ფ63.

¹³⁸ კორდანია გ. კავკასიური მუზეუმის დაარსება, თბ., 1955, გვ. 97.

მუზეუმებში.¹³⁹ დუშეთის სამხედრო პოსტიტლის ექიმმა ჩ. მოსტოვიჩმა მუზეუმს გადასცა 1861 წელს მოზდოეთან სტანიცა ნაურსკაიასთან ნაპოვნი პალეონტოლოგიური მასალა - უძველესი სპილოს გაქვავებული ნაშთები, ასეთივე მასალა აღმოჩენილი სოფელ დარგოსთან მუზეუმს შესწირა გენერალ მაიორმა ა. გოლენაჩევა, გვარდიის შტაბს კაპიტანმა თავადმა ფ. ბებუთოვმა მუზეუმს გადასცა ცოცხალი არწივი, რომელიც მან ხელთ იგდო წყნეთში¹⁴⁰ და სხვა.

მეფისნაცვალ მიხეილ ნიკოლოზის ძის ბრძანებით, 1866 წლის ოქტომბერში მუზეუმს გადაეცა ყუბის ოლქის უფროსის მიერ თბილისში ჩამოტანილი ხელით დამზადებული ქსოვილები. 1866 წლის დეკემბერში ტამანის ყურესთან ხუტორ ბოროვიკთან ი. მიხაილოვმა იპოვნა მარმარილოს ფილა 4 სტრიქონიანი ძველი ბერძნული წარწერით, მეფისნაცვლის განკარგულებით იგი კავკასიის მუზეუმს გადაეცა. ასევე მეფისნაცვლის მუშაობით შეემატა მუზეუმის ფონდებს ბიჭვინთის ტაძრის საკურთხეველში შემთხვევით აღმოჩენილი XIII საუკუნის დროინდელი ვერცხლის რვა მონეტა და სტავროპოლის გუბერნიაში სტაროგლატოკოს სტანიცასთან ყარანოღაელების მიერ ნაპოვნი ძვირფასი განძი, რომლის საერთო წონა ორ ფუნტს (818 გრ.) აღემატებოდა. განძში იყო ოქროს და ვერცხლის ქაღის სამკაულები, 100-ზე მეტი მონეტა, სამეურნეო და საოჯახო ნივთები.¹⁴¹ არა ნაკლებ საინტერესო იყო აგრეთვე ყუბანის ოლქში სტანიცა დიადოკოს ახლოს კაზაკ პროცენკოს მიერ მიწაში შემთხვევით ნაპოვნი სამკაულებიანი ქაღის კირქვის ჩანდაკება, რომლის სიმაღლე 2,5 ადღს აღწევდა. ქ. ეკატერინოდარში კაზაკთა ჯარების ადლუმზე მყოფმა მეფისნაცვალმა განკარგულება გაცა ნაპოვნი ნივთი გადაეგზავნათ კავკასიის მუზეუმისთვის, რაც მკისვე შესრულდა.

ძალზე მნიშვნელოვანი იყო ახლად ჩამოყალიბებული დაწესებულების დაკომპლექტება კადრებით. მუზეუმის თანამშრომლად პრეპარატორის თანამდებობაზე 1866 წლის თებერვალში გერმანიიდან მოიწვიეს სამუზეუმო საქმის კარგი სპეციალისტი კარლ მიულერი, რომელიც ადრე ქ. შტუტგარტში ცნობილ პლუკეს მუზეუმში მუშაობდა. ამისათვის გ. რადემ მეფისნაცვლის კანცელარიას 2000 მან. და ცოტაოდენი

¹³⁹ ბოლქვაძე ს., საქართველოს სახელმწიფო მუზეუმის ექსპოზიციები. სსმ მოაზრე XXX-ბ, 1974, გვ.158.

¹⁴⁰ სსმ არქივი, 1864, 11/1, გვ. 146.

¹⁴¹ იქვე. ვვ. 135.

უცხოური ვალუტა მოსთხოვა. მოკლე ხანში მარულერმა შეძლო ცხოველთა და ფრინველთა მრავალი ფიტულის დამზადება.¹⁴² მას მოწაფედ დაუნიშნეს ახალგაზრდა ნიკოლოზ უუკოვი. მუზეუმის დარაჯად დაიწყო მუშაობა ფეოდორ მაგალიტინმა. ამ პერიოდში ყველა თანამშრომელი ცხოვრობდა მუზეუმის შენობაში.

მაგრამ პირველმა სიძნელეებმაც მალე იჩინა თავი, დაქირავებული ბინა ძალზე პატარა და ვიწრო აღმოჩნდა სამუზეუმო ექსპონატებისთვის, ხოლო პრეპარატორი კარლ მიულერი კახური ღვინის დიდი მოტრფიალე გამოდგა და დირექტორს იძულებული გახდა ჯერ რამდენიმეჯერ გაეფრთხილებინა, ხოლო შემდეგ გაენთავისუფლებინა იგი სამუშაოდან.

მალე თბილისის საზოგადოების, გ. რადესა და მისი მეგობრების წყალობით ყველა დაბრკოლება გადაილახა. განსაკუთრებით მნიშვნელოვან ფაქტად უნდა ჩაითვალოს ის, რომ 1865 წლის ნოემბერში მოხერხდა გეოგრაფიული საზოგადოების კავკასიის განყოფილების გაუქმებული მუზეუმის მრავალრიცხოვანი კოლექციისა და სამეურნეო ინვენტარის გადაცემა გ. რადეს მიერ ახლად ჩამოყალიბებული მუზეუმისთვის.

1867 წლის 2 იანვარს სერგეევის ქუჩის ზემოხსენებული ბინის მეორე სართულის სამ დარბაზში საზეიმო ვითარებაში გაიხსნა მუზეუმის გამოფენა, რომელსაც თავიდანვე დიდი ინტერესი გამოუწვევია. მის გახსნას ესწრებოდნენ კავკასიის მეფისნაცვალის მიხეილ ნიკოლოზის ძე და თბილისის საზოგადოების თვალსაჩინო წარმომადგენლები.

გამოფენა დამთვალეირებელთათვის ღია იყო კვირაში ორჯერ. გაზეთი "კაეკაზი" 1867 წლის 5 იანვარს უკვე აუწყებდა თავის მკითხველებს: "კავკასიის მუზეუმში ღიაა მნახველებისთვის საშუაბათობით და პარასკეობით დილის 10 საათიდან შუადღის 3 საათამდე. მუზეუმის სახსრების გასაბლიერებლად და მის განვითარებაში საზოგადოების მოსაზიდად, მუზეუმში შესვლისთვის ყოველ პირზე წესდებოდა გადასახადი 20 კაპიკის ოდენობით. შესასვლელი ბილეთები იყიდებოდა კავკასიის მუზეუმთან არსებულ ლაბორატორიაში.

დამთვალეირებელთა დიდი რაოდენობით თავმოყრის თავიდან ასაცილებლად ერთდროულად გაიკეზოდა მხოლოდ 50-მდე შესასვლელი ბილეთი. ყველა ბილეთის გაყიდვის

¹⁴² Коллекция Кавказского музея, т. VI, т. 8, 1912, გვ. 78.

შემთხვევაში მუზეუმში შემსვლელები უნდა დალოდებოდნენ გამომსვლელებს. ბავშვები 15 წლამდე დაიშვებოდნენ მხოლოდ მშობლებთან, მასწავლებლებთან და აღმზრდელებთან ერთად. ბავშვები 7 წლამდე მუზეუმში არ დაიშვებოდნენ. სახელმწიფო და კერძო სასწავლო დაწესებულებათა მოსწავლეებს თავიანთ აღმზრდელებთან ერთად შექმლოთ უფასოდ მუზეუმს სტუმრებოდა ნებისმიერ დღეს და საათს, მუზეუმის დირექციასთან წინასწარი შეთანხმებით.¹⁴³

გასაგებია, რომ სამოთახიან ბინაში საგამოფენო ფართის დიდი შეზღუდულობის გამო სამუზეუმო მასალათა ექსპონირება სისტემატიზაციისა და სამუზეუმო წესების სრული დაცვით ძნელად თუ მოხერხდებოდა. თავიდანვე უნდა აღინიშნოს, რომ ეს უფრო საფონდო მასალების ჩვენება იყო, ვიდრე თემატური გამოფენა.

ამიტომ იყო, რომ მუზეუმის გახსნაზე წარმოთქმულ სიტყვაში მისმა დირექტორმა გ. რადემ პირველ რიგში მუზეუმისთვის სპეციალური შენობის აგების საკითხი დააყენა. მან აქვე ჩამოაყალიბა ასეთი შენობის ადგილის შერჩევისა და მშენებლობის გეგმა. გ. რადეს აზრით, შენობა უნდა აგებულყოფილ აუცილებლად ქალაქის ცენტრში საჯარო ბიბლიოთეკის გვერდით, რომელიც მაშინ მდებარეობდა ალექსანდრეს (დთევანდელი 9 აპრილის) ბაღში. გეგმით მუზეუმისა და ბიბლიოთეკის შენობები უნდა შეერთებულიყო გალერეით. შენობის ზედა სართულზე განთავსდებოდა მუზეუმი და ბიბლიოთეკა, ხოლო ქვედა სართულზე იქნებოდა თანამშრომელთა საქუშაო ოთახები და ლაბორატორიები.¹⁴⁴

მიუხედავად დიდი სივიწროვისა, მუზეუმის გამოფენას დიდი ინტერესი გამოუწვევია თბილისის საზოგადოებაში და ღამთვალეიერებლებიც ბევრი პყოლია. გაზეთ "კავკაზის" კორესპონდენტი, რომელიც მუზეუმს სტუმრებია გადმოგივიქმს, რომ "მუზეუმის საგამოფენო დარბაზებში 15—20 ღამთვალეიერებელი ყოფილათი იყო".

ამ გამოფენამ მხოლოდ 1868 წლის ივნისამდე, ე. ი. წელიწადნახევარი იმუშავა და ამ დროის განმავლობაში თუ მხოლოდ გაყიდული ბილეთების მიხედვით ვიმსჯელებთ, იგი დაუთვალეიერებია 1710 კაცს.¹⁴⁵ თუ გავითვალისწინებთ იმას,

¹⁴³ გაზ. "Кавказ", 1867 წლის 2, 5 იანვარი.

¹⁴⁴ Коллестии Кавказского Музея, т. VI, гл. 78.

¹⁴⁵ Радде Г., Краткий очерк истории развития Кавказского музея, т. II, 1891, гл.

რომ ბევრს ჰქონდა უფლება უფასოდ სტუმრობოდა მუზეუმს, მაშინ, "კავკასსკი კალენდარში" მოყვანილი ცნობა, რომ 1868 წ. 4300 კაცი ეწვია მუზეუმს, არ უნდა გაგვივივრდეს.¹⁴⁶

მალე მუზეუმში კვირაში სამდღიან ახალ სამუშაო რეჟიმზე გადავიდა. აი როგორი სარეკლამო განცხადება იყო გამოქვეყნებული რუსულენოვან გაზეთ "კავკასში" ქართულად 1867 წლის იანვარში: "კავკასიის მუზეო საზოგადოდ აცხადებს, რომ მუზეის ნახვის და გასინჯვის მსურველთ ნება აქვთ იარონ სამშაბათობით, პარასკეობით, და კვირაობით ათი საათიდან დილის სამ საათამდე შუადღის უკან. მუზეო გამართულია პირველი ჩასტის პირველ კვარტალში ცოვიანოვის სახლში".¹⁴⁷

თუ რა კოლექციები იყო წარმოდგენილი კავკასიის მუზეუმის გამოფენაზე, კარგად ჩანს გ. რადეს მიერ გერმანულად გამოქვეყნებული ანგარიშებიდან, რომელიც მოაყავს კ. პანს წიგნის — "კავკასიის მუზეუმის კოლექციები"—მერ ტომში. ამის შესახებ აგრეთვე ვრცელი სტატია აქვს გამოქვეყნებული გ. რადეს გაზ. "კავკასის" და "კავკასსკი კალენდრის" ფურცლებზე.

პირველ დარბაზში წარმოდგენილი იყო ეთნოგრაფიული და ისტორიული შინაარსის ექსპონატები—ჩრდილოეთ კავკასიაში შექმხვევით ნაპოვნი, ან შექმნილი არქეოლოგიური ნივთები: ქვის ჩაქურები და ხელსაფქვავეები. ოსეთსა და ყუბანში მოპოვებული ბრინჯაოს პატარა ფიგურები, რკინის ისრის პირები და სხვა. ამ მასალათა დიდი ნაწილი გადმოცემული იყო გეოგრაფიული საზოგადოების კავკასიის განყოფილებიდან. გამოფენაზე განსაკუთრებულ ყურადღებას იქცევდა ყუბანსა და ტამანის ნახევარკუნძულზე აღმოჩენილი ელინისტური ხანის ნივთები. მეტად საინტერესო იყო ქერაში მოპოვებული ანტიკური ხანის თიხის ტურჭლები და ქალის მდიდრული, ძველბურთი სამკაულები.¹⁴⁸

შედარებით უფრო ვრცლად იყო წარმოდგენილი ეთნოგრაფიული ექსპონატები: კავკასიონის ხეობებში მოსახლე მთიელთა საოჯახო ნივთები, მუსიკალური საკრავები და სამეურნეო ნივთები, აქვე იყო გამოფენილი თურქი ქალის ძვირფასი სამკაულები. სპეციალურ ვიტრინაში მოთავსებული იყო სპარსული იარაღის მდიდარი კოლექცია და შერძის

¹⁴⁶ "Кавказский календарь" на 1869 г., გვ. 392.

¹⁴⁷ გაზ. "Кавказ", 1867, № 10. —

¹⁴⁸ გაზ. «Кавказ», 1867 № 33, გვ. 191.

სრული აღჭურვილობა: მუზარადი, აბჯარი, ფარი, ხმალი, შუბი, სატყეარი და სხვა.¹⁴⁹

ამავე დარბაზში ვრცლად იყო წარმოდგენილი ეთნოგრაფიულ ტანსაცმელში გამოწყობილი მანეკენები მუხეუმის გახსნისთვის მხოლოდ თუშის, აფხაზის, ახალციხელი სომეხი კაცისა და ქალის მანეკენების დამზადება მოასწრეს. გრადეს გადმოცემით, მუხეუმის ფონდებში სრულად იყო დაცული რუსეთის იმპერიაში მცხოვრები თითქმის ყველა ეროვნების წარმომადგენელთა ფიგურები, რომლებიც დამზადდა პეტერბურგში მხატვარ ლ. გეიზერის სახელოსნოში.¹⁵⁰

გამოფენილი იყო აგრეთვე კავკასიის სამხედრო საოლქო შტაბში დაბეჭდილი ფოტოები, რომელიც დამთვალეიერებელს აცნობდა კავკასიის ხედებსა და მისი სხვადასხვა კუთხის მცხოვრებლებს.

მეორე დარბაზში წარმოდგენილი იყო ზოოლოგიური ექსპონატები, რომელთა დიდი ნაწილი შეგროვილი იყო გრადეს მიერ 1864-65 წლებში კავკასიაში მოწყობილი ექსპედიციების დროს. მას დაემატა მხოლოდ ტროპიკული ქვეყნების ცხოველთა ფიტულების კოლექცია, რომელიც შეცნობრებათა აკადემიიდან იქნა მიღებული. ექსპონიციში ბევრი უნიკალური ზოოლოგიური ეგზემპლარი იყო წარმოდგენილი.

განსაკუთრებით მდიდარი იყო ხერხემლიანთა მსხვილ და წვრილ ოთხფეხთა კოლექციები. ინტერესს იწვევდა კატის და ძაღლის ოჯახის წარმომადგენელთა ტყავები და ფიტულები, აგრეთვე მამონტის ძელები და კბილები, რომლებიც აღმოაჩინეს სოფელ დარგოში. ორნითოლოგიური კოლექცია შედგებოდა 500-ზე მეტი კავკასიური ფრინველის ფიტულისაგან. აქვე იყო ლექტორანიდან ჩამოტანილი ფრინველთა კვერცხის ნიმუშები. იხტიოლოგიური კოლექცია წარმოდგენილი იყო შავსა და კასპიის ზღვებში ბინადარი თითქმის ყველა სახის თევზებისგან. ასევე სრულად იყო გამოფენილი კავკასიის ქვეწარმავალთა სახეობები.

ექსპონირებული იყო უხერხემლოთა ცალკეული წარმომადგენლები, ბორჯომის ხეობაში შეკრებილი პეპლების 400-ზე მეტი ექსპონატი. აკადემიკოს პ. აბიხის მიერ გადმოცემული მწერები, ნიჟარები და სხვა.¹⁵¹

¹⁴⁹ "Кавказский календарь" на 1867, გვ. 275.

¹⁵⁰ გაზ. "Кавказ" 1867, № 34, გვ. 191.

¹⁵¹ გაზ. "Кавказ" 1867, № 35, გვ. 200.

მესამე დარბაზში წარმოდგენილი იყო ბოტანიკური და გეოლოგიური მასალები. აქ გამოფენილი კოლექციები შედგებოდა კავკასიის თითქმის ყველა სახეობის ხისა და ბუჩქნარი მცენარეულობებისგან. აქვე იყო კავკასიური ტორფის სხვადასხვა ნიმუშებიც. მეცნიერული თვალსაზრისით განსაკუთრებით მნიშვნელოვანი იყო პროფესორ პოგენაკერის მიერ მტკვრის ზემო წელზე, კოლხეთსა და აფხაზეთის მთებში შეკრებილი ბოტანიკური მასალები. აღნიშნული პერბარიუმი მეცნიერულად დაამუშავეს ბოტანიკოსებმა ა. ფიშერმა და გ. მუიერმა. საინტერესო იყო აგრეთვე ყირიშში შეკრებილი პერბარიუმი, რომელიც 1852-54 წლებში შეადგინა მ. სტევენმა.¹⁵²

გეოლოგიურ განყოფილებაში წარმოდგენილი იყო: დაღესტნიდან ჩამოტანილი იურისა და ცარცის ფორმაციის მთის ქანების ნიმუშები აკადემიკოს აბიხის მიერ შეკრებილი; ახალციხის აუზისა და მისი შემოგარენის ვულკანური ოლქის მესამეული ფორმაციის პეტროგრაფიული კოლექცია; ახალციხიდან და შავეი ზღვის ჩრდილოეთ სანაპიროდან შეკრებილი მესამეული ფორმაციის ნამარხეულის ნიმუშები; დასავლეთ კავკასიიდან (ყუბანიდან და ტამანიდან) ნავთობიანი ქანების კოლექციები; ტყიბულიდან ჩამოტანილი კავკასიური ქვანახშირის და მადანშემცველი ქანების ნიმუშები და სხვა.¹⁵³

ასეთი იყო კავკასიის მუზეუმის პირველი გამოფენა. მისი გახსნა ღირშესანიშნავე მოვლენა იყო თბილისელებისთვის. მას დიდი მოწონებით შეხვდა საზოგადოება. აი რას წერდა გაზეთ "კავკასის" კორესპონდენტი 1867 წლის იანვარში: "კავკასიის მუზეუმის გახსნამ გაგვაბედნიერა თბილისელები. პატივი და დიდება მას, ვისაც პირველად მოუვიდა აზრი მისი შექმნისა. ქება და გულწრფელი მადლობა მას, ვინც პრაქტიკულად განახორციელა ეს ჩანაფიქრი. გაკეთდა სასარგებლო საქმე. არ შეიძლება მაგლობა არ მოვახსენოთ ბ-ნ რადეს მუზეუმის მოსაწყობად გაწეული დიდი შრომისთვის, კეთილსინდისიერად და შემოქმედებითად შესრულებული ამ საქმისთვის."¹⁵⁴

გამოფენაზე წარმოდგენილი მრავალრიცხოვანი მასალის ჩამოთვლაც იკმარებდა იმისთვის, რომ წარმოდგენა შეგვექმნა, თუ რა პრობლემებს შეუქმნიდა მუზეუმის თანამშრომლებს საგამოფენო ფართის სიმცირე. სამ ოთახში მათი გამოფენა მეტად გადატვირთავდა ექსპოზიციას. ამის გამო მუზეუმისთვის

¹⁵² Коллекция Кавказского Музея, т. VI, т. 1, 1912 გვ. 79.

¹⁵³ "Кавказский календарь" на 1867, გვ. 256.

¹⁵⁴ გაზ. "Кавказ" 1867, № 18.

გადაუღებელ ამოცანად რჩებოდა ახალ, უფრო ვრცელ შენობაში გადასვლის საკითხი.

მუზეუმისთვის შესაფერი სპეციალური შენობის აგება დააჩქარა ერთმა მნიშვნელოვანმა ფაქტორმა. კავკასიაში მოგზაურობას აპირებდა და თბილისში უნდა ჩამოსულიყო რუსეთის იმპერატორი ალექსანდრე მეორე დედოფლითა და სამეფო ოჯახით. მასპინძლებს მიაჩნდათ, რომ მისი საიმპერატორო უდიდებულესობა აუცილებლად უნდა სტუმრებოდა მუზეუმს და დაეთვალაიერებინა იგი.

სულ მალე, მუზეუმის შენობის ასაგებად მეფისნაცვლის კანცელარიაში გამოინახა სათანადო თანხები. მთავრობამ თავდაპირველი სამუშაოებისთვის 26000 მანეთი გამოყო და დაიწყო პროექტის მომზადება. განხილული იქნა ე. წ. "ინგლისელთა პროექტი", რომელიც ითვალისწინებდა თანამედროვე სტილის, მინისა და ლითონის კონსტრუქციის შენობის აგებას ალექსანდრეს ბაღის ტერიტორიაზე, რაც დაჯდებოდა 62, 933 მან. და 53 კაპ.¹⁵⁵ მაგრამ მშენებლობის დაწყება გადაწყდა გოლოვინის გამზირის დასაწყისში, არაგვის ერისთავებისა და თავადაზნაურთა საკრებულოს შენობის ახლოს, მეფისნაცვლის სასახლის პირდაპირ თავისუფალ ტერიტორიაზე, სადაც ნიკოლოზის (დღევანდელი ნატო ვაჩნაძის) ქუჩის გასწვრივ თავად გაგარინისა და ინჟინერ ა. ზალცმანის დაუმთავრებელი სახლების საპირკველი იყო ჩაყრილი. სიმბტიცეზე შემოწმების შემდეგ, განიზრახეს ამ მიტოვებული შენობების საპირკველის გამოყენება.¹⁵⁶ შენობის პროექტის შედგენა დაეწავლა არქიტექტორ ალ. ზალცმანს (უმცროსს), რომელსაც ამასთან ერთად მიეთითა, რომ მუზეუმის შენობას არ უნდა დაეფარა მეფისნაცვლის სასახლიდან გადაშლილი მშვენიერი ხედი, საიდანაც მოჩანდა ქალაქის დიდი ნაწილი კახეთის მთების გაყოლებაამდე. ამიტომ მუზეუმის შენობა მეფისნაცვლის სასახლის მიმართებაში პერპენდიკულარულად უნდა აგებულიყო.

ამავე პერიოდში დაისვა კავკასიის მუზეუმთან თბილისის საჯარო ბიბლიოთეკის მიერთების საკითხი.

კავკასიის მუზეუმთან, როგორც სოლიდურ, სამეცნიერო-კვლევით დაწესებულებასთან, მუზეუმის შესვეურთა მიერ უაღვიდანვე მოიაზრებოდა ბიბლიოთეკის არსებობაც, სადაც თავს მოიყრიდა კავკასიის შესახებ არსებული

¹⁵⁵ სსმ არქივი, 1864, 11/1 გვ. 49.

¹⁵⁶ Рауде Г., დასახ. ნაშრ., გვ. 38.

საბუნებისმეტყველო და კუმანიტარული ლიტერატურა, რაც გააძლიერებდა მუზეუმის სამეცნიერო პოტენციალს. ასეთ პარტნიორ--დაწესებულებად მიჩნეულ იქნა ე. წ. "ტფილისის საჯარო ბიბლიოთეკა". რომელმაც მუზეუმთან გაერთიანებამდე გარკვეული განვითარების გზა განელო და თავისი ტრადიციები გააჩნდა.

იგი დაარსდა 1846 წლის იანვარში კავკასიის მეფისნაცვლის მ. ეორონცოვის ინიციატივით¹⁵⁷ და განთავსებული იყო კანცელარიის ორ პატარა ოთახში, ხოლო წიგნები გაბნეული ოთხ სხვადასხვა შენობების სარდაფებში. მას სინესტისა და სიეიწროვისაგან დიდი საფრთხე აღება.

თავდაპირველად ბიბლიოთეკის ხელმძღვანელობა დაეწავლა მეფინაცვლის სამოქალაქო კანცელარიის უფროსს მოხელეს გაბრიელ ტოკარევს. იგი დიდი პასუხისმგებლობით მოეყიდა თავის მოვალეობას და ორწლიანი დაძაბული მუშაობის შედეგად შეადგინა ბიბლიოთეკის ბიბლიოგრაფიული საძიებელი.

ამ პირველი ბიბლიოგრაფიული საძიებელიდან ჩანს, რომ ბიბლიოთეკა ძირითადად დაკომპლექტებული ყოფილა რელიგიური, მხატვრული და ფილოსოფიური შინაარსის წიგნებით.¹⁵⁸

ბიბლიოთეკის ციგნსაცავი ძირითადად ივსებოდა შემოწირულობებით. მათ გაზეთ "კავკაზის" ფურცლებზე მოიხსენიებდნენ და მადლობას უცხადებდნენ. პირველი ასეთ შემოწირულებები იყვნენ: ვეზარქოსი ისიდორე, ეპისკოპოსი იერემია, ისტორიკოსი პლ. იოსელიანი, ცნობილი მოღვაწეები დ. ჩუბინაშვილი, მ. ჭილაშვილი, ფ. ცაგარელი, ა. ლორის--მელიქოვი, მ. ობოლენსკი, პოლკოვნიკი ი. პოტოცკი და სხვები.

ბიბლიოთეკას მეფინაცვალი მ. ეორონცოვი განსაკუთრებულ ყურადღებას აქცევდა. იგი არა მარტო პირად წიგნებს სწირავდა ბიბლიოთეკას, არამედ ენერგიულ ზომებსაც იღებდა მისი ფონდების გასაძლიერებლად. მან თხოვნით მიმართა განათლების სამინისტროსა და საიმპერატორო მეცნიერებათა აკადემიის ხელმძღვანელებს, რომ მათ დაქვემდებარებულ სამეცნიერო დაწესებულებებს თბილისის საჯარო ბიბლიოთეკისთვის უფასოდ გადაეცათ თავიანთი გამოცემული წიგნები. ასევე საუაღლებლო წესით, 1852 წლის 10 ივნისის

¹⁵⁷ გაზ. "Кавказ", 1848, 5 ივნისი

¹⁵⁸ გაზ. "Кавказ", 1847, 16 августа, Токарев Г., Об источниках сведений о Кавказе.

ბრძანებით, უნდა მოხვედრილიყო ბიბლიოთეკის თაროებზე კავკასიაში გამოცემული ყოველი წიგნის ორი ეგზემპლარი.

1848 წლის აგვისტოში, მ. ვორონცოვის სახსრებით შეიძინეს პეტერბურგის უნივერსიტეტის ყოფილი რექტორის ა. დეგუროვის პირადი წიგნები,¹⁵⁹ რომელიც მოგვიანებით გადაეცა თბილისის საჯარო ბიბლიოთეკას.

მეფისნაცვლის კანცელარიის შენობაში 1848 წლის 5 ივნისს მკითხველებისათვის გაიხსნა ბიბლიოთეკის სამკითხველო დარბაზი. ამ პერიოდისათვის ბიბლიოთეკაში უკვე ირიცხებოდა 14 ენაზე გამოცემული 900 დასახელების 3000-ზე მეტი წიგნი. აქედან 145 დასახელების 288 წიგნი კავკასიას შეეხებოდა.¹⁶⁰ სულ მალე, ერთი წლის შემდეგ, ბიბლიოთეკა მოითვლიდა 1957 დასახელების 5429 წიგნს, ხოლო აქედან 323 დასახელების 515 წიგნი კავკასიაზე იყო.¹⁶¹

მკითხველისათვის შდგენილი იყო სისტემატური, ანბანური და საინვენტარო კატალოგი.

რადგან ბიბლიოთეკა ფართის დიდ ნაკლებობას განიცდიდა, მ. ვორონცოვის წინადადებით ქართველ გრენადერთა პოლკის უფროსმა, გენერალ-მაიორმა და პოეტმა ვახტანგ ორბელიანმა ქადაქის ცენტრში ალექსანდრეს ბაღის ქვედა ნაწილში 1851 წელს ააგო ერთსართულიანი შენობა,¹⁶² რომელიც იჯარით გადაეცა ბიბლიოთეკას. ამავე პერიოდში დაწესდა "ტფილისის საჯარო ბიბლიოთეკის ბიბლიოთეკარის" თანამდებობაც.¹⁶³

ახალ შენობაში დაბინაებულმა თბილისის საჯარო ბიბლიოთეკამ 1852 წლის 1 მაისს მიიღო თავისი პირველი მკითხველები. ამ დროს ბიბლიოთეკაში უკვე 5249 დასახელების 13051 წიგნი ირიცხებოდა. აქედან 477 დასახელების 873 წიგნი კავკასიას შეეხებოდა.¹⁶⁴

ამავე წელს ბიბლიოთეკის დირექტორად ღანიშნეს ლიუდევიგ დუ სენ-ტომა, რომელიც რამოდენიმე თვის შემდეგ, მისმა ვაჟმა, პროფესიით ნუმიზმატმა, ელადიმერმა შეცვალა. ამ უკანასკნელმა თანამდებობაზე 1857 წლამდე დაყო.

¹⁵⁹ სსმ არქივი, 1848, 3323, გვ.218.

¹⁶⁰ გაზ. "Кавказ," 1848 5 ივნისი.

¹⁶¹ გაზ. "Кавказ," 1850 21 იანვარი, № 6.

¹⁶² "Кавказский календарь" на 1856 г., Тифлисская публичная библиотека, გვ. 217.

¹⁶³ "Сенатские ведомости", 1850 .26 აპრილი.

¹⁶⁴ Исрже А., "Краткий каталог Тифлисской публичной библиотеки (1846-1861)", ტფ., 1861, გვ. 10.

ბიბლიოთეკის ციგნსაცავი სწრაფად იზრდებოდა. იგი რეგულარულად იღებდა წიგნებს და პერიოდულ გამოცემებს იმპერიის სხვადასხვა ქალაქებიდან და ორგანიზაციებიდან. მას სისტემატურად აწვდიდნენ თავის გამოცემებს მეცნიერებათა აკადემია, საიმპერატორო საჯარო ბიბლიოთეკა, განათლების სამინისტრო, კავკასიის ცენზურის კომიტეტი და სხვები.

ბიბლიოთეკის განვითარება შეაფერხა ყირიმის ომის დაწყებამ. 1853—1856 წლებში წიგნები აღარ შემოდის ოდესიდან და სამხრეთ რუსეთის ქალაქებიდან. მაგრამ ომის დამთავრების შემდეგ მდგომარეობა გამოსწორდა.

1858 წლის თებერვალში ბიბლიოთეკის დირექტორად დაინიშნა ადოლფ ბერჟე. მან თავიდანვე განსაკუთრებული ყურადღება მიაქცია თავის დაწესებულების სპეციალიზაციას და მის კავკასიოლოგიური ლიტერატურით სწორად დაკომპლექტებას: "ტფილისის საჯარო ბიბლიოთეკის თავისებურება ის არის, რომ იგი კავკასიის შესახებ სპეციალური წიგნსაცავია. ამით გამოირჩევა ის სხვებისაგან"¹⁶⁵--აღნიშნავდა იგი.

მალე ა. ბერჟემ ხელი მოჰკიდა ბიბლიოთეკისათვის ბიბლიოგრაფიული კატალოგის შედგენას და 1861 წლის დასაწყისში გამოსცა კიდევ იგი. კატალოგი ანბანური და სისტემატური ნაწილისაგან შედგებოდა და მოიცავდა 5290 დასახელების 11655 წიგნს.¹⁶⁶ ამასთან ერთად, მან გ. რადეს, პ. აბიხის და ი. სტენბიციის რეკომენდაციით შეადგინა საბუნებისმეტყველო და პუბლიცისტური შინაარსის წიგნების სია, რომლითაც უნდა შეესებულებოდა ბიბლიოთეკა.

თბილისის საჯარო ბიბლიოთეკისადმი ზრუნვა გააგრძელა კავკასიის ახალმა მეფისნაცვალმა მიხეილ ნიკოლოზის ძემ. მან ბიბლიოთეკას გამოუყო 3500 მანეთი ერთდროული დახმარება. მისივე ინიციატივით ა. ბერჟე მიაღწინეს საფრანგეთსა და გერმანიაში წიგნების შესაძენად.

ა. ბერჟე განათლების მინისტრს მოახსენებდა: "კავკასიის მეფისნაცვალმა ტფილისის საჯარო ბიბლიოთეკის გამდიდრება ისურვა და მიმავლინა გერმანიაში და საფრანგეთში დავალებით, რომ შემეძინა კავკასიის შესახებ წიგნები."¹⁶⁷ა. მას ლაიფციგში ბროკჰაუზისგან, პეტერბურგში ბოტეპაჟისა და კალუგინისაგან შეუძენია 470 დასახელების წიგნი და 40 რუკა.

¹⁶⁵ იქვე გვ. 12

¹⁶⁶ Берже А., დასახ. ნაშრ., გვ. 18.

¹⁶⁷ სსმ არქივი, 1865, 10/230, გვ. 105.

ამასთან ერთად, ა. ბერეჟემ უფრო მოაწესრიგა კავკასიაში გამოცემული ნაბეჭდი პროდუქციის საედიტო-ბეჭდო-გამომცემლობის ბიბლიოთეკისათვის ლუფასოდ/გადაცემა.

ბიბლიოთეკის წიგნსაცავი ახლად შემოსული წიგნებით ისე გამდიდრდა, რომ საჭირო გახდა მოკლე კატალოგის პირველი დამატების გამოცემა, რაც ისევ ბერეჟემ ითავა. 1865 წელს გამოიცა კატალოგის პირველი გაგრძელება, რომელშიც შევიდა 996 დასახელების 1955 ახალი წიგნი.

ამ პერიოდისათვის ბიბლიოთეკაში იყო 6256 დასახელების 13610 წიგნი. მათ შორის 877 დასახელების 1533 წიგნი კავკასიას ეხებოდა¹⁶⁸

საჯარო ბიბლიოთეკა დიდი მოწონებით სარგებლობდა, როგორც თბილისელების, ისე ქალაქის მრავალრიცხოვან სტუმრებს შორის. ამას კარგად ამტკიცებს ის მოსაზრებები, რომელიც გამოითქმებოდა მის მიმართ. მაგალითად, თბილისის საჯარო ბიბლიოთეკის წიგნადი ფონდის მრავალფეროვნებას იწონებდა ცნობილი ნატურალიტი აკადემიკოსი კარლ ერნსტ ბერი, გერმანელი სწავლული ადოლფ ბასტიანი და სხვები.

ამრიგად, კავკასიის მუზეუმთან გაერთიანებამდე თბილისის საჯარო ბიბლიოთეკა თავის არსებობის 20 წელს შოთველიდა და უკვე ავტორიტეტულ დაწესებულებას წარმოადგენდა. მის საცავებში დაცული წიგნების მნიშვნელობის გამო, მას თამამად აუწებდნენ აზიის სოლიდურ ბიბლიოთეკების: ბომბეის, კალკუტის, ბატავიის და სხვა ანალოგიურ დაწესებულებათა გვერდით.

იმპერატორის მიერ დამტკიცებული კავკასიის მხარის მმართველობის რეორგანიზაციის შესახებ სენატის 1867 წლის 9 დეკემბრის განკარგულების საფუძველზე შედგა კავკასიის მნიშვნელოვანი დაწესებულებათა ახალი შტატები და ხარჯთაღრიცხვა, რომელიც იმავე წლის 31 დეკემბერს დაამტკიცა მეფისნაცვალმა მიხეილ ნიკოლოზის ძემ.¹⁶⁹ 1868 წლის 2 იანვრიდან კავკასიის მუზეუმი და საჯარო ბიბლიოთეკა გაერთიანდა ერთი ხელმძღვანელობის ქვეშ და ეწოდა "კავკასიის მუზეუმი და ტფილისის საჯარო ბიბლიოთეკა". ამ დაწესებულების დირექტორად დაინიშნა გუსტავე რადე.

კავკასიის მუზეუმის მესვეურთა აზრით, კავკასიის მუზეუმთან საჯარო ბიბლიოთეკის გაერთიანების შემდეგ, კიდევ უფრო

¹⁶⁸ Берже А., Продолжение краткого каталога Тифлисской публичной Библиотеки 1861-1865, ტფ., 1866, გვ.15.

¹⁶⁹ სსმ არქივი, 1867 132, გვ. 31.

უნდა გამოკვეთილიყო ბიბლიოთეკის სპეციალიზაცია და იგი კავკასიის შესახებ ინფორმაციის ცენტრალურ წიგნთსაცავად ქცეულიყო.

მუზეუმისა და ბიბლიოთეკის გაერთიანებას მოწონებით შეხვდა საზოგადოება. “მუზეუმისა და ბიბლიოთეკის გაერთიანება შესანიშნავია, ისინი ერთიმეორეს დაეხმარებიან” – წერდა გაზეთი “კავკაზი”.¹⁷⁰

მუზეუმის მსგავსად, რადგანაც ბიბლიოთეკაც განიცდიდა ფართის დიდ ნაკლებობას, გადაწყდა მისთვის მუზეუმის ეზოში ახალი შენობის აგება.

1868 წლის 16 აპრილს ტექნიკურმა კომისიამ ნიკოლოზის ქუჩის დასაწყისში ზემოთ ხსენებული საძირკვლის გამოკვლევის შემდეგ მიიღო გადაწყვეტილება მისი ვარგისიანობის შესახებ, რომელზეც შესაძლებელი იყო ახალი შენობის დაშენება. არქიტექტორ ა. ზალცმანის პროექტით მუზეუმისა და ბიბლიოთეკის შენობები უნდა აშენებულიყო ერთმანეთის გვერდით და შეერთებულიყო გალერეით. მათ შორის განსაზღვრული იყო დიდი შენობის აგება, რომლის ცენტრალური დარბაზის გამოყენება ლექციებისა და კონცერტებისთვის უნდა ყოფილიყო შესაძლებელი. შენობებისა და გალერეის უკან, ეზოში ნაგარაუდვეო იყო მარადმწვანე მცენარეებით ბაღის გაშენება, სადაც მოთავესდებოდა გალია და ვოლიერები ცოცხალი ფრინველებითა და ცხოველებით.¹⁷¹

“კავკასიის მუზეუმის კოლექციების” მე-6 ტომში გამოქვეყნებულია მუზეუმისა და ბიბლიოთეკის შენობების პროექტი. ესაა აღმოსავლური, კერძოდ, სპარსული სტილის ერთსართულიანი შენობები, რომლებიც ერთმანეთთან შეერთებულია ნახევრად წრიული გალერეით. შენობების ფანჯრებისა და გალერეის კოლონადის თავების შესრულება წვეტიანი ისრული კონსტრუქციით იყო ნაგარაუდვევი. მოგვიანებით, შენობის ფასადის სპარსულ სტილში გადაწყვეტას კ. რაფე რატომღაც თავად ს. ნ. ტრუბეცკოის მოთხოვნით ხსნიდა,¹⁷² თუმცა ჯერ კიდევ 1867 წელს მუზეუმის გახსნისას წარმოთქმულ სიტყვაში და მის მიერ აკვარელით შესრულებულ ზემოთ აღნიშნულ პროექტზე ნათლად ჩანს, რომ სწორედ ასეთი სტილის შენობაზე ოცნებობდა იგი.

¹⁷⁰ გაზ. “Кавказ”, 1871, 8-17 იანვარი.

¹⁷¹ Коллекция Кавказского Музея, т. VI, ტფ., 1912, გვ. 81.

¹⁷² Радде Г., დასახ. ნაშრ., გვ. 39.

1868 წლის მაისში მეფისნაცვალმა დაამტკიცა აღნიშნული პროექტი და იმავე წლის აგვისტოდან სწრაფი ტემპით იწყება სამშენებლო სამუშაოები. წლის ბოლოსთვის მუზეუმის შენობა თითქმის დამთავრებული იყო. ბიბლიოთეკის და შემაერთებელი გალერეის მშენებლობა კი უსახსრობის გამო შეფერხდა.

1869 წლის აგვისტოში უკვე შეიძლებოდა მუზეუმის ახალ შენობაში მასალების გადატანა, რაც ნოემბრის პირველ რიცხვებში დაიწყეს კიდევ. ამისთვის ხელისუფლებამ გამოყო 500 მანეთი.

1869 წლიდან ბიბლიოთეკის შენობის მშენებლობა განახლდა და დამთავრდა 1870 წლის ზაფხულში. დაიწყეს კიდევ იქ წიგნებისა და კარადების გადატანა, მაგრამ ეს საქმე გააჩიანურდა 1871 წლის 1 მარტამდე. წიგნების კარადებისა და თაროებისთვის დურგალ ზეტცერს გადაუხადეს 930 მანეთი. 241 მანეთი გამოყვეს ახალი ავეჯისთვის. შეისყიდეს აგრეთვე 90 მანეთის ახალი წიგნები და წესრიგში მოიყვანეს მათი ყდები.

ახლი შენობის მშენებლობის პარალელურად შეკეთდა ალექსანდრეს ბაღის ტერიტორიაზე მდებარე ბიბლიოთეკის ძველი სამკითხველო დარბაზი, რომელმაც 1869 წლის 8 იანვრიდან განაახლა ფუნქციონირება. იგი ღია იყო კვირაში 3-ჯერ: ორშაბათობით, ოთხშაბათობით და პარასკევობით, დღის პირველიდან-3 საათამდე. დღეში ბიბლიოთეკა საშუალოდ ემსახურებოდა 15 მომსახურებელს¹⁷³ და შეიდი თვის განმავლობაში მიიღო 1873 მკითხველი¹⁷⁴

ბიბლიოთეკისათვის წიგნების შესაქენად ყოველწლიურად გამოიყოფოდა 200 მანეთი, რაც მართალია არ იყო საკმარისი, მაგრამ ამ თანხით მაინც ხერხდებოდა მნიშვნელოვანი რაოდენობის და ხარისხის ლიტერატურის ყიდვა. ამ გზით მოხედა ბიბლიოთეკაში ლაიფციგიდან ა. სობოლევსკის წიგნების კოლექციის ნაწილი. ბოტანიკოს ი. ოეკრინის წიგნები, ობსერვატორიის დირექტორის ბ. დორანდტის საბუნებისმეტყველო ლიტერატურა და სხვა¹⁷⁵ მაგრამ გაცილებით მეტი წიგნი შემოდიოდა სხვადასხვა პირებიდან და ორგანიზაციებიდან შემოწირულობათა გზით.

ბიბლიოთეკა პერიოდულად მდიდრდებოდა მსოფლიოს სხვადასხვა სამეცნიერო ცენტრებოდან გამოგზავნილი

¹⁷³ "Кавказский календарь" на 1869 г. გვ. 392.

¹⁷⁴ სსმ არქივი 1870, 16/5 ფვ. 45.

¹⁷⁵ Сиверс Г., Второе продолжение краткого каталога Тифлисской публичной библиотеки, ტფ., 1881 გვ. III.

წიგნებით. ასეთი ქველმოქმედებით გამოირჩეოდნენ: ვაშინგტონის სმითსონის ინსტიტუტი, ქრისტიანის (ნორვეგიის) საჯარო ბიბლიოთეკა, და სხვა ორგანიზაციები.

თბილისის საჯარო ბიბლიოთეკამ უსასყიდლოდ მიიღო გენერალ-ლეიტენანტ ი. ბართოლომეის წიგნებისგან შემდგარი კავკასიის მოყვარულ არქეოლოგთა ბიბლიოთეკა, ხოლო კავკასიის სამთო სამმართველოსაგან-- 220 დასახელების 370 წიგნი.¹⁷⁶

კავკასიის სტატისტიკური კომიტეტის დირექტორმა ნ. ზეიდლიცმა ბიბლიოთეკას აჩუქა 500 წიგნი და პერიოდიკა.

შემომწირველებიდან უნდა აღინიშნოს აგრეთვე: მ. ნ. რომანოვი, ნ.მ. რომანოვი, ა. ნიკოლაი, ნ. ხანიკოვი, პ. აბიხი, ა. ბლიუმბერგი, ალ. კომაროვი, თ. ფონ-კოშკული, ი. სტებნიცკი, პ. რერბერგი, გ. სტრუვე, გ. სიკერსი, კ. ბროშნილოვსკი, ი. ტრუბეცკოვი და სხვები.

ამ პერიოდში განსაკუთრებით მწვავედ დაისვა მუზეუმის დირექტორის თანაშემწის თანამდებობის შემოღების საკითხი. ეს პირი ძირითადად ბიბლიოთეკის მუშაობას უხელმძღვანელებდა და დირექტორის მოვალეობას შეასრულებდა ამ უკანასკნელის თბილისში არყოფნის დროს. გ. რადეს წარდგინებით ამ თანამდებობაზე 1869 წლიდან მუშაობას იწყებს აკადემიკოს თ. ბრანდტის ვაჟი, აგრონომიულ მეცნიერებათა კანდიდატი, (გ. რადეს ცოლისძმა), ტიტულარული მრჩეველი თეოდორ ბრანდტი. ამ უკანასკნელმა თანამდებობაზე დაჰყო 1873 წლის იუნისამდე. 31 წლის თ. ბრანდტი თვალების ავადმყოფობის გამო იძულებული შეძინა გასულიყო პენსიაში. იგი შეცვალა ლიფლანდიის მოქალაქემ თავადმა ევალდ გერშელმანმა. მის არყოფნისას ბიბლიოთეკას დაჭირაებული ი. ანანოვი განაგებდა.

1872 წელს მუზეუმის პრეპარატორ კარლ მიულერის ნაცვლად დაინიშნა მისი მოწაფე ი. რიბანსკი.¹⁷⁷ პრეპარატორის თანაშემწის მოვალეობას ასრულებდა ნიკოლოზ ეუკოვსკი. ამავე წელს მუსეუმს კიდევ ერთი დარაჯი დაემატა, დარაჯებად მუშაობდნენ თადარიგის ჯარისცვალები თ. მაგალიტინი და ნ. ნიკიტინი. პარალელურად მთელი ძალებით მიმდინარეობდა მუშაობა სამუზეუმო მასალების შესაგროვებლად და ექსპოზიციის შესაგეგმად. 1868 წლის ნოემბერში კავკასიის მუზეუმს გადაეცა სასოფლო-სამეურნეო საზოგადოების

67 "Кавказский календарь" из 1874 г. 251.

¹⁷⁷ სსმ არქივი, 1873, 17/6, გვ. 47

მუზეუმის მრავალი მასალა, რომელშიც 32686 ერთეული ფ. ბაყურის კოლექციებიდან იყო.

გ. რადემ 1868—69 წლებში მოაწყო ექსპედიცია ყაზბეგში, რათა მუზეუმისთვის შეეძინა კავკასიური ჯიხვი და მთის ფრინველები, შემდეგ იგი გაემგზავრა არარატის მიდამოებში, სადაც მოახერხა ველური ცხერისა და თხის ყიდვა.¹⁷⁸ 1870 წლის აპრილში რადემ გერმანელ მეცნიერ გ. სივერსთან ერთდ, მეორეჯერ მოგზაურობს ლენქორანში (თალიშში), ხოლო იმავე წლის მაისის ბოლოს — კასპიის ზღვის აღმოსავლეთ სანაპიროებსა და კრასნოვოდსკის მიდამოებში. აქედან მეცნიერებმა გადაინაცვლეს სომხეთის სეგანზე და გამოიკვლიეს ერშიაძინის, ნახიგვანის, არაქსის ველისა და ყარაბახის ტერიტორიები. აღნიშნული ქესპედიციების დროს მრავალი საბუნებისმეტყველო მასალა იქნა მოძიებული.)

ამ პერიოდში მუზეუმის ფონდები მნიშვნელოვნად მდიდრდებოდა ახალი ექსპონატებით. 1870 წელს მუზეუმს გადაეცა ყუბანის ოლქში ნაპოვნი წარწერიანი და ორნამენტური ქვის ფილები და ყორღანულ სამარხში აღმოჩენილი მასალები. მუზეუმისთვის მნიშვნელოვანი შენაძენი იყო ბაქოს გუბერნიის ლენქორანის მაზრის სოფელ კიზილ-აეარის მცხოვრებთა მიერ წყალსადენის გაყვანის დროს მიწაში ნაპოვნი განძი, რომელშიც იყო 88 ვერცხლის მონეტა, მოჭრილი 532-557 წლებში (პიჯრით), შირვანის მფლობელ შაჰ-ნუსრევანის დროს.¹⁷⁹ საინტერესო იყო აგრეთვე ანაპელი გლეხის აიზოპულოს მიერ შემთხვევით ნაპოვნი ოქროს მონეტა. ამავე წელს მუზეუმს გადაეცა ერიწოვის მიერ ლორეს ხეობაში არქეოლოგიური გათხრების შედეგად მოპოვებული მასალა, ქალაქ შუშაში 250 მანეთად შეიძინეს ქსოვილები, ხალიჩები, ფარდაგები, ჯეჯიმი და სხვ. მთლიანად კავკასიის მუზეუმის ახალი გამოფენის მოწყობაზე დაიხარჯა 3100 მანეთი.

სამუზეუმო ფონდების დაკომპლექტებასა და ახალი გამოფენის მოსამზადებელ სამუშაოებში უდიდესი მნიშვნელობა პქონდა ხელისუფლების კეთილგანწყობას მუზეუმისადმი. გადამწვევტი იყო აგრეთვე კერძო პირების თანადგომაც. გ. რადემ მათ მადლიერებით მოიხსენიებდა: “მთავრობა ყოველთვის ხელს უწყობდა მუზეუმის კოლექციების გამდიდრებას და საინტერესო ნივთების შესაძენად მნიშვნელოვან თანხებს

¹⁷⁸ Коллекция Кавказского Музея т VI, т. 1912 გვ. 81; სსმ არქივი, 1870, 16/5, გვ. 173.

¹⁷⁹ სსმ არქივი 1870, 16/5, გვ. 87.

ხარჯავდა. მეორე მხრივ კერძო პირები თავიანთი შემოწირულებებით დიდად ეხმარებოდნენ მუზეუმს¹⁸⁰.

ამ საქმეში ქვეყნის უმაღლესი პირებიც მონაწილეობდნენ. დიდი მთავრები: ნიკოლოზ ნიკილოზის ძე, ნიკოლოზ მიხეილის ძე, მიხეილ ნიკოლოზისძე, კნიაგინია ოლგა ფეოდორის ასული, პრინციები; ალექსანდრე ალტენბურგელი, მირზა რიზა-ხანი, ბუგენ მირზა, მამულ ხანი და სხვები. განსაკუთრებით გამოირჩეოდა მეფისნაცვალ მიხეილ ნიკოლოზის- ძე, რომელმაც მუზეუმს საჩუქრად გადასცა მრავალი ბოტანიკური, ზოოლოგიური და ისტორიული მასალა. მისი განკარგულებით მუზეუმმა მიიღო ძვ. წ.-ად. III საუკუნის სკეითურ-სარმატული ოქროს ყელსაბამი, ოსეთში აღმოჩენილი ბრინჯაოს ფიგურები, მძელებური მონეტა ბიჭვინთიდან, ქალის ძვირფასი სამკაულები ყარანოღაის ოლქიდან, სპარსელი მხატვრის მიერ შესრულებული თემურ ლენგის პორტრეტი, ქალის ქვის დიდი ქანდაკებები და სხვა სიძველეები. მეფისნაცვლის შეილებიც აქტიურ მონაწილეობას იღებდნენ მუზეუმის ფონდების დაკომპლექტებასა და მეცნიერულ განსახილველში. უფროსი ვაჟი ნიკოლოზი გატაცებული იყო საბუნებისმეტყველო მეცნიერებებით, განსაკუთრებით კი ენტომოლოგიით. იგი პეპლების დიდ მოყვარულად და მცოდნედ ითვლებოდა. მისი შრომები ლექციონატუროლოგიაში საქვეყნოდ იყო ცნობილი. მოგვიანებით მან თავისი უნიკალური პეპლების კოლექცია საჩუქრად გადასცა საიმპერატორო მეცნიერებათა აკადემიას. მეფისნაცვლის უმცროსი ვაჟი გიორგი კი გატაცებული იყო ნუმიზმატიკით. იგი ამ დარგში მრავალი სამეცნიერო ნაშრომის ავტორი იყო და მდიდარ კოლექციებსაც ფლობდა. ისინი კავკასიის მუზეუმთან დიდი ხალისით თანამშრომლობდნენ.

მუზეუმს შემოწირულობების სახით ამ პერიოდში მრავალი პირი ეხმარებოდა. კავკასიის მუზეუმის 1875 წლის გზამკვლევაში შემოწმირავთა შორის ქართველებიდან მოხსენიებულნი არიან თავადები; ი. აბხაზი, ა. წულუკიძე, მ. ნაკაშიძე, დ. ჩოლოყაშვილი. აგრეთვე ი. მამაცაშვილი, ნ. წილოსანი, მრეწველი ი. სუბალაშვილი და ცნობილი მეცნიერი დიმიტრი ბაქრაძე. ამ უკანასკნელს მუზეუმისთვის გადაუცია ეტრატზე შესრულებული ბაგრატი IV-ის კუთვნილი 1032 წლით დათარიღებული სახარება.¹⁸¹ მან მუზეუმს უსასყიდლოდ გადასცა აგრეთვე ოსეთში აღმოჩენილი ბრინჯაოს ხანის

¹⁸⁰ Краткий путеводитель Кавказского Музеума, ტფ., 1875, გვ. 3.

¹⁸¹ Краткий путеводитель Кавказского Музеума, ტფ., 1875, გვ. 13.

ნიეთები. მღვდელმა დავით მაჭავარიანმა კი -- ზუგდიდის მაზრის სოფელ ეწერფერდიდან ჩამოტანილი ძველებური ჯვრები და მონეტები. სამთო ინჟინერმა ალექსანდრე წულუკიძემ მუზეუმს შესწირა რაჭის ახალსოფლიდან ძველებური საეკლესიო ნიეთები. მუზეუმს ფულადი შემოწირულობებითაც ეხმარებოდნენ: თავადმა დ. ჯორჯაძემ მუზეუმს საჩუქრად გადასცა 300 მანეთი, ხოლო მოქალაქე ა. სარქისოვმა--200 მანეთი.¹⁸²

გ. რადე დიდი მადლიერებით მოიხსენიებდა იმ პირებს, რომლებმაც უსაუყიდლოდ გადასცეს ნიეთები და გაამჟღირეს მუზეუმის ფონდები. ისინი იყვნენ:

გეოლოგიაში-- შტეინმანი, მიულერი, ფონ-კოშკული, გულიშამბაროვი, გიობელი, ლენცი, სიმენსი, სივერსი, იაკობი, კეიზერლინგი, უვაროვი და სხვები;

ბოტანიკაში-- ჩერმაკი, ნორმანი, მედვედევი, შარერი, ზვიდლიცი, შაროიანი, აბელი, გერბინგი, ლოიკა, კაზაცკი, ნობელი, ტიზენაუზენი, გეპერტი და სხვ. აკადემიკოსმა რუპრეხტმა გარდაცვალების წინ მუზეუმს გადასცა კავკასიის ალპიური მცენარეების დიდი კოლექცია;

ზოოლოგიაში-- კონტაკუზინი, გრევე, კომაროვი, რააკი, შლიტერი, ტელიაფუსი, რენენკაფი, სერგეევი.

ეთნოგრაფიაში-- ბერჟე, ვირუბოვი, ზალცმანი, კაუფმანი, ბენტკოვსკი, დონდუკოვ-კორსაკოვი, მეშერსკი, პეტერსი, აივაზოვსკი.

ისტორიაში-- სტროგანოვი, შინკვიცი, ლუნდუკვისტი, ლონგიოლი, ურუსოვი, იაკიმოვი, არწრუნი, ყულინი, ბართოლომეი, ელიაზაროვი, მოშინი, ლევაშოვი, ზეზემანი, გეიმანი და სხვა

ნუმიზმატიკში-- პილენკო, სუმარიკოვ-- ელსტონი, გენერალი კოლუბაიკინი, სპარსეთის კონსული მამუდ ხანი, ბუტკევიჩი, მასლოვსკი, კრაჭევსკი, გრიმი და სხვები.

ადენიშნავთ ზოგიერთ ექსპონატს, რომელიც მუზეუმს შემოწირულობით გადაეცა: XVIII საუკუნის შუახანის ოქროთი მოვარაყებელი მუზარადი, რომელიც ეკუთვნოდა თავად ივანე მუხრან-ბატონს, იგი მუზეუმმა მიიღო გენერალ ი. ბართოლომეისგან, დადესტნელი ქალის ძვირფასი სამკაული -- ნ. წილოსანისგან, ტამანის ნაევარკუნძულიდან ელინისტური ხანის სიძველეები -- სამთო-ინჟინერ ფონ-კოშკულისგან, XVI საუკუნის კერამიკული ჭურჭელი თავად ურუსოვისაგან; ქვის

¹⁸² სსმ არქივი, 1878, 22/11, გვ. 54.

ბევლი ბარელიეფების ფრაგმენტები - ტრაპიზონის კონსულ მაშინისგან; 1869 წელს წმინდა კვირიკეს ეკლესიიდან ჩამოტანილი სახარების ბერძნული უნიკალური ხელნაწერი გრაფ ლევაშოვისგან.¹⁸³ აღნიშნული ხელნაწერი შეისწავლა აკად. მარი ბროსემ და შეიტანა მეცნიერებათა აკადემიის ბიულეტენში.

მუზეუმს ასევე დიდ დახმარებას უწევდნენ სხვადასხვა სამეცნიერო ცენტრები და დაწესებულებები: რუსეთის საიმპერატორო მეცნიერებათა აკადემიამ მუზეუმს გადასცა— ტრაპიკული ქვეყნების ცხოველთა ჯგუფის ძუძუმწოვრებისა და ფრინველების ფიტულები, პეტერბურგის საიმპერატორო ბოტანიკურმა ბაღმა—მცენარეულთა მდიდარი კოლექციები, ლონდონის ალპურმა კლუბმა—პერბარიუმები და ფოტოები, პაბურგის სიძველეთა მუზეუმმა—ქვის უძველესი იარაღები, რუსეთის საიმპერატორო ტექნიკური საზოგადოების კავკასიის განყოფილებამ—კავკასიის წიაღისეულთა ნიმუშები, კავკასიის სამოქალაქო უწყების მთავარი სამმართველოს კანცელარიამ— ჩრდილოეთი კავკასიის სიძველეები და ნუმიზმატიკური მასალები, კავკასიის სამხედრო საოლქო შტაბმა—ისტორიული და ეთნოგრაფიული ხასიათის ფოტოები, თბილისის საარტილერიო არსენალმა საბრძოლო იარაღისა და მეომრის ძველებური აღჭურვილობა. ამის შესახებ გ. რადე აღნიშნავდა: “არსენალიდან მიღებულია მუზარადების დიდი რაოდენობა, რომელიც ირანთან ომების დროსაა მოპოვებული.”¹⁸⁴

როგორც აღვნიშნეთ, მთავრობა დიდად უწყობდა ხელს სამუზეუმო კოლექციების შესყიდვას: მნიშვნელოვანი თანხები გამოიყო პოგენაეკერის პერბარიუმების საყიდლად. ასევე დიდი თანხა იქნა გადახდილი თბილისელი ფოტოგრაფის დიმიტრი ერმაკოვის ფოტოალბომების, ობერტის ნუმიზმატიკური, იუტნერის ზოოლოგიური, ლორენცის თევზების, შლიუტერის ძუძუმწოვრების, ბრიშკის ფრინველების, ტოდემანის პეპლების კოლექციების შესაძენად.¹⁸⁵ მუზეუმმა 232 მანეთი გადაუხადა აკად. ა. ზალცმანს ქართული ეკლესიების კედლებიდან აღებული ორნამენტების გაღმოსვენისთვის.¹⁸⁶

¹⁸³ სსმ არქივი, 1870, 16/5 გვ. 9.

¹⁸⁴ Радле Г., Хевсурия и Хевсури, ტფ. 1894, გვ. 83.

¹⁸⁵ Радле Г., Краткий очерк истории развития Кавказского музея, ტფ. 1891, გვ. 11.

¹⁸⁶ სსმ არქივი, 1870, 16/5, გვ. 157.

მუზეუმში მასალები გაცვლითი წესითაც შემოდიოდა. ბერლინისა და კალკუტის მუზეუმებმა გადმოსცეს კერპისა და ინდოეთის ფრინველთა მდიდარი კოლექციები.

სამუზეუმო მასალათა სისტემატიზაციასა და მეცნიერულ შესწავლაში კავკასიის მუზეუმს მსოფლიოში ბევრი ცნობილი მეცნიერი ეხმარებოდა.

მინერალოგია-გეოლოგიური მასალების განსაზღვრაში მუზეუმთან თანამშრომლობდნენ: არწრუნი, ვალენტინი, ბრანდტი, აბიხი, სივერსი, ივანიცკი, შტეინმანი, დევი, მიულერი, მორგანი.

ზოოლოგიურ მასალათა დამუშავებაში—ბლაზიუსი, ვალტერი, გომეიერი, დრესერი, რეიხანოვი, კაბანისი, შტრაუხი, ბეტგერი, ფონ-შმიდტგაუენი, ლორენცი, რეიტერი, განგლბაუერი, ფონ-ვატენი, სოსიური, გრუბე, კობელტი, მარტენსი, გერცენშტაინი, შტაუდინგერი, ხრისტოფი, კიზევიტერი.

ბოტანიკური ექსპონატების შესწავლაში—ტრაუტვეტერი, რეგელი, რუპრეხტი, ვინკლერი, ნიშანი, გერდერი, ბროტერუსი, კარსტენი, კოვენცი, შარერი, მაქსიმოვიჩი.¹⁸⁷

ნუმიზმატიკასა და არქეოლოგიურ მასალათა გარკვევაში—ბროსე, გრიმი, ტიზენაუზენი, ივერსენი, გაგარინი, ბართოლომეი, ბრიუნინგი, ბერჟე, კომაროვი, მორგანი, ვეიზბახი, ეირსოვი, ივანოვი და სხვა.

1870 წლის 13 სექტემბერს კვირას დამთავლიერებულთათვის ოფიციალურად გაიხსნა კავკასიის მუზეუმის ახალი ერთსართულიანი შენობა,¹⁸⁸ რომელიც მდებარეობდა მეფისნაცვლის სასახლის პირდაპირ გოლოენინის პროსპექტისა და ნიკოლოზის ქუჩის კუთხეში. მისი გამოყენები ღია იყო კვირაში სამჯერ: სამშაბათობით, პარასკეობით და კვიარობით, დილის ათი საათიდან შუადღის სამ საათამდე. მუზეუმში შესვლა ღირდა 20 კაპიკი, ხოლო წლიური საოჯახო აბონემენტები კი—ორი მანეთი.

როგორც იყო მუზეუმის 1870 წლის გამოყენა, შეიძლება კიმჯელოთ გ. რადეს მიერ 1870 და 1875 წლებში გამოცემული უზამკველევების მიხედვით. შეიძლება ითქვას, რომ ეს იყო გამართული, მაღალკვალიფიციურად მოწყობილი სტაციონარული გამოყენა, რომლის მიზანი იყო იმ დროს მიღებული სამუზეუმო ხერხებით აესახა კავკასიის ფლორა, ფაუნა და მხარის ეთნოგრაფია.

¹⁸⁷ Коллекция Кавказского Музея, т. VI, ст. 117.

¹⁸⁸ გაზ. "Кавказ", 1870, № 105.

მუზეუმის ერთსართულიანი შენობის რვა დარბაზში განლაგებულ 46 კარადასა და 47 ვიტრინაში წარმოდგენილი იყო ნივთიერი ექსპონატები, ფიტულები, ფერწერული ტილოები, ფოტოები, მულაჟები, მანეკენები და სხვა.

საგამოფენო ფართის ნახევარი, 4 დარბაზი დათმობილი ჰქონდა ისტორიულ და ეთნოგრაფიულ ექსპონატებს, ხოლო დანარჩენი 4—ზოოლოგიურ, ბოტანიკურ და გეოლოგიურ მასალებს.

მუზეუმის ვესტიბული გაფორმებული იყო აღმოსავლურ სტილში. ცენტრალური თაღის ქვეშ ეკიდა სპარსული ჭადი, კედლები მორთული იყო სპარსული ქსოვილით. აქვე მოთავსებული იყო სპარსელი მხატვრის მიერ შესრულებული თემურ ლენგის (?) პორტრეტული სურათი. შესასვლელშივე სადგარზე იდგა ორი დიდი ქართული ქვევრი.¹⁸⁹

ვესტიბულიდან მარჯვნივ, პირველ დარბაზში წარმოდგენილი იყო კავკასიის ეთნოგრაფია. გამოფენილი იყო მხატვარ ფელიქს ხოდოროვიჩის მიერ თაბაშირისგან დაშზადებული ნაციონალური ტანსაცმლით შემოსილი მანეკენები. ისინი ასახავდნენ კავკასიაში მცხოვრებ ხალხთა ანთროპოლოგიურ ტიპებს. დარბაზის ცენტრში, სპეციალურ სადგარზე იდგა თიხის დიდი თაღარი. (საწინახელიდან ტკბილის ჩამოსახმელი პირფართო ჭურჭელი).

პირველი დარბაზის 5 კარადაში გამოფენილი იყო კავკასიის სხვადასხვა რეგიონში მცხოვრებ ქალისა და მამაკაცის ეთნოგრაფიული ტანსაცმელი: ჩოხა, ახალუხი, ქულაჯა, საღიაცო, ბეშქეთი, ქვაბანაკი, ელეგი, ზუბუნი, ჩიხთაკოპი, კაბაკარდი, კაბურა, კაყთარა, ჩაქურა, და ხირხა; ფეხსაცმელი: ბანდული, უძირო, ქალამანი, პიტი, მაშია, წუღა და წრიაპი; თავსაბურთი: ბუხრის ქუდი, ფაფახი, ფაფანაკი, ყაბალახი, მანდილი, რიდე, ჩიქილა, თაქსაკრაფი, კაქურა, დოლბანდი, სათაურა, ჩადრი, ჩალმა და ფესკა.

მომდგენო კარადაში წარმოდგენილი იყო საბრძოლო იარაღები: ხმლები, სატყვერები, დამბაჩები, თოფები, საპირისწამლები, შუბები, და კარპაჭები. აქვე იყო მეომრის სრული აღჭურვილობა: ზარადი, ზუჩი, აბჯარი, ფარი, სამკლავური, საფუხრე და სხვა. აქ განსაკუთრებულ ყურადღებას იქცევდა შუა საუკუნეების დროინდელი ოქროთი მოვარაყებული ქართული მუზარადი, ხვესური მეომრის ჯაჭვის პერანგი, ჩაჩქანი, ფრანგულა, სახელურა, რკინის ხელთათმანი, ქუდი,

¹⁸⁹ Краткий путеводитель Кавказского Музеума, ტფ., 1875, გვ. 6.

ქაშარი, ფარი, ხმალი და ა. შ. საინტერესო იყო აგრეთვე შამილის ნაქონი სატყეარი და სპარსული იარაღის მდიდარი კოლექცია.

შემდეგ ვიტრინაში მოთავსებული იყო კავკასიური მუსიკალური საკრავები: ფანდური, ჩონგური, თარი, საზი, არფა, აფსცხა, ჩანგი, ქაშანჩა, სტვირი, ჭიანური, ზურნა, ნაღარა და საღამური. დასარტყამი ინსტრუმენტები: დოლი, დიპლიპიტო, დაირა და სხვა.

ამავე დარბაზის ბოლო კარადაებში გამოფენილი იყო კავკასიელი ქალის სამკაულები და სხვადასხვა ძვირფასეულობა: ყულსაბამები, გულსაბნევები, სამაჯურები, თავსაბურაგები, ქამრები და სხვა. ამ კარადაში საყურადღებო იყო ეტრატზე შესრულებული XI საუკუნის ქართული ხელნაწერი, მარგალიტებითა და ძვირფასი ქვებით შექმნილი ოქროს ჯვარი თავისი ძეწკვით, რომელიც მეფისნაცვალმა საჩუქრად გადასცა მუზეუმს.¹⁹⁰ აქვე იყო გამოფენილი ძვირფასი ლითონებითა და ქვებით გაწყობილი ცხენის უნაგირი, მოსართავი, აღვირი, უზანგი და სხვა.

პირველი დარბაზის ფანჯრებს ქვემოთ მოთავსებული იყო შამილთან წარმოებული ბრძოლების შედეგად ჩაგდებული ნადავლი—ორი ზარბაზანი.

დარბაზში წარმოდგენილი იყო ხალხური სატრანსპორტო საშუალებების: ჩოჩილა ურმის, ბოლოთრის, თავკაეის, თურშის, თუშის, ლაჩქიმის, მანჯიკის და ღერწკალას მოდელები.

მეორე დარბაზის სამ კარადაში გამოფენილი იყო ეთნოგრაფიული საოჯახო ნივთები: სპილენძის ტურტელი, ბრინჯაოს ტალები, დოქები, ქვაბები, ჯამები და სხვა. აქვე იყო სამეურნეო ნივთები, ხალხური ტრადიციული წესით დამზადებული თიხის ტურტელი: ხელადა, დორა, დერგი, ბადია, გოზაური; ხის ტურტელი: ბაკანი, გობი, ვარცლი, თაბახი, თარფი და სხვადასხვა ექსპონატები; შესამე დარბაზის კარადაებში გამოფენილი იყო შემოწირული, ზოგ შემთხვევაში კი შექმნილი 2000-მდე მონეტა.

დარბაზის მარცხენა კედელთან სპეციალურ სადგარზე იდგა მცხეთიდან ჩამოტანილი ლათინურ ენაზე წარწერიანი ქვა.¹⁹¹

კარადაებს შორის წარმოდგენილი იყო სომხური სოფლების (პტლნის, მოლა აღის) და ერუენის სარდარის მეჩეთის

¹⁹⁰ Краткий путеводитель Кавказского Музеума, 1875, გვ. 13.

¹⁹¹ Краткий путеводитель Кавказского Музеума, 1875, გვ. 13.

მოძღვლები და ამ ნაგებობათა ნარჩენების ფრაგმენტები, მოჭიქული ფილები. აქვე იყო გამოფენილი ჯულფადან ჩამოტანილი საფლავის ქვები და ცხვირის ქვის ფიგურები. კედლებზე ეკიდა გოგჩის ტბის მიდამოებში აღმოჩენილი ლურსმნულ წარწერიანი ქვის ფილები.

მე-4-ე დარბაზის ოთხ კარადაში მოთავსებული იყო ამიერკავკასიაში აღმოჩენილი სიძველენი: პირველ ორ კარადაში გამოფენილი იყო ყუბანის ოლქის ქ. კეატერინოვარის ახლოს გათხრილ სამაროვანზე მოპოვებული ვერცხლისა და ოქროს ნივთები, სატევრები. შემდეგ კარადაში ექსპონირებული იყო დერბენდში აღმოჩენილი მოჭიქული დოქი არაბული ასოებით და ორნამენტებით, ქაშანური თასი ქართული წარწერით, აქვე იყო სოხუმიდან ჩამოტანილი გენერალ მ. გეიშანის მიერ შემოწირული ქალის ძველებური სამკაულები. აღნიშნულ კარადაში მოთავსებულ ნივთებიდან საყურადღებო იყო: ძველი საეკლესიო ნივთები რაჭიდან, ნუმიზმატიკური მასალა ზუგდიდის მაზრიდან, ოქროს სამკაულები სოფელ ფარცხანაყანევიდან, კოლხური კერამიკული ჭურჭელი ინეინერ ფონ-კოშკულისგან მიღებული, ძველებური კრამიტები თელავიდან ს. ნაუმენკოსგან ნაჩუქარი, ძველი ჭურჭლის კოლქკცია და სპილენძის სამკაულები ლორეს მაზრიდან, ა. კარახანოვის მიერ უსასყიდლოდ გადმოცული საეკლესიო ნივთები.¹⁹²

მომდევნო კარადებში მოთავსებული იყო ქერჩიდან და ტამანის ნახევარკუნძულიდან ჩამოტანილი ანტიკური ხანის ნივთები: დოქები, ვაზები, ამფორები, მცირე ზომის ბერძნული თიხის ჭურჭელი ნელსაცხებლისთვის, ფიგურები, სამაჯურები, ბალთები და სხვ. გრაფ ა.სტროგანოვისაგან შემოწირული, მცხეთის საშაროვნებიდან ფ. ბაიურნის მიერ შეკრებილი სამკაული, ჭურჭელი, ძველი საშენებლო მასალები და სხვა.

ყურადღებას იქცევდა დიმიტრი ბაქრაძის მიერ შემოწირული ბრინჯაოს ნივთები და გენერალ წაკანის მიერ გადმოცემული ხარის თავის გამოსახულებიანი ვერცხლის ფირფიტა.¹⁹³

საკუციალურ ვიტრინაში გამოფენილი იყო ახალციხიდან, შემახიიდან და ნუხიდან ჩამოტანილი ნაქარგი ქსოვილები.

მოცულობით ყველაზე დიდ მე-5-ე დარბაზის ცხრა კარადაში წარმოდგენილი იყო ზოოლოგიური მასალები. ყველაზე უფრო ამ განყოფილებას ეტყობოდა

¹⁹² Краткий путеводитель Кавказского Музеума, ტფ., 1875, გვ. 23.

¹⁹³ იქვე, გვ. 26.

თვალსაჩინოებისადმი ახლებური, შემოქმედებითი მიდგომა: ცხოველები, ფრინველები, ქვეწარმავლები თუ სხვა ექსპონატები ექსპონირებული იყო მათთვის დამახასიათებელ პოზებში, ბუნებრივ გარემოში— ბიოჯგუფებად. ამავე დარბაზის კედლებსა და სადგარებზე გამოფენილი იყო კავკასიის ხედებისა და აქ მოსახლე ხალხთა ტიპაჟების 14 სურათი. აქვე ეკიდა ი. აივაზოვისკის მიერ შექმნილი ფერწერული ტილო და გრაფიკანინის მიერ საჩუქრად გადმოცემული ამავე მხატვრის მიერ შესრულებული ნახტი—“ლუნიბი”.¹⁹⁴ კედლებზე მოთავსებული იყო მეფისნაცვლის მიერ მუზეუმისთვის ბოძებული სყანეთიდან ჩამოტანილი ჯიხვის რქები და ირმის თავის ფიტული.

დარბაზის ცენტრში საყურადღებო იყო ლენქორანში მოკლული ვეფხეისა და გარეული ტახის ფიტულები. აქვე წარმოდგენილი იყო კავკასიის ალპური ზონის ძუძუმწოვრების, ზელენჯუტან მოკლული—დიდი ზომის დომბისა და სვიის ფიტულები. ამავე დარბაზში გამოფენილი იყო კავკასიის რელიეფური რუკა, რომელიც ადრე ექსპონირებული იყო პარიზის 1867 წლის საერთაშორისო გამოფენაზე.

მე-6-ე დარბაზის კარადაებში გამოფენილი იყო ბოტანიკური მასალა: სხვადასხვა მცენარეთა ჰერბარიუმები, ყვავილებისა და ხილის ნიმუშები. ბოლო კარადაებში წარმოდგენილი იყო გეოლოგიური კოლექციები: მდინარე მტკერის აუზის მთის ქანები, კვარცის კრისტალები, ტყიბულის ქვანახშირისა და თაბაშირის ნიმუშები, ქვიშის სხვადასხვა სახეობების, შაბიამნის, ქემარილის, რკინის, სპილენძისა და ტყვიის მადნეულის კვებულარები. დარბაზის ცენტრში სპეციალურ სადგარებზე მოთავსებული იყო კოსმოსიდან ჩამოუარდნილი მეტეორიტების მოდელები. მე-7-ე დარბაზის ოთხ დიდსა და სამ მცირე კარადაში წარმოდგენილი იყო კავკასიის გეოლოგიისა და პალეონტოლოგიის ექსპონატები. გამოფენილი იყო მთის ქანების, ტუფის, მარმარილოს, კირქვისა და ობსიდიანის ნიმუშები; წყლისა და ხმელეთის განამარხებული ნიჟარები.

ბოლო მე-8-ე დარბაზში თავმოყრილი იყო ყველა ის მასალა, რომელიც მუზეუმში ბოლო ხანებში შემოვიდა შემოწირულობების ან შეძენის სახით. აქ იყო უცხო ქვეყნების ეგზოტიკური ფრინველებისა და ცხოველების ზოგიერთი

¹⁹⁴ Краткий путеводитель Кавказского Музеума, ტფ., 1875, გვ. 27.



მუხისნაცვალის მიხეილ ვორონცოვი



რაფიელ ერისთავი



ვლადიმერ სოლოგუბი



ბეზოგრაფული საზოგადოების კაქკასიის

განყოფილების მუსეუმის შერობა



მეფისნაცვალის მისიელ ნიკოლოზის ძე




გუსტავ რადე



კავკასიის მუზეუმის შენობა

იშვიათი ეგზემპლარი. დარბაზის ბოლოს, ვიტრინებში გამოფენილი იყო პეპლების მდიდარი კოლექცია.¹⁹⁵

როგორც გამოფენაზე გამოტანილი ზემოთ ჩამოთვლილი ექსპონატებიდან ჩანს, კავკასიის მუზეუმში კომპლექსური ხასიათისა ყოფილა. აქ მეტნაკლებად იყო წარმოდგენილი როგორც კავკასიის ფლორა და ფაუნა, ისე მისი ეთნოგრაფია.



¹⁹⁵ Краткий путеводитель Кавказского Музеума , ტფ., 1875 , გვ. 46.

§ 3. მუზეუმისა და ბიბლიოთეკის შეესება ახალი ექსპონატებითა და წიგნებით, გამოფენის გახსნა ახალ შენობაში (1871 - 1881წწ).

კაეკასიის მუზეუმისა და თბილისის საჯარო ბიბლიოთეკის ერთ დაწესებულებად გაერთიანების, მუზეუმის საგამოფენო ფართის თითქმის 5-ჯერ გაზრდისა და სტაციონარული ექსპოზიციის მოწყობის შემდეგ, დღის წესრიგში დადგა ხარჯების მნიშვნელოვნად გაზრდის გადაუდებელი აუცილებლობა, რადგან არსებული ხარჯთაღრიცხვა ვეღარ უზრუნველყოფდა მის ნორმალურ ფუნციონირებას. 1871 წლის შემოდგომაზე მეფისნაცვლის მთავარმა სამმართველომ დაამტკიცა კაეკასიის მუზეუმისა და თბილისის საჯარო ბიბლიოთეკის ახალი შტატები და ხარჯთაღრიცხვა. ეს უკანასკნელი გაიზარდა 1488 მანეთით. დირექტორის წლიური ხელფასი გახდა 2000 მან. ამას დაემატა 400 მან. სადილის, 300 მან. სამეცნიერო მოგზაურობების და 1500 მან. გამყოლის. ე. ი. რაღეს განკარგულებაში წლიურად იყო 4200 მან; ახალი ხარჯთაღრიცხვით დირექტორის თანაშემწეს წლიურად დაენიშნა 1000 მან. პრეპარატორს - 700 მან; მის მოწაფეს - 480 მან., ლაბორატორიის ხარჯებისთვის გამოიყო 1400 მან., ექსპონატებისა და წიგნების შესაძენად 700 მან., სამეურნეო ხარჯებისთვის 1908 მან., ორი დარაჯისთვის 468 მან., გადაშვებისთვის - 300 მან., მიმდინარე რემონტისათვის 400 მან., გათბობისთვის 300 მან., განათებისთვის 90 მან., წყლისთვის 50 მან და სხვა. სულ 9288 მანეთი.¹⁹⁶

1871 წლის 1 მაისს გაიხსნა საჯარო ბიბლიოთეკის ახალი ერთსართულიანი, აღმოსავლური ხუროთმოძღვრული სტილის შენობა. იგი მდებარეობდა მუზეუმის ეზოს სამხრეთ-დასავლეთ ნაწილში, ბარონის (დღევანდელი. ა. ფურცველადის) ქუჩის გასწვრივ. მუზეუმისა და ბიბლიოთეკის შენობებს შორის ვრცელი ეზო მარად მწვანე ხეებით იყო დაჩრდილული და გოლოვინის გამზირიდან რკინის მაღალი ცხაურით იყო შემოღობილი. ბიბლიოთეკა მკითხველებისთვის ღია იყო ყოველდღე, ზამთრის თვეებში 12-დან 5 საათამდე, ზაფხულში კი 2-დან 7 საათამდე. მარტო პირველი ათი თვის განმავლობაში ბიბლიოთეკა მოემსახურა 1421 მკითხველს.¹⁹⁷

¹⁹⁶ სსმ არქივი, 1870, 16/5, გვ. 54.

¹⁹⁷ სსმ არქივი, 1870, 16/5, გვ. 175.

ასევე ინტენსიურად მიმდინარეობდა სამუშაოები კავკასიის მუზეუმშიც. მისი ახალი გამოფენები საკმაო პოპულარობით სარგებლობდა როგორც თბილისის საზოგადოებაში, ისე ქალაქის სტუმართა შორის.

1871 წლის 24 სექტემბერს კავკასიის მუზეუმი დაუთვალა იერებია რუსეთის იმპერატორს ალექსანდრე II და მისი ოჯახის წევრებს.

თბილისში ხუთდღიანი სტუმრობის დროს იმპერატორი, დედოფალი, ტახტის მემკვიდრე და დიდი მთავრები ულადიმერი და პაველე კავკასიის მეფისნაცვლის თანხლებით, იუნკერთა სასწავლებლისა და თბილისის არსენალის ახალი შენობის დათვალა იერების შემდეგ ეწვივნენ კავკასიის მუსეუმს, სადაც საათზე მეტი ხანი დაჰყვეს. საპატიო სტუმართა წიგნში ალექსანდრე II თავისი ავტოგრაფი დატოვა.¹⁹⁸

იმპერიის პირველი პირების სტუმრობა სასიკეთოდ წაადგა მუზეუმს. მისი და მიმდებარე ტერიტორიის წესრიგში მოსაყვანად მეფისნაცვლის კანცელარიიდან სასწრაფოდ გამოიყო 1000 მან. შეძენილ იქნა რამდენიმე კარადა და ვიტრინა, შეაკეთდა შენობის კედლები და განათება, მუზეუმთან მოიკირწყალა ქუჩა.¹⁹⁹

მუზეუმის საპატიო სტუმრებიდან უნდა დავასახელოთ აგრეთვე სპარსეთის შაჰი ნასრ-ედ-დინი, რომელსაც 1878 წლის 3 მაისს ორი საათის განმავლობაში დიდი ინტერესით დაუთვალა იერებია მუზეუმი. ირანის შაჰის კავკასიაში მოგზაურობასთან დაკავშირებით შექმნილმა განმკარგულებელმა კომისიამ 13 აპრილის გადაწყვეტილებით მუზეუმს გადასცა 300 მან. საპატიო სტუმრების სათანადო დონეზე მისაღებად. ამ თანხით შეიძინეს ხალიჩები, ფარდაები და მოაწესრიგეს ეზო.²⁰⁰

რაც შეეხება დამთვალა იერებლებს, ისინი არ აკლდნენ მესეუმს. ამაზე მეტყველებს ვ. რადკეს მიერ მოყვანილი მონაცემები. მუზეუმში გაყოფილი 20 კაპიკიანი ღირებულების ბილეთების შედეგად მუზეუმის წლიური შემოსავალი და დამთვალა იერებელთა რიცხვი შეადგენდა: ²⁰¹

(ცხრილი 5):

¹⁹⁸ გაზ. "Кавказ" 1871, # 115.

¹⁹⁹ სსმ არქივი. 1870 16/5, გვ. 74.

²⁰⁰ სსმ არქივი 1878 22/11, გვ. 68.

²⁰¹ Радде Г., დასახ. ნაშრ., გვ. 63.

წელი	შემოსავალი გაყ. ბილეთ.	დამთავალი რბები
1870	188 მ. 10 კ.	940
1871	247 " 40 "	1237
1872	402 " 60 "	2013
1873	308 " 80 "	1544
1874	245 " 20 "	1226
1875	216 " 20 "	1081
1876 (ოქტ.)	171 " 80 "	856
1877	243 " —	1215
1878	227 " 20 "	1136
1879	267 " 80 "	1339

კავკასიის მუზეუმს სხვა ფუნქციაც დაეკისრა. კერძოდ, მას რუსეთსა და ევროპის ქვეყნებში უნდა მოეწყო გამოფენები და ფართო საზოგადოებისთვის გაეცნო კავკასიის მხარე.

ამ მხრივ აღსანიშნავია მონაწილეობა 1872 წელს მოსკოვში გამართულ დიდ საერთაშორისო პოლიტიკური გამოფენაში. იგი 1872 წლის მაისში მოეწყო კრემლის ტერიტორიაზე და მიემდგვნა პეტრე პირველის დაბადების 200 წლის იუბილეს.

გამოფენის საორგანიზაციო კომიტეტი გამოფენის მოსამზადებლად თბილისში შექმნა შვიდეაციანი კომისია, რომელმაც კავკასიის მუზეუმის დირექტორი გ. რადე მოსკოვში მიახლინა გამოფენასთან დაკავშირებული საკითხების მოსაგვარებლად.²⁰²

ექსპოზიციის მხატვრული გაფორმება დაეწავლა არქიტექტორ ი. რიჟოვს. მოსკოვის გამოფენისთვის მზადება აქტიურად მიმდინარეობდა. მისი ხელშეწყობა დაეწავლა კავკასიის ყველა გუბერნიისა და ოლქის ხელმძღვანელებს. გამოფენაზე ქართული მართლმადიდებლური ეკლესიის ვრცლად და ღირსეულად წარმოჩინებაში დახმარების სურვილი გამოთქვა საქართველოს უზარქოსმაც.

გამოფენის მზადების პროცესში მთავარ დაბრკოლებად ფინანსური პრობლემები რჩებოდა. კავკასიის მეფისნაცვალმა ისარგებლა იმპერატორის, თავისი ძმის ალექსანდრე II თბილისში სტუმრობით და თხოვნით მიმართა მას დაეფინანსებინა კავკასიის მხარის მონაწილეობა მოსკოვის პოლიტიკური გამოფენაში. იმპერატორის ბრძანებით ხაზინიდან გამოფენის მოსამზადებელ კომიტეტს გამოეყო 26000 მანეთი. ექპონატების მოსაძიებლად და შესაძენად გ. რადემ

²⁰² სსმ არქივი, 1870, 16/5, გვ. 174.

იმოგზაურა ახალციხეში, ერევანში, შუშაში, შემახიაში, ნუხაში, ელიზავეტპოლში და კავკასიის სხვა მხარეში. მისი შერჩევითა და რეკომენდაციით შეიძინეს კავკასიის შინამრეწველური ნაწარმის საკმაოდ მდიდარი კოლექცია, მათ შორის ხალიჩები, ფარდაები, ქაბები, შალის და ჯეჯიმის ნაწარმი, ეთნოგრაფიული ტანსაცმელი, იარაღი და სხვადასხვა სამეურნეო ნივთები. აგრეთვე ეკლესიებისა და მღვდლების ფოტოები და ჩანახატები (სულ 150 ცალი), რისთვისაც დაიხარჯა 1500 მანეთი.²⁰³ ამ ექსპონატებს კავკასიის სხვადასხვა გუბერნიებიდან და ოლქებიდან დაემატა მრავალი ნივთი. ყველა ეს საგამოფენო მასალა დაათვალიერა მეფისნაცვალმა და მისი მოწონების შემდეგ მოსკოვში გაიგზავნა. მოსკოვის საერთაშორისო პოლიტექნიკური გამოფენა გაიხსნა 1872 წლის მაისის ბოლოს. მასზე წარმოდგენილი იყო რუსეთის იმპერიიდან 10000 და საზღვარგარეთის ქვეყნებიდან 2000-მდე ექსპონატი.²⁰⁴

ექსპოზიცია მოიცავდა ვებერთელა ტერტორიას— კრემლის შიდა სამ ბაღს, მდინარე მოსკოვის სანაპიროს ქვისა და მოსკვარეჟკის ხიდებს შორის, კრემლისა და მანეჟის მოედნებს, სულ 44 ათას კვადრატ საუენ ფართობს, სადაც განლაგდა 80 პაეილიონი. გახეთ “კავკასიის” კორესპონდენტ ნ. სიტოვსკის თქმით გამოფენის დაწვრილებით დათვალიერებას 2-3 კვირა სჭირდებოდა.²⁰⁵ “სასოფლო გახეთი”—ს კორესპონდენტი კი იტყობინებოდა: “გაიმართა დროებით მთელი ქალაქი, რომელიც ბევრად მეტია თვით ქუთაისზე. აქ არის გამოკიდებული მხახველის თვალწინ, რაც რომ მთელ რუსეთში, პოლშაში, ციმბირის ქვეყანაში და კავკასიაში კაცის ნახელაფი რამ მოიკებნება”.²⁰⁶

გამოფენაზე ბევრი საინტერესო ისტორიულ-ეთნოგრაფიული და საბუნებისმეტყველო შინაარსის ექსპონატები იყო წარმოდგენილი. საკმარისია ითქვას, რომ მის ბაზაზე შემდგომში ჩამოყალიბდა პეტერბურგის ანთროპოლოგიისა და ეთნოგრაფიის მუზეუმი.

²⁰³ Коллекция Кавказского Музея, т. VI, т. IX 1912, გვ. 84.

²⁰⁴ ქვარიანი ლ., XIX ს. II ნახევარში რუსეთსა და საერთაშორისო სასოფლო-სამეურნეო გამოფენაზე ექსპონირებული ნივთები, კრებული-ვაჭრობა, მრეწველობის განვითარება და საქალაქო მშენებლობის ზრდა თბილისში, თბ, 1984 გვ. 82.

²⁰⁵ გაზ. “Кавказ” 1872, № 88, 30 ივლისი.

²⁰⁶ “სასოფლო გახეთი” 1872, № 15, გვ. 4.

კავკასიის მხარე გამოფენაზე წარმოდგენილი იყო ცალკე პაეილიონით. მის ასაგებად კავკასიის მეფისნაცვალმა გაიღო 5000 მანეთი. კავკასიის პაეილიონი მოთავსებული იყო კრემლის ალექსანდრეს ბაღსა და მანუეს შორის. ეს იყო ნახევრადწრიული ნაგებობა, რომელიც მოიცავდა 60 კვ. საუენ ფარსს. გაზეთი "კავკაზი" იტყობინებოდა, რომ გამოფენაზე კავკასიიდან წარმოდგენილი იყო როგორც საბუნებისმეტყველო, ისე ისტორიულ-ეთნოგრაფიული მასალები. დარბაზის კედლებზე ეკოდა ხალაჩები, თექები, ნაქარგები, საქვეყნოდ განთქმული კავკასიური იარაღი, ეთნოგრაფიული სამკაულები და ნივთები. კარადებსა და ვიტრინებში მოთავსებული იყო ზოოლოგიური, ბოტანიკური და გეოლოგიური ექსპონატები, სოფლის მეურნეობის ცალკეული დარგების პროდუქციის ნიმუშები. ისინი დიდ ინტერესს იწვევდნენ დამთვალიერებელთა შორის. კორესპონდენტის აზრით, ამიერკავკასიის ძველი ქრისტიანული და აღმოსავლური თვითმყოფადი არქიტექტურული ძეგლები, რომლებიც გამოფენაზე წარმოდგენილნი იყვნენ ფოტოებითა და თაბაშირის მოდელებით, საყურადღებო იყო როგორც ისტორიული, ისე მხატვრული თვალსაზრისით. დამთვალიერებელთა შორის ასევე ყურადღებას იპყრობდა ვეფხვისა და ჯიხვის ფიჭულები, რომელიც დამზადებული იყო კავკასიის მუზეუმის ტაქსიდერმისტის კ. მიულერის მიერ.²⁰⁷

გამოფენის მონაწილეთა დიდი ჯგუფი დაჯილდოვდა მედლებითა და დიპლომებით. კავკასიიდან წარდგენილი 1136 ექსპონატიდან ჯილდო მიიღო 188 ჩეთმა. გამოფენა დაიხურა 1872 წლის 1 სექტემბერს. მან სამი თვის განმავლობაში 750 ათასი დამთვალიერებელი მიიღო.²⁰⁸

მოსკოვის გამოფენის დახურვის შემდეგ, აქ ექსპონირებული ნივთების დიდი ნაწილი გადაეცა კავკასიის მუზეუმს მუდმივ მფლობელობაში.

ასევე მნიშვნელოვანი იყო მონაწილეობის მიღება 1873 წლის ნოემბერში გამართულ ვენის საერთაშორისო გამოფენაზე, რომელზეც წარმოდგენილი იყო კავკასიის მუზეუმისა და გ. რადეს მიერ შერჩეული კავკასიის მხარის ამსახველი საბუნებისმეტყველო და ეთნოგრაფიული ექსპონატები. ამის პარალელურად, გ. რადე ავსტრიისა და გერმანიის დიდ ქალაქებში ლექცია-მოხსენებებით გამოდიოდა ადგილობრივი

²⁰⁷ გაზ. "Кавказ", 1872, # 90.

²⁰⁸ ქვარციანი ლ., დასახ. ნაშრ., გვ. 83.

საზოგადოების წინაშე და აცნობდა მათ კავკასიის ბუნებასა და მცხოვრებლებს.²⁰⁹

ლექცია-მოხსენებების კითხვის დროს თვალსაჩინოებად გ. რადე იყენებდა ზ. შუფერის მიერ ზეთის საღებავებით შესრულებულ 14 მხატვრულ ტილოს, კავკასიის ხედებითა და ისტორიულ-მითოლოგიურ თემებზე შექმნილი სიუჟეტებით და მხატვარ ფრანც ზიმის კავკასიური ტიპაჟების ეთნოგრაფიულ ჩანახატებს. გ. რადეს ბიოგრაფის კ. პანის აღნიშვნით ამ ლექციებს სამეცნიერო წრეებში დიდი ინტერესი გამოუწვევია.

მუზეუმის ფონდების შევსების მიზნით, თითქმის ყოველ წელს ეწყობოდა სამეცნიერო ექსპედიციები და მივლინებები.

1874 წლის ივლისში გ. რადე გ. სივერსთან ერთად ახალციხიდან გოდერძის უღელტეხილის გავლით გაემართა აჭარის მთებისაკენ. მათ მოიარეს აჭარისწყლის სათავეები, ჭოროხის აუზი, ოლთისის, არტაანისა და არზრუმის ტერიტორიები.²¹⁰ რადემ და სივერსმა ამ მოგზაურობათა შესახებ ანგარიშები გამოაქვეყნეს გერმანულ სამეცნიერო ჟურნალებში.

1875 წელს მეცნიერთა ჯგუფთან ერთად, რომელშიც შედიოდნენ საქსონელი დოქტორები ო. შნაიდერი, ბ. ფიქსენი, ი. მორავეცი და გერმანიის კონსული ბრიუნინგი, გ. რადემ მოგზაურა მდინარე ხრამის სათავეებთან, იქიდან ისინი ჩავიდნენ ალექსანდრეპოლში, მოიარეს გოგჩის ტბის სანაპიროები და აღსტაფის გავლით დაბრუნდნენ თბილისში.²¹¹

1876 წლის ზაფხულში გ. რადემ მოაწყო ექსპედიცია ხევსურეთში. გამოიკვლია არხოტისა და შატრალის მიდამოები, აქედან ექსპედიცია გადავიდა თუშეთში და შეისწავლა პირიქითა ალაზნის ხეობა, შემდეგ ბორბალოდან დაეშვა ალაზნის ევლისკენ და მუშაობა განაგრძო პანკისის ხეობაში. ექსპედიციის შემდეგ იგი აქვეყნებს ნაშრომს "ხევსურეთი", რომლის ეთნოგრაფიულ ნაწილზე მუშაობისას გამოიყენა რაფიელ ერისთავის შრომა.

1877 წლის შემოდგომაზე ჩატარდა ხელახალი ექსპედიცია კასპის ზღვისპირა რაიონებში ლენქორანში – თალიშში. ექსპედიციაში მონაწილეობდა ენტომოლოგი ვენიდან ვ. ლედერი და მუზეუმის პრეპარატორი ი. რიბანსკი. აღნიშნული ექსპედიციების შემდეგ გ. რადე აქვეყნებს ნაშრომს თალიშზე.

²⁰⁹ სსმ არქივი 1873, 17/6, გვ. 18.

²¹⁰ სსმ არქივი 1870, 16/5 გვ. 202.

²¹¹ Коллекции Кавказского Музея, т. VI, т. 90.

ჩამოთვლილი ექსპედიციების შედეგად, კავკასიის მუზეუმისთვის მოპოვებული იქნა დიდძალი საბუნებისმეტყველო შინაარსის ექსპონატები. მარტო ლენქორანში ჩატარებული ექსპედიციების დროს მოპოვებულ ფრინველთა კოლექციაში 3000-მდე ერთეული ითვლებოდა.

ექსპედიციების გარდა, ამ პერიოდში მუზეუმში ექსპონატები სხვა გზითაც შემოდიოდა. ზოგიერთ მათგანს ქვემოთ ჩამოთვლილი: 1873 წელს ყუბანის ოლქიდან მუზეუმს გადმოეცა არმავირელი გლეხის პ. შირინოვის მიერ ყორღანულ სამარხში ნაპოვნი ვერცხლის ძველებური ნივთები—თასი, ქალის ძვირფასი სამკაულები, ცხენისა და ცხერის ფიგურები, ორნამენტური ფირფიტები, რქის ფორმის შუშის ჭურჭელი და სხვ. 1874 წელს მუზეუმს ერევნის გუბერნიიდან გამოუგზავნეს სოფელ არინჯში მცხოვრებ ნაზარ სიმონოვის ნაპოვნი 116 ცალი ვერცხლის მონეტა.²¹² 1874 წელს თბილისის ტელეგრაფის მუშამ ივანე პოპოვმა მუზეუმს გადასცა რომაელი იმპერატორების ოქტავიანეს, ადრიანესა და ტრაიანეს დროს მოჭრილი 5 ვერცხლისა და 3 სპილენძის მონეტა. 1875 წლის ივნისში მუზეუმმა მიიღო თერგის ოლქის ყიზლარის მაზრის სტანიცა შედრინოს მცხოვრებლების მიერ ე.წ. “ნერსიშეესკოვს” ყორღანში ნაპოვნი განძი, რომელშიც შედიოდა ოქროსგან დამზადებული ბეჭედი, ძეწკვი, გულსაბნევი სერდოლიკის ქვით, ყელსაბამი 25 ძვირფასი ქვით, სამი პატარა ფიგურა, ქვის ქანდაკება, ბრინჯაოს ვაზა და ცულები.²¹³

1875 წლის ივლისში მუზეუმს გადაეცა ელისავეტპოლის გუბერნიის ყაზახის მაზრის სოფელ ყულექთან ნაპოვნი განძი, რომელშიც იყო 40 სპარსული ვერცხლის მონეტა. 1875 წლის სექტემბერში ერევნის გუბერნიიდან მუზეუმს გამოუგზავნეს ნორბაიაზეთის მაზრაში ნაპოვნი განძი, რომელიც შედგებოდა 20 ვერცხლის მონეტისგან, ოქროს ღილეებისა და ვერცხლის თასისაგან. 1875 წლის ოქტომბერში მუზეუმმა შეიძინა ნახჩევანის ოლქის სოფელ ქეჩილუს მცხოვრებლების მიერ ნაპოვნი 1662 წელს დამზადებული დამზადებული სპილენძის ჯვარი წარწერით, .

1877 წლის ნოემბერში მუზეუმს სტავროპოლელმა მოქალაქემ ა. გენდოვსკიმ გადმოსცა კალძიკელი მხატვრის

²¹² სსმ არქივი, 1874, 18/7 გვ. 12

²¹³ იქვე. გვ. 138

მხატვრული ტილო “ქურუმი ბირხანი”, სპილენძის ბარძიმი, უძველესი ცხოველის გაქვევებული 15 ცალი კბილი და სხვ.²¹⁴

1878 წელს თურქესტანის გენერალ-გუბერნატორმა კაუფმანმა მუზეუმს უსახსოვრა თურქესტანში მცხოვრებ ხალხთა ყოფა-ცხოვრების ამსახველი ფოტოები, 37 ერთეული შუაზიური თიხის ჭურჭელი, სამარყანდის, შაჰინდისა და ბიბიხანუმის მავზოლეუმიდან აღებული 8 მოჭიქული ფილა.²¹⁵

1880 წელს მუზეუმში ბათუმიდან ჩამოიტანეს შავი ზღვის ნაპირებთან გამოჩეული ვეშაპის ვებერთელა ჩონჩხის ნაწილები, ამავე წელს მუზეუმმა თელავიდან მიიღო შალაურში კიკნაძის აგარაკზე ნაპოვნი თიხის სარკოფაგი და ქალის სამკაულები.²¹⁶ ცალკე უნდა აღინიშნოს ის ფაქტი რომ, 1879 წელს მოხერხდა ფ. ბაიერნის მიერ მცხეთაში, სამთავროში მოპოვებული მასალების მუზეუმისთვის გადაცემა. თვით ბაიერნს შესთავაზეს მუზეუმში პრეპარატორის თანამდებობა თვეში 20 მანეთის ანაზღაურებით, სამოთახიანი ბინა სამზარეულოთი, შეშით, წყლითა და განაყოფით, ხოლო როდესაც ფ. ბაიერნი გარდაიცვალა 1886 წელს, მუზეუმმა მის დასაქრძალავად გაიღო ხარჯი.²¹⁷

შექმებისდაგვარად ხორციელდებოდა მუზეუმის დაფინანსება. შეუფერხებლად გამოიყოფოდა თანხები გ. რადეს მოგზაურობებისა და ექსპედიციებისთვის. 1872 წელს შეიძინეს ეთნოგრაფიულ თემებზე შესრულებული რვა დიდი ზომის მხატვრული ტილო, რომელშიც გადაიხადეს 2000 მანეთი. 1873 წელს შეიძინეს კარადები, ეიტრინები და სადგარები, რაც დაჯდა 540 მანეთი. 1874 წელს გერმანიასა და ავსტრიაში რადეს ლექციებისათვის შეეკეთილ 14 მხატვრულ სურათში გადაიხადეს 1500 მანეთი.

1875 წელს თბილისელი კბილის ექიმის, კოლექციონერ იბრეხტისგან 1500 მანეთად შეიძინილ იქნა მონეტებისა და მედალების “მუზეუმის არსებობის მანიძილზე ყველაზე მნიშვნელოვანი კოლექცია.”²¹⁸

1875 წელს დამტკიცდა კაეკასიის მუზეუმისა და ბიბლიოთეკის ახალი შტატები და ხარჯთაღრიცხვა. ახალი სამუზეუმო მასალების შესაძენად ყოველწლიურად

²¹⁴ სსმ არქივი, 1874, 18/7, გვ. 277.

²¹⁵ სსმ 1878, 22/11, გვ. 154.

²¹⁶ სსმ არქივი, 1880, 24/13, გვ. 53.

²¹⁷ Радде Г., დასახ. ნაშრ., გვ. 48.

²¹⁸ სსმ არქივი, 1875, 19/8, გვ. 168.

გამოყოფოდა 500 მანეთი. 1897 წელს მუზეუმის ბაღის მოსაწესრიგებლად და ვოლიერების მოსაწყობად დაიხარჯა 1173 მანეთი.²¹⁹

1879 წელს ფოტოგრაფ დ. ერმაკოვისაგან 100 მანეთად შეიძინეს ოპიზიდან ჩამოტანილი ქართულ წარწერიანი ქვის ორი ფილა და ქ. ანის ნანგრევების ფოტოალბომი. 1879 წელს 300 მანეთი გადაუხადეს მკინძაე ი. რაბინოვიჩს წიგნების ყდების მოსაწესრიგებლად, იმავე წელს 662 მანეთი ეკვივალენტის 77 პოლუნიშკერიალი გადაიხადეს ქ. კასელში გ. რადეს ნაშრომის “ხევისურეთის” დასაბუჭლად.²²⁰

1880 წელს მეფისნაცვლის მთავარი სამმართველოს უფროსის ა. სტაროსელსკის განკარგულებით მხატვარ ბ. გელეინს 300 მანეთი გამოეყო მუზეუმის კედლების მოხატვისათვის, ხოლო ფრანც ზიმს— 4500 მანეთი მუზეუმის კიბის უჯრედში ფრესკების მოსახატავად.²²¹ იმავე წელს მეფისნაცვლის ნებართვით, “ექსტრაორდინალური” თანხა 8000 მანეთი იქნა გაღებული მხატვარ ფელქს ჰოდოროვიჩისთვის კავკასიის ანთროპოლოგიური ტიპების ამსახველი მანეკენების დასამზადებლად.

ამ ასიგნებებთან დაკავშირებით უნდა აღინიშნოს, რომ გ. რადე ხშირად სარგებლობდა თავისი ავტორიტეტით, სახელმწიფო ორგანოებს და მოხელეებს მიმართავდა მუზეუმისათვის თანხების გამოყოფის შესახებ და როგორც წესი, მიზანს აღწევდა. ბევრ შემთხვევაში იგი თავის მითხოვნებს ასაბუთებდა პოლიტიკურ ჭრილში: “ლინგვისტური და ეთნოგრაფიული თვალსაზრისით მეტად ჭრელ და მრავალფეროვან კავკასიაში მოსახლე მთიელი ტომები თანდათანობით ტოვებენ თავიანთ სახლ-კარს ან მათ ასახლებენ მშობლიური კერიდან. დასაუღელთ კავკასიაში განშტოებული ჩერქეზი ტომებიდან თითქმის აღარაფერი დარჩა, აფხაზეთი და წებელდა დაცარიელებულია, ჩერქეზები ჯერ კიდევ 1866 წელს გაასახლეს, დაღესტნელები კი ბოლო ომებში არ იყვნენ ჩვენი მშვიდობიანი, ერთგული ქვეშევრდომები და როგორც ჩანს, ადრე თუ გვიან ისინიც დატოვებენ თავიანთ საცოდავ ჯურღმულებს. ამრიგად, უნდა ვივარაუდოთ, რომ ახლო მომავალში მხარის საინტერესო ეთნოგრაფიული სურათი მიიღებს სრულიად შეცვლილ სახეს, ამიტომ მეცნიერების წინაშე დგას

²¹⁹ იქვე, გვ. 63.

²²⁰ სსმ არქივი, 1879, 23/12, გვ. 35.

²²¹ სსმ არქივი, 1880, 24/13 გვ. 92.

გადაუდებელი ამოცანა – შემოინახოს ამ სურათის ტიპები, ასლების სახით მაინც – რაც შეადგენს კავკასიის მუზეუმის მიზანსაც.”²²² სწერდა იგი მეფისნაცვლის კანცელარიას.

ახალი საშტატო განრიგით მუზეუმის ხარჯთაღრიცხვა ასეთი იყო: დირექტორის წლიურ ხელფასს 2000 მანეთს ემატებოდა სადილის 400 მან. და ექსპედიციების 1500 მან. თანაშემწეს ჰქონდა 1000 მან., პრეპარატორს და მის ლაბორანტს 1450 მან. ტექნიკურ მუშაკებს, გადამწერსა და დარაჯს 850 მან, ახალი ექსპონატების შექმნაზე გამოიყოფოდა 500 მან., მუზეუმის გათბობასა და განათებაზე—400 მან., ექსპონატების ტრანსპორტირებაზე 200 მან., სულ—8400 მანეთი.

დირექტორსა და მის თანაშემწეზე ვრცელდებოდა კანონი – კავკასიის მხარეში სამსახურის ყოველ 5 წლის შემდეგ, ხელფასს ემატებოდა გარკვეული ნაწილი. გ. რადეს 1875 წელს 15 წლიანი სამსახურისათვის მის წლიურ ხელფასს, 2000 მანეთს, დაემატა 3/4 ნაწილი ე. ი. 150 მან, ხოლო 20 წლის თავზე ხელფასის მთელი განაკვეთი.

[გ. რადეს არ აკლდა დაფასება ხელისუფლების მხრიდან: 1871 წლის ოქტომბერში “გულმოდგინე შრომისათვის” იგი დაჯილდოვდა წმ. ანას II ხარისხის ორდენით, იმავე წლის ნოემბერში კი ირანის “ლომისა და მზის” III ხარისხის ორდენით; 1874 წელს მას უბოძეს ფრანც იოსების ორდენი – ოქროს ჯვრით. იმავე წელს რადე დაჯილდოვდა გერმანული – სამეფო გვირგვინის IV კლასის ორდენით.²²³ 1878 წლის მაისში იგი იღებს სტატ-მრჩევლის წოდებას, 1880 წლის აგვისტოში კი – წმ. ვლადიმერის მე-3-ე ხარისხის ორდენს.²²⁴]

[მუზეუმის დირექტორის თანაშემწე ე. გერშელმანი შვებულების დროს, ფოთში უეცრად გარდაიცვალა და მის თანამდებობას 1876 წლის 15 მაისიდან იკავებს კოლეჯის ასესორი *გუსტავე სიერსი (1826-1888 წწ) წარმოშობით გერმანელი, დაიბადა პეტერბურგში. დაამთავრა პაიდელებერგის უნივერსიტეტის სრული კურსი და მიიღო ფილოსოფიის დოქტორის წოდება. შიან წლებში გ. რადეს მოწვევით ჩამოდიხ თბილისში და მუშაობას იწყებს გიმნაზიაში საბუნებისმეტყველო საგნების მასწავლებლად, ამასთანავე აქტიურად თანაშრომლობს კავკასიის მუზეუმთან. 1872 წელს იგი დაჯილდოვდა წმ. სტანისლავის III ხარისხის ორდენით, 1877 წელს მიიღო რუსეთის მოქალაქეობა.²²⁵ კავკასიის მუზეუმში მუშაობდა 1884*

²²² სსმ არქივი, 1880, 24/13 გვ. 9.

²²³ სსმ არქივი, 1875, 19/8, გვ. 15/.

²²⁴ სსმ არქივი, 1880, 24/13, გვ. 57.

²²⁵ სსმ არქივი, 1877, 21/10, გვ. 245.

წლამდე შემდგომში გ. სივერსი მიიწვიეს მეფისნაცვლის შეილების აღმზრდელად.

კავკასიის მუზეუმში ამ პერიოდში პრეპარატორად მუშაობდა ივანე რიბანსკი. მიუხედავად მაღალი პროფესიონალიზმისა მას ძალზე გამწვავებული ურთიერთობა ჰქონდა გ. რადესთან, რადგანაც იგი ხშირად ცხადდებოდა სამსახურში არაფხიზელ მდგომარეობაში. პრეპარატორის მოწაფის თანამდებობა ეკავა ვლადიმერ ფილიპოვს. მუზეუმის დირექტორი და მისი თანამემწე ოჯახებით ცხოვრობდნენ მუზეუმის შენობაში და ეკავათ ცხრა ოთახი, აქვე ცხოვრობდნენ პრეპარატორი და ორი დარაჯი.²²⁶

1881 წლის შემოდგომაზე თბილისში უნდა გამართულიყო V საერთაშორისო არქეოლოგიური ყრილობა, რომელზეც თავი უნდა მოეყარა მსოფლიოს სხვადასხვა ქვეყნის ბევრ გამოჩენილ მეცნიერს.

კავკასიის უმაღლესმა ხელისუფლებამ აუცილებლობად მიიჩნია ღირსეულად შეხვედროდა ამ პრესტიჟულ ღონისძიებას და ამისთვის ძალისხმევა და სახსრები არ დაეშურა. გადაწყდა, რომ ყრილობის ერთ-ერთი მასპინძელი და საბაზო დაწესებულება კავკასიის მუზეუმში იქნებოდა. ამასთან დაკავშირებით, მიიღეს გადაწყვეტილება, რომ გაფართოებულიყო მუზეუმის შენობა და განახლებულიყო მისი გამოფენები, რადგან ამ პერიოდისთვის მუზეუმის ძველი ერთსართულიანი შენობა ნიკოლოზის ქუჩაზე სამუზეუმო მასალებს ვეღარ იტყვდა.

როგორც ზემოთ აღვნიშნეთ, გ. რადე ჯერ კიდევ ადრე აყენებდა მუზეუმის შენობის გაფართოების საკითხს, ერთსართულიან შენობაზე მეორე სართულის დაშენების გზით. იგი ამას თავისებურად უსაბუთებდა მეფისნაცვლის მთავარ სამმართველოს: “თბილისში არქეოლოგთა კონგრესზე ჩამოვლენ მეცნიერები, რომლებიც ადგილზე უნდა დარწმუნდნენ, რამდენად მოხერხება მხარის მეცნიერული დაპყრობა. მათი განაჩენი ეცნობება არა მარტო რუსეთს, არამედ მთელ მსოფლიოსაც. ამ საკმის გადარჩენას შეიძლება, თუ ყველა შეკრებილ მასალას სისტემურად განვალაგებთ მუზეუმში. ამის მოხერხება შესაძლებელი იქნება მხოლოდ მუზეუმის შენობაზე მეორე სართულის დაშენებით.”²²⁷

²²⁶ სსმ არქივი, 1878, 22/11, გვ. 125.

²²⁷ სსმ არქივი, 1879 23/12, გვ. 23.

აღსანიშნავია ის ფაქტიც, რომ 1877 წლის 10 იანვარს, მეფისნაცვლის კანცელარიისადმი გაგზავნილ წერილში, გ. რადე აღნიშნავდა, რაკი სახელმწიფოს არ ქონდა საშუალება გაეღო არქიტ. ა. ზალცმანის პროექტით გათვალისწინებული 1500 მანეთი, ოგი ვალდებულებას იღებდა თავისი ფულით ერთ წელიწადში დაეშენებინა მუზეუმის შენობაზე მეორე სართული, იმ პირობით, რომ 15 წლის მანძილზე მისთვის ყოველწლიურად გადაეხადათ 2000 მანეთი. მხოლოდ ამის შემდეგ, ეს შენობა გადავიდოდა ხაზინის საკუთრებაში.²²⁸ მაგრამ გარიგება არ შედგა.

1878 წელს ჩამოყალიბდა V საერთაშორისო ყრილობის მოსამზადებელი კომისია, რომლის თავჯდომარედ აირჩიეს გ. რადე. კავკასიის მეფისნაცვალმა გ. რადესა და არქიტექტორ ა. ზალცმანს დააჯალა უმოკლეს ვადებში წარედგინათ კავკასიის მუზეუმის შენობის გაფართოებისა და ახალი ექსპოზიციის მოწყობის გეგმა და ხარჯთაღრიცხვა—იმ ვარაუდით, რომ ეს სამუშაოები უნდა დამთავრებულიყო 1881 წლის 1 იანვრისთვის.

სასწრაფოდ შედგა ხარჯთაღრიცხვა 46000 მანეთის ფარგლებში. 1879 წლის ოქტომბერში მუზეუმში დაიკეტა და იმავე წლის დეკემბერში დაიწყო მუშაობა მუზეუმის შენობის გაფართოებისთვის. არქიტექტორ ა. ზალცმანის გეგმით, არსებულ ერთსართულიან მუზეუმის შენობისათვის უნდა დაეშენებინათ მეორე სართული. აქვე უნდა აღინიშნოს, რომ გაფართოება ეხებოდა იხოლოდ მუზეუმის შენობას, ხოლო ბიბლიოთეკის მშენებარე შენობა დაიკავა ქალთა გიმნაზიამ, რომელსაც აქტიურად მფარველობდა მეფისნაცვლის მეუღლე ოლგა ფეოდოროვნა. შემდგომ მისი სახელი დაერქვა ამ სასწავლებელს.

1879 წლის ივლისში არქიტ. ა. ზალცმანი სამკურნალოდ გაემგზავრა სახლუარგარეთ და გ. რადეს დაქინებული მითხოვნით პროექტზე მუშაობის გაგრძელება შესთავაზეს არქიტექტორ ლეიპოლდ ბილფელდს. მასვე დავეაღა მშენებლობის უშუალო ხელმძღვანელობაც. მუზეუმის სამშენებლო სამუშაოები სწრაფი ტემპებით წარიმართა და ცხრა თვის ინტენსიური მუშაობის შემდეგ მუზეუმის მეორე სართული უკვე მზად იყო. სამწუხაროდ, შენობის ასე ნააჩქარევად აგება შემდეგში ბაღიან ძვირად დაუჯდა მუზეუმს.

მუზეუმის შენობის მშენებლობის დამთავრების შემდეგ დაიწყო ექსპოზიციის მომზადება. კარაქებისა და ეიტრინების

²²⁸ სსმ არქივი, 1878, 22/11, გვ. 7.

შესაძენად გამოიყო 2000 მანეთი, ხოლო მეორე სართულის დარბაზების შიდა მოპირკეთებისთვის – 3000 მანეთი. გადაწყდა, რომ კაეკასიის მუზეუმში თავი უნდა მოეყარათ სხვადასხვა ორგანიზაციებში გაბნეული სამუზეუმო მასალებისთვის. ამ მხრივ განსაკუთრებით მნიშვნელოვანი იყო კაეკასიის სამთო სამმართველოსა და არქეოლოგიის მოყვარულთა საზოგადოების კუთვნილი მასალების გადმოცემა, ამის თობაზე გ. რადუ წერდა – “მე დიდი დრო და ძალისხმევა დამჭირდა იმისათვის, რომ ეს ორგანიზაციები და საზოგადოებები დამერწმუნებინა ყველა კოლექციების ერთ ადგილას – კაეკასიის მუზეუმში გასაერთიანებლად”.²²⁹

ასევე იყრიდა თავს წიგნები ბიბლიოთეკაში სხვადასხვა დაწესებულებებიდან და ორგანიზაციებიდან. 1872 წლის განმავლობაში შეიძინეს 600 მანეთის ღირებულების წიგნები და ბიბლიოთეკა მოექსახურა 3579 მკითხველს. მისი ფონდები თავისი შემოწირულობებით გაამდიდრეს; ა. ბერჟემ, ი. ტრუბეცკოიშ ი. უვაროვმა და სხვებმა. 1875 წლისათვის ბიბლიოთეკაში იყო 12955 დასახელების 26500 წიგნი.²³⁰

1875 წელს თავადმა ალექსანდრე მენშიკოვმა ბიბლიოთეკას საჩუქრად გადასცა 5164 დასახელების 11187 წიგნი, რომლის საერთო ღირებულება 30000 მანეთს აღემატებოდა. შინაარსობრივად ეს კოლექცია ასეთი იყო: ²³¹

გეოლოგია	559	დასახელების	845	წიგნი
ფილოსოფია	57	—	91	—
სამართალი	573	—	916	—
ისტორია	992	—	2113	—
ფილოლოგია	43	—	70	—
სტატისტიკა	206	—	324	—
გეოგრაფია	63	—	97	—
კამერალურა	1501	—	1935	—
საბუნებისმეტყველო	101	—	157	—
მედიცინა	422	—	676	—
მეოზოლოგია	188	—	348	—
ენათმეცნიერება	120	—	963	—
ენციკლოპედია	31	—	212	—
კერძოედიკა	126	—	2776	—

²²⁹ სსმ არქივი, 1879, 23/12, გვ. 23.

²³⁰ სსმ არქივი, 1877, 21/10 გვ. 137.

²³¹ სსმ არქივი, 1875, 19/8, გვ. 73.

1880 წლისათვის ბიბლიოთეკაში სულ ირიცხებოდა 13997 დასახელების 26846 წიგნი.²³² ბიბლიოთეკის ციგნსაცავის ასეთმა ზრდამ საჭირო გახადა კატალოგის მეორე გაგრძელების გამოცემა, რაც 1881 წელს განახორციელა გ. სივერსმა.

კავკასიის მუზეუმის ახალი შენობა წარმოადგენდა რენესანსის კლასიკური სტილის კაპიტალურ ნაგებობას, რომლის შუა ნაწილი ოდნავ წინ იყო გამოწეული და ბერძნული სამკუთხა ფრონტონითა და ექვსი კორინთული სვეტით იყო დაშველებული.²³³ სვეტებს შორის პატარა აივანზე ორი მრგვალთალოვანი ფანჯარა და ერთი დიდი კარი გამოდიოდა. სამკუთხა ფრონტონის ქვეშ ეპისტოლზე რუსული მთავრული ასოებით მოთავსებული იყო წარწერა “Музей”.

შენობის მშენებლობისას განსაკუთრებული ყურადღება დაეთმო მთავარი შესასვლელის გაფორმებას. გ. რადეს აზრით, ევსტიბიულის კედლები უნდა დაფარულიყო ფრესკული მხატვრობით. დიდი ფართის კედლებზე უნდა აღბეჭდილიყო კავკასიასთან დაკავშირებული მითოლოგიური სიუჟეტები, ხოლო შედარებით მცირე ზომის კედლებზე – დავით აღმაშენებლისა და თამარ მეფის გელათისა და ვარძიის ფრესკების ასლები. “კავკასია სწორედ ის კუთხეა, სადაც ამაყობენ თავიანთი მრავალსაუკუნოვანი, ყველა ტომისა და ხალხისათვის ახლობელი თქმულებებით და მთელ დედამიწაზე იმაზე შესაფერისი ადგილი ნამდვილად არ არის, ბიბლიური წარღვნის, ან კოლხეთში არგონავტების ღაშქრობის აღსადგენად, ვიდრე აქ, კაცობრიობის ამ უძველეს აკვანში.”²³⁴ წერდა იგი მუზეუმის გაფორმების შესახებ.

ნახატების შესასრულებლად გამოცხადდა კონკურსი. მასში მონაწილეობა მიიღეს გერმანელმა, რუსმა და იტალიელმა მხატვრებმა. კონკურსში გამარჯვებული გამოვიდა გ. რადესათვის კარგად ნაცნობი ავსტრიელი მხატვარი ფრანც ზიში. ამ უკანასკნელის მიერ შესრულებული ესკიზების გაცნობის უკმაყოფილო იქნა თბილისისა.

ფრანც ზიში (1853-1918 წწ), დაიბადა ვენაში, კათოლიკე, ვენის სამხატვრო აკადემიის წარმატებით დამთავრებით შემდეგ სწავლას აგრძელებს რომში. აქ იგი გაეცნო სამეცნიერო მივლინებით ჩამოსულ გ. რადეს და დაუხატა რამდენიმე სურათი

²³² Сиверс Г., Второе продолжение краткого каталога Тифлисской публичной библиотеки, ტფ 1881, გვ. 10.

²³³ Кешкен Ф., დასახ. ნაშრ., გვ. 5.

²³⁴ სსმ არქივი 1880, 24/13, გვ. 110.

ლექციისთვის. კავკასიის მუზეუმის ექსტიბიულის მოსახატავად გამართულ კონკურსში გამარჯვების შემდეგ, 1881 წლის აპრილში ფ. ზიმი თავის ახლადშერთულ მეუღლესთან მარიამ მაიერთან ერთად ჩამოვიდა თბილისში და ღიდი ენთუზიაზმით შეუდგა მუშაობას. მის აქტიურად ეხმარებოდა მარიამი, რომელიც თავადაც მხატვარიც იყო. ხუთი თვის შემდეგ, აგვისტოში ფრესკები უკვე მზად იყო, რაც დაჯდა 5503 მანეთი. შესრულებული ნახატები ღიდი მოწონებით სარგებლობდა საზოგადოებაში. ფ. ზიმი არქეოლოგთა თბილისის V საერთაშორისო კონგრესის ოფიციალური მხატვარი გახდა. სამშობლოში დაბრუნების შემდეგ ფ. ზიმი და მისი მეუღლე კიდევ დიდხანს აგრძელებდნენ კავკასიაში მიღებულ შთაბეჭდილებების გადატანას ტილოზე მათ შექმნეს "აღმოსავლური" ტილოების მთელი სერია. მოგვიანებით ფ. ზიმი დაინიშნა ბავარიის სახვითი ხელოვნების აკადემიის "სამეფო პროფესორად".

აღნიშნული ნამუშევრები და საერთოდ მუზეუმის იმდროინდელი ექსპოზიცია დაწვრილებით აქვს აღწერილი თავის კავკასიურ მოგონებებში რუს მოგზაურსა და მწერალს ვლადიმერ სვიატლოვსკის, რომელიც იმხანად ამყოფებოდა თბილისში: "თბილისურ ღირშესანიშნობათა შორის გვერდს ვერ აუვლით კავკასიის მუზეუმს, სადაც ბევრი საინტერესო ნივთია წარმოდგენილი. მუზეუმში მოთავსებულია ერთეულ შენობაში, რომლის ქვედა სართული უკაჟია ოსიხ დიდ დარბაზს. ამდენივე დარბაზია ზედა სართულზე. კიდევ რამოდენიმე დარბაზია გამოყოფილი მეზონინში (ზედა ნახევარსართულში) სიძველეთა და ორნამენტთა განყოფილებისათვის. ქვედა სართულზე წარმოდგენილია კავკასიის გეოლოგია და მისი ფაუნა, ზედა სართულზე კი—ეცნოგრაფია, ფლორა და ენტომოლოგიის განყოფილება.

განსაკუთრებით კარგი და ეფექტურია მუზეუმის მთავარი შესასვლელისა და კიბის უჯრედის მორთულობა. მთავარი შესასვლელი წარმოადგენს რვაწახნაგოვან ერთეულ ოთახს სვეტიტებით. კედლებში ჩატანებულია ოსიხი ზემოთ წამახვილებული ნიშა, რომელიც მორთულია მღიძრული სპარსული სტილის ნაქერწი ორნამენტებით. მოხრილი წახნაგების სეგმენტები მორთულია თაბაშირის ჩუქურთმებითა და სარკისებრი შუშებით. შესასვლელის მთავარ კედელზე ბრწყინავს მოოქრული წარწერა: VIRIBUS UNITIS (ლათ. "ძალა ერთობაშია" - გ. ჩ.), რომლის ქვემოთ. ეკადა ხელმწიფე

იმპერატორის პორტრეტი, თბილისისა და საქართველოს სამხედრო გზის ორი პანორამული სურათი.²³⁵

შემორჩენილია მუზეუმის ზემოთ აღწერილი მთავარი შესასვლელის ფოტოსურათი, სადაც კარგად ჩანს, რომ იმპერატორის სურათის ქვეშ აგრეთვე კიდია კავკასიის მეფისნაცვლის მიხეილ ნიკილიზის ძის, მისი მეუღლის და ყოფილი მეფისნაცვლის მევრონცოვის პორტრეტული სურათები.

მუზეუმის მთავარ შესასვლელში, ალბათ ისევე ამ პირების სურათების გამოფენა, რომლებსაც გარკვეული წვლილი მიუძღოდნოთ კავკასიის მუზეუმის ჩამოყალიბებაში, სჯობდა, ვიდრე თემურ ლენგის პორტრეტისა, რომელიც წინათ ამ ადგილზე ეკიდა.

შესასვლელის იატაკი დაფარული იყო ყარაბახული ნოხებით და შირვანის ოლქში დამზადებული ვიწრო ზოლიანი ქსოვილით (ჯეჯიმით). მუქ ცისფერ ფონზე ეფექტურად გამოიყურებოდა თაბაშირის თეთრად შეღებილი ორნამენტები.

მუზეუმის კიბის უჯრედის კედლების ფრესკებიდან განსაკუთრებით შთამბეჭდავი ყოფილა ნახატი, რომელზეც აღბეჭდილი იყო კავკასიის ქედზე მიჯაჭვული პრომეთე და მტირალი ოკეანიდეები. ზემოთ აღნიშნული რუსი მოგზაურის აზრით, შედარებით სუსტი იყო მეორე ნახატი, სადაც გამოსახული იყო არგონავტების ჩამოსვლა კოლხეთში. შესამე ფრესკაზე ასახული იყო მედეა და იაზონი ჰეკატის ტაძარში. რიგობრც 1881 წლის გზამკვლევეშია აღნიშნული, მედეა ერთ-ერთი ქართველი თავადი ქალის, ხოლო იაზონი მეფისნაცვლის შვილის ნიკოლოზ მიხეილის ძის მიხედვით ყოფილა დანატყლი.²³⁶ ვ. სვიატლოვსკის აზრით, ყველაზე კარგად მხატვარს დაუხატავს მეოთხე ფრესკა, სადაც არარატის მთის ფონზე აღბეჭდილი იყო ბიბლიური ნოე ვაზის დარგვის დროს. ბოლო, მეოთხე ფრესკაზე გამოსატყლი ყოფილა ცხენებზე ამხედრებული ორი ამორძალი.²³⁷

ახალი საგამოფენო ფართი მოიცავდა მუზეუმის შენობის ორ სართულს და ანტრესოლს, სადაც განლაგებული იყო 17-მდე დარბაზი. მთავარი, რაც ახალ გამოფენას მუზეუმის წინა ექსპოზიციებისაგან განასხვავებდა ის იყო, რომ

²³⁵ Святловский В., Очерки и картины из Кавказских воспоминаний, Тбилиси, 1898, გვ. 177.

²³⁶ Краткий путеводитель Кавказского Музеума, ტფ., 1981, გვ. 26.

²³⁷ Святловский В., დასახ. ნაშრ., გვ. 179.

საგამოფენო ფართის გაზრდასთან ერთად, მოხერხდა ექსპონატების სისტემური წესით და სახეობების მიხედვით უფრო ვრცლად წარმოდგენა. ექსპოზიცია შევსებული იყო ახალი კოლექციებით.

მუზეუმის დარბაზების კვლავი მოხატული იყო კავკასიის ხედებით, ჭერი კი—ადგილობრივი ქსოვილებიდან აღებული ორნამენტებით, რომლებიც გარკვეულ ფონს უქმნიდნენ იქ გამოფენილ ექსპონატებს. იატაკი მოფენილი იყო კავკასიური ხალიჩებითა, ფარდაებით და ნაქარგულით.

1875, 1881 და 1891 წლებში გამოცემული მუზეუმის გამოფენების გზამკვლევიდან და დღემდე შემორჩენილი ფოტოსურათებიდან აშკარად ჩანს, რომ ექსპოზიციის გაფორმებისას მუზეუმში დიდ მნიშვნელობას ანიჭებდნენ თვალსაჩინოებას. ექსპონატების დამატებითი მხატვრული ხერხებით წარმოჩენას, ემოციურ სააქცენტო მომენტების შექმნას, რაც ალბათ წმინდა მეცნიერული ხერხებით ჩვენების ხარჯზე ხდებოდა.

როგორც ქვემოთ დავინახავთ გამოფენაზე ბევრი მულაჟი და მანეკენი წარმოდგენილი იყო ცეკვის, ვაჭრობის ან მუშაობის პროცესში, ცხოველთა და ფრინველთა ფიტულები კი—ნადირობისას, ბუნებრივ გარემოში, მხატვრული ხედების ფონზე, დიორამებში და ა. შ. ყოველივე ეს ზოგიერთი სპეციალისტის შენიშვნას იწვევდა. მაგალითად, მოსკოველი პროფესორი მ. მენზბირი აღნიშნავდა: “ჩვენი თბილისში 1891 წლის საფხულში ყოფნის დროს, გაგვაკვირვა მუზეუმის გარეგნულმა მხარემ, სადაც ყველაფერი, დაწესებული კვლავებიდან და კოლექციებით დამთავრებული, ემსახურება იმას, რომ თვალში მოხედვს დამთვალავრებულს. სისტემურ-სამეცნიერო კოლექციებს აქ მცირე ადგილი აქვს დათმობილი და სამწუხაროდ კუთხეში არის მიჩქმალული. ჩემს მეხსიერებაში ძველი და ახალი სამყაროს სხვა მუზეუმებთან შედარებისას კი ყველგან პირიქითაა: სისტემურ კოლექციებს განსაკუთრებით დიდი ყურადღება ექცევა, სანახაობითს კი — უფრო მცირე”²³⁸ ამავე აზრს იზიარებდა ნ. ზეიდლიცი. მათ საპასუხოდ გ. რადე წერდა “თანხები რომ იყოს, კიდევ სიამოვნებით მოვახატვინებდი მუზეუმის ყველა თავისუფალ კედელსა და ჭერს. მეცნიერთათვის კარადები ყოველთვის ღიაა იქ მოთავსებული მასალების გასაცნობად, დამთვალავრებულთა

²³⁸ Мензбир М, Русская естественно-историческая общества и ушверсктеты, журнал “Русская Мысль”, მოსკოვი, 1892, № 8, გვ. 166..

უმრავლესობათვის კი დეკორაციულ გაფორმებას ყოველთვის ექნება მიზნადგული ძალა . . რადგან მუზეუმი შექმნილია არა მარტო სწავლულებისთვის, არამედ უბრალო ხალხისთვისაც და მათი მოთხოვნების დაკმაყოფილება წარმოადგენს ადმინისტრაციის უპირველეს მოვალეობას”²³⁹

ამ კონცეფციას ბევრი იზიარებდა. ცნობილი მეცნიერი ფ. კეკელი კავკასიის მუზეუმის ექსპოზიციების შესახებ აღნიშნავდა: “მუზეუმში შესვლისას დამთვალიერებელს უმაღლე ხიბლავდა შიდა მორთულობის სინატიფე . . საერთოდ გემოვნება აქ ყველგან იგრძნობოდა და მომგებიანად გამოიყენებოდა. შეოქლება ითქვას, რომ იგი კავკასიის მუზეუმის დამახასიათებელ თვისებას წარმოადგენდა. მე არ მაგონდება სადმე სხვაგან ევროპულ მუზეუმებში მენახოს სინატიფის ასეთი მშოკენიერი შერწყმა მიზანდასახულობასთან”²⁴⁰

მუზეუმის პირველი სართულის ოთხ დარბაზში მოთავსებული იყო გეოლოგიური და ზოოლოგიური მასალები.

პირველი დარბაზის 16 კარადაში 23 ვიტრინასა და 172 სადგარზე გამოფენილი იყო გეოლოგიური, მინერალოგიური და პალეონტოლოგიური ნივთები, სულ 10000-მდე ექსპონატი.²⁴¹ ამ განყოფილებისთვის მუზეუმმა 29 პირისაგან მიიღო საჩუქრად კოლექციები. განსაკუთრებით უნდა აღინიშნოს კაიროს მუზეუმის დირექტორის გ. მორგანის მიერ გადამოცემული ყველა ფორმაციის ნივარები და ნამარხეული. აქ წარმოდგენილი სამი მნიშვნელოვანი გეოლოგიური კოლექცია, რომელიც ღიჯი რაოდენობის ნივთს მოიცავდა შეისყიდეს, ხოლო ერთი-- გაცვლით მიიღეს.

გამოფენილ ექსპონატთა უმრავლესობა მუზეუმის ექსპედიციებითა და კავკასიის სამთო უწყების ხელმძღვანელის ა. შტეინმანის დახმარებით იქნა მოპოვებული. აქ გამოყენილი იყო კავკასიის სხვადასხვა რეგიონებიდან ჩამოტანილი მთისა და მადნეულის ქანების ნიმუშები. საყურადღებო იყო ახალციხიდან, აბასთუმნიდან და მტკვრის აუზის სხვა ადგილებიდან მოპოვებული მასალები. აგრეთვე, მესამეული ფორმაციის ნივარები; სივერსისა და ბაიერნისაგან მიღებული ნამარხეულთა მდიდარი კოლექციები. ექსპონატები შეისწავლა და დაამუშავა სიმონოვიჩმა.

²³⁹ Отчет по Кавказскому Музею и Тифлисской публичной библиотеки за 1892, ტ 1892 გვ 16.

²⁴⁰ Кетшен Ф., დასახ. ნაშრ., გვ. 6.

²⁴¹ Кетшен Ф., დასახ. ნაშრ., გვ. 11.

გამოყენაზე წარმოდგენილი იყო ბაქოს რაიონიდან ნავთობიანი ქანების ნიმუშები, რომელიც ინჟინერმა გ. ბაცვეიჩმა გადმოსცა მუზეუმს. დარბაზის ფანჯარასთან იდგა ქანების საბურღი მოწყობილობის მოდელი.²⁴²

მეორე დარბაზის 31 კარადაში, 27 ვიტრინასა და 166 საღვარზე ექსპონირებული იყო 5000-ზე მეტი ზოოლოგიური ექსპონატი.²⁴³ გამოყენილი იყო ძუძუმწოვრების, ხერხემლიანების, ფრინველების, ქვეწარმავლების, თევზების, მწერებისა და პეპლების კავკასიაში გავრცელებული სახეობები. დარბაზის კედლებზე ეკიდა სხვადასხვა ძუძუმწოვართა რქები, ხოლო ცენტრში მოთავსებული იყო მტაცებელი და შინაური ცხოველებისა და ფრინველების ფიტულები. ფიტულები უშეტესად განლაგებული იყო ვერტიკალურად, ბუტაფორიულ კედლებზე. ამ ხერხის გამოყენებით მიღწეული იქნა ორი მიზანი: ცხოველთა ჩვენება ბიოჯგუფში და საექსპოზიციო ფართის ეკონომია. პირველად ამ გამოყენაზე იყო წარმოდგენილი ცხოველთა ენდემური სახეობები, მაგ: კავკასიური დომბა, როჭო და სხვ.²⁴⁴

ცნობილი სპარსელი სამხედრო მოღვაწე და მოგზაური, გენერალი მაჯდ-ოს-სალტანე, რომელსაც 1894 წელს დაუთვალეირებია კავკასიის მუზეუმი, კმაყოფილებას ვერ მალავს ზოოლოგიურ განყოფილებაში წარმოდგენილ ექსპონატებისა და ფიტულების გამო: "ყველა ესენი ისეა ექსპონირებული, რომ ბუნებრივ მდგომარეობაში მყოფ ცოცხალი ცხოველებისგან ვერ განასხვავებს ადამიანი."²⁴⁵ ზემოთ მოხსენიებულ ე. სეიატლოვსკის კი გამოყენაზე განსაკუთრებით მოწონებია ვეშაპის თავის ჩონჩხი, რომელიც 1880 წელს ზღვას გამოურიყავს ბათუმთან.²⁴⁶

ბარდა ამისა, მუზეუმის ეზოში მოთავსებულ გალიებსა და ვოლიერებში წარმოდგენილი იქნენ ცოცხალი ცხოველები და ფრინველები, რომლებიც დიდ ინტერესს იწვევდნენ თბილისის მცხოვრებლებში.

მუზეუმმა ზოოლოგიური განყოფილებისთვის 43 პირისგან მიიღო შეიშორულობები, 5 ფირმისა და 11 კერძო პირისაგან

²⁴² Путеводитель, Кавказского Музеума, VI, ტფ. 1881, გვ. 2.

²⁴³ Коллекции Кавказского Музеума, т. VI, ტფ., 1912, გვ. 116

²⁴⁴ ბოლქვაძე ს., დასახ. ნაშრ., გვ. 157.

²⁴⁵ მაჯდ-ოს-სალტანე, ქალაქ თბილისის აღწერა. თბ., 1971, გვ. 19.

²⁴⁶ Светловский В., დასახ. ნაშრ., გვ. 180

შეიძინა კოლექციები, ხოლო 40-მდე პირთან და ორგანიზაციასთან გაცვალა ზოოლოგიური მასალები.

კავკასიის მუზეუმის მეორე სართულის ოთხ დარბაზში გამოფენილი იყო ეთნოგრაფიული და ბოტანიკური მასალები. ეთნოგრაფიულ ექსპონატებს ეკავა ორი დარბაზის 12 კარადა, 18 ვიტრინა და 21 საგამოფენო მაგიდა.

ექსპოზიციის სამ ჯგუფად გამოფენილი იყო კავკასიის სხვადასხვა კუთხის წარმომადგენელთა ეთნოგრაფიულ ტანსაცმელში გამოწყობილი ნატურალური ზომის მანეკენები. დარბაზის ცენტრში მოწყობილ დეკორაციულ კოლხურ ბაღში მოთავსებული იყო მოცეკვავე ქართლების, იმერელის, გურულისა და მეგრელის ფიგურები. კედლის გასწვრივ ჩამწყრივებული იყო გზამკვლევის განმარტებით "ქართული წარმოშობის ქრისტიან მთიელთა" ჯგუფის: ხვესურის, ფშაველის, თუშის, სვანის და ოსის (?) ამსახველი მანეკენები. მოპირდაპირე კუთხეში კი ცალკე იდგა აფხაზისა და ყაბარდოელის ტიპაჟები. დეკორაციები მოაშადა გელევიმა, ხოლო ექსპონატები — მხატვარმა ხოდოროვიჩმა. აქვე კარადებში გამოფენილი იყო ამ უკანასკნელის მიერ დამზადებული კავკასიის ხალხთა ტიპების მცირე ზომის სკულპტურები.²⁴⁷

მუზეუმის გამოფენის ჩვენამდე მოღწეული ფოტოსურათებიდან კარგად ჩანს ექსპოზიციის მხატვრული გადაწყვეტის ხერხი: დარბაზის ცენტრში ეთნოგრაფიული ნივთები წარმოდგენილია პირამიდულად, რაც მეტისმეტად ტვირთავდა გამოფენას და მხატვრული თვალსაზრისით ასუსტებდა მას. სავარაუდოა, რომ ეს რაც შეიძლება მეტი ექსპონატის ჩვენების სურვილით იყო განპირობებული.

კედლების გასწვრივ ჩამწყრივებულ კარადებსა და ვიტრინებში გამოფენილი იყო კავკასიური იარაღი, მუსიკალური საკრავები, ეთნოგრაფიული ტანსაცმელი, სამეურნეო და საოჯახო ნივთები. განსაკუთრებით ყურადღებას იქცევდა ქართული საბრძოლო იარაღი -- ხმლები და სატყვეები: გორდა, დათოფერული, ფრანგული, ლახვარი, ღვეკური, ლურსა, მახვილი, საცურე, ლაჯუა და ყაშა. თოფები: მაჭახელა, სიათა, ფილთათოფი, ჩაქალოზი, ჩარმა, ხართოფი და ხირიმი. ეთნოგრაფიული განყოფილება. გრძელდებოდა მეორე დარბაზშიც. გამოფენილი იყო ებრაელი ვაჭრისა და ახალციხელი სომეხი ქალისა და მამაკაცის მანეკენები

²⁴⁷ Путеводитель Кавказского Музеума, ტფ., 1881, გვ. 28.

ვაჭრობის დროს. კარადებში მოთავსებული იყო კავკასიური თიხისა და სპილენძის ჭურჭელი.

მეორე დარბაზს გააჩნდა ნიშები, სადაც იმპერატორ ალექსანდრე II ბიუსტის უკან ოთხ მწკრივად იდგნენ რუსეთში მცხოვრები თითქმის ყველა ეროვნების წარმომადგენელთა მცირე ზომის ფიგურები.²⁴⁸ დარბაზის კედლები დაფარული იყო დიდი ზომის მხატვრული ტილოებით და ეთნოგრაფიულ თემაზე შესრულებული სურათებით. ბოლო ვიტრინებში გამოფენილი იყო სპარსული და კავკასიური ნატიფი ხელოვნების ნიმუშები. ფ. კეპენის აღნიშვნით, ეთნოგრაფიულმა განყოფილებამ 25-ჯერ მიიღო შემოწირულობა და 3-ჯერ შეისყიდა დიდი რაოდენობის მასალა.²⁴⁹

შესამე დარბაზში ბოტანიკური კოლექციები გამოფენილი იყო 6 კარადაში, 8 ვიტრინასა და 182 - პერბარეში. ექსპონატები საფონდო საცავის პრინციპით იყო წარმოდგენილი.

კავკასიის ფლორა განსაკუთრებით კარგად იყო ექსპონირებული რადეს, პოგენაკერის, ოვერინის, ბაიერნის, აბელის და სოფინევის მიერ შეკრებილ პერბარეში. მასალათა შედარებისთვის დიდი მნიშვნელობა ჰქონდა დენდროლოგიურ კოლექციებს, რომელიც მიღებული იქნა პეტერბურგის საიმპერატორო ბოტანიკური ბაღიდან და იმ დანხარებას, რომელიც გაუწიეს საიმპერატორო ბოტანიკური ბაღის დირექტორმა იბატალინმა და კონსერვატორმა ლიპსკიმ.²⁵⁰ განყოფილებას 18 პირისაგან მიიღო შემოწირულობანი, 8-ჯერ შეიძინეს მსხვილი კოლექციები, ხოლო ბევრი ექსპონატი მიიღეს გაცვლითი წესით.

ყურადღებას იპყრობდა დარბაზის ცენტრში გამოფენილი სამკურნალო და ბაღის მცენარეულთა სხვადასხვა ჯიშები და ნიმუშები, რომელიც ცნობილი პომოლოგის არნოლდის მიერ იქნა გაანაზღვრული.²⁵¹ ამავე დარბაზის კედლებზე იკიდა კავკასიის ფლორის ამსახველი ფოტოები, ხოლო სპეციალურ ვიტრინებში მოთავსებული იყო რუკები, სქემები, ცხრილები და ტაბულები. ცალკე მეოთხე დარბაზი დათმობილი ჰქონდა ენტომოლოგიურ მასალებს. კარადებში წარმოდგენილი იყო სხვადასხვა ქვეყნის პეპლების, ხოტოებისა და მწერების

²⁴⁸ იქვე. გვ. 36.

²⁴⁹ Кетни Ф., დასახ. ნაშრ., გვ. 14.

²⁵⁰ Коллекции Кавказского Музея, т. VI ტფ., 1912, გვ. 117.

²⁵¹ Путеводитель Кавказского Музеума, ტფ., 1881, გვ. 48.

კოლექციები. მხოლოდ ხოჭოების კოლექციაში 5000 სახეობა იყო აღრიცხული.

სპეციალურ ვიტრინებში მოთავსებული იყო ხეშეშფრთიანების, ქერცლფრთიანების, ბადეფრთიანების, ორფრთიანებისა და სწორფრთიანების ეგზემპლარები. მათ განსაზღვრაში მონაწილეობა მიიღეს კიზენვეტერმა, ღორნმა, შორავეიცმა, სოლსკიმ, ზეიდლიცმა, კრაცმა, შნაიდერმა და სხვებმა. განსაკუთრებით შთამბეჭდავი იყო რადეს და სივერსის მიერ შეკრებილი კავკასიური პეპლებისა და ტიღემანის ევროპული პეპლების ეგზემპლარები.²⁵²

საერთოდ კავკასიის მუზეუმის საბუნებისმეტყველო მასალათა შესწავლას მოემსახურა სამოცზე მეტი სპეციალისტი და ცნობილი მეცნიერი მსოფლიოს სხვადასხვა ქვეყნიდან. როგორც ჩანს, გ. რადეს ეს საქმე კარგად ჰქონდა აწყობილი. იგი სისტემატურად იწვევდა მუზეუმში სწავლულებს, ან თუთონ აგზავნიდა მასალებს სხვადასხვა სამეცნიერო ცენტრებში და იქიდან იღებდა კვალიფიციურ დასკვნებს.

ზედა ნახევარსართულის 6 დარბაზში გამოფენილი იყო სიძველეთა განყოფილების მასალები. ამ დარბაზებში დამთვალიერებელი მოხედავებოდა მთავარი კიბის უჯრედიდან ზეით ამავალი ხეული კიბის მეშვეობით.

ორი დიდი ვიტრინა ჰქონდა დათმობილი ნუმიზმატიკურ მასალებს. ყურადღებას იპყრობდა კოლექცია, რომელშიც 2593 ცალი მონეტა ითვლებოდა. აქედან 674 ეგზემპლარი პეტერბურგის საიმპერატორო ერმიტაჟში შეისწავლა მარი ბროსემ.

ამავე დარბაზში გამოფენილი იყო კოლექცია, რომელიც შედგებოდა 2000-მდე მონეტისაგან. იგი შეისწავლა და დაამუშავა ივერსენმა.²⁵³

ცალკე მ. წ. წითელ დარბაზში ექსპონირებული იყო წარწერიანი და ორნამენტოვანი ძველი ქვის ფილები. აქ გამოფენილი იყო ძველი სასაფლავო ქვები ვულფადან, ცხერის ქვის ფიგურები არაქსის ელიდან, მოჭიქული აგურები და ფილები ერენის მეჩეთიდან. კვლევებზე ეკიდა ძველი ეკლესიების ორნამენტებისა და გამოსახულებების თაბაშირის ასლები.

²⁵² Путеводитель Кавказского Музеума, ტფ, 1881, გვ. 49.

²⁵³ Путеводитель Кавказского Музеума, ტფ, 1881, გვ. 52.

სპეციალურ სადგარზე იღვა ლურსმნულწარწერიანი სტელა გოგჩის ტბის მიდამოებიდან, მოჩუქურთმებული ხის კარები და ტახტები სვანეთიდან.

ქაეკასიის სიძველენი წარმოდგენილი იყო ოთხ დარბაზში. პირველ დარბაზში გამოფენილი იყო არქეოლოგიური მასალები მტკვარ-არაქსის აუზიდან. კარადებში ექსპონირებული იყო ფ. ბაიერნის მიერ მცხეთაში, სამთავროში მოპოვებული მასალები. მათ შორის საყურადღებო იყო I-II საუკუნის სამკაულები და ხევისურეთში აღმოჩენილი ბრინჯაოს ღლომი.²⁵⁴

სპეციალურ ვიტრინებში გამოფენილი იყო ამიერკავკასიის სხვადასხვა რაიონებში აღმოჩენილი ისტორიული ნივთები: ვრიწოვის მიერ შეკრებილი ძველი ბრინჯაოს და რკინის ნივთები, ძველი ქაშანური თასი, ქრისტიანული ჯვრები ერევნის გუბერნიიდან, ქვის ჩაქური და იარაღები თუშეთიდან და სხვა.

დარბაზის ფანჯარასთან სადგარზე მოთავსებული იყო არაგვის ხეობიდან ჩამოტანილი გამოქვაბული თიხის ორი სარკოფაგი. დარბაზის ბოლოს ექსპონირებული იყო ასურული სამი ქანდაკება და მოზაიკა კილიკიიდან, რომელიც მუზეუმს საჩუქრად გადასცა პოლკოვნიკმა ლუნდუკეისტომ. აქვე იყო ებრაულწარწერიანი საფლავის ქვა და 1867 წელს ბაგინეთში აღმოჩენილი იმპერატორ ვესპასიანეს ცნობილი სტელა.²⁵⁵

მეორე დარბაზში გამოფენილი იყო ისტორიული ნივთები რიონის აუზიდან. აქ წარმოდგენილი იყო ბარონესა დე-ლონგელის მიერ შეგროვილი კაჯისა და ოზსიდიანის ნივთები: დანები, ხერხები, საფხეკები და ბრინჯაოს სამკაულები. ვიტრინაში მოთავსებული იყო შორაპანში აღმოჩენილი თასი და ბელენსკის მიერ შეიძენილი ძველებური ნივთები აჯამეთიდან, აქვე იყო ამ სოფლის ეკლესიის ორი რელიეფიანი ფილა.

მესამე დარბაზი დათმობილი ჰქონდა სიძველეებს ყუბანიდან. კარადებში გამოფენილი იყო პროფესორების ანტონოვიჩისა და ბერენშტამის მიერ გადმოცემული ისტორიული ხასიათის კოლექციები, რომლებიც შეაგროვეს V არქეოლოგიური ყრილობის მოსამზადებელი კომიტეტის დაუღალბით. მეოთხე დარბაზში გამოფენილი იყო ნივთები თერგის ოლქიდან. აქ წარმოდგენილი იყო სიძველეები დაღესტნიდან, ტვირფასი სამკაულები დიგორიდან, ძველი ნივთები ხევსურეთიდან (ასას ხეობიდან), ბრინჯაოს ნივთები

²⁵⁴ Коллекции Кавказского Музея, т. VI, т. 1, 1912, გვ. 117.

²⁵⁵ Путеводитель Кавказского Музеума, ტ. 1881, გვ. 55.

ჩრდილოეთ ოსეთიდან. დარბაზის შუაში გამოფენილი იყო ჩრდილოეთ კავკასიაში გაერცვლებული სამარხების მოდელები, რომელიც დამზადდა მოსკოვში გრაფ ა. უვაროვის დაკვეთით.

ასე გამოიყურებოდა კავკასიის მუზეუმის ახალი შენობა და ახლად მოწყობილი ექსპოზიცია. მისი ოფიციალური გახსნა დაემთხვა V საერთაშორისო არქეოლოგიური ყრილობის მუშაობის დაწყების დღეს.

1881 წლის 8 სექტემბერს დღის პირველ საათზე, თბილისში მეფისნაცვლის სასახლის დიდ დარბაზში საზეიმო ვითარებაში გაიხსნა V საერთაშორისო არქეოლოგიური ყრილობა.²⁵⁶ მასში მონაწილეობის მისაღებად თბილისში მრავლად ჩამოვიდნენ რუსი და საზღვარგარეთელი მეცნიერები. მათ შორის იყვნენ მსოფლიოში ცნობილი მეცნიერები რ. ვირხოვი, ნ. კოსტომაროვი, ა. უვაროვი, ა. ბრიუკნერი, დ. ილოვაისკი, ი. სტენიცი, ვ. მიულერი, ე. ვეიდენბაუმი, ა. კომაროვი, ფონ-ერკერტი და სხვები.

მეფისნაცვლის თბილისში არყოფნის გამო, ყრილობა გახსნა მისმა თანაშემწემ გენერალ-ადიუტანტმა თავადმა ლევან მელიქიშვილმა. საპასუხო სატყვით გამოვიდა ყრილობის სამეცნიერო კომიტეტის თავჯდომარე გრაფი ალექსი უვაროვი. მან დაასახელა ის მიზეზები, რამაც ყაზანში გამართულ წინა ყრილობას გადააწყვეტინა V ყრილობის გამართვა კავკასიის ცენტრში—თბილისში. შემდეგ გამოვიდა ყრილობის თავჯდომარე გენერალ-ლეიტენანტი ალექსანდრე კომაროვი. ყრილობის საზეიმო ოფიციალური გახსნის შემდეგ, გაძვებელი კომიტეტის თავჯდომარემ გუსტავ რადემ დაძვარე საზოგადოება მიიპატიჟა კავკასიის მუზეუმის დასათვალისწინებლად. ყველა გაეშურა იქვე ახლოს მდებარე მუზეუმისაკენ.

მუზეუმის ახალი შენობა და ახალი გამოფენები საზეიმო ვითარებაში გაიხსნა დღის ორ საათზე. საქართველოს ეზარქოსმა აკუროხა მუზეუმი, რის შემდეგ სტუმრებს მიესალმა მუზეუმის დირექტორი გ. რადე. მან ილაპარაკა მუზეუმის განვითარების პერსპექტივებზე და ყრილობის დელეგატებს გააცნო მისი ახალი ექსპოზიციები. აი რას წერდა ილია ჭავჭავაძე ამის შესახებ: “შემდეგ ხალხი წავიდა მუზეუმის სანახავად. მუზეუმის აღწერა შორს წავა. ამას კი ვიტყვით, რომ ჩვენი ტფილისის მუზეუმი დიდის გემოვნებით და მეცადინეობით არის მოწყობილი. სახელი და დიდება ბატონ

²⁵⁶ V Археологический съезд в Тифлисе, ტფ., 1881, გვ. 1.

რადეს, მუხუუმის გამგებელს. მართლა რომ მოსაწონი რამ არის, ღამაზად მოწყობილი და კოპწიად მორთული. ჩვენ ყველას ეურჩევთ თავისის თვალითა ნახოს და დარწმუნებული ვართ, მადლობელნი დაგვირჩებიან.”²⁵⁷

იმავე საღამოს მეფისნაცვლის სანახლის ბაღში ყრილობის დელეგატებისთვის გაიმართა დიდი საზეიმო წვეულება.

მეორე დღეს ყრილობამ დაიწყო მუშაობა. იგი მიმდინარეობდა განყოფილებებში. სულ ჩამოყალიბდა 8 განყოფილება: პირველყოფილი საზოგადოების, კლასიკური და წარმართული ხანის, ქრისტიანული ხანის ძეგლების, აღმოსავლეთის სიძველეების, ხელოვნებისა და მხატვრობის ნიმუშების, ენისა და წერილობითი ძეგლების, ისტორიის გეოგრაფიის და ეთნოგრაფიის განყოფილება.

აქედან ერთ-ერთი განყოფილების – ენისა და წერილობითი ძეგლების – თავმჯდომარედ აირჩიეს დიმიტრი ბაქრაძე, ხოლო მდივნად ალ. ცაგარელი. ყრილობაზე ქართველებიდან მოხსენებები წაიკითხეს ნიკო წილოსანმა “არქეოლოგიური გათხრები ქ. ბერდაში”, ალ. ცაგარელმა “ქართული დამწერლობის ძეგლები” და დ. ბაქრაძემ “ახლად აღმოჩენილი ქართული სახარების ოთხთავი”²⁵⁸

12 სექტემბერს გ. რადე ყრილობის სხდომაზე გამოვიდა მოხსენებით: “ნოე, ვაზო და ზეთისხილი”, საღამოს კი ყრილობის ყველა მონაწილე მან თავის სახლში მიიწვია ეახშამზე.

13 სექტემბერს ყრილობის დელეგატები და სტუმრები გაემართნენ მცხეთისკენ, სადაც გაეცნენ იქ წარმოებულ სამთავროს არქეოლოგიურ გათხრებს. მცხეთისა და მის ღირშესანიშნაობათა მონახულების შემდეგ ისინი გაემგზავრნენ ქუთაისში, სადაც დაათვალიერეს გელათის მონასტერი.

თბილისის V საერთაშორისო არქეოლოგიური ყრილობამ მუშაობა 17 სექტემბერს დაასრულა მან დიდი როლი ითამაშა კავკასიაში არქეოლოგიური მეცნიერების განვითარებაში. ყრილობის ჩატარების შემდეგ მისი გამგებელი კომიტეტის (თავჯდომარე გ. რადე) ინიციატივით კავკასიაში 1871–81 წლებში წარმოებული არქეოლოგიური გათხრების შედეგად მოპოვებული მასალები მუხუუმს გადაეცა.

ამ მასალებიდან განსაკუთრებით მნიშვნელოვანი იყო 1880 წელს ვანის ნაქალაქარში “ახელედანთ” გორაზე აღმოჩენილი

²⁵⁷ ჭაჭავაძე ი., თხზ., 10 ტომად, ტ. V, თბ., 1955, გვ. 115.


²⁵⁸ Археологический съезд в Тифлисе, თბ., 1881, გვ. 5



ადოლფ ბერგე



ალექსანდრე ნიკოლაი



ქაეკასიის მუზეუმის ეთნოგრაფიული გამოფენის დარბაზი



კაქასიის მუზეუმის ეთნოგრაფიული გამოფენის დარბაზები

მდიდრული სამარხის ინვენტარი ნატიფი ნივთებით; ქართლის სამხრეთ-აღმოსავლეთ განაპირას, მდინარეების ქცია-ხრამის შენაკადის დებედის ხეობაში სოფელ ვორნაკთან 1871 წელს ა. ერისტოვისა და ნ. მარის მიერ განათხარ ვრცელ წარმართულ სამაროენიდან აკრეფილი ნივთები; აგრეთვე ფრანგი სამთო ინჟინრისა და არქეოლოგის ჯაკ დემორგანის ახტალა-აღავერდის მიდამოებში აღმოჩენილი ბრინჯაოს ხანის ნივთები და სხვა.

კაკეასიის მუზეუმის ახალ გამოფენას დიდი მოწონებით შეხვდა თბილისის საზოგადოება. გაზეთი "დროება" წერდა: "საზოგადოებამ დაათვალიერა მუზეუმი და დარწმუნდა, რომ ამდენი შრომა და ხარჯი უბრალოდ არ ყოფილა თურმე გაწეული, რომ ასეთი მუზეუმი, როგორც აქვს ეხლა ჩვენს ქალაქს, ბევრ ევროპის ქალაქს დაამშვენებდა. მართლა საუცხოოდ მორთული და მდიდარი მუზეუმი აქვს ჩვენს ქალაქს".²⁵⁹



²⁵⁹ გაზ. "დროება" 1881 წლის 4 ოქტომბერი.

§ 4. ახალ უწყებაში გადასვლა. საფონდო, სამეცნიერო და საექსპოზიციო სამუშაოების გაშლა (1882 - 1903 წწ)

XIX საუკუნის 80-იან წლებში რუსეთის იმპერიაში რთული პროცესები ვითარდებოდა: საზოგადოებაში ძლიერდებოდა ოპოზიციური და რევოლუციური განწყობილება. ანტიბატონყმურ რეფორმათა შედეგებზე იმედგაცრუებამ, რუსეთ-თურქეთის მძიმე ომმა და დამამცირებელმა ბერლინის კონგრესის გადაწყვეტილებებმა უკიდურესად გაამწვავა ქვეყნის პოლიტიკური, სოციალური და ეკონომიკური მდგომარეობა, გააძლიერა საზოგადოების თითქმის ყველა ფენის უკმაყოფილება, რასაც 1881 წლის 1 მარტს ტერორისტების მიერ იმპერატორ ალექსანდრე II მოკვლა მოჰყვა.

ახალი იმპერატორი-ალექსანდრე III საშინაო პოლიტიკაში ბიუროკრატიის გაძლიერების მკაცრ კურსს დაადგა: გაფართოვდა და განმტკიცდა საზოგადოებაზე ადმინისტრაციული მუერვეობის სისტემა, შეიზღუდა და შესუსტდა სათემო და საქალაქო თვითმმართველობის დაწესებულებათა საქმიანობა, განსაკუთრებული მფარველობა დაწესდა თავადაზნაურთა ინტერესებზე.

რაც შეეხება იმპერიის განაპირა მხარეების მმართველობას, აქ კიდევ უფრო გაძლიერდა ადმინისტრირებისა და ცენტრალური ხელისუფლების განმტკიცების ტენდენციები. ყველგან მოისპო თუნდაც მცირე ავტონომიის ილუზიის შემქმნელი მართვა-გამგეობის სტრუქტურები. კავკასიაში გაუქმდა მეფისნაცვლობა და აღდგა მთავარმართებლობა. საქართველოსა და ამიერკავკასიის გუბერნიების მნიშვნელოვანი ორგანიზაციები უშუალოდ პეტერბურგს დაექვემდებარა.

1882 წლის აიხუერვალში კავკასიაში სამოქალაქო ნაწილის მთავარმართებლად, კავკასიის სამხედრო ოლქის ჯარების სარდლად და კავკასიის კაზაკთა უმაღლეს ატამანად დაინიშნა გენერალ-ადიუტანტი ალექსანდრე დონდუკოვ-კორსაკოვი. მის მიერ შემუშავებულმა კავკასიის მმართველობის ახალმა დებულებამ კიდევ უფრო გააძლიერა მეტროპოლიის რეაქციული კოლონიური პოლიტიკა. 1890 წელს კავკასიაში მთავარმართებლის თანამდებობაზე ალ. დონდუკოვ-კორსაკოვი გრაფმა ა. შერემეტეევმა შეცვალა, 1896 წელს მას მოჰყვა თავადი გ. გოლიცინი, რომელმაც ამ პოსტზე 1905 წლამდე

დაყო. მეფის ეს ერთგული მოხელეები დიდი მონღოლებით აგრძელებდნენ თავიანთი წინამორბედების კოლონიზატორულ, რუსიფიკატორულ კურსს.

1882 წლიდან იწყება ახალი ეტაპი “კავკასიის მუზეუმისა და ტფილისის საჯარო ბიბლიოთეკის” ცხოვრებაში. ამ წელს ეს დაწესებულება ჯერ კავკასიაში სამოქალაქო ნაწილის მთავარმართებლის კანცელარიის მთავარ სამმართველოს დაექვემდებარა, ხოლო შემდეგ კავკასიის მმართველობის ახალი დებულების 99-ე პუნქტის თანახმად, როდესაც პრაქტიკულად დაისვა სხვადასხვა მნიშვნელოვანი ორგანიზაციების რეორგანიზაციის საკითხი, მუზეუმისა და ბიბლიოთეკა უნდა გადასულიყო განათლების სამინისტროს სისტემაში. ეს ნიშნავდა ამ დაწესებულების მიერ უშუალოდ მხარის მმართველობის უწყებაში მოპოვებული სხვადასხვა პრივილეგიების დაკარგვასა და პეტერბურგზე, იმპერიის განათლების სამინისტროზე პირდაპირ დამოკიდებულებას.

გ. რადე დაჯინებით ეწინააღმდეგებოდა ამას და მოითხოვდა მხარის უფროსის უწყებაში დატოვებას და დამოუკიდებლობის შენარჩუნებას: “მაგრამ თუ პეტერბურგზე დამოკიდებულება აუცილებელია, მაშინ მე უნდა ყოახოვო, რომ დამართონ ნება პირდაპირ მიემართო ხოლმე განთლების მინისტრს, წინააღმდეგ შემთხვევაში ოფიციალური ურთიერთობების ჩვეულებრივად გაჭიანურებული მსვლელობის დროს, მუზეუმის საქმე შეიძლება ცუდად წარიმართოს.”²⁶⁰ წერდა იგი 1882 წლის მაისში თავის მოხსენებით ბარათში.

ახალ უწყებაში გადასვლა ოფიციალურად გაფორმდა 1884 წლის 26 აპრილს შემუშავებული “კავკასიის მუზეუმისა და ტფილისის საჯარო ბიბლიოთეკის ახალი შტატებისა და ხარჯთაღრიცხვის დებულებით.” მუზეუმი და ბიბლიოთეკა მთავარმართებლის კანცელარიის დაქვემდებარებიდან გადავიდა განათლების სამინისტროს უწყებაში,²⁶¹ ხოლო სამეცნიერო სამუშაოთა ხაზით შეესაღება საიმპერატორო მეცნიერებათა აკადემიის სისტემაში. ამასთან ერთად, მნიშვნელოვნად იზრდებოდა მისი საშტატო ერთეულიც.

1884 წლის 8 მაისს გატჩინოში იმპერატორმა ალექსანდრე III დაამტკიცა კანონი კავკასიის მუზეუმისა და ბიბლიოთეკის ახალი შტატებისა და ხარჯთაღრიცხვის შესახებ,²⁶² რის

²⁶⁰ სსმ არქივი, 1882, 26/15, ფ. 8.

²⁶¹ სსმ არქივი, 1884, 27/16, ფ. 82.

²⁶² სსმ არქივი, 1884, 28/16, ფ. 72.

მიხედვითაც, მუზეუმის თანამშრომელთა რიცხვი გაიზარდა 8-მდე და შეადგინა: დირექტორი, მისი თანაშემწე, პრეპარატორი, კონსერვატორი და ოთხი ტექნიკური მუშაკი.

80-იანი წლებიდან თითქმის ყოველწლიურად იზრდებოდა მუზეუმის დამთვალიერებელთა რიცხვი. მარტო გაყიდული 20-კაპიკიანი ბილეთების შედეგად, მუზეუმის შემოსავალი და დამთვალიერებელთა რიცხვის ზრდა ასეთი ციფრებით გამოიხატება: (ცხრილი 6):

წლები	შემოსავ. გაყიდული ბილეთებით	დამთვალიერებელი
1881	687	3436
1882	1224	6120
1883	1006	5030
1884	909	4545
1885	1001, 20	5006
1886	1043, 80	5219
1887	1393, 40	6962
1888	806, 40	4032
1889	1133, 60	5668
1890	1282, 60	6413
1891	13347 მან.	66735

ამ მონაცემებს თუ დავეუბრებით იმ მოსწავლეებისა და პირთა რიცხვს, რომლებსაც პქონდათ უფლება უფასოდ შესულიყვნენ მუზეუმში, გ. რადეს გამოთვლით, "თავის არსებობის 25 წლის მანძილზე კაეკასიის მუზეუმი 100000-ზე მეტ კაცს დაუთვალიერებია."²⁶³

აღნიშნულ პერიოდში მუზეუმს ყველაზე მეტი დამთვალიერებელი 1892 და 1893 წლებში ჰქაიდა. ამ დროს მათი რიცხვი შესაბამისად 6555 და 7029 იყო. ექსპოზიციების გაცნობაში მუზეუმის სტუმრებს დიდ დახმარებას უწევდა ურცელი გზამკვლევი, რომელიც 1895 წლამდე 7-ჯერ გააზოცა.²⁶⁴ იგი 30 კაპიკი ღირდა.

მუზეუმის ფონდების გასაცნობად თბილისში სპეციალურად ჩამოდიოდნენ მსოფლიოში სახელგანთქმული მეცნიერები და განსაზღვრულ დღეებში დირექტორის ნებართვით მუშაობდნენ მუზეუმის ფონდებში. თავიანთი მონოგრაფიებისათვის მუზეუმის საბუნებისმეტყველო ფონდები

²⁶³ Радде Г, დასახ. ნაშრ., გვ. 64.

²⁶⁴ Кершен Ф., დასახ. ნაშრ., გვ. 15.

გამოიყენეს ისეთმა სახელმძღვანელომა მეცნიერებმა როგორებიც იყვნენ: შტაპფი, კრეპინი, შიფნერი, ფოსტერი, ლევიე, ფოკი, დესკენი და სხვები.²⁶⁵ მართალია, მათთვის ფონდების გაცნობა უფასო იყო, მაგრამ ზოგიერთ სპეციალისტს ძალზე აღიზანებდა მუზეუმში შესასვლელ ბილეთებზე დაწესებული ფასი. პროფესორი მ. მენზბირი მოსკოვურ ჟურნალში წერდა: “გაგვაოცა კავკასიის მუზეუმში შესვლაზე დაწესებულმა ფასიანმა გადასახადმა. მართალია იგი უმნიშვნელოა, მაგრამ მუზეუმი, რომელიც მთავრობისგან ყოველწლიურად იღებს სუბსიდიებს, არ უნდა დაუშვას ადგილობრივი მოსახლეობიდან ბუნების შესწავლაში ორშაურიანების აკრეფა. გ. რადე ამას “მახვილგონიერულად” მუზეუმის საქმიანობაში მოსახლეობის ჩაბმას უწოდებს, მაგრამ თუ გვინდა, რომ მუზეუმში ყველა სიამოვნებით მოდიოდეს და შემოწირულობებიც მოჰქონდეს, ფართოდ უნდა გაეადოთ კარი და თავის კომპრომეტირება არ ღირს კაპიკების აღებით”.²⁶⁶

1882 წლის 8 მარტს მოხდა სამწუხარო ინციდენტი. იმ დარბაზში, სადაც გამოფენილი იყო ძველი ისტორიული ნივთები, მოხდა ქურდობა. ერთ-ერთმა დამთვალეიერებელმა — ნიკოლოზ არუთინოვმა, რომელიც თავს მასწავლებლად ახალებდა, ისარგებლა მეთვალყურის უყურადღებობით, მოახერხა 54-ე კარადის მინის გატეხვა და ოქროს ნივთების, მათ შორის: 104-ე საინვენტარო ნომრით გატარებული ძვ. წ. — ად. IV—III საუკუნის მასიური ოქროსაგან ნაკეთი სკვირთურ-სარმატული ყელსაბამის, 244-ე საინვენტარო ნომრის ირმის ფიგურის, 151-ე საინფ. ჩომრის ოქროს სამაჯურის, 253-ე საინფ. ნ. ოქროს საკიდის, 248-ე სანფ. ნ. ოქროს ბეჭდის და სხვა ნივთების მოპარვა.²⁶⁷ ქურდობიდან მიყენებული ზარალი მარტო ძვირფასი ლითონის ღირებულებით შეფასდა 600 მანეთად.

ქურდის გამოძიება და დაპატიმრება შესაძლებელი გახდა ორი თვის შემდეგ, როდესაც მან 21 მაისს კვლავ სცადა ქურდობა. ამჯერად ეთნიოგრაფიის განყოფილების დარბაზის შესაშვ კარადიდან დააპირა ნივთების მოპარვა, მაგრამ იგი დააპატიმრეს და მიუსაჯეს ორი წლით პატიმრობა

²⁶³ Коллекция Кавказского Музея, т. VI, т. 1912 გვ. 117

²⁶⁶ Мензбир М., Русская естественно- историческая общества и университеты, ჟურნ. «Русская мысль», მოსკოვი, 1892, # 8, გვ. 167.

²⁶⁷ სსმ არქივი 1881 25/14 გვ.112

გადასახლებით. სამწუხაროდ, მოპარული ნივთების მუზეუმისთვის დაბრუნება არ მოხერხდა.²⁶⁸

ამავე წლის 13 ოქტომბერს, კვირას ისევ მოხდა ქურდობა. არქეოლოგის განყოფილების დარბაზიდან ერთ-ერთმა დამსუფალიერებელმა მოიპარა ორი ქვის ექსპონატი და ოთხი არქეოლოგიური ნივთის მულაჟი. აღნიშნული ინციდენტების შემდეგ მუზეუმის დირექციამ დაჟინებით მოითხოვა საგამოფენო დარბაზებში კიდევ ერთი შეთვალყურის დამატება, რაც დადებითად გადაწყდა.

80-იანი წლებიდან მნიშვნელოვნად იზრდება მუზეუმისა და ბიბლიოთეკის ფონდები. 1882 წელს ნიკოლოზ ლიხაჩოვმა ბიბლიოთეკას საჩუქრად გადასცა 50 საბუნებისმეტყველო შინაარსის წიგნები, ხოლო იმავე წლის 18 აგვისტოს საგარეო საქმეთა სამინისტროს მოსკოვის მთავარი არქივის დირექტორმა თბილისის საჯარო ბიბლიოთეკას გადასცა საარქივო კომისიის მიერ მომზადებული სახელმწიფო სიგელები და ანაწერები 32 ტომად. მათ შორის იყო: რუსეთის მეფეთა წერილები, ძველი რუსული დოკუმენტები, კირში დანილოვის მიერ შეროვილი, ივანე III და ივანე IV კანონები, ნოვგოროდის შამასახლისების მატანე, აქტები ივერიის ღვთისმშობლის ხატზე, ხელნაწერები მოსკოვისა და კელესის ისტორიაზე და სხვ.²⁶⁹ 1882 წლისათვის ბიბლიოთეკის წიგნადი ფონდი შეადგენდა 13997 დასახელების 26846 წიგნს.

1882 წლის იანვარში გ. რადეს მიენიჭა სახელმწიფოს ნაშდევილი მრჩეველის ტიტული.²⁷⁰ ამავე წელს იგი არჩეული იქნა იტალიის ანთროპოლოგიისა და ეთნოგრაფიის, ფლორენციის საზოგადოების წევრ-კორესპონდენტად. 1882 წლის თებერვალში ენის ორნითოლოგიურმა საზოგადოებამ აირჩია საპატიო წევრად, 1884 წლის დეკემბერში ნიუ-ორკის და ლონდონის ზოოლოგიურმა საზოგადოებებმა—წევრ-კორესპონდენტად. 1885 წლის იანვარში სამიპერატორო მეცნიერებათა აკადემიამ იგი აირჩია წევრ-კორესპონდენტად ზოოლოგიურ მეცნიერებათა დარგში. 1885 წლის ოქტომბერში მიიღო საქსონიის პერცოგის სასახლის კონტურის ოქროს ჯვრის ორდენი. 1886 წლის ნოემბერში დაჯილდოვდა კომანდარმის-ჯვრით და ცერინგენის ლომის პირველი ხარისხის ორდენით.²⁷¹

²⁶⁸ Раде Г., დასახ. ნაშრ., გვ. 64.

²⁶⁹ სსმ არქივი 1882, 26/15, გვ. 17.

²⁷⁰ სსმ არქივი, 1884, 27/16, გვ. 13.

²⁷¹ სსმ არქივი, 1885, 29/18, გვ. 78.

დირექტორის თანაშემწე კოლეგიის ასესორი დოქტორი გუსტავ სივერსი, 1884 წელს შეცვალა ამიერკავკასიის ქალთა ინსტიტუტის მრჩეველმა, ინსპექტორმა, პავლე მელერმა.

ახალი ხარჯთაღრიცხვით კავკასიის მუზეუმისა და საჯარო ბიბლიოთეკისთვის დამატებით წელიწადში გამოიყო 2555 მანეთით მეტი და შეადგინა 12955 მანეთი. ახალი ხარჯთაღრიცხვა²⁷² გამოიყურებოდა: (ცხრილი 7):

თანამდებობები და სამუშაოები	ხელფასი	სადილის ხარჯი	სულ, მან.
დირექტორი	2000	400	2400
მისი თანაშემწე	1000	300	1300
კონსერვატორი	750	325	1075
პრეპარატორი	600	225	825
სამეცნიერო საქმ.	—	—	2200
სამეურნეო საქმ.	—	—	4480
ექსპედიციებისათვის	—	—	1500

პრეპარატორად წლების განმავლობაში მუზეუმში მუშობდნენ კ. მედლერი, ი. რიბანსკი, ალ. სერედოვიჩი, კონსერვატორად კი ფრიდრიხ ბაიერი, 1884 წლიდან—ბერლინის უნივერსიტეტის კურსდამთავრებული თავადი ალექსი სევესტიანოვი, 1886 წლიდან—დერპტის უნივერსიტეტის მაგისტრი ალფრედ ვალშერი,²⁷³ ხოლო 1892 წლის 1 ივნისამდე ფრიდრიხ მარტი, შემდეგ იგი შეცვალა ცნობილმა ენტომოლოგმა ვეგენი კინგმა. ამ პერიოდში მუზეუმში და ბიბლიოთეკაში სამეურნეო ანგარიშზე ტექნიკურ მუშაკებად, დურგლებად და დარაჯებად, მუშაობდნენ: ვლ. ფილიპოვი, ალ. ვალტერი, ე. სტასი, ო. ტოვგინი, გ. შამრაი, ლ. ანჩისკი და სხვები. 1895 წელს სამუშაოდ მოიწვიეს საფრანგეთის მოქალაქე, მხატვარი ფრანც რუბო. კადრების დარგში იყო უსიამოვნო ირკვიდენტებიც: მაგ. 1882 წლის ოქტომბერში, ბიბლიოთეკის თანამშრომელი ტომაშ ნოვაკოვსკი დაადანაშაულებს ნივთების ქურდობაში.²⁷⁴ ყვარათად იყო ცნობილი გამწევაებულ ურთიერთობა გ. რადესა და პრეპარატორ ი. რიბანსკის შორის და სხვა.

კავკასიის მუზეუმისა და ბიბლიოთეკისთვის თანხები გამოიყოფოდა ხაზინიდან, საიმპერატორო მეცნიერებათა აკადემიის იმ სამეცნიერო დაწესებულებებთან ერთად,

²⁷² სსმ არქივი 1884, 18/17, გვ. 73.
²⁷³ სსმ არქივი, 1886, 31/20, გვ. 70.
²⁷⁴ სსმ არქივი, 1882, 16/15, გვ. 62.

როგორც იყო: ბოტანიკის, ზოოლოგიის და აზიის მუზეუმები; ნიკოლაევის, თბილისის, პავლოვსკის, კეატერინბურგისა და ირკუტსკის ობსერვატორიები, პეტერბურგის არქეოგრაფიული კომისია, საიმპერატორო ბიბლიოთეკა და კიევის ძველი აქტების არქივი. ხაზინის ხარჯთაღრიცხვით, იმავე მე-8 მუხლით ხდებოდა საქვეყნოდ ცნობილი დაწესებულებების: მოსკოვის რუმიანცევის სახელობის მუზეუმის და ვარშავის ნატიფი ხელოვნების ინსტიტუტის დაფინანსება.

ხაზინიდან დაფინანსების გარდა, მნიშვნელოვანი თანხები შემოდის ქალაქის მერიიდან, რომელიც მუზეუმსა და საჯარო ბიბლიოთეკას ყოველწლიურად გამოუყოფდა 1030 მანეთს. დირექტორი დაჟინებით ეძებდა გზებს დაფინანსების სხვა წყაროს მოსაძიებლად. ასეთი გზაც გამოძებნილი იქნა, როდესაც გაყიდული ბილეთების შემოსავალი (წელიწადში დახლოებით 1000 მან.) ჩაირიცხა მუზეუმის სპეცსახსრებში. 1884 წლის სექტემბრიდან განათლების სამინისტროს თანხმობის შემდეგ, მუზეუმის სარდაფები მიაქირავეს დეინის მრეწველ დ. ჯორჯაძეს.²⁷⁵ აქედან ყოველწლიური შემოსავალი შეადგენდა 400 მან.

ახალი ხარჯთაღრიცხვის მიხედვით, ახალი ექსპონატების შესაძენად ყოველწლიურად გამოყოფილი თანხა გაიზარდა ორჯერ და 1000 მანეთს მიაღწია.²⁷⁶ დაფინანსების ზრდამ ბევრად გააუმჯობესა მუზეუმის სამუშაოთა ხარისხი. მუზეუმმა დიდი ყურადღება დაუთმო თავის სამეცნიერო გამოცემებს. დიდი მთავრის გიორგი ალექსანდრეს ძის ინიციატივით ყოველწლიურად მუზეუმს 1897 წლიდან 5 წლის ვადით გამოეყო 2500 მანეთი. ამ თანხით მუზეუმმა დაიწყო "Известия Кавказского Музея"-ს გამოქვეყნება. 1902 წელს დიდმა მთავრმა კიდევ ხუთი წლით გააგრძელა კავკასიის მუზეუმის გამოცემების დაფინანსება. 1897-1919 წლებში სულ გამოვიდა 12 ტომი.

1899 წელს მუზეუმმა დაიწყო თავისი კოლექციების გამოქვეყნება სერიით—"Museum Caucasicum". ამ წელს გრადეს რედაქციით გამოიცა I ტომი, რომელშიც გაშუქდა კავკასიის მუზეუმში თავმოყრილი ზოოლოგიური კოლექციები. მისივე რედაქციით 1901 წელს გამოვიდა II ტომი, სადაც მოთავსდა მუზეუმის ბოტანიკური მასალა. ამავე წელს ნ. ლებედევის რედაქციით გამოქვეყნდა III ტომი გეოლოგიური კოლექციების

²⁷⁵ სსმ არქივი, 1886, 32/11, გვ. 10.

²⁷⁶ Радае Г., დასახ. ნაშრ., გვ. 50.

შესახებ. IV ტომი ეთნოგრაფიული ნივთების შესახებ აღარ გამოცემულა. 1902 წელს პ. უეაროვას რედაქციით გამოქვეყნდა V ტომი, რომელშიც აღიწერა არქეოლოგიური კოლექციები და ბოლოს, 1912 წელს გამოიცა VI ტომი, რომელიც მთლიანად მიეძღვნა გუსტავ რადეს ცხოვრებასა და მოღვაწეობას.

მუზეუმი 1915 წლიდან შეუდგა "Записки Кавказского Музея"-ს "ა" და "ბ" სერიის გამოცემას. იგი გამოდიოდა 1919 წლამდე და სულ გამოქვეყნდა 7 ტომი.]

თანდათანობით მოხერხდა საერთაშორისო სამეცნიერო ასპარეზზე გასვლა. კავკასიის მუზეუმთან შეიქმნა საცნობარო-საინფორმაციო განყოფილება ე. წ. "მუზეუმის საბიბლიოთეკო ცნობარი," რომელიც ჩაერთო "საერთაშორისო ბიბლიოგრაფიულ" საძიებელში.²⁷⁷

"კავკასიის მუზეუმის უწყებათა" გამოცემასთან ერთად (1897-1919წწ), რუსეთის მიერ 1902 წელს "წიგნის გაცვლის" შესახებ ხელმოწერილი კონვენციით, კავკასიის მუზეუმის ცნობარი რუსეთის სამეცნიერო გამოცემათა ოფიციალურ ნუსხაში იქნა შეტანილი. 1904 წლისათვის მუზეუმი და ბიბლიოთეკა რუსეთის 23 ქალაქის 55 ორგანიზაციასთან და მსოფლიოს 16 ქვეყნის 44 გამომცემლობასთან იყო დაკავშირებული და აწარმოებდა თავისი მეცნიერული პროდუქციის გაცვლას.²⁷⁸

კავკასიის მუზეუმი და საჯარო ბიბლიოთეკა არა მარტო თბილისის, არამედ მთელი კავკასიის ერთ-ერთ ღირშესანიშნავ ადგილად გადაიქცა. 1885 წელს იგი დააფუძნდა 8438 კაცმა, აქედან 5006 ბიბლიოთიანმა, ხოლო ბიბლიოთეკა მოემსახურა 8438 მკითხველს.²⁷⁹

ამ პერიოდის ანგარიშებიდან ჩანს, რომ მუზეუმი შედგებოდა ზოოლოგიური, გეოლოგიური, ბოტანიკური, ეთნოგრაფიული და არქეოლოგიური განყოფილებებისგან.

ზოოლოგიურ განყოფილების ფონდში დაცული იყო 200 ძუძუმწოვრის, 3150 ფრინველის, 400 ქვეწარმავლის. 300 თევზის სახეობის, აგრეთვე უხერხემლოთა (მწერების, ობობების, ნიჟარების) ათასობით ეგზემპლარი.

გეოლოგიური განყოფილების ფონდი შედგებოდა 10000 ერთეული კავკასიის გეოლოგიური ქანებისა და ნამარხეულობისგან.

²⁷⁷ სსმ არქივი, 1912, №38, გვ 12.

²⁷⁸ სსმ არქივი, 1904, 40/29, გვ. 73.

²⁷⁹ "Кавказский календарь" на 1885 г., გვ 293.

ბოტანიკური განყოფილების პერბარიუმებში ორიცსებოდა 12000-ზე მეტი ჯგუფმალარი.

ეთნოგრაფიულ განყოფილებაში ითვლებოდა 1500-მდე ნიუთი, აგრეთვე კავკასიის 9 დიდი ეროვნული ჯგუფის წარმომადგენელთა ამსახველი ეთნოგრაფიულ ტანსაცმელში გამოწყობილი ათობით მანუკენი.

არქეოლოგიური განყოფილების ფონდებში თავმოყრილი იყო მრავალი საინტერესო უნიკალური ნიუთი და ნუმისმატიკური მასალა. მათი რიცხვი 20000-ს აღემატებოდა.²⁸⁰

მიუხედავად ამისა, ყოველწლიურად იზრდებოდა მუზეუმის ფონდები შემოწირულობებისა და შექენის გზით: 1885 წელს ლუნიხის ოლქის უფროსმა, შიპკის ბრძოლების გმირმა, გენერალმა კონსტანტინე ჭილაშვილმა შეიძინა დაღესტნური ძველებური ჭურჭელი და გადასცა მუზეუმს. კაპიტანმა ბ. ორლოვმა მუზეუმს ასევე არუქა კახიკუმუხის ოლქის მცხოვრებლებისგან შექენილი სამუზეუმო ეთნოგრაფიული მასალა.²⁸¹

1886 წელს პროფესორმა პუგო ლოიკმა მუზეუმს შესწირა ერთი ყუთი ბოტანიკური კოლექცია. ამავე წელს მუზეუმს გადმოეცა გრაფ მ. ყვდოკიმოვის შემორჩაილური მასალა. რუსეთის გენერალურმა კონსულმა ბორდოში ლ. ბროსემ მუზეუმს გადასცა თავის მამის აკადემიკოს მარი ბროსეს შრომების ბიბლიოგრაფია, რომელიც თავად შეადგინა.

მომდევნო წლებში ნ. პილენკომ და რ. იასევიჩმა კავკასიის მუზეუმს უსახსივრეს ორი ძველებური ვერცხლის მონეტა და სხვადასხვა ეთნოგრაფიული ნიუთები. ექსპონატების შესაძენი თანხების გაზრდამ შესაძლებლობა მისცა დირექციას უფრო მეტი ნიუთები ყვიდა. 140 მანეთად ყუბელ ნაიბისაგან შეიძინეს დაღესტნური ეთნოგრაფიული საოჯახო ნიუთები და სამკაულები. 1885 წელს იყიდეს სტავროპოლის გუბერნიაში ნაპოვნი ანტიკური ხანის ბრინჯაოს სარკე, მუზარადი და 24 ვერცხლის მონეტა. ამავე წელს შეიძინეს ბაქოს გუბერნიაში სოფელ ხატმანთან ნაპოვნი განძი, რომელიც შედგებოდა 222 ვერცხლის მონეტისა და ბრინჯაოს ჭურჭლისაგან. აგრეთვე ამავე გუბერნიის სოფელ იაგურთან აღმოჩენილი მოქრული თასი, ვერცხლის ბეჭედი და ბალთა, ნიუთი ფირუზის თვლით.²⁸²

²⁸⁰ სსმ არქივი, 1884, 28/17, უ. 8.

²⁸¹ სსმ არქივი, 1885, 29/18, უ. 109.

²⁸² სსმ არქივი, 1885 29/18, გვ. 130.

1888 წელს მუზეუმისთვის შეიძინეს ჩრდილოეთ კავკასიაში სოფელ კრუჩენოში აღმოჩენილი ქალის ძველებური ძვირფასი სამკაულები.²⁸³

ამავე პერიოდში გ. რადემ შეიძინა მეფე ერეკლესადმი ნადირ შაჰის მიერ ნაჩუქარი ქაშანური თასი წარწერით: "ერეკლეს, კარგი სამსახურისათვის."²⁸⁴

მუზეუმში 80-იან წლებში შემოტანილი ნივთებიდან ძალზე საინტერესო იყო საინვენტარო დაფთარში 3116 ნომრით გატარებული ვახტანგ VI და ვახუშტი ბატონიშვილის ნაქონი— ასტროლაბი, დროისა და განედის განმსაზღვრელი ასტრონომიული უძველესი ხელსაწყო. იგი წარმოადგენდა გრადუსულ დანაყოფიან ბრინჯაოს პორიზონტალურ და ვერტიკალურ სარტყლებს, რომელსაც დაყენებული ჰქონდა ჭოგრი, ხოლო ობიექტივის წინ მოთავსებული იყო ვერცხლისწყლიანი ხელოვნური პორიზონტი.

გ. რადემ იყო სამეფო ოჯახის კონსულტანტი და მათთვის კავკასიაში იძენდა საინტერესო ნივთებს. 1887 წელს დიდი მთავრის მიხეილ მიხეილის ძის დავალებით მან იყიდა ყუბური ნოხების და ყარაბახული ჯეჯიშის დიდი რაოდენობა. 1890 წლის სექტემბერში გ. რადემ იახტა "თამარით" დიდ მთავერებთან ალექსანდრესა და სერგეისთან ერთად იმოგზაურა ცვილონსა და ტროპიკული აზიის ქვეყნებში.

როგორც საარქივო მასალებიდან ჩანს, იყო შემთხვევები, როდესაც მუზეუმის კუთვნილი ნივთები რომელიმე საპატიო პირს ან მოხელეს დროებით სარგებლობაში გადაეცემოდა. შემდეგ კი მათი უკან დაბრუნება ძნელად ხერხდებოდა. ამის გამო, განათლების მინისტრის 1889 წლის 24 დეკემბერის განკარგულებით დირექტორს აეკრძალა მუზეუმიდან ნებისმიერი რანგის პირისთვის რაიმე ნივთის გატანა, რა რანგისაც უნდა ყოფილიყო მთხოვნელი.²⁸⁵

როგორც საარქივო მასალებიდან ჩანს, გაძნელებული ყოფილა აგრეთვე სამუზეუმო ექსპონატების დაცვა ჩრჩილისა და სხვა მავნებლებისგან. არსებობს ნოხების, ქსოვილებისა და ტანსაცმლის ამ მიზეზით ჩამოწერის უამრავი ფაქტი.

კავკასიის დამორჩილებამ, თურქეთისა და ირანის წინააღმდეგ წარმატებით წარმოებულმა ომებმა, ხელისუფლებაში დაბადა სურვილი პროპაგანდა გაეწიათ

²⁸³ სსმ არქივი, 1888 31/23, გვ. 34.

²⁸⁴ Коллекция Кавказского Музея, т. V, ტფ., 1902, გვ. 191.

²⁸⁵ სსმ არქივი, 1890 38/27, გვ. 9.

რუსეთის სამხედრო ძლიერებისათვის. 1883 წელს გ. რადეს ინიციატივით მთავარმართებელ ალ. დონდუკოვ-კორსაკოვს წარუდგინა კავკასიის მუზეუმში სამხედრო განყოფილების შექმნის პროექტი, სადაც შეკრებილი იქნებოდა კავკასიაში XIX საუკუნეში წარმოებული ბრძოლების ამსახველი მასალები. გ. რადეს კონცეფციით, ექსპოზიცია უნდა დაწყებულიყო პეტრე დიდის 1722 წლის დერბენდის ლაშქრობით და დამთავრებულიყო 1864 წლით, კავკასიის სრული დაპყრობით. გამოფენაში დიდი ადგილი უნდა დათმობოდა კავკასიაში გამარჯვებების ძირითად მომენტებს. მუზეუმის შესუერთა აზრით, ეს უნდა ყოფილიყო: 1803 წელს ბრძოლა იორთან ომარხანის წინააღმდეგ, 1812 წელს ლენქორანის აღება, 1819 წელს იერიში ელიზავეტოპოლზე, 1832 წელს ბრძოლა გიუმრთან, 1845 წელს დარგოს აღება, 1859 წელს გამარჯვება ლუნიბთან.²⁸⁶ შემდგომში ამ იდეამ განვითარება პოვა. რუსული იარაღის დიდების სამხედრო-მემორიალური მუზეუმის შექმნის სახით — “რუსი მეომრების გამარჯვებებისა და დიდების უკვდავსაყოფად”.

რუსული იარაღის ძლიერების წარმოჩენა და “სახალხო დიდების ტაძრის” შექმნა ხელისუფლების მისწრაფებასაც დაკმათხება და სასწრაფოდ იქნა გამოყოფილი თანხა შენობის ასაგებად და ექსპოზიციის მოსაწყობად. აღნიშნულ ბრძოლებზე მხატვრულ ტილოების შესაქმნელად მოიწვიეს ცნობილი ფერმწერები: ფრანც რუბო, მაქს ტილკე, ივანე აივაზოვსკი, ალ. კოლჩინი და სხვები.

“დიდების ტაძარი” უნდა აგებულიყო მუზეუმის ეზოს ჩრდილოეთ ნაწილში — კანცელარიის სტამბასა და ქალთა გიმნაზიის შენობებს შორის, მაგრამ გიმნაზიის დირექტორის პროტესტის შემდეგ, სამხედრო მუზეუმის მშენებლობის დაწყება გადაწყდა ალექსანდრეს ბაღში, გოლოუინის გამზირზე. შენობის პროექტი შეადგინა ალ. ზალცმანმა. მუზეუმი ოფიციალურად გაიხსნა 1888 წლის 16 სექტემბერს. მუზეუმის წინ, შემოღობილ ამარღობულ ადგილზე, გამოფენილი იყო რუსეთის ჯარების მიერ მოპოვებული ნაღველი საბრძოლო იარაღები, მათ შორის 38 ზარბაზანი. მათ უკან კედელზე მიმაგრებული იყო დიდი ზომის ლითონის 12 ფირფიტა, რომელზეც მოოქრული, რელიეფური ასოებით ეწერა რუსეთის მიერ კავკასიაში წარმოებული მნიშვნელოვანი ბრძოლების

²⁸⁶ სსმ არქივი, 1883, 27/16, გვ. 56.

ადგილები და თარიღები.²⁸⁷ მუზეუმის დირექტორად დაინიშნა სამხედრო ისტორიკოსი, პოლკოვნიკი ი. პოტო.

კავკასიის მუზეუმი გახდა თბილისის საზოგადოების თავშეყრის სასურველი ადგილი. კავკასიაში ჩამოსული საპატიო სტუმრები პირველ რიგში მუზეუმში მოჰყავდათ. ამას კარგად მტკეპელებს იმ საპატიო პირთა ავტოგრაფები, რომლებიც მათ დატოვეს მუზეუმის დათვალიერების შემდეგ. ისინი გამოუფენილი იყო მუზეუმის ვესტიბულში ყველაზე თვალსაჩინო ადგილზე. დამთვალიერებელი აქ ნახავდა რუსეთის ორი იმპერატორის ალექსანდრე II და ალექსანდრე III, სპარსეთის შაჰის ავტოგრაფებს, აქვე იყო რუსეთის სამეფო ოჯახის წევრების, დიდი მთავრებისა და თბილისის საეთაშორისო არქეოლოგიური ყრილობის სტუმრების ხელმოწერები.

საჯურადღებო იყო რუსეთის იმპერატორის ალექსანდრე III, დედოფლის, ტახტის მემკვიდრის ნიკოლოზ ალექსანდრეს ძის და დიდი მთავრის გიორგი ალექსანდრეს ძის სტუმრობა მუზეუმში 1888 წლის 29 სექტემბერს. მეფის ჩამოსვლის წინ 1888 წლის თებერვალ-მარტში მუზეუმის შენობა კაპიტალურად შეკეთდა, რაზეც დაიხარჯა 4087 მანეთი. სამხედრო ისტორიკოს ი. პოტოს დაწერილებით აქვს აღწერილი იმპერატორის სტუმრობა მუზეუმში “დღის ორ საათზე საგვარეულო სადილის შემდეგ მისი უდიდებულესობა და მეფის ამაღლა ეწვია კავკასიის მუზეუმს, სადაც კავკასიის ფლორის, ფაუნისა და ეთნოგრაფიის შესასწავლად მშვენიერი მასალებია შეკრებილი”.²⁸⁸ იმპერატორი და მისი თანმხლები პირები დაინტერესებულან ეთნოგრაფიულ განყოფილებაში გამოუფენილი ექსპონატებით, განსაკუთრებით კი კამერის ტყავისგან გაკეთებული ღვინის ვებურთელა რუმბით, რომელშიც 1500 ლიტრი ჩაეტეოდა. იმპერატორს ახსნა-განმარტებებს აძლევდა გ. რადე.

სხადასხვა დროს კავკასიის მუზეუმის საპატიო სტუმრები იყვნენ: სპარსეთის შაჰი ნასრ-უდ-დინი (1889 წლის 5 მაისს), სამიმპერატორო მეცნიერებათა აკადემიის პრეზიდენტი, დიდი მთავარი კონსტანტინე კონსტანტინეს ძე, ცნობილი ისტორიკოსები რ. ვირხოვი, ნ. კოსტომიროვი, ა. უვაროვი და სხვები.

²⁸⁷ Эсадзэ Б., Краткое описание Кавказского военно-исторического музея, ტფ. 1899. გვ. 10

²⁸⁸ Царская семья на Кавказе 18 сентября-14 октября 1888 года, составлено должностником Потто, 1889, გვ. 143.

1889 წელს თბილისში 15 სექტემბრიდან 12 ნოემბრამდე მიმდინარეობდა სასოფლო-სამეურნეო და სამრეწველო საქონლის დიდი გამოფენა²⁸⁹, რომლის მოწყობაშიც აქტიური მონაწილეობა მიიღო კავკასიის მუზეუმმა. ექსპოზიციის დახურვის შემდეგ იქ გამოფენილი მრავალი ექსპონატი, განსაკუთრებით სამრეწველო პროდუქციის ნიმუშები და ხელით ნაკეთი საგნები, უსასყიდლოდ გადაეცა მუზეუმს, რის შედეგადაც როგორც გ. რადე აღნიშნავდა: “შესაძლებელი გახდა მუზეუმის ეთნოგრაფიული განყოფილების თითქმის სრულყოფილებამდე მოყვანა”.²⁹⁰

1890 წელს მუზეუმმა მიიღო ილია ჭავჭავაძის მიერ შეკრებილი თანხით, დიმიტრი ბაქრაძისა და ექვთიმე თაყაიშვილის ხელმძღვანელობით გათხრილი ბაგინეთის “კოშკის” ნანგრევებში აღმოჩენილი ნივთები: მინისა და თიხის ჭურჭელი, მარმარილოს ნატეხები, ვერცხლის მონეტები, ჩუქურთმისანი ქვა, სპილენძის ცული, ქალის სამკაული და სხვა. [საუკუნის ბოლოს მუზეუმის ცხოვრებაში მნიშვნელოვანი მოვლენა იყო 1899 წელს პარიზის საერთაშორისო გამოფენაზე მონაწილეობის მიღება. კავკასიის ხელისუფლებამ მხარის გამოფენაზე წარმოსაჩენად გამოყო 2000 მანეთი. გ. რადე და მუზეუმის კონსერვატორი ე. კენიგი მიაგლინეს პარიზში. კავკასიიდან გაგზავნილი ექსპონატებიდან 60-მა მიიღო ჯილდო. კავკასიის მუზეუმს და მის დირექტორს მიენიჭა ოქროს დიდი მედალი, ხოლო ე. კენივს-- ბრინჯაოს მედალი.]²⁹¹

კავკასიის მუზეუმის მნიშვნელოვანი შენაძენი იყო 1902 წელს აღმოჩენილი ნივთები: მცხეთიდან--ოქროს საყურეები, შორაპნიდან--ბიჭის ბრინჯაოს ქანდაკება, ეგვიპტური პასტისგან გაკეთებული ხოტოს ფიგურა, დარიალის ხეობიდან--ორი ბრინჯაოს სამაჯური, ბრინჯაოს ჭადი ცხვრის ფიგურის, თიხის შანდლები, ძველი სპარსელი ოსტატების ნახელაყი რამდენიმე ბრინჯაოს ქანდაკება. ასევე მნიშვნელოვანი იყო ბაქოს ენბერნიაში მშენებლობის დროს მიწაში შემთხვევით ნაპოვნი ძველებური ნივთები: ოქროსა და ვერცხლის ბეჭდები, სამაჯურები, საყურეები, გულსაბნევეები, 4 ცალი ვერცხლის მონეტა²⁹².

²⁸⁹ Труды Кавказского общества селского - хозяйства. გვ. 10.

²⁹⁰ Радге Г., დასახ. ნაშრ. გვ. 5.

²⁹¹ Коллекции Кавказского Музея, ტ. VI. ტფ., 1912. გვ. 168.

²⁹² სსმ არქივი, 1904, 40/29, ყ. 9, 197

XIX საუკუნის II ნახევრიდან კაპიტალიზმის განვითარებასა და ახალ საზოგადოებრივ-ეკონომიკური ფორმაციაზე გადასვლასთან ერთად, ახალი პრობლემები დგებოდა მუზეუმის წინაშე. სულ უფრო ძნელი ხდებოდა კავკასიისთვის დამახასიათებელი ორიგინალური ექსპონატების შეგროვება. განსაკუთრებით ეს ეხებოდა ეთნოგრაფიულ ნივთებს. გ რადე გულისტკივილით აღნიშნავდა: “ყოველ დამკვირვებელს თვალში მოხედება ის ფაქტი, რომ კავკასიის ხალხების, განსაკუთრებით ქრისტიანების, გარეგანი ეთნოგრაფიული თავისებურებანი უძველესი დროიდან ვლინდება ტანსაცმელში, ქსოვილებში, ხალჩებში და სამკაულში, რომლებიც თანდათანობით ყოველწლიურად ქრებიან” და მოჰყავს ასეთი მაგალითი: “მე ახლახან მიემართე პრინცესა მიურატს, სამეგრელოს ბრწყინვალე ქალბატონს თხოვნით, ჩემთვის მოეძებნა მეგრული ქაღის ორიგინალური ტანსაცმელი პარიზის გამოფენისათვის. მაგრამ მთელი მისი მეცადინეობა ამო აღმოჩნდა და შემატყობინა მთელ სამეგრელოში გაბატონებულია ევროპული ქსოვილი და ევროპული მოდა.”²⁹³ ამიტომ გ. რადე მოითხოვდა ხშირად მოწყობილიყო ექსპედიციები განსაკუთრებით მიუვალ მხარეებში, სადაც ახალ ცივილიზაციას ჯერ არ შეეღწია და შესაძლებელი იყო ძველი ნივთების მოძიება.

მუზეუმთან ერთად მდიდრდებოდა თბილისის საჯარო ბიბლიოთეკის ფონდებიც. ამისთვის ყოველწლიურად გამოიყოფოდა 1200 მანეთი. ბიბლიოთეკის ერთსართულიანი შენობა შედგებოდა წიგნსაცავის, ვრცელი სამკითხველო დარბაზისა, და მცირე სამკითხველო ოთახისგან (მეცნიერთათვის). წიგნსაცავი მოიცავდა 62 კუბ. საეწენს. აქ კედლებთან და დარბაზის შუაში ოთხმწკრივად იდგა კარადები. სამკითხველო დარბაზი კი შეადგენდა 49 კუბ. საეწენს. 1884 წლისთვის ბიბლიოთეკაში ირიცხებოდა 28809 წიგნი. იგი ღია იყო ყოველდღე ზამთრის თვეებში 12-დან 5 საათამდე, ზაფხულში კი 2-დან 7 საათამდე. ბიბლიოთეკა ყოველწლიურად იკეტებოდა 15 ივლისიდან ერთი თვით წიგნების ინვენტარიზაციისა და დასუფთავებისთვის. მას გააჩნდა კატალოგი. 1882 წელს ბიბლიოთეკა მოემსახურა 2074 მკითხველს, 1883 წელს — 2405, 1884 წელს კი — 5937 პირს. ამ წელს მათ გამოიყენეს 1662 დასახელების 12399 წიგნი.²⁹⁴

²⁹³ სსმ არქივი, 1905, 41/30, ფ. 89.

²⁹⁴ სსმ არქივი, 1885 29/18 გვ. 95 .

1893 წელს წიგნსაცავში შემოწირულობით მიიღეს ს. მონასტირცევის კერძო მათემატიკური ბიბლიოთეკა.²⁹⁵ ფონდების ზრდასთან დაკავშირებით 1894 წელს გამოიცა კატალოგის მესამე დამატება, რომელიც მოამზადა დირექტორის თანაშემწემ პ. მელერმა.

დიდ დავას იწვევდა ბიბლიოთეკის სპეციალიზაციისა და წიგნებით დაკომპლექტების საკითხი. ზოგს შიანდა, რომ რადგან მას საჯარო ბიბლიოთეკა ერქვა, მკითხველთა ფართოდ მიზიდვის მიზნით მასში ყოველნაირი ბულგარული, მხატვრული ლიტერატურა და პერიოდული გამოცემები უნდა ყოფილიყო. უმრავლესობის აზრით კი-- კავკასიის მუზეუმთან არსებული ბიბლიოთეკა მხოლოდ კავკასიოლოგიური სამეცნიერო ხასიათის წიგნებით უნდა დაკომპლექტებულიყო და ვიწრო, გარკვეული კატეგორიის მკითხველს უნდა მომხახურებოდა. ეს კამათი იმდროინდელი პრესის ფურცლებზედაც შექდებოდა.²⁹⁶ გაზეთი "ნოვოე ობოზრენიე" თავის მოწინავე წერილში წერდა: "ტფილისის საჯარო ბიბლიოთეკამ აღგილობრივ საზოგადოებას იმ სარგებლობის მებათედიც ვერ მოუტანა, რისიც იმედი ჰქონდათ მის ბრძენ დამაარსებლებს. . . იქნებ სწორად დაკომპლექტებულმა ბიბლიოთეკამ მიიზიდოს მკითხველები . . . საჯარო ბიბლიოთეკა იმგვარად უნდა გადაკეთდეს, რომ საჭირო გახდეს ყველა მიმართულების მეცნიერისა და პრაქტიკოსისათვის, ფართო მასებისათვის . . . იგი მოვალეა თავის განათლებულ საზოგადოებას შექენილი ცოდნის გამოყენებისა და განეყსარების საშუალება მისცეს".²⁹⁷

დირექციას კი შიანდა, რომ ბიბლიოთეკას ტრადიციული დაკომპლექტებისათვის არ უნდა გადაეხეია და მტკიცედ იცავდა წიგნსაცავის მხოლოდ კავკასიოლოგიური ლიტერატურით შევსების წესს. აღჭირის მივლინებიდან დაბრუნებული გ. რადე ამის დასამტკიცებლად, იქაური ბიბლიოთეკების სპეციალიზაციის მაგალითსაც იმოწმებდა.²⁹⁸

ბიბლიოთეკაში არსებული მდგომარეობის გამოსარკვევად გ. რადეს მოთხოვნით განათლების სამინისტრომ გამოყო კომისია კავკასიის სასწავლებელთა მთავარი მზრუნველის მ. ზავადსკის

²⁹⁵ Очет по Кавказскому музею и Тифлисской публичной библиотеки за 1893-1894 гг. ტფ., 1894, გვ. 29.

²⁹⁶ გაზ. "Новое обозрение", 1887, №1264, გაზ. "Кавказ" 1887, 7 ნოემბერი

²⁹⁷ Тифлисская публичная библиотека, გაზ. "Новое обозрение", ტფ. 1887, 26 სექტემბერი.

²⁹⁸ Очет ... за 1893- 1894 гг., ტფ., 1894, გვ. 28.

თავჯდომარეობით. კომისიამ 1900 წლის 2 ოქტომბერის დასკვნით, მხარი დაუჭირა ღირეპქციის ძალისხმევას ბიბლიოთეკის სპეციალიზაციისთვის. ამასთან ერთად, მოსაზრება გამოთქვა იმის შესახებ, რომ წიგნსაცავიდან გამოყოფილიყო მისი პროფილისათვის შეუსამაბო წიგნები და იგი სხვა ბიბლიოთეკას გადაცემოდა. მითუმეტეს, რომ ქალაქის საკრებულოს 1898 წლის მაისის დადგენილებით უნდა დაარსებულიყო საქალაქო საჯარო ბიბლიოთეკა, რომელსაც ალ. პუშკინის სახელი დაერქმეოდა.

ბიბლიოთეკის სპეციალიზაციას ახალი დატვირთვა შესძინა იმ გარემოებაში, რომ 1900 წლის 5 ივნისს პეტერბურგის უნივერსიტეტის აღმოსავლეთმცოდნეობის ფაკულტეტის რეორგანიზაციის შედეგად ი. ლებედევის ინიციატივით დაარსდა აღმოსავლეთის შემსწავლელი საზოგადოება, რომელსაც გააჩნდა ფილიალი თბილისში. კავკასიაში ეს ქალაქი მიჩნეულ იქნა აღმოსავლეთმცოდნეობის ცენტრად. ამის ერთ-ერთ მთავარ მოტივაციად თბილისში კავკასიის მუზეუმისა და თბილისის საჯარო ბიბლიოთეკის არსებობა იყო.

ამ პერიოდში ადგილი ჰქონია საეკლესიო-სამონასტრო კოლექციების ერთ ადგილზე თავმოყრის ცდას. საქართველო-იმერეთის უწმინდესი სინოდის კანტორას გაუთვალისწინებია თბილისის სასულიერო სემინარიის წინადადება “წიგნები და ყოველივე ისტორიული სახსოვარი” დაებინავებინათ მის ბიბლიოთეკაში და ჯერ კიდევ 1876 წლის 30 ივნისს მიუღია დადგენილება ეკლესიებიდან და მონასტრებიდან ძველი ხელნაწერი წიგნების, დოკუმენტებისა და ნივთების გამოტანის შესახებ.²⁹⁹ ამ ფაქტს არაერთგვაროვანი გამოხმაურება მოჰყოლია საზოგადოებაში. მას განსაკუთრებით ეწინააღმდეგებოდა სამღვდლოება და კოლექციების თბილისში გადმოტანა ჭიანჭურდებოდა. საქმეში ხელისუფლება ჩაერია და 1884 წელს მთავარმართებლობის მთავარი სამმართველოს გადაწყვეტილებით, თბილისის საჯარო ბიბლიოთეკაში თავი უნდა მოეყარა ძველი ქართული ლიტერატურის ძეგლებს და საეკლესიო გუჯრებს, რომლებიც გაბნეული იყო თბილისისა და ქუთაისის გუბერნიების ეკლესია-მონასტრებში. ამის თაობაზე გაზეთი “დროება” 1884 წლის ნოემბერში წერდა: “თბილისის სახალხო ბიბლიოთეკის

²⁹⁹ პაპუაშვილი ნ., კოდეიკოლოგიურ-არქეოგრაფიული ძიებანი გაზეთ “დროების” მასალების მიხედვით (სადისერტაციო ნაშრომი), 1998, გვ. 73.

დირექტორს ბატონ რადდეს შეუტანია წინადადება, სადაც ჯერ არსს -სახელმწიფო ხაზინიდან 25000 მან. შემწობა მიეცეს მისი ბიბლიოთეკის სადგომის გასაღიდებლად. : .შენობის გადიდებას აუცილებელ საჭიროებად რაცხს ბ. რადდე, რადგან ჯერ ეხლაც სიეიწროვეა და ეს სიეიწროვე უფრო საგრძნობელი იქნება, რასაკვირველია, ამ ცოტა ხნის შემდეგ, რადგან ხსენებულ ბიბლიოთეკას გარდაეცემა ძველი ხელნაწერები და საბუთები, რომელნიც აქამდის ეკუთვნენოდნენ საქართველოს მონასტრებსა და ეკლესიებს.³⁰⁰

ბოლოს, გაზეთ "დროების" რედაქცია საეკლესიო კოლეჯიციების უკუთ დაცვის მიზნით, მიესალმება ამ გადაწყვეტილებას და სოლიდარობას უცხადებს საჯარო ბიბლიოთეკის დირექტორს: "სრულიად კანონიერია ბ. რადდეს თხოვნა და გულით უნდა ენატრობდეთ მის სისრულეში მოყვანას. იქნებ ამით ეშველოთ რამ ჩვენის ქვეყნის ისტორიისთვის დაუფასებელ ძველ ხელნაწერებს, ისტორიულ სიგელებს და ნიუთებს, რომელნიც დღემდის საკმაოდ ვერ არიან დაცულნი ჩვენს მონასტრებში და ეკლესიებში და რომელთა გამოყენებაც ასე ძნელია მათი გაფანტვის მიზეზითვე".³⁰¹

მთავარმართებლობის მთავარი სამმართველოს გადაწყვეტილების შესრულება შესაძლებები იქნებოდა მხოლოდ იმ შემთხვევაში, თუ გაფართოვებოდა საჯარო ბიბლიოთეკის წიგნსაცავის ფართი და გ. რადდეც ენერგიულად შეუდგა მოქმედებას. მან ითხოვა ბიბლიოთეკის შენობისათვის მეორე სართულის დაშენება და ამ სამუშაოებისთვის უშუამდგომლა არქიტექტორ ლ. ბილფელდს. ამ უკანასკნელმაც სასწრაფოდ შეადგინა პროექტი და ხარჯთაღრიცხვა, რომელსაც შემდგომ ექსპერტიზა ჩაუტარა აკადემიკოსმა გ. სიმონსონმა. არქიტექტორ ბილფელდის მიერ შედგენილი ხარჯთაღრიცხვით ახალი სართულის დაშენება დაჯდებოდა 20000 მანეთი, თუ ამის საშუალება არ გამოინახებოდა, იგი აყენებდა ბიბლიოთეკის შენობის გასწვრივ გაღვრვის მოწობის საკითხს, სადაც მოთავსდებოდა ორ მწკრივად კარადები. ეს 10 წლით მაინც დიდ შეღავათს მისცემდა ბიბლიოთეკას.³⁰²

მიუხედავად გ. რადდეს დიდი მცდელობისა, ბიბლიოთეკის ახალი შენობის მშენებლობის საკითხი ძალზე გაჭიანურდა და საბოლოოდ არც განხორციელებულა. იგი წვრილი, კამერალური

³⁰⁰ გაზ. "დროება", 1884, 14 ნოემბერი.

³⁰¹ გაზ. "დროება", 1884, 14 ნოემბერი.

³⁰² სსმ არქივი, 1905, 41/30, გვ. 60.

შეკეთებებით შემოიფარგლებოდა. ამის გამო, ბიბლიოთეკა ხშირად იყო დაკეტილი, მაგრამ მიუხედავად ამისა, იგი ფუნქციონირებას მაინც აგრძელებდა: კომპლექტდებოდა წიგნებით და შეძლებისდაგვარად მაინც იღებდა მკითხველებს. ბევრი წიგნი შემოდიოდა შემოწირულობებითაც. ამ მხრივ აღსანიშნავია 1903 წელს დიდი მთავრის ნიკოლოზ მიხეილის ძის მიერ ბიბლიოთეკისათვის 300-ზე მეტი წიგნის გადაცემა³⁰³ 1902 წლისათვის ბიბლიოთეკის ფონდი 70 ათასს აჭარბებდა.

კავკასიის მუზეუმისა და საჯარო ბიბლიოთეკის ფონდების ზრდასა და მისი გამოფენების გაფართოებასთან ერთად, ასევე იზრდებოდა მისი ავტორიტეტიც. იგი იქცა მთელი კავკასიის მასშტაბით მსხვილ მრავალპროფილიან სამეცნიერო-საგანმანათლებლო დაწესებულებად, რომელთანაც თანამშრომლობდა ბევრი სახელოვანი რუსი და უცხოელი მეცნიერი. საინტერესო ფაქტია, რომ საქართველოში ჩამოსვლა და კოლხეთში არგონავტების ნაკვალევზე გონიო-აფსაროსში არქეოლოგიური გათხრების სურვილი გასჩენია ცნობილ გერმანელ არქეოლოგს ჰაინრიხ შლიმანს,³⁰⁴ რაც კავკასიის მუზეუმთან თანამშრომლობის გარეშე ვერ მოხერხდებოდა. მან 1883 წელს ოფიციალურად მიმართა რუსეთის მთავრობას, თუმცა ამ უკანასკნელმა სასტიკი უარი განუცხადა მას და თავისი პოზიცია საკმაოდ ბუნდოვანი არგუმენტით განმარტა—საიმპერატორო კარმა შლიმანს ზნეობა, ორცოლოიანობა დაუწუნა.³⁰⁵

(საგანგებოდ ხაზი უნდა გაესყას იმას, რომ მაშინ მოქმედი წესის თანახმად, მუზეუმსა და ბიბლიოთეკაში სრულებით არ იყვნებდნენ ადგილობრივ ეროვნულ, კვალიფიციურ კადრებს. კავკასიის მუზეუმის არსებობის მთელ მანძილზე, აქ არც ერთ ქართველს არ უმუშავია. ტყუილად როდი წერდა გ. რადე იმპერიის განათლების მინისტრს: "კონსერვატორის თანამდებობაზე და თავისუფალ დაქირავებულად მე ვიყვან უცხოელებს, რომლებსაც დამთავრებული აქვთ უნივერსიტეტების კურსები პალეში, ფრიდრიხმარში."³⁰⁶ აკადემიკოსი გიორგი ჩიტაია ამის შესახებ წერდა: "უნდა ითქვას, რომ კავკასიის მუზეუმში ადგილობრივ კადრებს არ

³⁰³ სსმ არქივი, 1904, 40/24, გვ. 232.

³⁰⁴ ხახუტაიშვილი დ., გონიო - აფსაროსი, ეურნ. "საისტორიო მაცნე", № 3, 1996, გვ. 64.

³⁰⁵ საისტორიო ეურნ. "პარადელები" №1, 1999, გვ. 44.

³⁰⁶ სსმ არქივი, 1188, 35/5, გვ. 201.

აკარებდნენ, ვიდრე მუზეუმი კავკასიის მეფისნაცვლის მმართველობიდან პეტერბურგის აკადემიის ხელქვეითი გახდებოდა, ამის შემდეგაც ჭირდა ადგილობრივი სპეციალისტების მუზეუმში მუშაობა. შემონახულია აკადემიკოს ნიკო მარის წერილი, რომლითაც ავტორი ეუფიცებოდა იმდროინდელი მუზეუმის დირექტორს, რომ მავანის მიღება სასარგებლო იქნებოდა. საკითხი ეხებოდა იოსებ ორბელს. ამის მიუხედავად იგი მაინც არ მოიწვიეს.³⁰⁷

ლასაკვირველია, ეროვნული დაწესებულების შექმნა და ეროვნული კულტურის წარმოჩენა, არც შედიოდა ხელისუფლების იმპერიულ, კოლონიური პოლიტიკის მიზნებში. არადა ამ პერიოდში ბევრი ქართველი გამოვიდა სამეცნიერო ასპარეზზე – განსაკუთრებით პუმანიტარულ დისციპლინებში, მაგრამ მათთვის მუზეუმის კარი დახშული იყო. როგორც გ. ჩიტაია აღნიშნავს “თავის არსებობის მთელ მანძილზე რადე იყო მისი დირექტორი და ერთადერთი მეცნიერ თანამშრომელი”.³⁰⁸ დაეძინო, რომ მას წლების განმავლობაში თანამშემწეებად ჰყავდა — მხოლოდ უცხოელები.

აკადემიკოსი გ. ჩიტაია სხვა ცოდვებშიც სდებდა ბრალს კავკასიის მუზეუმის დირექტორს გ. რადეს: “აქ ეთნოგრაფიული კოლექციების შეგროვებისას გაბატონებული იყო რარიტეტული, ანტიკვარული მეთოდი. ცნობილია, რომ რადე საუკეთესო კავკასიურ-ეთნოგრაფიული კოლექციებით ამარაგებდა ევროპულ მუზეუმებს (პამბურგში, ლაიფციგში, ბერლინში)”.³⁰⁹ ივანე ჯავახიშვილი ამის შესახებ გულისტკივილით აღნიშნავდა: “ძველ საქართველოზე მრავალგზის საკუთარმხედრად უბედურებამ ქართული მატერიალური კულტურის მრავალი ძეგლი იმსხვერპლა, ხოლო რაც გადარჩა ბევრი რამ რომანოვიების ხანაში მთავრობის მოხელეთა უკულტურო ბატონობისა და ჩვენ წარსულ თაობათა შეუგნებლობა – დაუდევრობის გამო გაჩინაგდა და გაუბედურდა. ამიტომ განსაკვირველიც არაფერია თუ ჩვენ XI–XIII სს. საქართველოს მატერიალური კულტურისა და ყოფაცხოვრების ნუსხიერი ნაშთთაგან ძალიან ცოტადა გვაქვს გადარჩენილი. ამ გადარჩენილთაგანაც არაერთი უძვირფასესი ძეგლი

³⁰⁷ გ. ჩიტაია, ჩემი ცხოვრების გზებსა და ბილიკებს, თბ., 1991, გვ. 51.

³⁰⁸ Читая Г, Этнографические исследования в Грузинской ССР, ეურბ “Советская Этнография,” 1848, 4, გვ 177.

³⁰⁹ იქვე.

საქართველოდან უცხოეთშია გატანილი, ზოგი იქაურ მუზეუმებშია დაცული”.³¹⁰

უნდა ითქვას ისიც, რომ საერთოდ მუზეუმისა და მისი დირექტორის გ. რადეს საქმიანობის შეფასებისას, იმთავითვე გამოითქმებოდა სხვადასხვა აზრი. ისეთი ავტორიტეტები, როგორებიც იყვნენ კ. პანი და ფ. კეპენი, საქებად სიტყვებს არ იშურებდნენ მათი მისამართით. მაგალითად, ფ. კეპენი 1892 წელს წერდა: “ცნობილია, რომ რუსეთში ძალზე ცოტა მუზეუმებია, რომლებიც ამ სახელს ამართლებენ. უმრავლეს შემთხვევაში ისინი ყოველგვარი გეგმისა და სისტემის გარეშე შემთხვევით შეკრებილი კოლექციების საცავებს წარმოადგენენ. კავკასიის მუზეუმში თავის მხრივ შეიძლება ერთადერთი იყოს მთელ ქვეყანაში, სადაც ხუთივე განყოფილებაში შეკრებილი მდიდარი მასალები არა მარტო მოყვანილია საუკეთესო წესრიგში, არამედ მრავალრიცხოვან სპეციალისტებთან თანამშრომლობის მეშვეობით, თითქმის ყველა მეცნიერულად განსაზღვრულა შესაძლებელი სიზუსტით და კეთილსინდისიერებით. იგი თავისი ფრიად ესთეტიკური და ამასთან მიზანდასახული მოწყობით გამოირჩევა სხვა მსგავსი დაწესებულებებისაგან, რაშიც მთლიანად უნდა უმაღლოდეს თავის დირექტორს გ. რადეს”.³¹¹

საპირისპიროს ამტკიცებდა მოსკოვის უნივერსიტეტის პროფესორი მ. მენზბირი: “რადგან კავკასიაში არ არის უნივერსიტეტი, ტფილისის მუზეუმში უნდა გამხდარიყო ცენტრი, რომელიც წარმართაედა კავკასიის ნატურალისტთა საქმიანობას, მაგრამ არაფერი ამის მსგავსი ტფილისის მუზეუმში (იგულისხმება კავკასიის მუზეუმი-გ. ჩ.) არ მომხდარა”.³¹² ამაში მ. მენზბირი ადანაშაულებდა რადეს: “გახდა რა ტფილისის მუზეუმის დირექტორი, მან სრულებითაც ვერ გაამართლა ის იმედები, რომლებსაც მასზე ამყარებდნენ რუსი მეცნიერები. ტფილისის მუზეუმის მდგომარეობა დიდი შავი ლაქაა გ. რადეს მეცნიერულ მოღვაწეობაში და უნდა ვიფიქროთ, რომ ცოტა დრო არ დაჭირდება იმას, რომ ადგილობრივმა სასოგადოებამ შეიცვალოს დაზოკიდებულება იმ დაწესებულებასთან,

³¹⁰ ჯავახიშვილი ი., შოთა რუსთაველისა და მისი ეპოქის გამოყენა, გაზ. “კომუნისტი” 1937, №55, 9/III.

³¹¹ Кермен Ф., დასახ. ნაშრ., გვ. 16.

³¹² Мензбир М., დასახ. ნაშრ., გვ. 165.

რომელსაც შეუძლია მნიშვნელოვანი როლი ითამაშოს ქვეყნის კულტურულ განვითარებაში³¹³

მ. მენზიბირი განსაკუთრებით დასაფლეთისადმი სიმპატიებსა და ლტოლვაში სდებდა ბრალს გ. რადეს: “ჩვენ ვნახეთ პეტერბურგის აკადემიისთვის რადესაგან გამოგზავნილი ტყაუები (ფიტულები), რომლის ფეხები და ეშვები შეტყმული იყო მატლებისგან, მაშინ როცა ზოგიერთ საზღვარგარეთის მუზეუმებში მოთავსებულია მის მიერ წარმოდგენილი შესანიშნავად შენახული ფრინველთა ტყაუები, რაც იმას მიუთითებს, რომ ბატონ რადეს, როდესაც უნდა, კარგად შეუძლია შეინახოს თავისი კოლექციები. ეს თუ ასეა მით უმეტეს მოუტევებელია მოუწესრიგებლად იყოს მუზეუმის კოლექციები... როდესაც ექსპედიციებს აფინანსებენ რუსი მეცნიერები და საზოგადოებები, მათი ანგარიშები უცხოეთის გამოცემებში კი არ უნდა ქვეყნდებოდეს. . . რუსეთშიც საკმარისი გამოცემებია, სადაც შესაძლებელია საბუნებისმეტყველო-ისტორიული ნაშრომების დაბეჭდვა ნებისმიერ ენაზე”³¹⁴

კიდევ უფრო შორს მიდის მოსკოველი პროფესორი გ. რადეს მეცნიერული საქმიანობის შეყვასებისას: “რადეს არსად არ აქვს ავტორიტეტი.. მან თავისი თავი მტრულად დაუპირისპირა კავკასიის მხარის მკვლევართა უმრავლესობას- მაინც რით გამოიჩინა თავი რადემ? მისი გამოკვლევები არქეოლოგიაში არარაობაა, ბოტანიკაში - არაერთარი მნიშვნელობა არ აქვს, გეოგრაფიაში - საესეა შეცდომებით. საქმე ის არის, რომ კავკასია კვლავაც რჩება გამოუკვლეველი, რადგან ის დაწესებულება, რომელიც ამ მხარის საბუნებისმეტყველო-ისტორიული კვლევის ცენტრად უნდა ქცეულიყო, საესებით ვერ ასრულებს თავის დანიშნულებას. უფრო მეტიც, შესაბამის სხვა დაწესებულებებთან მიმართებაში პირდაპირ მტრულ გზას დაადგა.”³¹⁵

რასაკვირველია, ყველაფერი ეს ძალზე მუქი ფერებით არის გაზაფხული. გ. რადეს სამეცნიერო პროდუქცია რომ არ მიედილოთ მხედველობაში, მის მიერ საერთაშორისო სამეცნიერო საზოგადოებებისგან მიღებული ჯილდოების, პრემიების და ტიტულების ჩამოთვლა ც საკმარისი იქნებოდა ზემოთ მოყვანილი

³¹³ იქვე გვ. 68.

³¹⁴ МЕНДИР М., დასახ. ნაშრ. გვ.167

³¹⁵ МЕНДИР М., დასახ. ნაშრ. გვ. 167

მოსაზრებების გასაბათილებლად და მისი როგორც დიდი მეცნიერის ასაღიარებლად:

გუსტავ რადე არჩეული იყო: რუსეთის საიმპერატორო გეოგრაფიული საზოგადოების საპატიო წევრად, ლონდონის სამეფო გეოგრაფიული საზოგადოების საპატიო წევრ-კორესპონდენტად; ბერლინის, ბუდაპეშტის, დრეზდენის, ამსტერდამის და ვენის გეოგრაფიული საზოგადოებების საპატიო წევრად; რუსეთის საიმპერატორო მეცნიერებათა აკადემიის წევრ-კორესპონდენტად. 1886 წელს მიიღო ოქროს მედალი რუსეთის საიმპერატორო გეოგრაფიული საზოგადოებისგან, 1889 წელს — ლონდონის სამეფო გეოგრაფიული საზოგადოებისგან, ხოლო 1885 წელს — ვერცხლის დიდი მედალი ბერლინის სამეცნიერო საზოგადოებისგან; მოპოვებული აქვს დემიდოვისა და მიტროპოლიტ მაკარიუსის სამეცნიერო პრემიები და ბოლოს, ძნელი იქნებოდა იმ ფაქტის უარყოფა, რომ გ. რადე იყო კავკასიის მუზეუმის ჩამოყალიბების ინიციატორი, პრაქტიკულად დამაარსებელი და სიცოცხლის ბოლომდე შეუცვლელი დირექტორი. მისმა კვალიფიციურმა, მრავალმხრივმა მეცნიერულმა მოღვაწეობამ დიდად განაპირობა საქართველოში სამუსეუმო საქმის განვითარება. ყოველივე ამან, მას არა მარტო თბილისის საზოგადოების პატივისცემა, არამედ საერთაშორისო აღიარებაც მოუტანა.


ამგარამ არც იმის დავიწყება შეიძლება, რომ გ. რადე იმ საზოგადოების წარმომადგენელი იყო, რომელიც ამ მხარეში იმპერიულ, დიდმპყრობელურ პოლიტიკას ახორციელებდა. მისთვის უცხო იყო ადგილობრივი ინტერესები და ერთგულად ემსახურებოდა იმ კოლონიურ ხელისუფლებას, რომელიც ყოველნაირად ცდილობდა დაემუხსრუჭებინა ყველაფერი, რაშიც კი ხედავდა ეროვნული კულტურის გამოვლინებას.

გუსტავ რადე გარდაიცვალა 1903 წელს. იგი დიდი პატივით დაკრძალეს ლიკანში, რომანოვების სამეფო ოჯახის ნაკვეთში. გუსტავ რადეს, როგორც კავკასიის მუზეუმის დამაარსებლისა და 38 წლის განმავლობაში მისი უცვლელი დირექტორის გარდაცვალებასთან ერთად, მთავრდება ამ დაწესებულების ისტორიის ერთ-ერთი მნიშვნელოვანი ეტაპი, რომელიც ამ ადამიანის მოღვაწეობასთან იყო მჭიდროდ დაკავშირებული.


გ. რადეს ხსოვნის უკვდავსაყოფად კავკასიის მუსეუმის ეზოში 1907 წელს დაიდგა მისი ბიუსტი. სახსრების შეგროვება ბიუსტის შესაქმნელად 1906 წლიდან დაიწყო. მასში მონაწილეობა მიიღო რადეს თითქმის ყველა მეგობარმა და

თანამშრომელმა. ამ მიზნით შემოწირულობები გაიღეს აგრეთვე დიდმა მთაერებმა: მიხეილ ნიკოლოზის ძემ, მიხეილ ალექსანდრეს ძემ, ნიკოლოზ მისხილის ძემ და ალექსანდრე მიხეილის ძემ; კავკასიის ყოფილმა მთავარმართებელმა გ. გოლიცინმა, გრაფმა ა. უვაროვმა, მ. გეკელმა, პ. მელერმა და სხვებმა. სულ შეგროვდა 1045 მანეთი.


ბიუსტიათვის თაბაშირის სამუშაოები თბილისში შეასრულა მხატვარმა ფ. ხოდოროვიჩმა, ხოლო მარმარილოს სამუშაოები კი—პეტერბურგში სკულპტორმა ი. ვეიცენბერგმა, ეს სამუშაოები სულ დაჯდა 900 მანეთი.³¹⁶ დარჩენილი თანხა დაიხარჯა ქვის პოსტამენტის სამუშაოებზე.




³¹⁶ "Известия Кавказского музея," т. III, № 7. 1 გვ. 54.



კაქეასის მუზეუმის ევსტიბოლის ფრესკები (მხატვარი ფ. სიმო)



კავკასიის მუზეუმის ზოოლოგიური გამოყენის დარბაზი



კავკასიის მუზეუმის ზოოლოგიური გამოყენის დარბაზი

§ 5 ახალი დებულების მიღება, მუზეუმის შენობის
მშენებლობის დაწყება, კავკასიის მუზეუმის გაუქმება.
(1904 - 1919წწ)

კავკასიის მუზეუმის ისტორიის IV პერიოდი მეტად მძიმე და ბოხოქარ წლებს ემთხვევა. კლასობრივი წინააღმდეგობების უკიდურესად გამწვავებამ და რევოლუციური მოძრაობის აზვორთებამ, მათ წინააღმდეგ ხელისუფლების მიერ გატარებულმა სადამსჯელო ღონისძიებებმა და პირველი მსოფლიო ომის მძიმე წლებმა კიდევ უფრო გააღრმავა ქვეყანაში ანარქია და უწესრიგობა. კავკასიის ახალი გამგებელი ილარიონ ილიას ძე ვორონცოვ-დაშკოვი (1905 - 1915), რომელიც ასეთი ტიტულით—კავკასიაში მისი “საიმპერატორო უდიდებულესობის ნაცვალი”—იწოდებოდა, ცდილობდა განემტკიცებინა ცენტრალური, ბიუროკრატიული ორგანოები და ბურჟუაზიულ-გეონომიკური რეფორმების გატარებისა და რეპრესიების გზით ძირშივე ამოეკვეთა კავკასიის ხალხთა ეროვნულ-გამათავისუფლებელი მისწრაფებანი. მისი მმართველობის დროს მთელი ამსერკავკასია სამხედრო ყაიდაზე იქნა გადაყვანილი.

ქვეყნის ღრმა პოლიტიკურ-გეონომიკურ კრიზისს და საერთო არეულობას არ შეეძლო უარყოფითად არ ემოქმედა კავკასიის მუზეუმზეც. ამას დაემატა ისიც, რომ გამომჟღავნდა მუზეუმის შენობის უვარგისობა, რის გამოც მან შეწყვიტა აქტიური საქსპოზიციო საქმიანობა და დახურა თავისი გამოფენები, რომლებიც ამ დაწესებულების ისტორიის დარჩენილ მონაკვეთში არც გახსნილა. ამ ხნის მანძილზე მიმდინარეობდა მუზეუმისათვის ახალი შენობის მშენებლობა რაც წლების მანძილზე გაჭიანურდა.

ამასთან ერთად, ხელისუფლება კარგად აცნობიერებდა კავკასიის მუზეუმის მნიშვნელობას მხარის შესწავლის საქმეში. ვორონცოვ-დაშკოვი 1907 წელს იმპერატორს სწერდა: “ჩემს უქვეშევრდომილეს მოვალეობად ეთვლი თქვენი უდიდებულესობის ყურადღება მივაპყრო კავკასიის მუზეუმზე. ეს მუზეუმი დაფუძნდა თბილისში დიდი მთავრის მიხეილ ნიკოლოზის ძის დროს. იგი თითქმის 40 წლის განმავლობაში განუწყვეტლივ ვითარდებოდა და ყალიბდებოდა მსხვილ სამეცნიერო დაწესებულებად სადაც შეგროვდა უმდიდრესი კოლექციები კავკასიის ზოოლოგიის, ბოტანიკის, გეოლოგიის, ეთნოგრაფიისა და არქეოლოგიის შესახებ. ამ კოლექციების

მატერიალური ღირებულება ბევრად აჭარბებს 500 000 მანეთს. თუ მხედველობაში მივიღებთ ყველა იმ სიმძლეებს, რომელიც თან ახლდა ამ მასალათა მოძიებას, საექსპედიციო ხარჯებს, ნივთთა უნიკალურობას და განსაკუთრებით იმას, რომ ამჟამად მათი მოპოვება უკვე შეუძლებელია, მაშინ ამ კოლექციათა ფასი ბევრად მაღლა აიწევს. მსგავსი დაწესებულება არ მოგვეპოვება შიდა რუსეთში.”³¹⁷

ყველაფერი იმით დაიწყო, რომ ახალი საუკუნის დასაწყისში ძალიანხმევას, გაფართოებულყო კავკასიის მუზეუმი და თბილისის საჯარო ბიბლიოთეკა, ხორცი უნდა შესხმოდა: 1900 წელს შეიქმნა კავკასიის მუზეუმისა და თბილისის საჯარო ბიბლიოთეკის გაფართოებისა და აუცილებელი სამუშაოების დამდგენი კომისია. კავკასიის სასწავლო ოლქის მზრუნველის მ. ზაქაძის თაუჯდრომარებით. კომისიამ 2 ოქტომბერს მიიღო დადგენილება რითაც აღიარა, რომ როგორც მუზეუმის, ისე ბიბლიოთეკის შენობას გადაუდებლად ესაჭიროებოდა გაფართოება.³¹⁸ ამასთან ერთად, კომისიამ მიუთითა იმ ფაქტზე რომ მიუხედავად ამ ორი უჯრედის ნახევარსაუკუნოვანი არსებობისა, მათ არ ჰქონდათ მთავრობის მიერ დამტკიცებული დებულება.

1903 წელს შემუშავდა დებულების პროექტი და დასამტკიცებლად წარედგინა მთავარმართებლის საბჭოს, მაგრამ საბჭოში პროექტის დამტკიცება ძალზე გაჭიანურდა. 3 წლის შემდეგ ახალ გარემოებათა გასათვალისწინებლად და ჩასასწორებლად, პროექტი უკან დაუბრუნეს კავკასიის სასწავლო ოლქის მზრუნველს. ამასთან ერთად, საბჭომ გამოთქვა მოსახრება იმის თაობაზე, რომ კავკასიის მუზეუმი და თბილისის საჯარო ბიბლიოთეკა იმდენად გაიზარდნენ და განვითარდნენ, რომ მოცემულ ეტაპზე მიზანშეწონილი გახდა მათი განცალკევება და დამოუკიდებელი არსებობა. ამიტომ დებულების ახალი პროექტის შემუშავებისას გათვალისწინებული უნდა ყოფილიყო კავკასიის მუზეუმისგან თბილისის საჯარო ბიბლიოთეკის გამოყოფა, რომელიც დაიქვემდებარებოდა კავკასიის სასწავლო ოლქის უფროსს, რაც შეეხება თვით მუზეუმს. იგი უნდა დარჩენილიყო განათლების სამინისტროს უწყებაში.

³¹⁷ Всеподданнейшая записка по управлению Кавказским краем генерал-адютанта графа Воронцова-Дашкова, ტფ. 1907, გვ. 120.

³¹⁸ სსმ არქივი, 1905, 41/30, გვ. 63.

1 გ. რადეს გარდაცვალებამ და მისი შემცველების შერჩევის საკითხმა არსებითი ცვლილებები შეიტანა ამ დაწესებულების დებულების ჩამოყალიბებაში. რადგან ისეთი სამეცნიერო ორგანიზაციის, როგორც იყი მუზეუმი, ხელმძღვანელის დანიშვნა საიმპერატორო მეცნიერებათა აკადემიის კომპეტენციაში შედიოდა, გადაწყდა, რომ კავკასიის მუზეუმი და თბილისის საჯარო ბიბლიოთეკა შესულიყო საიმპერატორო მეცნიერებათა აკადემიის გამგებლობაში. მეცნიერებათა აკადემიასვე დაევალა დებულების პროექტის შემუშავება.

მეცნიერებათა აკადემიის მიერ შემუშავებული დებულების პროექტით, ამ ორ უჯრედს უნდა დარქმეოდა კავკასიის მუზეუმი და კავკასიის სამეცნიერო ბიბლიოთეკა.³¹⁹

მუზეუმის პროექტის ხანგრძლივი განხილვისა და კამათის შემდეგ, როგორც იქნა შემუშავდა დებულება. მიღებული იქნა კანონი კავკასიის მუზეუმის დებულებისა და შტატების შესახებ, რომელიც მოიწონა სახელმწიფო საბჭომ და სახელმწიფო სათათბირომ. იგი საბოლოოდ 1913 წლის 3 დეკემბერს დაამტკიცა ლივადიაში მყოფმა იმპერატორმა ნიკოლოზ II თავისი ხელმოწერითა და რეზოლუციით: "Вѣсть по сему".

აღნიშნული კანონით "მუზეუმსა და თბილისის საჯარო ბიბლიოთეკას მიენიჭა "კავკასიის მუზეუმის" სახელი და წესდებოდა "კავკასიის მუზეუმის დებულება."³²⁰

კავკასიის მუზეუმს უფლება ეძლეოდა: 1) საზღვარგარეთიდან ცენზურის გარეშე მიეღო წიგნები და ნაბეჭდი ნაწარმოებები, 2) სხვა ქვეყნებიდან უბაჟოდ გამოეწერა წიგნები, კოლექციები, ლაბორატორიისთვის ინსტრუმენტები, მასალები და სამეცნიერო სამუშაოებისათვის სხვა საჭირო ნივთები, 3) უფასოდ მიეღო რუსეთის კომპეტენციის მიერ კავკასიის შესახებ გამოშვებული ნაბეჭდი პროდუქციის თითო ეგზემპლარი. მუზეუმის დაფინანსება უნდა მომხდარიყო სახელმწიფო ხაზინიდან წელიწადში 25, 200 მანეთის ოდენობით.³²¹ კანონს ხელს აწერდა სახელმწიფო საბჭოს თავჯდომარე მ. აკიმოვი.

ახლად დამტკიცებული დებულებით: "კავკასიის მუზეუმის უმთავრეს მიზანს შეადგენდა კავკასიის მეცნიერული შესწავლისათვის ხელშეწყობა. რისთვისაც მას უნდა

³¹⁹ სსშ არქივი, 1910, 4838, გვ. 76.

³²⁰ Закон об установлении Положения и штата Кавказского Музея, в журн. «Известия Кавказского Музея», т. IX, тб, 1915, გვ. 36.

³²¹ იქვე გვ. 37.

მოგეროვებინა, შეედგინა, სისტემაში მოეყვანა და შეენახა კავკასიისა და მისი მეზობელი ქვეყნების საბუნებისმეტყველო, ეთნოგრაფიული და არქეოლოგიური სამეცნიერო კოლექციები. მუზეუმთან უნდა ყოფილიყო ბიბლიოთეკა, რომელშიც თავს მოიყრიდა ლიტერატურა უმთავრესად კავკასიისა და მეზობელი ქვეყნების შესახებ." რაც შეეხება მუზეუმის ადმინისტრაციულ დაქვემდებარებას, "იგი შედის კავკასიაში მისი უდიდებულესობის ნაცვლის სამმართველში, უწყებრივად კოსახალხო განათლების სამინისტროში. სამეცნიერო სამუშაოთა ხაზით კავკასიის მუზეუმი ექვემდებარება საიმპერატორო მეცნიერებათა აკადემიას."¹²²

მუზეუმის უშუალო ხელმძღვანელობა ეკისრებოდა დირექტორს, რომლის არჩევაც ხდებოდა საიმპერატორო მეცნიერებათა აკადემიის საერთო კრების მიერ ხმების 2/3-ის უმრავლესობით. მას თანამდებობაზე ამტკიცებდა კავკასიის მეფისნაცვალს.

დირექტორის სამსახურში არყოფნის, ან ავადმყოფობის შემთხვევაში, მის მოვალეობას ასრულებდა მუზეუმის მთავარი მცველი, ან თანამდებობით შემდგომ საფეხურზე მდგომი პირი.

მუზეუმის განყოფილებათა ხელმძღვანელობა ეკისრებოდა მთავარ მცველებს. მათ დასახმარებლად ინიშნებოდნენ უმცროსი მცველები. მუზეუმის ფონდის მცველებსა და ბიბლიოთეკარს დირექტორის წარდგინებით ირჩევდნენ მეცნიერებათა აკადემია, იმ პირობიდან, რომლებსაც ჰქონდათ სათანადო უმაღლესი განათლება. მათ თანამდებობაზე ამტკიცებდა მეფისნაცვალს.

დირექტორს, ფონდების მცველებს და ბიბლიოთეკარს არ ჰქონდათ პარალელურად სხვაგან მუშაობის უფლება.

მუზეუმის ფინანსებს შეადგენდა თანხები, რომლებიც გაიცემოდა ყოველწლიურად სახალხო განათლების სამინისტროს ხაზით სახელმწიფო ხაზინიდან და სპეციალური სახსრები. მას შეადგენდა მუზეუმში შესასვლელი ბოლღეებიდან, შემოწირულობებიდან, გამოცემებიდან, კოლექციების ასლებიდან და სამეურნეო ნივთების გაყიდვიდან შემოსული თანხები, რომელსაც მეფისნაცვლის ნებართვით დირექტორი განკარგავდა.

დებულებით მუზეუმის შტატები იზრდებოდა 10-მდე, დირექტორის თანაშემწის, კონსერვატორისა და პრეპარატორის

¹²² Закон об установлении Положения и штата Кавказского Музея, в журн. «Известия Кавказского Музея», т. IX, 1915, გვ. 37.

ნაცვლად წესდებოდა ბიბლიოთეკარის, მუზეუმის ფონდების უფროსი და უმცროსი მცველის თანამდებობანი.

კავკასიის მუზეუმის ახალი შტატები და ხარჯთაღრიცხვა ასეთი იყო: (ცხრილი 8):

საშტატო ერთ.	რაოდ.	ხელფ.	სადილი	ბინის	სულ	თანრიგ.
დირექტორი	1	1800	1800	ნატურ.	3600	V
უფროსი მცველი	2	1800	1200	ნატურ.	2400	VI
	3	1200	1200	600	3000	VI
უმცროსი მცველ.	3	720	720	360	1860	VII
ბიბლიოთეკარი	1	1200	1200	ნატურ.	2400	VI
სულ	10				25, 200	

1903 წლის დასაწყისში საიმპერატორო მეცნიერებათა აკადემიის კრებაზე კავკასიის მუზეუმის დირექტორად აირჩიეს ალექსანდრე ნიკოლოზის ძე კაზნაკოვი იგი დაიბადა 1871 წლის 26 ანგარს თავადის ოჯახში, ტვერის გუბერნიაში. იზრდებოდა სანკტ-პეტერბურგში. 1880 წელს ჩაირიცხა სასახლის აკუთა კორპუსში, სწავლობდა მისი უდიდებულესობის აკუთა სასწავლებელში, რომელიც დაამთავრა პირველი ხარისხის დიპლომით. სამხედრო სამსახური დაიწყო 1888 წლიდან. 1890 წელს იყო კორნეტი, 1894 წელს გახდა პორუჩიკი, 1902 წლის აგვისტოში მიიღო გეარდიის როტმისტრის წინი, ხოლო 1909 წელს მიაღწია კავალერიის პოლკოვნიკის წოდებამდე.²² მუზეუმის დირექტორად დამტკიცების შემდეგ, ა. კაზნაკოვი რუსეთის საიმპერატორო გეოგრაფიული საზოგადოების კავკასიის განყოფილებაში 1904 წლის 14 აპრილს აირჩია თავის ნამდვილ წევრად, 1905 წელს კი - საიმპერატორო არქეოლოგიური საზოგადოების ნამდვილ წევრად. ამავე წელს იგი დააჯილდოვეს წმ. ვლადიმერის და წმ. ანას ორდენით.

1913 წელს კავკასიის მუზეუმის დირექტორის თანაშემწედ, ხოლო შემდეგ, ბიბლიოთეკარად მუშაობდა რიპარდ გერმანის-ძე შიიდიტი, მუზეუმის კონსერვატორის დოქტორ ალფრედ ვალტერის პეტერბურგში გადასვლის შემდეგ უფროსი მუცნიერის თანამდებობა დაიკავა ივანე რიბანსკიმ. პრეპარატორად ჯერ მუშაობდა ევგენი პფიცენმაიერი, ხოლო შემდეგ - უმცროს მეცნიერ თანაშემწემად (კარლ კრელი). ტაქსიდერმისტად კი - პეტრე ივანოვი. მუზეუმის ისტორიის ამ პერიოდში საპასუხისმგებლო თანამდებობაზე მუშაობდნენ ა. მოწენესკი, ი. ვორონოვი, ს. ტერ-ავეტისიანი, ა. შელკოვნიკოვი, ვ. კლიპერტი, ა. გრენცვეინი, ვ. შამრაი, გ. დიუსტერდიკი, ს. გურგენოვი, ა. პოლხო, ი. სიმონოვიჩი, უ. ტოლსტიკოვი, ბ.

²² სსმ არქივი, 1914, № 71, გვ. 452.

იანცენი, გ. ბოგდანოვი, ა. მოროსკა და სხვები, მუზეუმის მხატვრად სხვადასხვა დროს მოწვეულები იყვნენ ფ. რუბო, ი. ტილკე, ნ. კულჩევსკი. მუზეუმის დარაჯები იყვნენ: თ. გუროვი, მ. ზავედკა, ი. ჩერნოვი და ფ. ისჩუკი. კანცელარიაში მუშაობდნენ ა. ცირული და ვ. შამრაი. ბიბლიოთეკაში—ლ. შერშოვი და ი. დიტერისხი.

მუზეუმის მოძიებით სამუშაოებში მონაწილეობას იღებდნენ მოწვეული პირები: ა. მლოკოსევიჩი, ი. რაჩიკინი, ო. გიოტლინგი, გ. ვარდანიანი, ა. ვასილინი, ს. ბოკილონი, ე. ტერ-ლალაიანი, შ. მალაიანი, ვლ. ლეონოვი, ა. ფლორენსკი, კ. კურდოფი და სხვები.

როგორც ვხედავთ, კავკასიის მუზეუმის ისტორიის ამ მონაკვეთშიც მუზეუმის კარები დახშული იყო ადგილობრივი კადრებისთვის. აქაური თანამშრომლებიდან არც ერთი ქართველი არ იყო, რაც ძნელია შემთხვევითობას მივაწეროთ. მუზეუმის არქივში დაცულია იმდროინდელი სამხედრო მინისტრის გენერალ ადიუტანტის ა. სახაროვის წერილი, სადაც იგი მოითხოვს მუზეუმის დირექტორისაგან, რომ მან სამსახურში უპირატესად მიიღოს თადარიგში გასული რუსი სამხედრო მოსამსახურეები,³²⁴ რაც ზუსტად სრულდებოდა.

10-იან წლებში მუზეუმმა დაიწყო მუშაობა კავკასიის ხალხთა კოსტიუმების ატლასის შექმნაზე. ამისთვის მოიწვიეს გერმანელი მხატვარი მ. ტილკე

მაქს ტილკე (1869-1931 წწ). ილაბადა ბრესლაუში ბერლინის სამხატვრო აკადემიის დამთავრების შემდეგ მუშაობას იწყებს აბვეტალაქში მხატვარ-დეკორატორად, შემდეგ მადრიდის არადოს მუზეუმში ასლების გადაიღებად, ხოლო 1900 წელს პარიზში—კოსტიუმების ილუსტრატორად. 1912 წელს რუსეთის იმპერატორის რეკომენდაციით ჩამოიღის თბილისში და მუშაობს ჯერ სამხედრო კადრების მუზეუმში, სადაც ფ. რუბოსთან ერთად ხატავს ბატალურ სცენებს, შემდეგ გადადის კავკასიის მუზეუმში და ებმება ატლასზე მუშაობაში. ამისთვის იგი აქტიურ მონაწილეობას იღებს ექსპედიციებში.

მან ფეხით შემოიარა თითქმის მთელი კავკასია და ჩაიხატა უამრავი ხალხური ტანსაცმელი და ტიპი. პირველი მსოფლიო ომის პერიოდში ტილკე ბრუნდება გერმანიაში და იქ აქვეყნებს თავის ნამუშევრებს ნაწილი მისი ნახატებისა (83 ერთეული), დღესაც ინახება მუზეუმში,³²⁵ მათ დიდი მნიშვნელობა აქვთ კავკასიის ხალხთა ტანსაცმელის ისტორიის კვლევისთვის.

³²⁴ სსმ არქივი, 1905, 41/30, გვ. 58

³²⁵ გელაძე თ., კოსტიუმის ფონდის შექმნის ისტორიიდან მუზეუმში, სსმ საიუბილეო სამეცნიერო სესიის მასალები, თბ., 2002, გვ.70.

ამ პერიოდში მუზეუმის დახურვის გამო მთელი ყურადღება გადატანილი იქნა მოძიებით სამუშაოებზე. თითქმის ყოველწლიურად ეწყობოდა სამეცნიერო ექსპედიციები, მივლინებები და ექსკურსიები, რომლებშიც მონაწილეობას იღებდნენ მუზეუმის მთელი პერსონალი და მოწვეული თანამშრომლები. წარმატებით განხორციელებულ მოძიებითი სამუშაოთა შედეგად მუზეუმის ფონდები უამრავი ექსპონატით გამდიდრდა.

1905 წელს ექსპედიციები ჩატარდა ერევნისა და ელიზაბეტპოლის გუბერნიებში, ნოვობაიაზეთის, ჯეჟანშირისა და ალექსანდროპოლის მაზრებში. მასში მონაწილეობა მიიღეს ა. კახნაკოვმა, ა. შელკოვნიკოვმა, რ. შმიდტმა და ე. კენიგმა;

1907 წელს სამეცნიერო მივლინებები მოეწყო შაგიზდესპირეთსა და აღმოსავლეთ ამიერკავკასიაში, ყარააიში, ყუბანისა და ართვინის ოლქში. მივლინებული იყვნენ ი. დიტერიხსი, ლ. კონიუშევსკი, ი. ვორონოვი და ლ. მლოკოსევიჩი. 1908 წ. მოძიებით ექსპედიციები მოეწყო ახალქალაქის მიდამოებში, ყარსის ოლქში, სომხეთში, ელიზაბეტპოლის და არაქსის რეგიონებში, ექსპედიციაში მონაწილეობდნენ ა. კახნაკოვი, რ. შმიდტი და ლ. ბერგი.

განსაკუთრებით აღსანიშნავია 10-იან წლებში ჩრდილოეთ ირანში—ჯულფის, კერმანშაჰისა და სენენდედჯის რაიონებში მოწყობილი ექსპედიციები, საიდანაც მნიშვნელოვანი კერამიკული კოლექცია იქნა ჩამოტანილი.

1912-1913 წლებში სამეცნიერო ექსკურსიები მოეწყო მთიან ყარაბაღში, ბაქოს გუბერნიაში, დაღესტანში, კახეთსა და დუშეთის მაზრაში. იგი განახორციელეს ა. ლოკოსევიჩმა, ე. პფიცენმაიერმა და ე. ბანკოესკიმ. კავკასიის მუზეუმის 1904—1914 წლების ანგარიშების მიხედვით, აღნიშნული ექსპედიციების შედეგად მოპოვებული მასალები შეიძლება შემდეგნაირად გამოეხატოს: (ცხრილი 9):

წლები	ზოლოღ.	ბოტანიკ.	გეოლოგ.	ეთნოგრაფ.	არქეოლ.
1905	3183	1208	18	47	73
1907	16870	3968	54	153	55
1908	7008	3625	5	321	52
1909	2379	3859	23	1	9
1910	2037	1158	—	482	153
1911	2037	5168	115	6	—
1912	13065	2615	8	43	36
1913	5949	195	259	11	55

ექსპედიციების შედეგად მოპოვებული ნივთების გარდა, ამ პერიოდში მუზეუმის ფონდები მდიდრდებოდა შემოწირულობებით, შესყიდვითა და გაცვლითი გზითაც: 1904 წელს მარიამ არღუთინსკაია—დოლოგორუკოვამ მუზეუმს შესწირა 10 ერთეული ნივთი. მათ შორის ვერცხლის თასი, ოქროთი და მარჯვნივ შემკული გიშერის კრიალოსანი, ქართველი ქალის ტანსაცმელი თავისი მორთულობით და ძვირფასი სამკაულით. მანვე გადაიხადა 500 მან. სპეციალური რკინის ეიტრინიათვის, სადაც მოთავსდა ეს ექსპონატები.³²⁶ 1905 წელს კახეთის მაზრის უფროსმა მუზეუმს გადასცა სიღნაღში აღმოჩენილი 1064 წლით დათარიღებული ქვა ნუსხური წარწერით, რომელსაც იხსენიებიან ბაგრატ აფხაზთა მეფე და კახეთ-პერეთის ხელისუფალი აღსართანი.³²⁷ 1907 წელს ელენე ბაგრატიონ-მუხრანსკაიამ მუზეუმს აჩუქა ორი ძველებური თოფი და დამბაჩა ძვირფასად ინკუსტირებული ტარით, ხოლო ანა სუმბათაშვილმა —ბათუმის გარეუბნის სამაროვანში აღმოჩენილი რკინის ხმალი.

1908 წელს თავად გ. ერისთავის ოჯახმა მუზეუმს უსახსოვრა 3 ძველებური ხმალი, სპარსული ფარდაგი და ქურთული ხანჯალი. 1909 წელს ო. დადეშქელიანმა მუზეუმს შესწირა სვანეთში აღმოჩენილი 6 ვერცხლის არქეოლოგიური ნივთი.³²⁸

1910 წელს ახალქალაქელმა მიწათმფლობელმა მ. ფაღავანიძემ მუზეუმს უსასყიდლოდ გადასცა ჯავახეთში მცხოვრებ თურქი ქალის ეთნოგრაფიული ტანსაცმელი თავისი მორთულობითა და სამკაულებით.³²⁹ ამავე წელს კ. მიქელაძემ მუზეუმს უსახსოვრა ხუთი სპილენძის ფული, ნ. მიქაძემ კი—ჩერქეზული ტანსაცმლის სრული კომპლექტი. 1911 წელს ყარაიაზის მაზრის უფროსმა ო. ყიფიანმა მუზეუმს შესწირა 50 ერთეული საბრძოლო იარაღი და აქაური ქალისა და მამაკაცის ეთნოგრაფიული ტანსაცმელი. ხოლო გ. შერვაშიძემ—სოხუმთან აღმოჩენილი ბრინჯაოს და თიხის არქეოლოგიური ნივთები.³³⁰

³²⁶ Отчет по Кавказскому Музею и Тифлисской публичной библиотеки за 1905 г., в журн. «Известия Кавказского музея» (შებღებში შემოკლებით «Отчет») ტ. III გვ. 11.

³²⁷ სსმ არქივი, 1905, 4130 გვ. 7.

³²⁸ Отчет за 1909 г., И К М, VI, გვ. 14.

³²⁹ სსმ არქივი 1911, 4938 გვ. 272.

³³⁰ Отчет... за 1911 г. И К М . ტ IX, გვ. 19.

1912 წელს ა. ქურჩიშვილმა მუზეუმს უსახსოვრა ძველი ებრაული ხელნაწერი მეგილა, ხოლო 1913 წელს შ. კაიშაურმა - მთიული კაცისა და ქალის ტანსაცმელი და საოჯახო ეთნოგრაფიული ნივთები - სულ 103 ერთეული.³³¹ ამ პერიოდში შემოძვირათა შორის მოიხსენიებიან აგრეთვე: მ. ანდრონიკაშვილი, მ. ჭავჭავაძე, ბ. ჩხეიძე, ა. ლაკერბაია, ი. ვასაძე, ა. ლაღარია, ე. კარბელაშვილი, ი. ხალვაში, ბ. ჩხოტუა, გ. გაბლიანი, ა. გარდაფხაძე და სხვები.

გარდა ზემოთ აღნიშნულისა, 1905-1913 წლებში მუზეუმს შესწირეს ნივთები: დიდმა მთაყარმა ნიკოლოზ მიხეილის ძემ, ნ. მარმა, ე. პოხომოვმა, ე. ვეიდენბაუმმა, კ. განმა, ი. ზუიღლიცმა, ე. ფონ-ვეისენგოფმა, ე. ვატაციმ, მ. გაკელმა, კ. მალმა, კ. მავესკიმ, ს. გვიდენმანმა, ო. როზენმა, ტ. დრახენფელსმა, მათი გვარები შექქონდათ მუზეუმის საინვენტარო დაეთრებში, წლიურ ანგარიშებში და საჯაროდ მადლობას უხდოდნენ გაზეთებისა და ჟურნალების ფურცლებიდან.

1905-1913 წლებში შემოწირულობების შესყიდვისა და გაცვლითი გზით მუზეუმში შემოსული ექსპონატების რაოდენობა წლიური ანგარიშების მიხედვით ასეთი იყო: (ცხრილი 10):

წლები	შემოწირული	შესყიდული	გაცვლითი
1905	758	979	12
1907	7437	59	32
1908	8213	109	53
1909	3650	335	597
1910	2985	396	312
1911	7746	239	106
1912	12587	4120	2650
1913	8048	11348	432

მუზეუმში სხვადასხვა გზებით შემოსული კოლექციებიდან საყურადღებო იყო: გოგჩის ტბის მიდამოებსა და ნორბაიაზეთის მარაში 1905 წელს ე. ლალაიანცის მიერ არქეოლოგიური გათხრების შედეგად მოპოვებული 128 ბრინჯაოს, საბრძოლო იარაღისა და ჭაშრის ბალთები, 27 რკინისა და 21 ქვის ნივთები. 42 ცალი ძეგლის, ნივთების კაუის გულსაკიდები და სხვა სამკაულები, 144 კერამიკული ჭურჭელი და სხვა.

საინტერესო იყო 1907 წელს მულანის ველზე ჩატარებული სამუშაოების შედეგად მოპოვებული 15539 ერთეული როგორც

³³¹ Отчет... за 1913 г. ИКМ ტ. IX, გვ. 14.

საბუნებისმეტყველო, ისე ეთნოგრაფიული და არქეოლოგიური ნივთები. აგრეთვე ვანის ვილაიეთში კ. მაიევსკის მიერ ქვის სტელების კოლექცია ლურსმნული წარწერებით.³³²

მნიშვნელოვანი იყო 1908 წელს კ. სატუნინის მიერ შეკრებილი ზოოლოგიურ ნივთთა კოლექცია, რომელიც მოიცავდა კავკასიის ფაუნის 8029 ეგზემპლარს, აგრეთვე - ა. კაზნაკოვის მიერ შემახისა და ყუბის მაზრებში შეგროვილი ტატების, მთიელი ებრაელებისა და თათრების 279 ცალი ეთნოგრაფიული ნივთი. ამავე წლის მონაპოვრიდან უნდა გამოეყოთ თ. სახოკიას მიერ სამეგრელოში მოძიებული 96 ერთეულისგან შემდგარი კოლექცია და გენუის ბუნების ისტორიის მუზეუმიდან გაცვლითი წესით მიღებული 50-მდე ბუქსმწოვრის ფიტული³³³

1909 წელს აღსანიშნავი იყო ა. შელკოვნიკოვის მიერ ელიზავეტპოლის გუბერნიაში, ყარაბახში შეკრებილი 3229 ერთეულისგან შემდგარი ზოოლოგიური და ბოტანიკური კოლექციები, თავრიზიდან და ისპაჰანიდან ქაშანური და დაღესტნური ვერცხლის სამკაულების მიღება.

1910 წლის შემოსულობიდან ყურადღებას იმსახურებდა ეთნოგრაფიული და არქეოლოგიური ნივთები, რომლებიც სპარსეთიდან, შაქთალის ოლქიდან და საქართველოს მთიანეთიდან შეკრიბეს. განსაკუთრებით მნიშვნელოვანი იყო ა. შელკოვნიკოვის მიერ მოპოვებული აღმოსავლური ცივი და ცეცხლმსროლელი საბრძოლო იარაღები, მათ შორის ფატ-ალი მირზას ხმალი, აგრეთვე ამავე წელს შემთხვევით შექმნილი აღმოსავლური კერამიკის ნიმუშები და დამასკური ფოლადის მახვილები და ხანჯლები. საყურადღებო იყო აგრეთვე ნუმიზმატიკის განყოფილების გამდიდრება ოქროს იშვიათი სტატერით მიზიის ქ. ლამასაქიდან.³³⁴

მუსეუმისთვის ძვირფასი შენაძენი იყო ყოფილი კავკასიის მეფისნაცვლის, სახელმწიფო საბჭოს თავჯდომარის ნიკოლოზ მიხეილის ძის ანდერძით 1913 წელს გადმოცემული ბორჯომში ნაყიდი მარგალიტებით გაწყობილი ოქროს ხატი.³³⁵ აგრეთვე მდიდარი ნუმიზმატიკური კოლექცია, რომელშიც შედიოდა კოლხური ვერცხლის დიდრაქმა, ვერცხლის ტეტრადრაქმა (ძვ. წ. აღ. V ს.), იმპერატორ ვესპასიანეს ოქროსა და სპილენძის

³³² Отчет... за 1907 г., ИКМ, т. IV, б. 20

³³³ Отчет... за 1908 г., ИКМ, т. V, б. 11

³³⁴ Отчет... за 1910 г., ИКМ, т. VI, б. 7.

³³⁵ Отчет... за 1913 г., ИКМ, т. IX, б. 19.

მონეტები, აბასიდების ორი ოქროს მონეტა, სელჯუკ ქეიკობ სივასის სამი ვერცხლის მონეტა (618 წ.), ბიზანტიური ვერცხლის მონეტა (1078 წ.), ბოსფორის მეფის რიმეტალკის ოქროს მონეტა და სხვ.

1904-1913 წლებში მუზეუმში შემოსულ ექსპონატთა საერთო რაოდენობა განყოფილებების მიხედვით ასე იყო: (ცხრილი 11).³³⁶

წლები	1904	1905	1906	1907	1908	1909	1910	1911	1912	1913
ზოლ	5523	4616	31464	24195	16170	4847	4506	18157	30309	27514
ბრტან.	256	1213	7169	4067	5055	5988	1985	6653	4966	1497
გოლ.	261	67	200	419	20	92	13	910	455	1305
ვინოგ	624	235	278	263	570	193	1143	791	187	1037
არქეო	138	976	1045	492	322	411	238	219	148	838
სულ	6805	7197	40156	29436	22137	11531	17835	26640	36065	32191

მუზეუმში ბევრი შემთხვევით ნაპოვნი განძეულობაც შემოდირდა. ამ მხრივ აღსანიშნავია 1910 წლის 26 თებერვლის გაზეთ "Толос Правды"-ის ცნობა სათაურით "მეირფასი ნაპოვნი": "ამ დღეებში ერთმა მეშახტემ ლენქორანიდან ათი ვერსის დაშორებით სოფელ ბალაბურთან ტყეში შემთხვევით იპოვა მიწაში ჩაფლული დოქი, რომელიც საესე იყო ოქროს ძველებური მონეტებით. მათი საერთო წონა 30 ფუნტამდე აღწევდა. ამ მონეტების უმრავლესობას ერთ მხარეს გამოსახული ჰქონდა ტახტზე მჯდომი უფალი, მეორეზე კი ღეთისმშობელი ჯვრით ხელში. მონეტის ორივე მხარეზე ამოტიფრული იყო ბერძნული ასოები. ამ განძის სიახლოვეს გლეხებმა კიდევ ნახეს რამდენიმე ასეთი დოქი ვერცხლის მონეტებით საესე, რომელთა წონა ორ ფუნტს(818 გრ.) აღემატებოდა"³³⁷

ასევე შემთხვევით იქნა ნაპოვნი 1914 წელს ერევნის გუბერნიაში სურმალინის მაზრაში სოფელ იგდირთან მიწაში ჩაფლული ეუთი, რომელშიც იყო სამი ბრინჯაოს სამაჯური, შუბნის პირები, ვერცხლის მონეტა წარწერით აღექსანდრე, რეინას დანა, თიხის ჭურჭელი ექვსი მბოჯი და სხვა.³³⁸ ელიზავეტოპოლის გუბერნიაში არეშის მაზრის სოფელ გერარხში, თხრილის გაყვანის დროს იპოვნეს განძი, რომელიც

³³⁶ ცხრილი შედგენილია კავკასიის მუზეუმის წლიური ანგარიშების მიხედვით.

³³⁷ გაზეთ "Толос Правды" № 1361, 1910 წლის 26 თებერვალი.

³³⁸ სსმ არქივი, 1914, № 71, გვ. 98

მოიცავდა 88 ვერცხლის მონეტას და დიდძალ ვერცხლის ნივთს.³³⁹ ასეთი ფაქტები უამრავი იყო.

1908-1909 წლებში კავკასიის მუზეუმმა შეიძინა თავის არსებობის მანძილზე ერთ-ერთი უნიკალური და ბრწყინვალე ექსპონატები, რომელსაც მსოფლიო არქეოლოგია იცნობს "ახალგორის განძის" სახელით.

ადრეანტიკური ხანის ეს უპირიფასესი კოლექცია ადგილობრივმა გლეხებმა შემთხვევით აღმოაჩინეს ქსნის ხეობაში, ახალგორის ახლოს, სოფელ საძვეურში ქალის მდიდრულ სამარხში. განძი ხელში ჩაუგდია ჩარჩებს, ოქროთ-მოვაჭრეებს და იმ პირებს, რომლებიც ცდილობდნენ ანაპოზინიდან ხელის მოთბობას. სასიქადულო მამულიშვილის ექვთიმე თაყაიშვილის, რომელიც იმხანად მოსკოვის არქეოლოგიური საზოგადოების კავკასიის განყოფილების მდივნად მუშაობდა, ძალისხმევას განძის უდიდესი ნაწილი გადაურჩენია და მისივე ინიციატივით კავკასიის მუზეუმში შეუქმნია.

ძე. წ.-ად. V-IV საუკუნეებით დათარიღებული კოლექცია შედგებოდა მძაღლხარისხოვნად დამზადებული ოქროს შემდეგ ნივთებისაგან: სასაყეთქლები მდიდრულად შეკაშმული ცხენების გამოსახულებით, საყურეები, საკისრე რკალები სარტყელი, ფასკუნჯიანი ბალთები, საკიდები, გომბეშოების გამოსახულებიანი ყელსაბამი, ვერცხლის ჯამები, სურა და სხვა. ძვირფას ნივთთა უმრავლესობა შექმულია გავარსით. მართალია ამ ძვირფას ნივთთა სადაურობა პირველ ხანებში აქემენიდურ ირანს დაუკავშირეს,³⁴⁰ მაგრამ შემდგომში გაირკვა მათი ადგილობრივი წარმოშობა.

პირველი მსოფლიო ომის დროსაც არ შეწყვეტილა მუზეუმში ნივთების მიღება და მოძიებითი სამუშაოების ჩატარება თვით ყრახნტისპირა რეგიონებშიც. კავკასიის არმიის მთავარსარდალმა 1916 წლის 4 მარტს გაიმოსვა № 117 ბრძანება "საომარი მოქმედების რაიონში სიძველეებისა და კაცობრიობის მატერიალური კულტურის ძეგლთა ნიმუშების შეგროვების შესახებ", რითაც ნებადართული იყო კავკასიის ფრონტზე მოქმედ არმიაში სამხედრო შტაბის მიერ რეკომენდებული მუცნიერების მიუღინება. ომის მსვლელობისას ტრაპიზონის დაკავების შემდეგ აქ მიაღწინეს ცნობილი მუცნიერები:

³³⁹ სსმ არქივი, 1916, № 87 გვ. 389.

³⁴⁰ Такайшвили Е., Ксанский или Салтгурский клад, Известия Кавказского отд. Московского археологического общества, IV, ტფ., 1915, გვ. 141.

ერმიტაჟის მთავარი მცველი აკად. ი. უსპენსკი, ხარკოვის უნივერსიტეტის პროფესორი ნ. შმიდტი და საიმპერატორო არქეოლოგიური საზოგადოების მდივანი ს. ფარმაკოუსკი. შეიკრიბა საჯურადლებო მასალები, განსაკუთრებით კი ძველი სომხური ხელნაწერები, რომლებიც ქ. ტრაპიზონის კომენდანტის ბრძანებით გადაეგზავნა კავკასიის მუზეუმს.³⁴¹

პირველი მსოფლიო ომის მსვლელობისას ვანისა და ურმიის ტბების მიდამოებში მივლინებული იყვნენ აკადემიკოსები: ნ. მარი, ი. უსპენსკი, კავასიის მუზეუმის არქეოლოგიის განყოფილების გამგე სუმბატ ტერ-ავეტისიანი და ა. შულკოვნიკოვი. ამ უკანასკნელმა ვანის ექსპედიციიდან ექსპონატები რამდენიმე ურმით ჩამოიტანა.

მსოფლიო ომის დროს კავკასიის მუზეუმს ერგო ძვირფასი კოლექცია, აღმოსავლური ხალიჩების, ფარდაგების, ქაშანურის, კერამიკის და სხვა ნატიფი ხელოვნების ნიმუშების სახით. ისინი ეკუთვნოდნენ სპარსელ სამხედრო მოღვაწეს, ურმიის ყოფილ გუბერნატორს, ყაჯართა საგვარეულოს უკანასკნელ წარმომადგენელს, გენერალ მეჯიდ ოს-სალტანეს, რომელიც იმხანად ცხოვრობდა თბილისში, სემიონოვის ქ. № 4-ში. პოლიტიკურმა მოწინააღმდეგებმა იგი აიძულეს 1915 წელს დაეტოვებინა თბილისი. მეფისნაცვლის ბრძანებით მისი ქონება გაიყოფა აუქციონზე, კოლექციის ნაწილი-გადაეცა კავკასიის მუზეუმს.³⁴² მუზეუმის ბიბლიოთეკასაც ერგო 450-მდე იშვიათი წიგნი გენერლის დოვლათიდან.

ამ პერიოდში თუ როდენ დიდი ყურადღება ეთმობოდა მოძიებითი სამუშაოების წარმოებას და ნიმუშების მუზეუმში მოზიდვას, კარგად ჩანს ქვემოთ ჩამოთვლილ შემთხვევებიდანაც: 1914 წელს კახეთის რკინიგზის მშენებლობა რამოდენიმე დღით შეჩერდა იმ მიზეზით, რომ სამუშაოთა უბანზე ძველ სამაროვნებს წააწყდნენ. ასეთივე შემთხვევა მოხდა ტუაყს-სენაკის რკინიგზის მშენებლობაზეც.³⁴³

1914 წელს შემახიის მარაში ბარბაროსულად გაიძარცვა XII საუკუნის ისტორიული ძეგლი-პირ-ხანაგის მავზოლეუმი. დაადგინეს, რომ მძარცველები იყვნენ ყუბელი ლეკები. ამ ამბავმა დიდი რეზონანსი გამოიწვია მთელ კავკასიაში და ამას მოჰყვა მეფისნაცვლის 1914 წლის 17 მაისის № 14223 ცირკულარი, რომლითაც კავკასიის მუზეუმს დაევალა

³⁴¹ სსმ არქივი, 1916, № 87, გვ 172.

³⁴² სსმ არქივი, 1916, № 87, გვ 7.

³⁴³ სსმ არქივი, 1915, № 73 გვ. 296.

ისტორიული ძეგლების დაცვისთვის ზრუნვა. მასვე მიუყა უფლება დაეყენებინა იმ პირთა დასჯის საკითხი, რომლებიც გაპარცვადნენ ან დააზიანებდნენ ისტორიულ ძეგლს.³⁴⁴

1917 წელს მეფისნაცვალმა ნიკოლოზ ნიკოლოზის ძე მუზეუმს ნება დართო 60000 მანეთად შეეძონა დ. ერმაკოვის ცნობილი კოლექცია.

ღიმიტრი ივანეს-ძე ერმაკოვის (კამბაიჯიო) (1846-1916 წ. გამორჩეული ადგილი ეკავა კავკასიაში მოღვაწე ფოტოგრაფ დოკუმენტალისტთა შორის. თბილისში დაბადებულად ახალგაზრდობაშივე ეზიარა ფოტოგრაფიულ ხელოვნებას და მალე გახდა ამ საქმის ცნობილი სპეციალისტი. იგი ბევრს მოეზაურობდა კავკასიაში და იღებდა ღირსესანიშნავ ისტორიულ მოვლენებს მატერიალური კულტურის ძეგლებს, ეთნოგრაფიული ყოფის ამსახველ სურათებს, ქალაქების ხედებს, არქიტექტურულ შენობებს და სხვა თბილისში გოლოვინის გამზირზე იგი ყულობდა ფოტო-ატელიეს სადაც ამზადებდა ნატურალური ზომის ფოტოსურათებს ნახევარსაუკუნოვანი მოღვაწეობის შედეგად დატოვა მდიდარი მემკვიდრეობა, რომელიც "ერმაკოვის კოლექციის" სახით არის ცნობილი. იგი შედგება 25 ათასი ფოტოგრაფიის 3 ათასზე მეტ სტერეოსურათისა და 116 ალბომისაგან. 1897 წელს დ. ერმაკოვი გახდა რუსეთის სამმკერატორო არქეოლოგიური საზოგადოების წევრი და ნატიფი ხელოვნების თბილისის საზოგადოების მდივანი. მის ნამუშევრები 26-ჯერ დაჯილდოვდა საერთაშორისო გამოფენების უმაღლესი ჯილდოებით. დ. ერმაკოვის გარდაცვალების შემდეგ მის კოლექციების ნაწილი ექ. თაყაიშვილის ძალისხმევით მოხდა კავკასიის მუზეუმში, ნაწილი კი 1918 წლის მაისში ივან ჯაფახიშვილის ინიციატივით შეისყიდა საისტორიო და საეთნოგრაფიო საზოგადოებამ. დ. ერმაკოვის ფოტონამუშევრები უძვირფასესი განსაკავასიის მკვლევარებისთვის.

მუზეუმიდან ერთად იზრებოდა ბიბლიოთეკის საცავიც: 1904 წელს აკაზნაკოვმა შეძლო თავის ბიბლიოთეკისთვის მიიერთებინა მოსკოვის არქეოლოგიური საზოგადოების თბილისის განყოფილების ბიბლიოთეკა,³⁴⁵ ამავე წელს გ. რადექერაივისაგან შეიძინეს 258 დასახელების საბუნებისეუტყველი წიგნი: 1909 წელს ბიბლიოთეკა უკვე მოითვლიდა 2679 დასახელების 47403 წიგნს³⁴⁶ და მოემსახურა 10219 მკითხველს.

³⁴⁴ სსმ არქივი, 1915, № 73 გვ. 374.

³⁴⁵ "Кавказ", 1904 №305.

³⁴⁶ Отчет по Кавказскому Музею и Тифлисской публичной библиотеки за 1909 г., ტფ., 1913, გვ. 26.

1916 წელს კავკასიის სამეცნიერო ბიბლიოთეკა გამდიდრდა 2726 დასახელების 3570 წიგნით.³⁴⁷ აქედან 562 დასახელების 753 წიგნი ე. ვეიდენბაუშის ნაჩუქარი იყო. მის გარდა შემოწირულობები გაიღეს: გ. რომანოვმა, ბ. პეტრანოვიჩის ქერიმა, ი. კოსცუშ-სტატკოვმა, ფონ ვეისენგოფმა და სხვებმა.

1916--1918 წლებში ბიბლიოთეკარად მუშაობდა ე. ვეიდენბაუში, მის თანაშემწეებად კი-მ. ბალუევა და ა. პეიდემანოვიჩინინა.

ამ პერიოდში განსაკუთრებით მწვავედ დაისვა კავკასიის მუზეუმისა და ბიბლიოთეკის შენობების გაფართოების საკითხი. XIX საუკუნის 70-იან წლების შუა ხანებში აგებული ეს შენობები ვეღარ აკმაყოფილებდნენ მათზე წაყენებულ მოთხოვნილებებს. საფონდო ოთახები ვეღარ იტევდა სამუზეუმო კოლექციებს, ექსპოზიციების გადატვირთვა და ფართის ნაკლებობა უკვე ყოველგვარ ფარგლებს სცილდებოდა. განსაკუთრებით ცუდ მდგომარეობაში იყო მუზეუმის შენობის ფასადი, რომელიც მობათქაშებული იყო და ყოველწლიურად საჭიროებდა რემონტს, რაც ძალზე ძვირი ჯდებოდა. მდგომარეობას ამძიმებდა შენობის ფასადის გასწვრივ ნიკოლოზის ქუჩის მთელს სიგრძეზე ტრამეაის მოძრაობა, რომლის ვიბრაცია და ხმაური აზიანებდა შენობას. 1904 წლის აგვისტოში ნიკოლოზის ქუჩის მხრიდან ჩამოიშალა ბათქაშის დიდი ნაწილი, რამაც საფრთხე შეუქმნა მუზეუმის დამოუკიდებლობებს.

(მუზეუმის შენობა დააზიანა აგრეთვე 1904 წლის 4 აპრილს მომხდარმა ხანძარმა. იგი გამოიწვია ღირექტორის საცხერებელი ოთახიდან სხვენში გამავალმა გადახურებულმა საკვამურის ზოლმა, რომელიც თურმე ძალზე ახლოს გადიოდა ხის ღირუსთან. მართალია ხანძარი მალე ჩააქრეს, მაგრამ სხვენი მნიშვნელოვნად დაზიანდა.³⁴⁸)

1905 წელს შენობის ფასადიდან ბათქაშის ცვენა გაძლიერდა და კედლებზე გაჩნდა ბზარი, რომელიც თანდათან იზრდებოდა. მუზეუმის ღირექციამ 9 სექტემბერის №681 წერილით მიმართა თბილისის გუბერნატორს და მოითხოვა არქიტექტორისა და სათანადო სპეციალისტების გამოყოფა შენობის მდგომარეობის შესამოწმებლად. 15 სექტემბერს მოწვეულმა ტექნიკურმა კომისიამ შეადგინა აქტი, რითაც დაადანტურა შენობის ავარიული მდგომარეობა და დაადგინა საძირკველის სისუსტე და

³⁴⁷ სსმ არქივი, 1916, № 87, ფ. 638.

³⁴⁸ სსმ არქივი, 1904, 40/29, გვ. 106.

მიწისქვეშა წყლების შედეგად ნიადაგის არამდგრადობა. შეიქმნა მუზეუმის შენობის მდგომარეობის შემსწავლელი კომისია მეფისნაცვლის საბჭოს წევრის მ. გაკელის თავჯდომარეობით. 1906 წლის 3 მაისს გამართულ კომისიის სხდომაზე ინიენერმა ნ. მიხაილოვმა აღნიშნა მუზეუმის შენობის კედლებზე განსაკუთრებით კი მის ქვედა სართულებზე, ბზარების კატასტროფული ზრდა. ამასთან ერთად, კომისიამ მიუთითა, რომ შენობის მიმდინარე შეკეთებები საქმეს ვეღარ უშველიდა და საჭირო იყო ახალი შენობის აგება.³⁴⁹ ამ აზრს მუზეუმის დირექციამ დაჟინებით დაუჭირა მხარი და მოითხოვა ახალი შენობის ასაგებად ინჟინრის (ახლანდელი ჯორჯაძის) ქუჩის ზედა მხარეზე ალექსანდრეს ბაღთან არსებული მიწის ნაკვეთის გამოყოფა, იმის გათვალისწინებით, რომ შენობის ფასადი გასულყო ლორის-შელიქოვის (ახლანდელი ლ. გუდიაშვილის ქუჩაზე), მაგრამ კავკასიის ოლქის საინჟინრო სამმართველოს, რომელსაც ეკუთვნოდა ეს ადგილი, სამსახურის უფროსმა გენერალ-მაიორმა ბალბაშევმა უარი განაცხადა მიწის ნაკვეთის დათმობაზე. მიზეზად აქ არქიტექტორ ლ. ბილფელდის მიერ წამოწყებული ქაშეთის ეკლესიის მშენებლობა დასახელდა.

ასევე შედეგი არ მოჰყოლია დირექტორ ა.კაზნაკოვის მიერ დაყენებულ საკითხს, მუზეუმისთვის გადაეცათ გოლოვინის გამზირზე მდებარე კადეტთა კორპუსის შენობა.³⁵⁰

მუზეუმის მდგომარეობა თანდათანობით მძიმდებოდა. მიუხედავად იმისა, რომ შენობის სარემონტო სამუშაოებზე ყოველწლიურად იხარჯებოდა გარკვეული თანხები. 1904 წელს შენობის რემონტზე დაიხარჯა 3743 მან. და 14 კაპ. 1905 წ - 2208 მან. და 19 კაპ, 1906 წ - 2228 მან. და 24 კაპ. 1907 წ - 528 მან. და 24 კ.³⁵¹

კავკასიის მეფისნაცვალმა ი. ეორონცოვ-დაშკოვმა იმპერატორისადმი გაგზავნილ მოხსენებაში კავკასიის მუზეუმის შესახებ აღნიშნავდა: "შენობა, რომელიც ამჟამად მუზეუმს უჭირავს, იმდენად ვიწროა და ხანძრის გაჩენის თვალსაზრისით საშიშია, რომ სრულიად გამოუსადეგარია თავისი დანიშნულებისათვის. შენობის კედლების ჩამონგრევის საფრთხეს აძლიერებს თბილისისათვის დამახასიათებელი ხშირი მიწისძვრები და თუ არ იქნება მუზეუმისადმი დროული

³⁴⁹ სსმ არქივი, 1906, 43/32, გვ. 14.

³⁵⁰ გაზ. "Кавказ", 1905 № 245.

³⁵¹ სსმ არქივი, 1909, 47/36, გვ. 138.

დახმარება, შეიძლება შეიქმნეს იმის საშიშროება, რომ უდიდესი და მატერიალურად შეუუასებელი სამეცნიერო ღირებულების მქონე მისი კოლექციები ერთ დღეს დაიზარდოს ნანგრევების ქვეშ, ან გახდეს ხანძრის მსხვერპლი. ამგვარად, მხარის შესწავლისათვის გაწეული ორმოცწლიანი შრომა საბოლოოდ დაიღუპება. ერთადერთ საშუალებად კავკასიის მუზეუმის ბუდის გადასაწყვეტად და მხარის კვლევისათვის მუშაობის გასაგრძელებლად რჩება ახალი, უფრო ვრცელი შენობის აგება, რომელიც დაჯდება 300000 მანეთი”³⁵²

1906 წლის 28 ივნისს მეფისნაცვლის კანცელარიის სტამბაში, რომელიც მდებარეობდა მუზეუმის ეზოს ჩრდილო-დასავლეთით მოხდა აფეთქება, იგი გამოიწვია სტამბაში დაცული ადვილად აალებადი და ასაფეთქებელი მასალების შენახვის წესების უზუსტობა. აფეთქებამ გამოიწვია ხანძარი, რომელიც გადავიდა მუზეუმისა და ბიბლიოთეკის შენობებზეც.³⁵³ ხანძარმა მნიშვნელოვნად დააზიანა ხსენებული შენობების ხის ნაწილები. მუზეუმის შენობის ავარიულობა იმდენად საშიში გახდა, რომ იგი 1908 წლის 16 დეკემბერს მეფისნაცვლის ბრძანებით დაიკეტა.³⁵⁴

1909 წლის 19 იანვარს საღამოს 7 საათზე მუზეუმში ისევ გაჩნდა ხანძარი. ამჯერად ხანძარი შენობის მშენებლობისას საკვამურებისა და ჭერის ღირებების არასწორმა გაყვანილობამ გამოიწვია. არქეოლოგიური დარბაზის ჭერის დასაყალიბებისას, სადაც გაჩნდა ხანძარი გაირკვა, რომ ჭერის ღირე ჩამაგრებული იყო პირდაპირ საკვამურში. როდესაც მთელი ჭერი შეამოწმეს დადგინდა, რომ ექვსი საკვამურიდან მხოლოდ ერთში არ გადიოდა დირე, აქედან გამომდინარე კომისია გაკვირვებას გამოთქვამდა “ამ გარემოებათა გამო მუზეუმი აქამდე როგორ არ დაიწვა”

1909 წლის დასაწყისში კომისიის წევრებმა ინიცირებმა გეუროვმა და მიხაილოვმა 26 იანვრის აქტით კიდევ ერთხელ დაადასტურეს ის ფაქტი, რომ მუზეუმის შენობის კედელი, განსაკუთრებით “ლორის-მელიქოვის ქუჩიდან გაბზარული და გადახრილი იყო.”³⁵⁵

³⁵² Всеподданнейшая записка по управлению Кавказским краем генерал-адютанта графа Воронцова-Дашкова, т. 1907, гл. 121.

³⁵³ სსმ არქივი, 1906, 43/32, გვ. 21.

³⁵⁴ სსმ არქივი, 1909, 47/36, გვ. 340.

³⁵⁵ სსმ არქივი, 1909, 47/36, გვ. 33.

მუზეუმის შენობისთვის ახალი მიწის ნაკვეთის გამოყოფის სირთულემ მუზეუმის დირექციასა და ხელისუფლებას მიაღებინა გადაწყვეტილება, რომ დაეშალათ მუზეუმისა და ბიბლიოთეკის ძველი ავარიული შენობები და მათ ადგილას აეგოთ ახალი.

მუზეუმისთვის ახალი შენობის აგების გადაწყვეტილებას განსაკუთრებით უჭერდა მხარს მუზეუმის დირექცია და მოითხოვდა, რომ მუზეუმის ახალი შენობა აგებულიყო გოლოვინის პროსპექტის გასწვრივ თორმეტსაქენიან (24 მეტრიან) ზოლში. ეკონომიურობასთან ერთად, ამას იმითაც ასაბუთებდნენ, რომ უფრო იოლად მოხერხდებოდა სამუზეუმო ექსპონატების გადატანა ერთი ადგილიდან მეორეში და მათი დაცვა. განსაკუთრებით მაშინ, თუ ამისათვის გამოყოფილი იქნებოდა ქალსა გიმნაზიის შენობის ნაწილიც.

კავკასიის მეფისნაცვლის წარადგინებით იმპერიის მინისტრთა საბჭომ მიიღო დადგენილება, რომლის მიხედვითაც უფლებამ მიეცა მეფისნაცვლის მოვალეობის შემსრულებელს სენატორ ნიკოლსკის სახელმწიფო სათათბიროში დასამტკიცებლად შეეტანა წინადადება კავკასიის მუზეუმის შენობის აგების დაწვრილებითი გეგმისა და ხარჯთაღრიცხვის შემუშავების შესახებ. აღნიშნული შენობის ასაგებად ნებართვისა და 390,220 მანეთის გამოყოფის შემდეგ, მშენებლობის დამთავრებას ვარაუდობდნენ 1912-1913 წლებში. ამავე დადგენილებით, დამტკიცებული გეგმა და ხარჯთაღრიცხვა უნდა წარედგინათ მეფისნაცვლისთვის, ხოლო მშენებლობის მეთვალყურეობა უნდა დაკისრებოდა საგანგებო სამშენებლო კომისიას. ეს დადგენილება იმპერატორმა დაამტკიცა 1910 წლის 18 ივლისს.

მუზეუმის დახურვის, შემდეგ 1909 წლიდან დაიწყო მუზეუმის შენობის ავარიული კედლების დაშლა, რისთვისაც გამოიყო 1500 მანეთი. კედლების დაშლისას გამოიწვია, რომ თავის დროზე შენობა აგებული ეოფილა ძალზე უხარისხოდ. თბილისის გუბერნატორის მიერ გამოყოფილმა კომისიამ 1909 წლის 14 მარტს ჩაატარა მუზეუმისა და ბიბლიოთეკის შენობის დათვალიერება და აღნიშნა, რომ შენობის კედელი ღორის-მელიქოვისა და ნიკოლოზის ქუჩის მხრიდან, რომელიც ავარიულობის გამო პირველ რიგში დაშალეს, აგებული იყო უხარისხოდ, კედლის შუა ნაწილში ჩატარებული იყო ქვისა და აგურის ნამსხვრევები. აგურების წყობა უმრავლეს შემთხვევაში შესრულებული იყო ცემენტის ხსნარის გარეშე, ხოლო იქ, სადაც ხსნარი გამოიყენეს, ექსპერტის შედეგად დადგინდა,

რომ მის შემადგენლობაში ცემენტი ძალზე ცოტა იყო. ამიტომ ხსნარი ადვილად იფშენებოდა და აგურები ერთმენეთს შორდებოდა. დადგინდა აგრეთვე გამოყენებული კირის უხარისხობა. გარდა ამისა, როგორც ჩანს ქეიშის ნაცვლად გამოყენებული ყოფილა შლაში და თიხის ნარევი, დარღვეული იყო აგრეთვე შემაერთებლების გადაბმის ნორმები და სხვა.³⁵⁶ მუხეუმის ძველი შენობის დაშლა მიმდინარეობდა მთელი 1909 წლის განმავლობაში.

1910 წლის 18 ივლისს უმაღლესი ბრძანებულების თანახმად კავკასიის მუხეუმის ახალი შენობის ასაგებად შეიქმნა საგანგებო სამშენებლო კომისია, რომლის თავმჯდომარედ დაინიშნა მეფისნაცვლის საბჭოს წევრი მ. გაკელი. ხოლო წევრებად: ვეიდენბაუმი, ჯუნკოვსკი, რუდოლფი, ბუინოვი, კაზნაკოვი, შმიდტი, დომერშიკოვი, და არქიტექტორი კ. ტატიშჩევი. აგრეთვე თბილისის ქალაქის თავი, თბილისის კონტროლის პალატის მმართველი. კომისიას უფლება ჰქონდა თავის რიგებში მიეწვია ნებისმიერი პირი.³⁵⁷ კომისიის სხდომები ტარდებოდა მეფისნაცვლის საბჭოს სხდომათა დარბაზში.

კომისია თავის მოქმედებებში ძირითადად ჯერდნობოდა მის მიერვე შექმნილ საგანგებო ტექნიკურ სათათბიროს გადაწყვეტილებებს.

მუხეუმის შენობისა და ხარჯთაღრიცხვის პროექტის შესამუშავებლად უნდა გამოცხადებულიყო კონკურსი. მაგრამ დროის სიმციროს გამო მისი შედგენა დაავალეს არქიტექტორ კონსტანტინე ნიკოლოზის ძე ტატიშჩევს. პროექტზე მუშაობა დამთავრდა 1910 წლის ბოლოს და მეფისნაცვლის ეორონცოვ-დაშკოვის დამტკიცების შემდეგ, სენატორმა ნიკოლსკიმ იგი შეიტანა ზემდგომ ორგანოებში დასამტკიცებლად.

1911 წლის 29 მარტს უზენაესი ბრძანებულებით დამტკიცდა საგანგებო სამშენებლო კომისიის მიერ შემუშავებული კანონი კავკასიის მუხეუმისა და თბილისის საჯარო ბიბლიოთეკის ახალი შენობის აგების შესახებ, რომელიც მოიწონა სახელმწიფომ საბჭომ და სახელმწიფო სათათბირომ. მშენებლობათა-სულ უნდა გამოყოფილიყო 386922 მან. და 80 კაპ; აქედან 272819 მან. და 14 კაპ. კრედიტით სახელმწიფო

⁵⁶ სსმ არქივი, 1909, 47/36, გვ. 89.

⁷ სსმ არქივი, 1911, 49/38, გვ. 159.

ხაზინიდან, ხოლო—114103 მან. და 66 კაპ. საერო საშუალებებიდან³⁵⁸.

არქიტექტორ კ. ტატიშჩევის პროექტით მუზეუმის შენობა უნდა აგებულიყო მეფისნაცვლის სასახლის პირდაპირ გოლოუინის გამზირის გაყოლებაზე, ვიწრო ზოლში ნიკოლოზისა და ბარონის ქუჩებს შორის, რომლის სიგანე 12 საეენს (24 მეტრს), ხოლო სიგრძე 50 საეენს (100 მეტრს) უდრიდა. შენობის აგება ნავარაუდვეი იყო ამ დროს რუსეთის იმპერიის არქიტექტურაში გაბატონებული ეკლიქტიზმის სტილში. 1910 წლის 12 ნოემბერს კ. ტატიშჩევის მიერ წარმოდგენილი პროექტი დაამტკიცა სახელმწიფო საბჭომ.

1911 წლის 29 მარტს მშენებლობისთვის სახელმწიფო ხაზინიდან გაიცა 1912–1913 წლების ანგარიშზე ზემოთ აღნიშნული თანხა და სამუშაოებიც დაიწყო.³⁵⁹

უპირველეს ყოვლისა, ყურადღება დაეთმო ეზოს ჩრდილო-აღმოსავლეთ ნაწილში მუზეუმის კოლექციებისა და ბიბლიოთეკის წიგნების დასაბინაველად საჭირო ადგილის გამოყოფას. ამისთვის აუცილებელი გახდა ნიკოლოზისა და ლორის-მუკლიქოვის ქუჩების კუთხეში, ქალთა გიმნაზიის ძველი ფლიგელის მონგრევა და მის ნაცვლად ახალი სამსართულიანი ფლიგელის მიშენება. რამაც გამოიწვია მუზეუმის უკანა ფრთის შენობის დანგრევა და იქ არსებული კოლექციების გადატანა შენობის შუა ნაწილში. ახალი სამსართულიანი ფლიგელის აშენების შემდეგ, მისი ქველა ორი სართული დაეთმოზოდა მუზეუმის ექსპონატებს. გარდა ამისა, მუზეუმის ეზოში სპეციალურად უნდა აშენებულიყო დროებითი ორსართულიანი საწყობი, სადაც შეინახებოდა ბიბლიოთეკის წიგნები და კარადები. ამ შენობებში მუზეუმისა და ბიბლიოთეკის მთელი ქონების გადატანის შემდეგ, უნდა დაწყებულიყო ძველი შენობის დაშლა და ახლი ნაგებობის მშენებლობა.

მუზეუმის უკანა ფრთის შენობის დაშლა დაიწყო 1911 წლის 12 სექტემბერს. იმავე წელს შეუდგნენ ბიბლიოთეკისთვის საწყობის მშენებლობას მუზეუმის ეზოში.

მშენებლობაში ყველაზე ნაყოფიერი გამოდგა 1912 წელი. ამავე წლის აგვისტოში დამთავრდა ქალთა გიმნაზიის შენობაზე სამსართულიანი, კაპიტალური ფლიგელის მიშენება და დაიწყო იქ მუზეუმის ექსპონატებისა და ბიბლიოთეკის წიგნების გადატანა.

³⁵⁸ სსმ არქივი, 1914, №71, გვ. 278.

³⁵⁹ Отчет..... за 1911 г. ИКМ, ტ. VIII, გვ. 29.

1912 წლის სექტემბერში მუზეუმის მშენებელი არქიტექტორი კ. ტატიშჩევი საგანგებო სამშენებლო კომისიასთან უთანხმოების გამო გადადგა თანამდებობიდან და იგი შეცვალა არქიტექტორმა ა. როგოისკიმ. მაგრამ იმავე წლის ნოემბერში იგი გარდაიცვალა და მის შემცვლელად სამშენებლო კომისიამ აირჩია მიხეილ ნიკოლოზის ძე ნეპრინცევი³⁶⁰ მთელი 1912 წლის განმავლობაში მიმდინარეობდა მუზეუმის ძველი შენობის დაშლა, რომელიც 1913 წლის იანვარში დასრულდა. ამავე წელს დაიწყო მიწის და საძირკველის სამუშაოები. სამშენებლო კომისიამ ჩაატარა 54 სხდომა.³⁶¹

პირველი, რაც დავეალა ახალ არქიტექტორს იყო შენობის ცენტრალური ფასადის გადაკეთება, რომელიც ოპერის თეატრს უფრო შეესაბამებოდა. მ. ნეპრინცევს შეთავაზეს ფასადის აღმოსავლურ სტილში შესრულება ასეთი არქიტექტურა იმ დროს სამხრეთ და აღმოსავლეთ რუსეთის იმპერიის ნაციონალური სტილის ოფიციალურ გამოხატულებას წარმოადგენდა. აღმოსავლური, ე. წ. “გაუმჯობესებული არაბული სტილის” ინტერიერები უცხო არ იყო XIX საუკუნის თბილისისათვის. ქლაქურ არქიტექტურაში ხშირად გამოიყენებოდა გვიანი ხანის ირანული ფორმები.

პროექტი 1913 წლისთვის უკვე მზად იყო და იგი დამტკიცდა, როგორც შესასრულებელი სამუშაოების პირველ ვარიანტად.

არქიტექტორ ნეპრინცევის პროექტით, სპარსული ხუროთმოძღვრული სტილის შენობის მთავარი ფასადი გაყოფილი იყო სამ რიზალიტად, ისრის ფორმის სამი პორტალური თაღით. ცენტრალურ პორტალს ორივე მხრიდან აგვირგვინებდა მრგვალი მინარეთი. შენობა უფრო საკულტო ნაგებობას მოგვაგონებდა, ვიდრე მუზეუმს.³⁶²

გვიმით, მუზეუმის შენობასთან ერთად, ეზოს ჩრდილო-დასავლეთ ნაწილში უნდა აშენებულყო ბიბლიოთეკის შენობაც—დიდი სამკოთხეულო, სააქტო დარბაზითა და მრავალსართულიანი წიგნსაცავით. მას უნდა ჰქონოდა დამოუკიდებელი შესასვლელი ბარონის (ახლანდელი ფურცკელაძის) ქუჩიდან. ბიბლიოთეკის წიგნსაცავში უნდა დაშონტაჟებულიყო ფოლადის სტელაჟები მოძრავი თაროებით.

³⁶⁰ Отчет... за 1912 г. ИКМ, т. VIII გვ. 24.

³⁶¹ Отчет... за 1913 г. ИКМ, т. IX გვ. 32..

³⁶² ჭაში ნ., სოციალისტური თბილისის ხუროთმოძღვრება, თბ., 1983. გვ. 15.

რკინის მთელი სამუშაოების შეკვეთა გაფორმდა ფირმა "არტურ კოპელთან",³⁶³ ეს საკითხი განიხილა სახელმწიფო სათათბირომ. რკინის თაროების დასამონტაჟებლად მოიწვიეს თბილისში ცნობილი ოსტატი ზეინკალი ლ. ბრამერი.

რადგან, მუზეუმის ძველი შენობის კედლების სიგანე ერთ არშინამდე (71 სმ.) აღწევდა და ზოგან გამოიყენებოდა მაღალი ხარისხის ქართული აგური, გადაწყდა, რომ სარდაფისა და ახალი შენობის საკვანძო ადგილების მშენებლობისას ეხმარათ ეს აგურები.

სამშენებლო პირობები, როგორც მიწის გრუნტის სტრუქტურის, ისე ტოპოგრაფიის თვალსაზრისით რთული იყო. ნიკოლოზის ქუჩის ხუთსართულიანი შენობის ქვეშ აღმოჩნდა 5 მეტრის სიღრმის ხევი, რომელიც ნაკავით ყოფილა ამოვსებული. ამ ადგილას საძირკველისა და 22 მეტრის სიმაღლის კედლის მშენებლობამ კომისიის წევრებს შორის დიდი დისკუსია გამოიწვია. გრუნტის ლამატებით შესწავლას რამოდენიმე თვე მოუხდა. ბოლოს, საძირკველის ყველა რთულ კონსტრუქციასზე უარი თქვენ და მიიღეს გადაწყვეტილება, რითაც გრუნტის წინააღმდეგობის შესამცირებლად მთელი შენობა უნდა აგებულიყო ლენტურ ფუნდამენტზე, რომლის საფუძველს გაამაგრებდნენ დაწნეხილი ღორღით. პროექტით კედლები უნდა აშენებულიყო აგურითა და რკინაბეტონის კონსტრუქციებით, სართულებს შუა და სხვენივს გადახურვა კი - ნეკნიანი რკინაბეტონით. დიდი დარბაზების ჭერი დაეყრდნობოდა რკინაბეტონის სვეტებს, რომელთა შუაგულში ჩატანებული იქნებოდა სავენტილაციო არხები. კონკრეტულად აქ გადაწყვეტილებაში ცვლილებები არ შეუტანიათ მშენებლობის დამთავრებამდე. ახალი შენობის აგებას შეუდგნენ 1913 წლის გაზაფხულზე. წლის ბოლომდე მოხერხდა საძირკველისა და სარდაფის კედლების ამოყვანა გოლოვინის გამზირის დონემდე. გაზაფხულის დასაწყისში შედგა მუზეუმის შენობის საძირკველის ჩაყრის ცერემონიალი. ამისათვის წინასწარ დამზადდა ორი ცალი ბაზალტის ფილა. ერთში გაკეთდა ღრმული, სადაც მოთავსდა ბრინჯაოს დაფა, რომელზეც ამოტვიფრული იყო შენობის საძირკველის ჩაყრის თარიღი და მშენებელთა გეარები.³⁶⁴ მეორე ფილა პირველს დაახურეს

³⁶³ სსმ არქივი, 1914, №71, გვ. 263.

³⁶⁴ М. И. Непринцева, Воспоминания автора проекта и строителя здания «Кавказского Музея» в г. Тбилиси, კრებულში სსმ მოამბე XXX-ბ, თბ. 1974, გვ. 201.

ცემენტის ხსნარით შელესეს და მუზეუმის ცენტრალური შესასვლელის ქვეშ მოათავსეს, თან ტრადიციის მიხედვით ოქროს მონეტები ჩააყარეს. ამის შემდეგ აგურის რამდენიმე წიკით ამოაშენეს კედელი პირველი სართულის იატაკამდე.

საძირკელის ოფიციალური გახსნა დამთავრდა დიდი ვახშამით, რომელზეც მიწვეული იყვნენ მშენებლები და საპატიო სტუმრები.

აქვე უნდა აღინიშნოს, რომ სამშენებლო კომისიამ არქიტექტორი მ. ნეპრინცევი რამოდენიმე თვით მიავლინა პარიზში მშენებლობის მოწინავე მეთოდების გასაცნობად.

1914 წლის გაზაფხულისათვის მუზეუმის შენობის კედლები თითქმის ამოყვანილი იყო, მაგრამ პირველი მსოფლიო ომის დაწყებამ მშენებლობა შეაფერხა. განსაკუთრებით გაჭირდა ცემენტისა და რკინის არმატურის შოვნა. მშენებლობას შეჩერება ემუქრებოდა. მაგრამ კავკასიის ფრონტს 1914 წლის ნოემბერში დასათვალისწინებლად ეწვია მთავრობის თავჯდომარე, ყოფილი თბილისელი ს. ვიტე. მისი განკარგულების შემდეგ, მოხერხდა ამ დეფიციტური მასალების შოვნა და მშენებლობაც 1915 წლის თებერვლიდან განახლდა.

რკინაბეტონის საშუაოების შესრულების შემდეგ, წლის ხოლოსათვის შენობის ჩონჩხი თითქმის დამთავრებული იყო, ხვრამ დაფინანსება ჯერ შემცირდა ხოლო 1917 წლის ზაზაწყისიდან საერთოდ შეწყდა. ამის გამო მშენებლობა შეჩერდა და დაკონსერვდა.

პირველი მსოფლიო ომის დაწყებამ გარკვეულად იმოქმედა მუზეუმის პირად შემადგენლობაზეც. გართულდა მათი სატერიალური მდგომარეობა. ისინი, როგორც მეცნიერებათა აკადემიის სისტემაში შემაჯავლი დაწყებული იანამშრომლები ითხოვდნენ შეღავათებს და დახმარებებს, ზოგი კი მოითხოვდა მოქმედ არმიაში მოხალისედ წასვლას. ამ მხრივ განსაკუთრებით აღსანიშნავია მუზეუმის დირექტორის ა. კაზნაკოვის და ნ. ტიხონოვის თავგამოდება. ა. კაზნაკოვი ომის დაწყებისთანავე მოხალისედ წავიდა ფრონტზე. იგი გაამწესეს ივეის სამხედრო ოლქში. მძიმედ დაიჭრა 1914 წლის 23 ნოემბერს და მოხვდა ქ. ლეოვის დედოფალ მარია ეფლოროვნას სახელობის პოსპიტალში.³⁶⁵ გამოჯანსაღების შემდეგ იგი დაუბრუნდა თავის სამსახურს. ეთნოგრაფიის ინსტიტუტის გაჩეკე, აკად. ნ. მარის მოწაფე, ნ. ტიხონოვიც მოხალისედ ჩაირიცხა ყუბანელ კაზაკთა პლასტუნის

³⁶⁵ სსმ არქივი, 1914, №71 გვ 644.

ბატალიონში, იბრძოდა გალიციაში, მძიმედ დაიჭრა და გარდაიცვალა 1915 წლის 15 მაისს.³⁶⁶ დაკრძალულია ქ. კრაკოვეცის გარეუბანში.

მუზეუმის დირექტორის ა. კაზნაკოვის ფრონტზე გამგზავრების შემდეგ მისი მოვალეობის შესრულება 1914 წლის აგვისტოდან დაეკალა მუზეუმის მთავარ მცველს იური ნიკოლოზის ძე კორონოვს. იგი ბოტანიკის განყოფილების გამგის მოვალეობას ასრულებდა და ბოტანიკური მასალების მოძიების მიზნით აქტიურ მონაწილეობას იღებდა აფხაზეთში მოწყობილ სამეცნიერო ექსპედიციებში. ამ პერიოდისათვის მუზეუმის განყოფილების გამგეთა შემადგენლობა ასე გამოიყურებოდა: არქეოლოგიის განყოფილების - ს. ტერ-ავეტისიანი, ენტომოლოგიური განყოფილების - ფ. ზაიცკვი, ზოოლოგიის განყოფილების - ნ. სმირნოვი, ბოტანიკის განყოფილების - ი. ვორონოვი, ეთნოგრაფიის განყოფილების გამგედ ომში დაღუპულ ნ. ტიხონოვის ნაცვლად მოწვეულ იქნა გ. ჩურსინი.

1915 წელს მუზეუმის თანამშრომელთა შორის უკვე პირველად ვხვდებით ორ ქართველს: ნოე მანუჩარის-ძე ყიფიანს, რომელიც 1915 წლის 3 ოქტომბერს მეცნიერებათა აკადემიის კრებამ აირჩია გეოლოგიის განყოფილების გამგედ და დავით განჩინდა, ყაზანის უნივერსიტეტის კურსდამთავრებულს, რომელიც მუზეუმში მიიწვიეს ეთნოგრაფიული ნივთების შესაგროვებლად.³⁶⁷

პირველი მსოფლიო ომის პერიოდში ტაქსიდერმიულ ლაბორატორიას ხელმძღვანელობდა ევ. პუცინგმაიერი, პრეპარატორად მუშაობდა კარლ კრელი. გარდა ამისა, მუზეუმის პრეპარატორებად, თავისუფალი დაქირავების წესით მიიწვიეს ენტომოლოგიურ განყოფილებაში ე. რიშანსონი, ბოტანიკის განყოფილებაში - მ. მირზოევა, ზოოლოგიურ განყოფილებაში - ა. გონუსი, ეთნოგრაფიულ განყოფილებაში უფროს მცველად მიიღეს ბარონესა ი. ფონ დრახენფელსი, მხატვრად - ნ. კელჩესკი, საქმის მწარმოებლად კლ. კოშენეცი, ხოლო ბიბლიოთეკარის თანამშემწედ მ. ბალუევა.³⁶⁸

პირველი მსოფლიო ომის წლები კავკასიის მუზეუმისათვის მეტად ძნელი პერიოდი იყო. თუნდაც ის მაგალითი რად ღირს, რომ ამ პერიოდში დაწესებულებას, რომელიც თვითონ

³⁶⁶ Оucher..... за 1913 г., ИКМ, т. IX, стр. 162.

³⁶⁷ სსმ არქივი, 1914, № 71, გვ. 292.

³⁶⁸ სსმ არქივი, 1915, № 73 გვ. 412.

განცდიდა დიდ სიყიწროვეს და ამიტომაც აწარმოებდა მშენებლობას, სარდაფებში შეუსახლეს ჯარისკაცები.³⁶⁹ ქალთა გიმნაზიის შენობის ნაწილში კი გამართეს სამხედრო ჰოსპიტალი.

(მუზეუმის ექსპონატები და წიგნები წლების მანძილზე ყუთებში იყო ჩალაგებული და უკეთესი თავშესაფრის ძებნაში ერთი ადგილიდან მეორეში გადაჰქონდათ.) მაგალითად გეოლოგიის განყოფილების ექსპონატებით საესე 52 ყუთი ჯერ კერძო შენობაში გადაიტანეს, მაგრამ მალე უკანვე დააბრუნეს. ამ გატანა-გადმოტანაში ბევრი ნივთი ისე დაზიანდა, რომ "მათი აღდგენა ყოველთვის შესაძლებელი აღარ იყო."³⁷⁰ ანალოგიურ მდგომარეობაში აღმოჩნდა 300-ზე მეტ ყუთში ჩალაგებული ბიბლიოთეკის წიგნები.

პირველი მსოფლიო ომის დროს საომარი მოქმედებების გაფართოებისა და ფრონტის ხაზის მოახლოებასთან ერთად, ოსმალეთის ჯარების თბილისში შემოჭრისა და სამუზეუმო ნივთებზე საშიშროების აცილების საბაბით, სერიოზულად იხილებოდა საქართველოს მუზეუმებიდან ექსპონატების რუსეთში გახიზვნის საკითხი. მართალია მასიურად ეს არ განხორციელებულა, მაგრამ ბევრი სამუზეუმო ნივთი, განსაკუთრებით სამხედრო-ისტორიული მუზეუმებიდან, ვაკუირებული იქნა ჩრდილოეთ კავკასიაში. ნივთების უმრავლესობას ქალაქ ეკატერინოდარში (ახლანდელი კრასნოდარი) მოუყარეს თავი.

1917 წლის ბოლოს მუზეუმის შენობის კონსტრუქციის სამუშაოები მხოლოდ "შაჟად" იყო დაშთავრებული. მაგრამ ბკოლოვინის გამზირზე, ნიკოლოზისა და ბარონის ქუჩებს შორის ქოდეჟ დიდხანს იდგა დაუშთავრებელი ვებერთელა შენობის ჩონჩხი.

* * *

როგორც ცნობილია, პირველი მსოფლიო ომი რუსეთში 1917 წლის თებერვლისა და ოქტომბრის რევოლუციებში გადაიზარდა, რასაც მოჰყვა მეფის რუსეთის იმპერიის დაშლა და განაპირა მხარეებში დამოუკიდებელი, ნაციონალური მმართველობის აღდგენა

³⁶⁹ სსმ არქივი, 1914 №71 გვ. 673.

³⁷⁰ საქართველოს მუზეუმის მოამბე, ტ. III, თბ., 1927, გ. 274.

ძველი სამყაროს ნგრევასთან ერთად, მთავრდება კავკასიის მუზეუმის ისტორია და იწყება ახალი ეტაპი საქართველოს სამუზეუმო ცხოვრებაში.

ამრიგად, კავკასიის მუზეუმის ისტორია მნიშვნელოვან მოვლენათა გათვალისწინებით შეიძლება 4 ეტაპად დაჯგოთ:

I ეტაპი (1864-1870 წწ) მოიცავს მისი დაარსებიდან პირველი სტაციონალური გამოფენის მოწყობამდე. კავკასიის კოლონიზაციის პროცესში ამ მხარის მეცნიერული შესწავლის საჭიროებამ, მეფის მთავრობას XIX საუკუნის 60-იან წლებში გადაადგმევინა ნაბიჯი რეგიონში სამეცნიერო-კვლევითი დაწესებულების შესაქმნელად. ამ მიზნის განხორციელებას დიდად შეუწყო ხელი იმ სამუზეუმო ტრადიციებმა, რომელიც ამ პერიოდისათვის უკვე არსებობდა თბილისში და ახალგაზრდა, საზღვარგარეთელი მეცნიერის გ. რადეს ენთუზიაზმმა. ხელისუფლებისა და იმდროინდელი სამეცნიერო საზოგადოების ძალისხმევით, მოხერხდა კავკასიის მუზეუმის ჩამოყალიბება, რაშიც გარკვეული როლი ითამაშა გეოგრაფიული საზოგადოების კავკასიის განყოფილების გაუქმებული მუზეუმის ფონდებში თავმოყრილმა მრალრიცხოვანმა საბუნებისმეტყველო და ჰუმანიტარული პროფილის ექსპონატებმა.

კავკასიის მუზეუმმა თავიდანვე ფართოდ გაშალა სამეცნიერო და მოძიებითი მუშაობა. მისი ფონდების დაკომპლექტებაში დიდი წვლილი შეიტანა სხვადასხვა საზოგადოებებისა და კერძო პირებისაგან შემოწირულმა ნივთებმა.

კავკასიის მუზეუმმა დაარსებიდან სულ მოკლე ხანში მოახერხა დაქირავებული სახლის სამ დარბაზში გაეხსნა დროებითი გამოფენა და გოდოეინის გამზირისა და ნიკოლოზის ქუჩის კუთხეში დაეწყო ერთსართულიანი, საკუთარი შენობის მშენებლობა. ამავე პერიოდში მოხდა კავკასიის მუზეუმისა და თბილისის საჯარო ბიბლიოთეკის ერთ დაწესებულებად გაერთიანება.

სწორად წარმართულმა სამეცნიერო და შემგროვებლობითმა სამუშაოებმა კავკასიის მუზეუმის მცირერიცხოვან კოლექტივს საშუალება მისცა 1870 წელს საკუთარ შენობაში გაეხსნა თავისი პირველი სტაციონალური გამოფენა.

II ეტაპი (1871-1881 წწ) ყველაზე ნაყოფიერი გამოდგა კავკასიის მუზეუმისათვის.

კავკასიის კოლონიზაციის გაძლიერებასთან ერთად, ხელისუფლება სულ უფრო მეტ დაინტერესებას იჩენდა კავკასიის მუზეუმისადმი. 1871 წელს დამტკიცდა მუზეუმის

ახალი ხარჯთაღრიცხვა და შტატები, რამაც კიდევ უფრო გააცხოველა მუზეუმის სამეცნიერო, საფონდო და საექსპოზიციო სამუშაოები.

მუზეუმის ახალი სტაციონალური ექსპოზიცია დიდი მოწონებით სარგებლობდა თბილისის საზოგადოებაში. მას სტუმრობდნენ იმპერიის პირველი პირები. მუზეუმმა გაზარდა თავისი მუშაობის მასშტაბები. მან საზღვარგარეთ გამოფენების მოწყობაშიც მიიღო მონაწილეობა.

მუზეუმის სამეცნიერო სამუშაოებში ებმებოდნენ მსოფლიოს თვალსაჩინო მეცნიერები. ისინი აქტიურ მონაწილეობას იღებდნენ ექსპონატთა განსაზღვრასა და მეცნიერულ დამუშავებაში.

გაფართოვდა აგრეთვე მოძიებით-შემგროვებლობითი სამუშაოები. მუზეუმის თანამშრომლები და მოწვეული სპეციალისტები კავკასიის თითქმის ყველა რეგიონში აწვობდნენ ექსპედიციებს და იქ მოძიებული ნივთებით ამდიდრებდნენ მუზეუმის ფონდებს. გარდა ამისა, მუზეუმის ფონდების შევსება ყოველწლიურად ხდებოდა ახალი ექსპონატების შესყიდვისა და შემოწირულობებით, რომელშიც მონაწილეობას იღებდა თბილისის საზოგადოების მოწინავე წარმომადგენლები.

მუზეუმისადმი ხელისუფლებისა და საზოგადოების აქტიური მხარდაჭერის გამოხატულება იყო ის, რომ 80-იან წლებში დაიწყო მუზეუმის შენობის გაფართოება. ერთსართულიან შენობას დაეშენა მეორე სართული, რითაც დიდად გაიზარდა საგამოფენო ფართი.

ყოველივე ამან, შესაძლებლობა მისცა მუზეუმს ახალი გამოფენებით ღირსეულად შეხვედროდა თბილისის V საერთაშორისო არქეოლოგიურ კონგრესს.

III ეტაპი (1882-1903 წწ) კავკასიის მუზეუმის ისტორიაში ემთხვევა მნიშვნელოვან ცვლილებებს კავკასიის მხარის მმართველობაში. რასაც მოჰყვა ადმინისტრაციული მკურველობისა და ბიუროკრატიული აპარატის გაძლიერების მკაცრი კურსი. მნიშვნელოვანი დაწესებულებები უშუალოდ ცენტრალურ უწყებებს დაექვემდებარნენ.

კავკასიის მუზეუმი და საჯარო ბიბლიოთეკა ახალ უწყებაში გადავიდნენ. 1884 წლის მაისში იმპერატორის მიერ დამტკიცებული მუზეუმის ახალი შტატებისა და ხარჯთაღრიცხვის თანახმად, ისინი იმპერიის განათლების სამინისტროს დაექვემდებარნენ, ხოლო სამეცნიერო სამუშაოთა ხაზით, საიპერატორო მეცნიერებათა აკადემიის სისტემაში შევიდნენ.


ამ პერიოდში კავკასიის მუზეუმის ფონდები და საჯარო ბიბლიოთეკის წიგნსაცავები სწრაფად მდიდრდებოდა ექსპონატებითა და წიგნებით. უდიდესი ყურადღება დაუთმო მუზეუმმა საკუთარი სამეცნიერო ბეჭდვითი პროდუქციის გამოცემას.

კავკასიის მუზეუმი და საჯარო ბიბლიოთეკა თანდათანობით იქცეოდა თბილისის საზოგადოების თავშეყრის და დასვენების სასურველ ადგილად. კავკასიაში ჩამოსული საპატიო სტუმრები პირველ რიგში აქ მოკყავდათ. იგი იქცა მთელი კავკასიის მასშტაბით მსხვილ, მრავალპროფილიან სამეცნიერო-საგანმანათლებლო დაწესებულებად, რომელთანაც თანამშრომლობდა ბევრი სახელოვანი მეცნიერი. მაგრამ სრულიად იგნორირებული იყო ნაციონალური კადრები. კავკასიის მუზეუმის მთელი ისტორიის მანძილზე აქ არც ერთ ქართველს არ უმუშავია. ეს არც შედიოდა ხელისუფლების იმპერიული პოლიტიკის მიზნებში

IV ეტაპი (1904—1919წწ) კავკასიის მუზეუმისათვის ყველაზე ნაკლებ ნაყოფიერი გამოდგა. იგი ემთხვევა იმპერატორ ნიკოლოზ II მიერ დამტკიცებულ კავკასიის მუზეუმისა და საჯარო ბიბლიოთეკის დებულების მიღებას. ამ პერიოდში მუზეუმის მოძველებულმა, ავარიულმა შენობამ აიძულა ხელისუფლება დაეწყო ახლის მშენებლობა, რაც ძალზე გაჭიანურდა. მანვე განსაკუთრებით მძიმე შედეგები იქონია I მსოფლიო ომის დაწყებაში და მისთან დაკავშირებულმა სამეურნეო სიძნელეებმა. კავკასიის მუზეუმმა თავისი გამოფენები დახურა და მხოლოდ მოძიებით სამუშაოებს აწარმოებდა.

რევოლუციური მოძრაობებისა და საყოველთაო ანარქიის პირობებში ხელისუფლების ყურადღება კავკასიის მუზეუმისადმი შესუსტდა. მხოლოდ საქართველოში ეროვნული სახელმწიფოებრიობის აღდგენის შემდეგ, გაჩნდა პირობები კავკასიის მუზეუმის დიდი პოტენციალის გამოყენებისა და მისი ქართველი ერის კულტურის სამსახურში ჩაყენებისა.


ამრიგად, დიდია კავკასიის მუზეუმის როლი საქართველოში სამუზეუმო საქმის მაღალ პროფესონალურ დონეზე აყვანის საქმეში. მან შეამზადა პირობები ეროვნული სამუზეუმო დაწესებულების ჩამოსაყალიბებლად. კავკასიის მუზეუმმა თავისი არსებობის მანძილზე უმნიშვნელოვანესი წყლილი შეიტანა ამ მხარის მატერიალური და სულიერი კულტურის ნიმუშების მოძიება-შეგროვებაში და შემდგომ თაობაზე გადაცემაში, რეგიონის ბუნების, ფლორისა და ფაუნის



იმპერატორი ნიკოლოზ II სამხედრო-დიდების მუზეუმში 1914წ.



სამხედრო-დიდების მუზეუმის გამოყენის გახსნა



კაკასიის მუზეუმის ეთნოგრაფიული გამოფენის დარბაზი



კაკასიის მუზეუმის ეზო

შესწავლაში, იგი დოდად უწყობდა ხელს კავკასიაში მეცნიერების ახალი დარგების—(განსაკუთრებით საბუნებისმეტყველოს), შექმნას და განვითარებას.

ამასთან ერთად, ისიც უნდა აღინიშნოს, რომ როგორც მეფის რუსეთის მიერ დაარსებული ყველა დაწესებულება, ისიც უპირველეს ყოვლისა მეტროპოლიის კოლონიურ ინტერესებს უმსახურებოდა და მისი იმპერიული ზრახვების მყარი დასაყრდენი იყო კავკასიაში.

ამიტომ, საქართველოს დამოუკიდებლობის მოპოვებისა და სახელმწიფოებრიობის აღდგენის შემდეგ, კავკასიის მუზეუმის ბაზაზე ეროვნული დაწესებულების შექმნის ამოცანა დადგა.



თავი III

ეროვნულ სამუზეუმო დაწესებულებათა ჩამოყალიბება.

§ 6. ქართველთა შორის წერა-კითხვის გამავრცელებელი საზოგადოების მუზეუმი.

საქართველოს ისტორიული კუთხეების ერთ სახელმწიფო საზღვრებში თავმოყრამ და სამეურნეო დაკავშირებამ ხელსაყრელი პირობები შეუქმნა ქართველი ერის კონსოლიდაციას, კულტურის ერთობის განმტკიცებასა და ეროვნული ცნობიერების ამაღლებას. ამ ბუნებრივ-ისტორიულ პროცესს XIX საუკუნის 80-იან წლებში ცარიზმის რეაქციული ძალების მხრიდან დაპირისპირება მოჰყვა, რაც გამოიხატა ყოველგვარი "ქართულის" და მისი საფუძვლის-ენის, რწმენის, განათლებისა და კულტურის წინააღმდეგ მიმართულ ქმედებებში.

ქართველმა საზოგადოებამ თვითმყრობელობის შემოტყეას ეროვნულ-განმათავისუფლებელი მოძრაობის ახალი ტალღით უპასუხა. ამ მოძრაობის მთავარ მიზნად ხალხის გამოვლინება, მათი თვითშეგნების, განათლებისა და კულტურის ამაღლება იქნა დასახული. ამ პერიოდში ქვეყნის ეროვნული ძალები აარსებდნენ კულტურულ-საგანმანათლებლო ხასიათის საზოგადოებებსა და დაწესებულებებს, რომლებიც დაპირისპირებულ რეაქციული ძალების წინააღმდეგ აფართოებდნენ ბრძოლის ასპარეზს და თავიანთი საქმიანობით აუხიზლებდნენ ხალხს, შექმნდათ მათში განათლება, კულტურა და უღვივებდნენ პატრიოტულ გრძნობებს. ყოველსავე ეს აჩქარებდა ერის სასიცოცხლო ძალების კონსოლიდაციის პროცესს.

ქართველი მოწინავე ინტელიგენციის თვითმოქმედების წარმმართველ ერთ-ერთ ასეთ ორგანიზაციად XIX საუკუნის 70-იანი წლების ბოლოს ჩამოყალიბდა ქართველთა შორის წერა-კითხვის გამავრცელებელი საზოგადოება. მასთან არის დაკავშირებული ახალი ტიპის, ეროვნული მუზეუმის ჩამოყალიბება.

როგორც ზევით აღვნიშნეთ, კავკასიის მუზეუმში ძირითადად დასაქმებული იყო რუსი და საზღვარგარეთელი სპეციალისტები ხოლო ქართველი საზოგადოებისათვის გაძნელებული იყო :

დაწესებულებასთან თანამშრომლობა. კავკასიის მუზეუმი ერთგვარად გარიყული აღმოჩნდა ადგილობრივი მოსახლეობისგან. ეს უკანასკნელი ვერ პოულობდა მასში თავისი ინტერესების გამოხატულებას. აქედან გამომდინარე XIX საუკუნის 70-იან წლების შუა ხანებში ქართველი ინტელიგენციის წინაშე დაისვა საკითხი ეროვნული სამუზეუმო დაწესებულების შექმნის შესახებ, რომელიც განსაკუთრებით მაიაკოვდა ყურადღებას ეროვნული მნიშვნელობის მქონე ნივთთა მოძიებასა და შეგროვებას, ისტორიული მემკვიდრეობის შესწავლას. ეს დიდად შეუწყობდა ხელს ქართველი ერის ცნობიერების ამაღლებას. 1875 წელს გაზეთი "დროება" წერდა: "ქარვად უნდა გვესმოდეს, რომ თითქმის ყოველ ძველებურ უბრალო ხელნაწერს, ყოველ ნივთს დიდი მნიშვნელობა აქვს ჩვენი ისტორიული ცხოვრების განსაცნობად... რომ ეს ჩვენი ისტორიული ცხოვრების მოგონება ახლანდელს ქართველებს გვაძინევენ, გვაკეთილშობილებს, სწორ გზაზე დადგომისთვის გვეხმარება".³⁷¹

ქართველი საზოგადოება ენერგიულად შეუდგა ეროვნული მუზეუმის დაფუძნებას. ამისთვის შეიქმნა კიდევ საინიციატივო ჯგუფი. იმდროინდელი პრესა იტყობინებოდა: "შევიტყუთ, რომ ჩვენს ქალაქში სდგება საზოგადოება, რომელსაც განსაკუთრებული მიზანი ექნებაო, რომ ტფილისში "ქართული მუზეუმი" გამართოსო: თავისი საშუალებით ეცდებო, რომ მოაგროვოს ერთ ალაგას ამ მუზეუმში ყველა ძველებური ხელთნაწერი წიგნები, აგრეთვე სიგელები, სხვადასხვა ღოკუმენტები და ნივთები, რომელთაც რაიმე ისტორიული ან ლიტერატურული მნიშვნელობა აქვთ და რომელნიც ახლა გაფანტულნი არიან ჩვენს ქვეყანაში და ტყუილუბრალოდ ფუჭდებიან".³⁷²

საზოგადოების სახელით სერგეი მესხი, ეხებოდა რა შიომღვიმის მონასტრიდან ძველი ხელნაწერების თბილისის სასულიერო სემინარიაში გადმოტანასა და მათი დაკარგვის საშიშროებას, განსაკუთრებით მიუთითებდა ეროვნულ ნიადაგზე მდგარი სამუზეუმო დაწესებულების შექმნის აუცილებლობაზე. იგი თავის სტატიაში "ხალხის სახსოვარის დაცვა" წერდა: "ჩვენი წინაპართა სახსოვარი შეიძლება ხვალ ვეღარ გადაარჩეს. ამის გამო ძალიან კარგი იქნება, ჩვენმა საზოგადოებამ (რადგან ეს საქმე უტყველია მთელ ხალხს

³⁷¹ გაზ. "დროება" 1875 წლის 21 თებერვალი, №23.

³⁷² გაზ. "დროება" 1878 წლის 22 სექტემბერი №191.

შეეხება) მოიგონოს ისეთი რამ საშუალება, რომ მუდამ ამ ეჭვებში და შიშში არ იყოს. ამისთანა საშუალება, ჩვენი აზრით, იქნება არხეოლოგიური მუზეუმის დაარსება. ამ არხეოლოგიურ მუზეუმში, რომლის გამგებლად და წევრებად, რასაკვირველია მხოლოდ ისეთი პირები იქნებიან, რომელთაც ნამდვილად შესტიყათ გული საქართველოს ისტორიისა და ხალხისათვის, შეიძლება შეინახოს და დაიცვას კაცმა ჩველაფერი, რაც შენახვისა და დაცვის ღირსი რამ დაუტოვებიათ ჩვენთვის ჩვენ წინაპართა.³⁷³

ახალი, ეროვნული შინაარსის მქონე მუზეუმის შექმნა სრულად შეესაბამებოდა ეროვნულ-განმათავისუფლებელი მოძრაობის იმ ეტაპს, რომელიც გამოიკვეთა 70-იან წლების ბოლოს. იმდროინდელი პრესის აზრით, იგი აუცილებელი იყო "მით უმეტეს, რომ ჩვენი "კაეკასიის მუზეუმი", რომელსაც დიდი საშუალება ეძლევა ხაზინიდან, ამ მხრით თითქმის არაფერს არ არიგებს; ამ მუზეუმის დირექტორი უფ. რადღე უფრო თავის ჯიბისთვის და თავის სადგომის მდიდრულად შემოკობისათვის ცდილობს, ვინემ მუზეუმის გამდიდრებისათვის."³⁷⁴

ახალი მუზეუმის შექმნა ითავა ქართველთა შორის წერაკითხვის გამავრცელებელმა საზოგადოებამ, რომლის დაარსების სათავეებთან იდგნენ: ილია ჭავჭავაძე, აკაკი წერეთელი, დიმიტრი ყიფიანი, იაკობ გოგებაშვილი, ნიკო ცხევედაძე, რაფიელ ერისთავი, ბესარიონ ღოღობერიძე და სხვები. მათ 1878 წლის 20 ივნისს მეფისნაცვლის მთავარი სამმართველოს უფროსს გენერალ-ლეიტენანტ დიმიტრი სტაროსელსკის 123 დამფუძნებელი პირის სახელით წარუდგინეს საზოგადოების წესდების პროექტი. საკითხის მრავალგზის განხილვის შემდეგ 1879 წლის 15 მაისს აღნიშნული დოკუმენტი დამტკიცდა.³⁷⁵

1878 წლის 15 მაისს თბილისის გუბერნიის საადგილმამულო ბანკის შენობაში, 45 დამფუძნებელი წევრის თანდასწრებით, შედგა ქართველთა შორის წერაკითხვის (შემდეგში შემოკლებით-ქ.შ.წ.კ.) გამავრცელებელი საზოგადოების პირველი საერთო კრება, რომელმაც საზოგადოების თავმჯდომარედ აირჩია დიმიტრი ყიფიანი, თავმჯდომარის ამხანაგად (მოადგილედ)-ილია ჭავჭავაძე, საზოგადოების მდივნად-ალ. სარაჯიშვილი, ხაზინადარად- რ. ერისთავი. საზოგადოების

³⁷³ გაზ. "დროება" 1879 წლის 29 სექტემბერი № 201.

³⁷⁴ გაზ. "დროება" 1878 წლის 22 სექტემბერი № 191.

³⁷⁵ საქართველოს ცენტრალური ისტორიული არქივი (შემდეგში - სცი არქივი) ფ. 481, ან. 1. საქ. 2532, ფ. 4.

გამგეობის პირველ წევრებად არჩეულნი იქნენ ნ. ცხევაძე, ალ. სარაჯიშვილი, ი. გოგებაშვილი. რ. ერისთავი და ი. მაჩაბელი.

ქ.შ.წ.კ. გამაერცვლებელი საზოგადოების შექმნის მთავარი ინიციატორი, ორგანიზატორი და ხელმძღვანელი იყო ილია ჭავჭავაძე. იგი ჯერ 1879-85 წლებში ასრულებდა საზოგადოების თავმჯდომარის მოადგილის მოვალეობას, ხოლო 1885 წლის მაისიდან გარდაცვალებამდე იყო მისი თავმჯდომარე. 1896 წელს ილია ჭავჭავაძეს ირჩევენ ქ.შ.წ.კ. გამაერცვლებელი საზოგადოების საპატიო წევრად. იგი აქტიურ მონაწილეობას იღებდა საზოგადოების მიერ მოწყობილ თითქმის ყველა ღონისძიებაში. შემდგომ მან თავისი ქონება და მდიდარი ბიბლიოთეკა ანდერძით დაუტოვა საზოგადოებას. საგურამოში იმ სახლში, სადაც ცხოვრობდა ილია--საზოგადოებამ სკოლა გახსნა.

ქ.შ.წ.კ. გამაერცვლებელ საზოგადოებას ხელმძღვანელობდა გამგეობა, რომლის წევრებსაც სამი წლის ვადით ირჩევდნენ. გამგეობის წევრებად სხედასხვა დროს იყვნენ: თ. ჟორდანიას, ი. მუხარგია, ი. ბაგრატიონი, გ. წერეთელი, ი. გამყრელიძე, დ. ბაქრაძე, ე. გაბაშვილი, გ. ქართველიშვილი, ა. ფურცელაძე, ზ. ჭიჭინაძე, ექ. თაყაიშვილი, მ. ჯანაშვილი, დ. კარიჭაშვილი, გ. თუშანიშვილი, ვ. თულაშვილი, ს. ფირცხალაყა, ი. ლორთქიფანიძე, გ. ყაზბეგი, ალ. ჭყონია, გ. უთურგაული, ივ. ზურაბაშვილი, გრ. ყიფშიძე, გ. იოსელიანი, ელ. მიქელაძე და სხვები.

საზოგადოება შედგებოდა დაბუფანებელი, საპატიო, ნამდვილი და დამხმარე წევრებისაგან. ქ.შ.წ.კ. გამაერცვლებელი საზოგადოების წევრთა რაოდენობა პირველი 20 წლის განმავლობაში ასე გამოიყურებოდა: (ცხრილი 12)³⁷⁶

წლები	1879	1880	1881	1885	1886	1890	1891	1892	1893	1898	1903
წევრები	245	282	311	381	416	453	490	512	512	518	919

საზოგადოების სამოქმედო მიზანი გაცხადებული იყო მის წესდებაში: "ხელი შეეწყოს წერა-კითხვისა და დასაწყისის განათლების გავრცელებას კავკასიის სანამესტრიკოს მკვიდრ ქართველთა შორის"³⁷⁷ ამ მიზნის განსახორციელებლად საზოგადოება "გახსნიდა ახალ სკოლებს, დახმარებას გაუწევდა

³⁷⁶ ცხრილი შედგენილია ქ.შ.წ.კ. გამაერცვლებელი საზოგადოების ანგარიშების მიხედვით.

³⁷⁷ წესდება კავკასიის სანამესტრიკოს მკვიდრ ქ.შ.წ.კ. გამაერცვლებელი ტყილისის საზოგადოებისა, ტფ., 1904, გვ. 2.

მოქმედ სასწავლო დაწესებულებებს, გამართავდა საკითხავს ხალხისათვის და სახალხო სამკითხველოებს”.³⁷⁸ მას შეეძლო აგრეთვე დაებეჭდა სახელმძღვანელოები და წიგნები.

გამგეობის საქმიანობას პრაქტიკულად წარმართავდა საზოგადოების თავმჯდომარე, როგორც აღენიშნეთ, საზოგადოების პირველ თავმჯდომარედ აირჩიეს დ. ყიფიანი.

ლიბიტრი ივანეს-ძე ყიფიანი (1811-1887წ.წ.) გამოჩენილი საზოგადო მოღვაწე პუბლიცისტი, მთარგმნელი 1830 წელს თბილისის კეთილშობილთა სასწავლებლის დაამთავრების შემდეგ მუშაობს მასწავლებლად. 1832 წლის შეთქმულებაში მონაწილეობისათვის გადაასახლეს ვილოვდაში. სამშობლოში დაბრუნების შემდეგ მუშაობას იწყებს შეფისნაცვლის კანცელარიაში და ხდება მ. ეორონცოვის ლიბერალური პოლიტიკის მხარდამტკიცრი. სახელმწიფო სამსახურში 33 წლის მანძილზე დ. ყიფიანმა კანცელარიის უბრალო მოხელედან-შეფისნაცვლის საბჭოს წევრობამდე მიაღწია. ასევე წარმატებული იყო მისი საზოგადოებრივი მოღვაწეობაც. წარმოშობით აზნაური, ქართლ-კახეთის და იმერეთის ბრწყინვალე წოდების მეთაური გახდა: 1864-70 წლებში იყო თბილისის გუბერნიის თავადაზნაურთა წინამძღოლი, 1876-79 წლებში-თბილისის კალაქის თავი, ხოლო 1885-86 წლებში-ქუთაისის თავადაზნაურთა წინამძღოლი.³⁷⁹ მიაჩნდა რა ერის ცნობიერების ამაღლებისათვის საჭირო იყო კულტურულ-საგანმანათლებლო დაწესებულებათა აღორძინება, იგი სათავეში ჩაუდგა მრავალ საშვილიშვილო საქმეს იყო ქართული თეატრის, ბანკის, ჟურნალ “ცისკრის”, ბიბლიოთეკის და სხვათა დამაარსებელი. აქტიურად მონაწილეობდა ბატონყმობის გაუქმების მოზარდებაში.

დ. ყიფიანმა, როგორც ეროვნულ-განმანათლებლებელი მოძრაობის ერთ-ერთმა თვალსაჩინო ხელმძღვანელმა, თავისი მოღვაწეობით და მოწამობორივი სიკეთილით უდიდესი კვალი დაამტკიცა XIX საუკუნის ქართულ საზოგადოებრივ ცხოვრებასა და ეროვნულ აზროვნებას. ილია ჭავჭავაძემ მას “წვენი ხუროთმოძღვარი” უწოდა.

შესწორებული, მეორედ მიღებული წესდების “ე” პუნქტის მიხედვით, ქ.შ.წ.კ. გამაერცვლებელი საზოგადოება “აარსებდა მუზეუმს და ბიბლიოთეკას საყოველთაო სარგებლობისათვის”.³⁸⁰

საზოგადოებამ თავიდანვე ენერგიული მუშაობა გააჩადა ქართული სკოლებისა და სამკითხველოების შესაქმნელად. 1880 წლის 5 აპრილს გამგეობამ მიიღო გადაწყვეტილება საზოგადოების კანცელარიასთან, სამწიგნობროს(ბიბლიოთეკის)

³⁷⁸ წესდება კავკასიის სამეფისნაცვლოს ქ.შ.წ.კ. გამაერცვლებელი საზოგადოებისა. ტფ., 1907, გვ. 5.

³⁷⁹ ხუნდაძე ს., ლიბიტრი ყიფიანი, ობ., 1936. გვ. 65.

³⁸⁰ წესდება კავკასიის ქ.შ.წ.კ. საზოგადოებისა. ტფ., 1907, გვ. 5.

დაარსების შესახებ, სადაც თავს მოიყრიდა ძველი ქართული ხელნაწერები და ნაბეჭდი წიგნები.

ქართველმა საზოგადოებამ გულთან ახლოს მიიტანა წერაკითხვის გამავრცელებელი საზოგადოების ეს საქმიანობა და აქტიურად დაუჭირა მხარი. ინტელიგენციის მოწინავე წარმომადგენლები უსასყიდლოდ გადასცემდნენ მას ძველ ხელნაწერებს, წიგნებს თუ ისტორიული ღირებულების მქონე ნივთებს.

პირველსავე წლებში საზოგადოების საცავებში გაზეთ "ივერიის" ცნობით, ბევრი სამუშაო მოსალა შემოსულა, "რომელთა რიცხვში ბევრი ძვირფასი არხეოლოგიური და საისტორიო განძი ურია". ბიბლიოთეკას ივანე ალექსიმესხიშვილმა შესწირა 55 ძველი ხელნაწერი, რაფიელ ერისთავმა — თავისი ნაწარმოებები, ივანე მუხრანსკიმ და გიორგი ქართველიშვილმა კი — გარკვეული თანხა და კანცელიარიისთვის საჭირო ნივთები.³⁸¹

უდიდესი მნიშვნელობა ექონდა საზოგადოების ციხისა ციხისთვის ნიკო დადიანის მდიდარი ბიბლიოთეკის გადაცემას. ამ შემოწირულობაში 169 მნიშვნელოვანი ხელნაწერი და 20-ზე მეტი ნაბეჭდი წიგნი ირიცხებოდა. მათ თბილისში ჩამოსატანად იონა შეუნარგია და თვით ილია ჭავჭავაძე ჩაეიფნენ სამეგრელოში, დადიანების საზაფხულო რეზიდენციაში — სოფელ გორდში. ამავე წელს საქარია ჭიჭინაძისგან საზოგადოებამ შეიძინა ძველი ნაბეჭდი წიგნები.

ქ.შ.წ.კ. გამავრცელებელი საზოგადოების წევრები საქართველოს თითქმის ყველა კუთხეში დიდი ენთუზიაზმით აგროვებდნენ ძველ ხელნაწერებსა და წიგნებს. მათ შესწავლა-დამუშავებაში მონაწილეობა მიიღეს ჯერ დ. აქრაძემ და ნ. მთვარელიშვილმა, შემდეგ კი — ე. თაყაიშვილმა და დ. კარიჭაშვილმა.

საზოგადოების სამწიგნობრო (ბიბლიოთეკა) სწრაფად იზრდებოდა. პირველ წლებში აქ შემოსული წიგნების რაოდენობა შექვევს იყო: (ცხრილი 13)³⁸².

წლები:	1883	1886	1887	1888	1889	1892	1893	1894	1897	1898
წიგნები:	400	940	1020	1187	1259	2270	2601	2770	3154	3213

³⁸¹ გაზ. "ივერია", 1883 წ. აგვისტო, № 8.

³⁸² ცხრილი შედგენილია ქ.შ.წ.კ. გამავრცელებელი საზოგადოების ანგარიშების მიხედვით.

ხელნაწერებისა და წიგნების უმრავლესობა შემოწირულობებით იქნა მიღებული. პირველ შემოწირველებიდან საზოგადოების ანგარიშებში მოხსენიებული არიან: ვასილ ოქონელი, მიხეილ სარაჯიშვილი, ვასილ სულხანიშვილი, ნიკო მაჭავარიანი, ლუკა ისარლიშვილი, გიორგი საძაგლიშვილი, კონსტ. ბაგრატიონ-მუხრანსკი, მიხ. თამაშვევი, ასლან წულუკიძე, კირსლე ლორთქიფანიძე და სხვები.³⁸³

1885 წელს საზოგადოების წიგნთსაცავთან (ბიბლიოთეკასთან) საფუძველი ჩაეყარა მუსეუმს და ორივე ამ უჯრედს წიგნსაცავ-მუზეუმად მოიხსენიებდნენ. "წიგნსაცავ-მუზეუმი, სადაც იკრიბება ყოველნაირი ნაშთი ჩვენის წარსულის ცხოვრებისა" სწრაფად იქცა ქ.შ.წ. საზოგადოების კეთილშობილური მიზნების განხორციელების ერთერთ მნიშვნელოვან რგოლად, ყურადღებისა და ზრუნვის საგნად.

საზოგადოების წევრებს ისტორიული მნიშვნელობის მქონე ხელნაწერების, ნივთების, არქეოლოგიური, ეთნოგრაფიული და ნუმიზმატიკური მასალების შეგროვებაში თავიანთი შემოწირულობებით დახმარებას უწევდა მოსახლეობა ქართველი საზოგადოებრიობა დიდად იყო დაინტერესებული, რომ სწორედ წერა-კითხვის გამავრცელებელი საზოგადოების ბიბლიოთეკა-მუზეუმში მოეყარა თავი ერის კულტურულ მემკვიდრეობას. ისინი პრესის ფურცლებიდან მოუწოდებდნენ მოსახლეობას ისტორიული მნიშვნელობის მქონე ნივთები საჩუქრად გადაეცათ მუზეუმისათვის და გადაექციათ იგი ეროვნულ საგანძურად.

ერთ-ერთი პირველი საყურადღებო ექსპონატი, რომელიმაც დაიღო ბინა აღნიშნულ მუსეუმში იყო ვრცელე მეფის ნაქონი თოფი. მის შესახებ გაზეთი "ღროება" წერდა: "მეფე ირაკლის თოფი, რომელიც კახეთის თავადაზნაურობამ 2000 მანეთად იყიდა და განსვენებულს კახაისის გმირსა და მთავარმართებელს თავად ბარიატინსკის მიართვა, როცა მან შაშილის წინააღმდეგ ლაშქრობა დაამთავრა, დღეს ამ თოფის მფლობელს განუზრახავს ისევ საქართველოს დაუბრუნოს და საყვარელი მეფის ნაქონი ნივთი ისევ საქართველოს შვილთ ინახულონ ხოლმე სასწავლებლად და საგულისხმეოდ . . . უმჯობესი იქნება, რომ ამგვარი წმინდა ქართულის

³⁸³ ხუნდაძე ტ., ქართველთა შორის წერა-კითხვის გამავრცელებელი საზოგადოება, თბ., 1960, გვ. 65.

მნიშვნელობის მქონე ძველი სახსოვარი შეწირულ ექნეს წ/კ „ამაერცვლებელ საზოგადოებას და ბიბლიოთეკას“.³⁸⁴

ასევე მნიშვნელოვანი იყო თელავიდან შემოწირული თამარ მეფის დროინდელი მონეტები, „რომელიც არის ძლიერ და ძლიერ ძვირფასი მთელი ქართველობისათვის“.³⁸⁵

1885 წელს ქ.შ.წ.კ. გამაერცვლებელი საზოგადოების გამგეობა მადლობას უხდოდა: დიმ. ბაქრაძეს, გ. საძაგლიშვილს, რაფ. ერისთავს და პ. კარბელაშვილს სამუზეუმო სიძველეთა გადმოცემისათვის. შემოწირული ნივთებიდან განსაკუთრებით აღსანიშნავი ყოფილა გიორგი საძაგლიშვილის მიერ გადაცემული მინის სურა, რომლის შესახებაც გაზეთი „დროება“ აღნიშნავდა: მუზეუმის პატარა ვიტრინაში, რომელიც ხავსუა სხვადასხვა შესანიშნავის და იშვიათის ხელთნაწერებით, ძველი ისტორიულისა და არხეოლოგიური მნიშვნელობის ნივთებიც იკრიფება და გროვდება. ამ დღეებში ამ მუზეუმს მოსვლია ერთი ვერცხლის სურის გვარი მინის ჭურჭელი, რომელიც ოქროს ვარაყით არის შემკული. ვარაყი წარმოადგენს ვაზის ფოთლებს და ერთ ალაგს სურას ვარაყით აწერია: მეფის-ქე იულონი“.³⁸⁶

ამ პერიოდში რაფიელ ერისთავსაც შეუწირავს დავით რექტორის (აღუქსი-შესხიშვილის) მემორიალური ნივთები—საწერი მოწყობილობის კომპლექტი და ნუმიზმატიკური კოლექცია.

ქართული პრესა ხშირად მოუწოდებდა თავის მკითხველებს, რომ უფრო აქტიურად ჩაბმულიყვნენ მუზეუმის ფონდების გამდიდრებაში. ილიას „ივერია“ სისტემატურად აცხადებდა შემოწირულობათა მიღების ადგილს: „ვინც ნივთების შემოწირვას ისურვებს, წერა-კითხვის საზოგადოებისაყის გოხოვთ კეთილ-ინებოს და გამოგზავნოს შემოწირულობა კენიანა ოჯღა თადგოზის ასულის ჭაგჭავაძის სახელობაზე (ეკუკაში, ნიკოლოზის ქუჩაზედ, ვორონცოვის ძეგლის პირდაპირ თ. გრუზინსკისეულ სახლებში“³⁸⁷ გაზეთი ყოველთვის კებას ასახიდა შემომწირელებს და ცდილობდა სხვებიც წაეძეებინა: „პატივცემული თავადი რაფიელ ერისთავი, რომელმაც შემოსწირა კოლექცია, ამით საუკეთესო მაგალითს უჩვენებს იმ პირთა, რომელთა სახლში ბევრგვარი საარხეოლოგიო და

³⁸⁴ გაზ. „დროება“ 1884 წლის 3 ივლისი №142.

³⁸⁵ გაზ. „დროება“ 1885 წლის 29 თებერვალი, №29.

³⁸⁶ გაზ. „დროება“, 1884 წლის 26 აგვისტო, № 186

³⁸⁷ გაზ. „ივერია“, 1891 წლის 26 აპრილი, №87.

სანიტორიო განძი მოუპოვებათ, ძველთა დროთა მოსაგონარი და არ ემეტებათ, რომ იგი მთელს ქვეყანას დაუბრუნონ წ/კ საზოგადოების შუამავლობით, ან და არ იციან რა დიდი მნიშვნელობა აქვს იმ გარემოებას, რომ ერთ ალბაგას შეკრებილი იქნება ყოველივე სახსოვარი და მოსაგონებელი ჩვენი წინაპართა მოღვაწეობისა წარსულში.³⁸⁸

180-იანი წლებში მუზეუმის ფონდები განსაკუთრებით მდიდრდებოდა ნუმიზმატიკური მასალით. აღსანიშნავია 1887 წელს იე. ბართოლომეის მიერ მუზეუმისათვის შემოწირული მდიდარი ნუმიზმატიკური კოლექცია, რომელიც დიღომში აღმოჩნდა. მასში ირიცხებოდა 474 მონეტა. “ივერიის” ცნობით: “ამ ფულში 67 არის მეფის გიორგის დროისა, 204—თამარ მეფისა, 170—გიორგი ლაშისა და 23 ადურბეიჯანის სხვადასხვა მამადიან მფლობელთა დროისაა”.³⁸⁹

სულ რამდენიმე წელში საზოგადოების მუზეუმში უკვე იმდენი მონეტა დაგროვდა, რომ 1887 წელს დაისვა საკითხი ნუმიზმატიკური კაბინეტის ცალკე უჯრედად გამოყოფის შესახებ.

1890—91 წლებში მუზეუმისთვის მნიშვნელოვანი ნუმიზმატიკური და არქეოლოგიური მასალა შეუწირავს გრიგოლ გურიელს. კოლექციაში შედიოდა: 7 ყურცხლის მონეტა, მათ შორის ერთი ბაქარის ჯროს მოჭრილი, 10 ცალი ეტონი, რამდენიმე ბრინჯაოს ცული, ისრის პირი, თიხის ჭურჭელი, ძველებური კრიალოსანი და რკინის შუბი. ეს უკანასკნელი, გადმოცემის მიხედვით, ეკუთვნოდა მურვან ყარუს. გიორგი ტატიშვილმა მუზეუმს შესწირა ანტიკური ხანის ბერძნული მონეტები, კონდ. ინასარიძემ—თეიმურაზ II დროს მოჭრილი მონეტა, ბეს. ნიჭარაძემ კი—სვანეთში აღმოჩენილი ისრის პირები.³⁹⁰

1891 წელს რაფიელ ერისთავმა კიდევ ერთხელ გაიღო შემოწირულობა. ამჯერად მან საზოგადოებას გადასცა თავისი მდიდარი ბიბლიოთეკა, რომელიც შედგებოდა ათასზე მეტი წიგნისაგან.

მომდევნო წელს საზოგადოების წიგნსაცავ-მუზეუმს მ. ამირაძემ შესწირა 26 ხელნაწერი, აღ. როინიშვილმა—ძველებური ეერცხლის დოქი; ძველი სიბეულ-გუჯრები და დოკუმენტები; გ.

³⁸⁸ გაზ. “დროება”, 1884 წლის 12 სექტემბერი, № 197.

³⁸⁹ გაზ. “ივერია”, 1887 წლის 23 მაისი, № 101.

³⁹⁰ ქ.შ.წ.კ. გამაერცხლებელი საზოგადოების 1891 წლის ანგარიში, გვ.

საბაგლიშვილმა—ხელნაწერები, მონეტები და მცხეთაში აღმოჩენილი ანტიკური ხანის სარდლონის ქვა აფროდიტეს გამოსახულებით; ოლღა ჭავჭავაძემ—მხატვარ გაგარინის მიერ შესრულებული შოთა რუსთაველის პორტრეტი; მ. საბინინმა—სამი ისტორიული ხელნაწერი; ქ. ზარაფოვმა შუა საუკუნეების დროინდელი ქართული და სპარსული მონეტები; თედო სახოკიამ—ორი ძველებური სიგელი; ე. ყიფიანმა—ძველი ქართული ისტორიული დოკუმენტები და სხვა.³⁹¹

1893 წელს დაეთო ჩუბინაშვილის შემკვიდრებმა საზოგადოების წიგნსაცავს გადასცეს დიდი მეცნიერის ბიბლიოთეკიდან 282 ერთეული წიგნი.

მუზეუმში შემოსულ ექსპონატებზე ცნობები ფართოდ შექდებოდა საზოგადოების ანგარიშებში და ქართულ პრესაში. “ივერია” განსაკუთრებით ხაზს უსვამდა იმ ფაქტს, რომ “მუზეუმში და ბიბლიოთეკა დღითი-დღე მატებასა და ზრდაშია სხვადასხვა კუთხიდან მოსდის ძველი ხელთნაწერები თუ ძველი საარხეოლოგიო ნივთი”.³⁹² საზოგადოების გამგეობა სხვადასხვა გაზუთების მეშვეობით “გულითად მადლობას უძღვნიდა შემოქმედებელს”.

1893 წელს ალექსანდრე როინაშვილის შემოწირულობის შესახებ გამოქვეყნებულ ცნობაში ნათქვამია: “ამ მდიდარს შემოწირულობაზე, რომელიც 50000 მანეთად ღირს, ჩვენ ახლა მხოლოდ იმას ვიტყვით, რომ ბ-მა როინაშვილმა ჩააყარა მტკიცე საძირკველი დილისა და სახელოვანი საქმისა. მან დაამტკიცა, რომ დმერთს უხვად მიუნიჭებია მისთვის ძვირფასი და წმინდა გრძნობა ამ გრძნობას ეწოდება—ერის ერთგულება, ქვეყნის სიყვარული”.³⁹³

ისტორიული ნივთების მოპიებისა და შეკრების გარდა ქ.შ.წ.კ. გამაერცვლებელი საზოგადოება ბევრი საზოგადო საქმის მოთავე იყო: 1893 წელს მისი ინიციატივით განჯიდან გადმოასვენეს დიდი ქართველი პოეტის ნიკოლოზ ბარათაშვილის ნეშტი, 1895 წელს საზოგადოების ძალისხმევით აღინიშნა კრწანისის ბრძოლის 100 წლისთავი, რაჟიველ ერისთავის 50 წლის იუბილე და სხვა.

საზოგადოების ფონდსაცავების გაძლიერება შექდებულ წლებშიც გრძელდებოდა: წიგნსაცავმა პლატონ იოსელიანის ქერივისაგან 1896 წელს მიიღო დიდი ისტორიკოსის ბიბლიოთეკა

³⁹¹ ქ.შ.წ.კ. გამაერცვლებელი საზოგადოების 1892 წლის ანგარიში, გვ. 20

³⁹² გაზ. “ივერია”, 1886 წლის 12 ნოემბერი, №245.

³⁹³ გაზ. “ივერია”, 1893 წლის 12 ოქტომბერი, №217.

და მეუღლის სხვადასხვა ქალღლები—”შეტად ძვირფასნი საქართველოს ისტორიისათვის”. ალავერდის ეპისკოპოსმა ალექსანდრემ მუზეუმს შემოსწირა მნიშვნელოვანი არქეოლოგიური და ნუმიზმატიკური ნივთები. ზემოთ ჩამოთვლილი პირების გარდა, ამ წელს შემოსწირავეთა შორის მოიხსენიებიან: მთავარი დიაკვანი ნ. ოქრომჭველიშვილი, ანტ. ფურცელაძე, ი. მაჭავარიანი, კ. თავართქილაძე, ნ. ასათიანი, ქრ. მამაცაშვილი, დ. პავლიაშვილი, სპ. ბასილაშვილი, ა. თულაშვილი, ს. გამრეკელი და სხვები.

{ შეწირულობათა გაღებაში თავი გამოუჩინათ აგრეთვე მანდილოსნებსაც: ნინო ორბელიანი, მარიამ ლეონიძეს, ელენე მირიანაშვილს, ნინო ნიჟარაძეს და სხვებს.³⁹⁴

საქართველოს ისტორიისათვის შეტად საყურადღებო დოკუმენტები, ძველი სიგელ-გუჯრები და ნუმიზმატიკური მასალა შესწირეს 1897 წელს წიგნსაცავ—მუზეუმს ელ. ყაზბეგმა, ლ. რაზიკაშვილმა, ყიფშიძემ, გრ. ჯაფახიშვილმა, ალ. დოდაშვილმა, ვ. ბარნოვმა, პ. მირიანაშვილმა, მიხ. საბინინმა, კ. აბაშიძემ, ბარნ. ფურცელაძემ, თ. რაზიკაშვილმა, ა. თარხან-მოურავმა, ტ. მომცემლიძემ და ს. დალაქიშვილმა.³⁹⁵

1898 წელს გარდაიცვალა ალ. როინაშვილი და მთელი “მისი არქეოლოგიური და ნუმიზმატიკური კოლექცია, როგორც სხვა ყოველივე მისი შეძლება, შეიქმნა საკუთრებად წ/კ საზოგადოებისა”. ამ ფაქტს წ/კ საზოგადოებამ ისეთი დიდი მნიშვნელობა მიანიჭა, რომ თავის ერთ-ერთ ანგარიშში აღნიშნა: “ამის გამო ციგნსაცავი გადაიქცა ნამდვილ მუზეუმად”.

ალექსანდრე სოლომონის-ძე როინაშვილი (1846-1898წწ) ქართული ფოტოგრაფიის ფუძემდებელი, საზოგადო მოღვაწე, ქველმოქმედი. 50-იანი წლებში დასახლდა თბილისში და მხატვარ ვ. ხლამოვის ხელმძღვანელობით დაეუფლა ფერწერისა და ფოტოგრაფიის ხელოვნებას. 60-იან წლებში მან ურეკნის მოკვანზე გახსნა ფოტოსახელოსნო “რემპრანტი”, რომელიც პოპულარულ ფოტო-ატელიელ იქნა თბილისში. ა. როინიშვილმა ეროვნული შინაარსის ფოტოსურათების შესაქმნელად ფეხით შემოიარა საქართველოს თითქმის ყველა კუთხე. ხელებისა და პეიზაჟების გარდა იღებდა ეთნოგრაფიულ, ყოფითი ხასიათის სურათებს, ტიპაჟებს. სულ მოკლე ხანში მას მდიდარი კოლექციის შეგროვება შეძლო. მისი შემოქმედება გამსჭვალული იყო საშობლოსადმი სიყვარულით. ა. როინაშვილის

³⁹⁴ ქ.შ.წ.კ. გამაერცვლებელი საზოგადოების 1896 წლის ანგარიში, გვ. 28.

³⁹⁵ ქ.შ.წ.კ. გამაერცვლებელი საზოგადოების 1897 წლის ანგარიში, გვ. 38.

ობიექტის არ გამოპარვია იმდროინდელი საქართველოს არც ერთი მნიშვნელოვანი მოვლენა, არც ერთი მისი თანამედროვე ცნობილი პიროვნება. ასევე პატრიოტული სულიკეთებით იყო აღსავსე მისი საზოგადოებრივი საქმიანობაც. ქართული სიძველეების დიდმა მოტრფილემ, დაუოკებელმა შემგროვებელმა და პოპულარიზატორმა მიზნად დაისახა თავისი კერძო არქეოლოგიური მუზეუმის შექმნა. ამ მიზნის განხორციელებას მან ბევრი ენერგია და ღირს შეაღწია. მის მიერ მოძიებულ და შეგროვებულ კოლექციებში ბევრი პირველხარისხოვანი და მნიშვნელოვანი ხელნაწერი თუ ისტორიული ნივთი მოაპოვებოდა. ამ მუზეუმს საზოგადოებაში "მცირე კავკასიის მუსეუმსაც" უწოდებდნენ. მუზეუმის ნივთებით იგი ხშირად აწყობდა მოძრა გამოფენებს, როგორც საქართველოს, ისე მის ფარგლებს გარეთაც. 1875 წელს მან მთაწყო ვქსაონიცია ასტრახანსა და სამარაში, 1885 წელს—დაღესტანში, ქალაქ თემურ-ხანშურში, ხოლო 1887—წელს მოსკოვსა და პეტერბურგში.

ასევე დიდაა აღ. როინიშვილის დამსახურება საქართველოში საერთოდ სამუზეუმო საქმიანობის განვითარებაში. იგი დიდი ენთუზიაზმით იღწეოდა ეროვნული სამუზეუმო დაწესებულების, "საერო სახლის" შექმნისათვის. ამ საკითხის მოსაგვარებლად იგი სისტემატურად გამოდიოდა პრესის ფურცლებზე. როგორც ქველმოქმედი თავისი შეკრებილი ექსპონატებით ამარაგებდა და მატერიალურ დახმარებას უწედა სხვა მუზეუმებს. საზოგადოებამ ერთხმად აღიარა მისი დიდი მატულიშვილობა. მის დიდ სიძველეზე ხშირად მიუთითებდა ილია: "არარაისაგან შეიძინა ქონება და ჩვენ ქართველებს მაგალითი გვიჩვენა იმისი, თუ რის შემბლებელია ცალკე კაცი, თუ იმხნეებს და გაიოჯება . . . გროშს გროშზე აწეებდა და ბოლოს თავის ნაღვან-ნამაგვეი, პატროსანის შრომით მოგებული, თავის ქვეყანას მაართა კულ მთლად თავისის : ქვეყნის საკურთხეველზე დასდვა შესაწირად".³⁹⁶ წ/კ. საზოგადოებამ დიდუბის პანთეონში ძველი დაუდგა წარწერით: "სამაგალითო ქველმოქმედს და თავის ქვეყნისათვის სიყვარულით საესეს, აღგქსანდრე როინაშვილს".

1898 წელს მნიშვნელოვანი ისტორიული ღირებულების მქონე ხელნაწერების შემომწირავთა შორის დასახელებული არიან: კირიონ ეპისკოპოსი, თ. სახოკია, ფ. გურიელი, ი. გვარამაძე, გ. დიასამაძე, მ. გეხტმანა, ი. კალანდაძე, პ. ტატიშვილი, ვ. კალატოზიშვილი, ელ. ჩერქეზიშვილი, გ. დარჩიაშვილი, დ. ჯანდიერი და დ. მიქელაძე.³⁹⁷

ისტორიულ ნივთების და ძველი მონეტების შემოწირვისთვის საზოგადოება მადლობით მოიხსენიებდა ან. ფურცელაძეს, ნ.

³⁹⁶ ჭავჭავაძე ი., თხზ. ორტომეული, ტ. 2, გვ. 243

³⁹⁷ ქ.შ.წ.კ. გამაერცლებელი საზოგადოების 1898 წლის ანგარიში, გვ.

მათიკაშვილს, ზ. ჩხიკვაძეს, ფ. ლალიაშვილს, გ. ყაჯარღუზოვს და ბ. კარდიაშვილს, ი. ციციშვილს და მ. ზუღგენიძეს.³⁹⁸

1899 წლის შემოწირულობებიდან განსაკუთრებით საინტერესო იყო: თედო ჟორდანიას მიერ გადაცემული იმერეთის მეფის სოლომონ მეორის 19 ცალი წერილი, იოსებ მერკვილაძისგან მიღებული სამურაის იაპონური ხმალი, კოტე ყიფიანისგან—ალბომი, მარი ბროსეს საქართველოში მოგზაურობის შესახებ, ვასილ კალატოზიშვილისგან—1796 წლის სიგელი და აგრეთვე გრ. ბასილაშვილის, სპ. დავაძის, თ. ყიფშიძის, მ. ჯავახიშვილის, ნ. ლომოურის, ქ. ხერხეულიძის და ა. წერეთლის მიერ შემოწირული სამუზეუმო მასალა.³⁹⁹

ახალი საუკუნის დამდეგს საზოგადოების მუზეუმში შესულ მასალიდან მნიშვნელოვანი იყო რ. ბარამიძის, ევ. ბერიძის, ი. საყვარელიძის, თ. ჯორჯაძის, გ. ყიფშიძის და პ. მირიანაშვილის მიერ გადმოცემული ექიპონატები.⁴⁰⁰ 1900 წელს თათრახან დადუშქელიანმა სვანეთში აღმოჩენილი ნუმისმატიკურ კოლექცია გადასცა მუზეუმს.⁴⁰¹

(მუზეუმის ფონდსაცავებში თავი მოიყარა საქართველოს ისტორიის შესწავლისათვის ბევრმა უმნიშვნელოვანესმა დოკუმენტმა! აქ ირიცხებოდა ხელნაწერები: ამბროსი ნეკრესელის მიერ გადაწერილი ისტორიული თხზულება "ცხოვრება და მოქალაქეობა წმ. მამისა ჩვენისა და მოციქულთა სწორისა ბაგრატისი", მოძიებული პ. კარბელაშვილის მიერ; ალ. იოსელიანის მეუღლის ანას მიერ გადაწერილი XII საუკუნის კარაბადინი; უძველესი ხელნაწერი "დილარიანი"; საინვენტარო დავთარში 413 ნომრით გატარებული ექვთიმე მთაწმინდელის მიერ ბერძნულიდან თარგმანი XI საუკუნის ხელნაწერი; № 421—მაქსიმე აღმსარებლის კითხვა-მოგება (XI ს.); № 423—იოანე ოქროპირის თარგმანებათა იოანეს სახარებისა (XII ს.); № 425—მიქაელ მოღრეკელის იადგარო (X ს.); ახალი "ქართლის ცხოვრების" ავტორების სეხნია ჩხვიძისა და პაპუნა არბელიანის თხზულებანი და სხვა

(ამ ხელნაწერთა ყოველმხრივ შესწავლის შედეგად ქართველი ერის ისტორიის ბევრ უმნიშვნელოვან საკითხს

³⁹⁸ გაზ. "იურია" 1898 წლის 29 იანვარი, №21.

³⁹⁹ ქ.მ.წ.კ. გამაერცვლებელი საზოგადოების 1899 წლის ანგარიში, გვ. 63.

⁴⁰⁰ ქ.მ.წ.კ. გამაერცვლებელი საზოგადოების 1900 წლის ანგარიში, გვ. 44.

⁴⁰¹ გაზ. "ცნობის ფურცელი", 1900 წლის 11 ივლისი, №1177.

მოეფინა ნათელი იმის წარმოსადგენად რა დიდი მნიშვნელობა ჰქონდა მუზეუმის საცავებში დაცულ ექსპონატებს, დიმიტრი ბაქრაძის 1884 წელს მიკვლეულ და წ/კ საზოგადოების მიერ შექმნილ, მარიამ დედოფლისათვის გადაწერილი "ქართლის ცხოვრების" ხელნაწერიც კმარა. იგი მეტად საყურადღებო აღმოჩნდა ამ ისტორიული წყაროს თარიღის გასარკვევად. დადგინდა, რომ ქართველებს საკუთარი ისტორია მე-18 საუკუნეზე ადრე ჰქონიათ შედგენილი: ხელნაწერი წარმოადგენს 470 ფურცლიან (932 გე) 59 რეკულს, (ზომით 32X23 სმ.) აქვს ტყავადაკრული ტვიფრული ხის ყდა, რომელზედაც ამოტვიფრულია ჯვრის გამოსახულება კვარცხელბეკზე, შესრულებული წნული ორნამენტით. ხელნაწერი ნაწერია მხედრული ანბანით. სათაურები (სინგურით), გადამწერი წიგნის ზოვიერო გვერდს აფორმებს პირველი და უკანსკნელი სტრიქონის შესაბამისი ასოების ზედმეტად აზიდვით ან ჩამოზიდვით და ბოლოების დახლართვით. ფურცლები სხვადასხვა წვირნიშნაინია, ხშირია გვირგვინის გამოსახულება.⁴⁰² ხელნაწერი გადაწერილია 1633-1646 წწ ქართლის მეფის როსტომის მეუღლის დედოფალ მარიამის ბრძანებით. იგი შეიცავს კახტანგ VI წინაღობინდელ ძველი "ქართლის ცხოვრების" უძველეს ტექსტებს: მასში შეტანილია თამარ მეფის ისტორია.

წერა-კითხვის გამავრცელებელი საზოგადოების მუზეუმის კუთვნილ მრავალრიცხოვან ხელნაწერთა შორის უნდა აღინიშნოს ფონდებში 425 ნომრით გატარებული X საუკუნის ეტრავტი "საგალობელი", იოანე ტბკენელ ეპისკოპოსის სურათითა და საგალობო ნიშნებით ეტრავტი 554 ფურცლიანია, დაწერილია ასომთავრული და ხუცური ანბანით. მასში მოხსენიებულია მეფეების სუმბატი, გურგენი, დავით კურაპალატი და მრავალი ისტორიული პირი, მოცემულია მათი ბიოგრაფიული ცნობები.⁴⁰³ ხელნაწერი წარმოადგენს უძველესი ქართული საგალობლებისა და ნოტების შესწავლის მნიშვნელოვან წყაროს.

1903 წელს ქ.შ.წ.კ. გამავრცელებელმა საზოგადოებამ შეიძინა ისტორიკოს დიმიტრი ბაქრაძის ძვირფასი ბიბლიოთეკა, რომელშიც 720 ეგზემპლარი ხელნაწერი და წიგნი ითვლებოდა.

⁴⁰² ქართულ ხელნაწერთა აღწერილობა, ქ.შ.წ.კ.ს. კოლექცია, ტ. I, 1959 გ. 41.

⁴⁰³ ჯანაშვილი მ., საუნჯე XI საუკუნისა, ტფ., 1892, გვ. 11.

ამავე პერიოდში მუზეუმში შემოვიდა დ. გაბრუაშვილისა და ვ. ბექარაულისაგან შემოწირული სპარსული მონეტების კოლექცია. ნუმიზმატიკური მასალით გაამდიდრეს მუზეუმის ფონდები აგრეთვე ა. ანდრონიკაშვილმა. ი. სონღულაშვილმა და შ. ხუნდაძემ. ძველი გუჯრები, სიგელები, ლოცვანი, ისტორიული დოკუმენტები და სხვა ხელნაწერები გადასცეს მუზეუმს ქ. ქავთარაძემ, ი. გიუნაშვილმა, ე. ციციშვილმა, ე. ხუციშვილმა და პ. მასხარაშვილმა.⁴⁰⁴

ამავე დროს საზოგადოების ბიბლიოთეკასა და მუზეუმში დიდი მუშაობა მიმდინარეობდა შემოსული ნივთების შესწავლისა და მოწესრიგებაში. დ. კარიჭაშვილის ავტორობით დაიბეჭდა საზოგადოების წიგნსაცავის კატალოგი. წიგნსაცავში ცალ-ცალკე ფონდებად დაიყო ხელნაწერი წიგნები, სიგელ-გუჯრები, ისტორიული დოკუმენტები და ნაბეჭდი გამოცემები. შედგა ფონდებში დაცული მასალების შემოწმებისა და შეჯერების კომისია ვ. კარბელაშვილის, ა. ქუთათელაძის და დ. კარიჭაშვილის შემადგენლობით.⁴⁰⁵

ასე თანდათანობით იზრდებოდა და მდიდრდებოდა ბიბლიოთეკა. საზოგადოების ანგარიშების მიხედვით ამ პერიოდში წიგნსაცავში დაცული წიგნების რაოდენობა შემდეგი იყო: (ცხრილი 14):

წლები	1899	1900	1903	1905	1908	1909	1912	1915
წიგნები	4507	4434	5193	6381	7029	7225	6888	8919

მუზეუმისა და ბიბლიოთეკის ფონდების ზრდასთან ერთად სულ უფრო მეტად იზენდა თავს უბინაობით გამოწვეული პრობლემები.

საფონდო და საექსპოზიციო ფართის უქონლობის გამო საზოგადოების მუზეუმის კუთვნილი ბევრი ექსპონატი შესანახად გადაეცა სხვადასხვა პირებსა და ორგანიზაციებს, ისინი განთავსდნენ ქალაქის სხვადასხვა უბნებში. დიდი ზომის მხატვრული სურათები ინახებოდა ალ. როინაშვილის ბინაზე. ძველი ხელნაწერები და არქეოლოგიური ექსპონატების ნაწილი 1887 წელს სარაჯიშვილის სარდაფებსა და არწრუნის ქარეხსლაში მოათავსეს. ნუმიზმატიკურმა მასალამ კი 1886 წლიდან საადგილმამულო ბანკის სეიფებში დაიდო ბინა.

⁴⁰⁴ ქ.შ.წ. გამაერთელებელი საზოგადოების 1907 წლის ანგარიში, გვ. 23.

⁴⁰⁵ გაზ. "ცნობის ფურცელი", 1900 წლის 16 მარტი, №1173.

სამუზეუმო ნივთების სხვადასხვა ადგილზე გადატანა და გაუნტევა, რასაკვირველია უარყოფითად მოქმედებდა მათ დაცვაზე ამის შედეგი იყოს ის, რომ 1912 წელს დაიკარგა რამდენიმე ძვირფასი ექსპონატი: ახალ ბინაზე ნივთების გადატანისას კარადაში მოთავსებული ნუმიზმატიკური კოლექციის შეჯერების დროს, ადგილზე არ აღმოჩნდა 8 ცალი ოქროს მონეტა და აღ. როინაშვილის მიერ შეწირული ოქროს საბურნუთე. გამგეობის სხდომაზე აღინიშნა, რომ "ეს პატარა შუაფი ძველ ბინაზე დაუკეტავად ინახებოდა. ასევე დაუკეტავად, მხოლოდ თოკით შეკრული გადატანილი იქნა იგი ახალ ბინაზე. ცხადია ბოროტმოქმედს ეს შეუმჩვევია და ამოუღია, რაც მას ჭირფასად მიაჩნდა. გამგეობამ ამის შესახებ მკაცრი გამოძიება მოახდინა, მაგრამ უშედეგოდ".⁴⁰⁶

მუზეუმის ექსპონატების დიდი ძირითადი ნაწილი 1910 წლის მაისიდან ინახებოდა სათავადაზნაურო გიმნაზიის (დღევანდელი თბილისის უნივერსიტეტის) შენობის მეორე სართულზე. აქვე, გიმნაზიის შენობაშივე იყო მოთავსებული ილია ჭავჭავაძის სახელობის კაბინეტი, მისი მემორიალური ნივთები: ტანსაცმელი, სურათები, წიგნები და სხვა.

აქაც, ამ შენობაშიც სამუზეუმო ნივთების კონსერვაცია და შენახვა გაძნელებული ყოფილა. ექვთიმე თაყაიშვილი 1911 წლის 21 აპრილს საზოგადოების სხდომაზე აღნიშნავდა: "სამუზეუმო ნივთები, რომელნიც გიმნაზიაშია გადატანილი და ყუთებში არის ჩაღებულნი, თუ ასე დარჩა დიდხანს, გაფუჭდება და შემდეგ გამოუსადეგარი გახდება, ამიტომ საჭიროა მათი ხშირი გამზუურება".⁴⁰⁷ სინესტის გამო, ასევე მძიმე მდგომარეობაში აღმოჩნდა ის ნივთები, რომლებიც სათავადაზნაურო ბანკის სეიფებში ინახებოდა. არც ხანძრის საფრთხისაგან ყოფილა დაცული სხვადასხვა შენობაში მოთავსებული ექსპონატები. საზოგადოების მდივანი დავით კარიჭაშვილი განგაშს ტყბდა: "ეს ძვირფასი და შესანიშნავი ნაშთები, რომელიც წ/კ. საზოგადოებას აქვს შეგროვილი, ისეთ საშიშს და სახიფათო მდგომარეობაშია, რომ შესაძლებელია ერთს უბედურ დღეს სრულიად და ანახდევლად ჩოისიოს და გააქრეს" და მითხოვდა დაჩქარებულიყო მუზეუმის სათანადო შენობით უზრუნველყოფა - "მუზეუმის აშენებას თან მოჰყვება არამც თუ ახლა

⁴⁰⁶ ქ.შ.წ.კ. გამაერცვლებელი საზოგადოების 1912 წლის ანგარიში, გვ. 02.

⁴⁰⁷ ქ.შ.წ.კ. გამაერცვლებელი საზოგადოების 1911 წლის ანგარიში, გვ.

შეგროვილის და ერთად თავმოყრილის ძველი ნაშთების ცეცხლისგან გადარჩენა, არამედ ერთ ადგილას შეკრება იმ ნაშთებისაც, რომლებიც ახლა გაფანტულია აქეთ-იქით.⁴⁰⁸

საზოგადოების მუზეუმი, როგორც აღვნიშნეთ. ტერიტორიულად მოთავსებული იყო სათავადაზნაურო გიმნაზიის შენობაში. მუზეუმი ღია იყო დილის 10 საათიდან შუადღის 3 საათამდე. მას დამთვალიერებელიც საკმაოდ ბევრი ჰყავდა.

ხალხმრავლობა იყო წიგნთსაცავშიც. საზოგადოების ანგარიშების მიხედვით წიგნთსაცავში მკითხველთა რიცხვი და მათ მიერ გამოყენებული ლიტერატურის რაოდენობა შემდეგი იყო: (ცხრილი 15):

წლები	1911	1912	1913	1914	1915	1916
მკითხველ. რაოდენობა	728	789	832	872	924	1087
გამოყ. ლიტერატურა	1008	1143	1192	1207	1268	1410

საზოგადოება ხშირად აყენებდა თავის ბიბლიოთეკისა და მუზეუმისთვის სათანადო შენობის აშენების საკითხს. ამ მოთხოვნას ფართო საზოგადოებაც უჭერდა მხარს, მაგრამ შედეგი არ ჩანდა..

ჯერ კიდევ ადრე, 1885 წელს, ილია ჭავჭავაძემ დააყენა საკითხი წიგნსაცავ-მუზეუმისთვის ვერაზე მდებარე ნიკო ბერძენიშვილის ორსართულიანი სახლის ყიდვის შესახებ. იაკობ გოგებაშვილმა კი გამგეობის 1889 წლის იანვრის სხდომაზე წამოაყენა წინადადება, რომ ლორის-მელაქიციის ქუჩაზე სათავადაზნაურო ბანკის მახლობლად, მუზეუმისთვის აეშენებინათ ახალი შენობა. ამავდროულად დაიწყო ხელმოწერების შეგროვება შენობის ასაკები შეწირულობის შესაკრებად. 1893 წელს, ერთ-ერთ სხდომაზე საზოგადოების გამგეობა აღნიშნავდა: "საზოგადოება იველ ნივთებს და ფულებს აგროვებს და ინახავს იმ იმედით, რომ მოვა დრო, როცა იგი მოახერხებს საკუთარი მუზეუმი ააშენოს და იქ დაწვოს, როგორც წესი და რიგია, როგორც წიგნები, ისე სხვა არხეოლოგიური ნივთები და ძველი ყულები".⁴⁰⁹

გაზეთი "ივერია" იტყობინებოდა: "ჩვენ ახლა შევიტყვეთ, რომ წ/კ. საზოგადოებას განუზრახავს მუზეუმის შენობის აგება შესაფერის ადგილას, რამდენისამე პატივცემულ ქართველის დანხარებით. ხოლო საჭირო ალაგიც ამ ქართული

⁴⁰⁸ გაზ. "ივერია", 1898 წლის 25 იანვარი №18.

⁴⁰⁹ ქ.შ.წ.კ. გამაგრცელებელი საზოგადოების 1893 წლის ანგარიში, გვ.

მუზეუმისათვის, როგორც გვესმის, შეწირული იქნება ერთის პატივცემულ ქვეყნის გულშემატკივარ ქართველისაგან. ამ ჩვენის ქვეყნის შვილს მოუსურვებია გვემა სამუზეუმო შენობისა ეროპაში საუკეთესო არხიტექტორებს აჩვენოს და იმათთან ერთად შემოშავოს მუზეუმის მოდელი.⁴¹⁰

1894 წელს საზოგადოების გამგეობამ თავის წევრს ნიკო ცხვედაძეს გამოუყო 200 მანეთი და დაავალა უმოკლეს ვადებში პოეზიურხებინა ბიბლიოთეკისა და მუზეუმის შენობის პროექტის შედგენა. პროექტი უსასყიდლოდ შეადგინა არქიტექტორმა კ. ტატიშჩევმა. საქმეც თითქოს ადგილიდან უნდა დაძრულიყო, მაგრამ მალე გაირკვა, რომ გამგეობას წესდებით არ კქონდა უფლება შეეძინა მიწის ნაკვეთი და უძრავი ქონება. ახალი შენობის მშენებლობის საკითხი გადაიდო 1907 წლამდე, ვიდრე წესდებაში სათანადო კორექტივები არ იქნა შეტანილი.

ამასობაში ოდესეულ ქართველ სტუდენტებსაც უცდიად თავიანთი წვლილი შეეტანათ მუზეუმის შენობის აგების საქმეში. მათი დავალებით ცნობილ არქიტექტორს პ. შტეგს შეუდგენია ორსართულიანი, ლამაზი შენობის პროექტი,⁴¹¹ მაგრამ საქმე ამის იქით აღარ წასულა.

წიგნსაცავ-მუზეუმის შენობის პრობლემა იმდენად აქტუალური და მძიმე გახდა, რომ წ/კ. საზოგადოების 1907 წლის დეკემბრის საერთო კრებაზე წამოყენებული იქნა აზრი იმის შესახებ, რომ წიგნსაცავ-მუზეუმი გადასცემოდა საქართველოს საისტორიო საეთნოგრაფიო საზოგადოებას. კრებაზე ამ წინადადების დაყენებას დიდი ენებათა ღელვა გამოუწვევია. უმრავლესობას მიაჩნდა, რომ: “ეს ბიბლიოთეკა წ/კ. საზოგადოების მოღვაწეობის ნაყოფია, ეს ძვირფასი ხელნაწერები მისი შრომით და მოღვაწეობით არის აქ შეგროვილი. ეს განძი საუკეთესო ფურცელია ჩვენი საზოგადოების ისტორიაში. ეს ბიბლიოთეკა წ/კ. საზოგადოების სულიერი საკუთრებაა, მისი ძალაა, მისი საუკეთესო ტრადიცია, ძველის მოგონება და გამამხნეველებელი იმპულსი მომავალი მოღვაწეობისათვის. წ/კ. საზოგადოებამ გააკეთა დიდი საქმე, რომ ეს ხელნაწერები და წიგნები შეიძინა. და ეს გაკეთებული საქმე ავალებს მას შემდეგშეიაც უპატრონოს და არ გადასცეს სხვა რომელიმე დაწესებულებას, მით უმეტეს, რომ ეს სხვა არ

⁴¹⁰ გაზ. “ივერია”, 1893 წლის 12 ოქტომბერი, №217.

⁴¹¹ გაზ. “ცნობის ფურცელი”, 1899 წლის 19 იანვარი, №728.

გვაძლევს საფუძველს, რომ ის უკეთესად უპატრონებს ამ ძვირფას განძს.⁴¹²

საკითხის გადასაწყვეტად საზოგადოების კრებამ გამოყო კომისია ექვთიმე თაყაიშვილის თავმჯდომარეობით. დიდი კამათის შემდეგ კრებამ დაადგინა, რომ “ბიბლიოთეკა და მუზეუმი ჯერჯერობით დარჩეს ისევე წერა-კითხვის საზოგადოებას და არ გადაეცეს საისტორიო საზოგადოებას, რადგან უკანასკნელს ჯერჯერობით არ შესწევს ძალა უკეთესად უპატრონოს ბიბლიოთეკასა და მუზეუმს”.⁴¹³

1909 წელს საზოგადოების გამგეობამ იაკობ და ლევან ზუბალაშვილებს სთხოვა სასტუმრო “ლონდონის” მახლობლად მიწის ნაკვეთის შეძენა და იქ მუზეუმის სამშენებლო სამუშაოების დაწყება. ორი წლის შემდეგ ზემოთ ხსენებულმა კომისიამ წარმოადგინა მოხსენება, სადაც ხაზგასმით აღნიშნული იყო: “მუზეუმის აშენება შეიქმნა საზოგადოების გამგეობის ოცნებად და სანატრელად ამ უკანასკნელ 15 წელიწადში”. ამასთან ერთად, კომისიის დასკვნების გათვალისწინებით გამგეობამ შესთავაზა საერთო კრებას, რომ წიგნსაცავ-მუზეუმი მთელი თავისი ფონდებით დროებით გადატანილიყო ილიასეულ სახლში თბილისში, რომელიც მანადე შესაფერისად უნდა შეკეთებულიყო. 1910 წლის 20 დეკემბრის კრებამ ი. გოგებაშვილის წინადადებით უარყო ეს აზრი, რადგან ილიას სახლის შეკეთება ძალიან ძვირი ჯდება. გამგეობამ კრებას ურჩია, მუზეუმისთვის ახალი შენობის ასაგებად საჭირო თანხის მოსაგროვებლად ყველა შემოწირულულობის და ფულადი ფონდის გაერთიანება და სპეციალური სამუზეუმო ფონდის დაარსება. ამ საქმის სახელმძღვანელოდ კრებამ აირჩია სამუზეუმო კომისია: ს. კლდიაშვილის, დ. ჯორჯაძის, ნ. ელიაგას, ვ. მუსხელიშვილის, დ. კარიჭაშვილის, ა. ყიფშიძის და პ. სურგულაძის შემადგენლობით. მოგვიანებით კომისიის თავმჯდომარედ აირჩიეს ექვთიმე თაყაიშვილი. ამასობაში, ცნობილმა ქართველმა მრეწველმა და მეცენატმა დავით სარაჯიშვილმა, მუზეუმისათვის სათანადო მიწის ნაკვეთის გამოყოფის შემთხვევაში, იკისრა შენობის ასაგები თანხის გაღება.

ზემოთ აღნიშნულმა კომისიამ მუზეუმისთვის გამოსადეგ მიწის ნაკვეთად შეარჩია ადგილი ფრეილინის ქუჩაზე.

⁴¹² ხუნდაძე ტ., ქართველთა შორის წერა-კითხვის გამავრცელებელი საზოგადოება, თბ. 1960, გვ. 123.

⁴¹³ ქ.შ.წ.კ. გამავრცელებელი საზოგადოების 1911 წლის ანგარიში, გვ. 62.

რომელიც ეკუთვნოდა თბილისის თავადაზნაურობას. მაგრამ ამ უკანასკნელმა უარი განაცხადა მიწის ამ ნაკვეთის დათმობაზე, საშაგიეროდ საზოგადოების სასარგებლოდ გაიღო შეწირულობა 50000 მანეთის ოდენობით, რომელიც უნდა გაცემულიყო 5 წლის განმავლობაში.⁴⁴

1911 წელს გარდაიცვალა დავით სარაჯიშვილი. სიკვდილის წინ, მან თავისი ანდერძით უზრუნველყო საზოგადოების წიგნსაცაუ-მუზეუმისთვის ახალი შენობის აგების ხარჯების გასტუმრება. დ. სარაჯიშვილმა 100000 ათასი მანეთი უანდერძა საზოგადოებას, ხოლო მისმა მეუღლემ—600000 მან. დაუმატა ამ თანხას. საზოგადოების მიერ გამოყოფილი კომისია ენერგიულად განაგრძობდა მუზეუმის შენობისთვის შესაფერისი ადგილის ძებნას. ბოლოს არჩევანი შეჩერდა ვერაზე ე.წ. “ფიქრის გორაზე” მდებარე მიწის ნაკვეთზე.

საზოგადოების საერთო კრებამ 1911 წლის 11 სექტემბერს პილო გადაწყვეტილება, რომ მუზეუმის შენობის ასაგებად, 60000 მანეთად შეეძინათ 4656,75 კვ. საჟენის მიწის ნაკვეთი “ფიქრის გორაზე”- ეს გადაწყვეტილება სისრულეში მოყვანილი იქნა 1912 წელს.

მაგრამ მუზეუმის მშენებლობის დაწყება სხვადასხვა მიზეზების გამო მაინც ვერ მოხერხდა. დ. სარაჯიშვილის უძრავი ქონების გაყიდვა, რომლის შემდეგაც, ანდერძის მიხედვით, უნდა გამოყოფილიყო შენობის ასაგები თანხა, ძალზე გაჭიანურდა. ამას დაემატა XX საუკუნის 10-იანი წლების პერიოდისა და პირველი მსოფლიო ომის საშეურნეო ნგრევა, რომელმაც საბოლოოდ დაასამარა მუზეუმის შენობის აგების გეგმა.

ამ პერიოდში გამოითქვა მოსაზრება, რომ გაერთიანებულიყო წ/კ. გამაერცვლებელი და საისტორიო საზოგადოებების მუზეუმები და მათ ბაზაზე ჩამოყალიბებულიყო ე.წ. “ქართული მუზეუმი”.⁴⁵ ამის შესახებ წ/კ. გაამაერცვლებელი საზოგადოების 1912 წლის საერთო კრებაზე. მიიღეს სათანადო დადგენილება: “მას აქეთ, რაც ქ.მ.წ.კ. გამაერცვლებელი საზოგადოების გარდა საქართველოს საისტორიო და საეთნოგრაფიო საზოგადოებასთან დაარსდა მუზეუმი, დაიბადა აზრი ამ ორი მუზეუმის შეერთებისა, ეს აზრი დაფუძნებულია

⁴⁴ ქ.მ.წ.კ. გამაერცვლებელი საზოგადოების 1911 წლის ანგარიში, გვ. 63.

⁴⁵ ქ.მ.წ.კ. გამაერცვლებელი საზოგადოების 1915 წლის ანგარიში, გვ. 23.

იმ ჭეშმარიტებაზე, რომ ერთის კარგის მუზეუმის მოწყობა თავისთავად დიდ სიძნელეს წარმოადგენს, ხოლო ორის კარგის მოწყობა, უფრო ძნელია და ჩვენის ერისთვის თითქმის შეუძლებელიც არის. ამიტომ თუ გვინდა, რომ ქართველებს ერთი ღირშესანიშნავი მუზეუმი გექონდეს, საჭიროა შეერთებულ იქნეს ერთ მუზეუმში ყველა ის სამუზეუმო ნივთები, რომელნიც კი ქართველების ხელთ არიან⁴¹⁶ ნათქვამი იყო საზოგადოების გამგეობის მოხსენებაში. მაგრამ, შემდგომში განვითარებულმა მოვლენებმა ჩაშალეს აღნიშნული მოსაზრების განხორციელება.

უბინაობის მიუხედავად, წ/კ. საზოგადოების მუზეუმის ფონდები მაინც იზრდებოდა. 1912 წელს მუზეუმის 22 განყოფილებაში დაცულმა ნივთებმა შეადგინა 925 ერთეული, ნუმიზმატიკურ განყოფილებაში იყო 2510 ვერცხლის, 2655 სპოლენძის მონეტა და 12 ქალაღდის ბანკნოტი, მხატვრული სურათების კოლექცია ითვლიდა 1714 ცალს, ძველი ხელნაწერების რიცხვი 1835 ეგზემპლარს აღწევდა.⁴¹⁷

ამავე წელს, ი. გოგებაშვილმა მთელი თავისი ქონება და ბიბლიოთეკა უანდერძა წ/კ. გამაერცვლებელ საზოგადოებას.

1911-13 წლებში მუზეუმის ფონდები თავიანთი შემოწირულობებით გაამდიდრეს მარი ბროსემ, პ. კოკოჩაშვილმა, რაფ. ნებიერიძემ, გ. აბაშიძემ, პ. გერმანაშვილმა, ალ. მაჩაბელმა მ. ნიჟარაძემ, გ. რატიშვილმა, მ. კიკნაძემ, ი. მაჭავარიანმა ბ. ახოსპირელმა და სხვებმა.

1913 წელს ნ. ლოლობერიძემ საზოგადოებას უანდერძა 45000 მანეთი. 1913 წლის შემოსულობიდან განისაკუთრებით აღნიშვნის ღირსია პროფ. პ. მელიქიშვილის მიერ გაღებული შემოწირულობა, რომელიც წარმოადგენდა "დიდ მეცნიერულ განძს".

1914 წელს მუზეუმში გამოცალკევდა წიგნსაცავისგან. სამუზეუმო ნივთები განლაგდა ცალკე დარბაზში, შეკეთდა კარაღები, ჟა კიტრინები. ქრონოლოგიურ რიგზე დალაგდა სიგელ-გუჯრები. ამ წელს მუზეუმმა შეიძინა მოსე თოიბის მიერ ეთნოგრაფიულ თემაზე შესრულებული 4 მხატვრული ტილო.

საზოგადოების მუზეუმმა მონაწილეობა მიიღო ლაიფციტის საერთაშორისო გამოფენაზე. გერმანიაში გაიგზავნა მუზეუმის

⁴¹⁶ ქ.შ.წ.კ. გამაერცვლებელი საზოგადოების 1915 წლის ანგარიში, გვ. 32.

⁴¹⁷ ქ.შ.წ.კ. გამაერცვლებელი საზოგადოების 1912 წლის ანგარიში, გვ. 101-

საუკეთესო ექსპონატები: სურათები, ხელნაწერები და მინიატურები.

ამ წლებში მუზეუმში დაცულ ექსპონატთა რაოდენობა შემდეგნაირად გამოიყურებოდა: (ცხრილი 16):

წლები	1912	1913	1914	1915
ისტორიული ნივთ.	925	940	975	987
ხელნაწერები	1835	1916	1940	1956
ნუმიზმატიკა	5177	5300	5340	5371
სიგელ-გუჯრები	1267	1303	1341	1363
სურათები	1714	2706	3011	3087
წიგნები	6880	8684	10723	11916
სულ	17795	20849	23330	24678

1915 წელს ნუმიზმატიკურ კოლექციაში ირიცხებოდა 2625 ვერცხლის და 2734 სპილენძის მონეტა, აქედან 1511 იყო ქართული, 397—რუსული, 881—ბერძნულ-ბიზანტიური, 194—ევროპული და 2388—აზიური.⁴¹⁸

ამ პერიოდში მუზეუმის ფონდები გაამდიდრეს ისტორიული ნივთების შეწირვით:—დ. სონღულაშვილმა, ი. ხმალაძემ, მ. დადიანმა, დ. კარიჭაშვილმა, რ. ყირმიზაშვილმა, შ. ჩაგუნავამ, ი. ჯორჯაძემ, ს. გელაშვილმა, ლ. ბოცვაძემ, დ. ვანნაძემ, ა. ჯაყელმა და თ. ფორაქიშვილმა.

ნუმიზმატიკური მასალების გადმოცემით:—მ. სიხარულიძემ, გ. გიგეშკორმა, ი. ყიფიანმა, გ. ფოფხაძემ, შ. ვარდაძემ, ა. პატარაიამ, ბ. ცინცაძემ, ა. ავალიშვილმა, ა. ხერხეულიძემ, თ. ნაცვლიშვილმა, მ. მაყაშვილმა, ს. ხმალაძემ, გ. ნათიშვილმა, ს. ჯაფარიძემ და მ. ბურღულმა.

ძველი სიგელებისა და ხელნაწერების შემოწირვით:—შ. თუხარულმა, მ. საყვარელიძემ, ა. კახაბერმა, ი. ქანანოვმა, ი. თაქთაქიშვილმა, ი. დედაბრიშვილმა, ს. რცხილაძემ, ი. ციციშვილმა, კ. აბაშიძემ და ი. ბათიაშვილმა.

მსოფლიო ომის შედეგად გაჩაღებულმა სამოქალაქო ომმა და რევოლუციებმა ძალზე უარყოფითად იმოქმედა წერა-კითხვის გამავრცელებელი საზოგადოების საქმიანობაზე.

ეკონომიკის კატასტროფულ დაქვეითებასა და ანარქიას მოჰყვა მთავრობისა და საზოგადოების მხრიდან ყურადღების შესუსტება. 1915 წლის შემდეგ ჯერ შემცირდა, ხოლო შემდეგ საერთოდ შეწყდა საზოგადოების მუზეუმის მიერ ექსპონატების მიღება. მუზეუმის საქმიანობა აქ დაუნჯებული ხელნაწერებისა.

⁴¹⁸ ქ. შ. წყ. გამავრცელებელი საზოგადოების 1915 წლის ანგარიში, გვ. 139

და სამუზეუმო ნიუთების დაცვით, კონსერვაციით და სხვა საფონდო სამუშაოებით შემოიფარგლებოდა. ამ პერიოდში ქ.შ.წ.კ. გამაერცვლებელი საზოგადოება მხოლოდ საგამომცემლო სამუშაოებს აწარმოებდა.

1919 წელს დაიწყო წ/კ. გამაერცვლებელი საზოგადოების ადგილობრივ განყოფილებათა ლიკვიდაცია. მათი ქონება და ფუნქციები ერობებსა და ქალაქების ადგილობრივ თვითმართველებს გადაეცა.

20-იანი წლების დამდეგისთვის ქ.შ.წ.კ. გამაერცვლებელ საზოგადოებას ფუნქციონირება თითქმის შეწყვეტილი ჰქონდა. 1922 წლის 8 იანვარს მას შეეცვალა სახელწოდება და ეწოდა "წიგნების გამომცემელი და გამაერცვლებელი ქართველთა საზოგადოება" და განათლების სახალხო კომისარიატს დაექვემდებარა.

1925 წლის ბოლოს განათლების სახალხო კომისარიატის დადგენილებით წ/კ. გამაერცვლებელი საზოგადოების მუზეუმო, ბიბლიოთეკა და არქივი გადაეცა თბილისის სახელმწიფო უნივერსიტეტს. ექსპონატების ნაწილი, განსაკუთრებით კი ეთნოგრაფიული ხასიათის ნიუთები გადაეცა საისტორიო და ეთნოგრაფიულ საზოგადოებას. თბილისის უნივერსიტეტმა წ/კ. გამაერცვლებელი საზოგადოების მუზეუმისაგან მიიღო: (ცხრილი 17):⁴¹⁹

ხელნაწერი წიგნები	2214 ც.
საგულ-გურჯები და სხვა დოკუმენტები	1600 ც.
ქართული ნაბეჭდი წიგნები	5286 ც.
რუსული და სხვა ენებზე ნაბეჭდი წიგნები	6348 ც.
სამუზეუმო ნიუთი არქეოლოგიური	851 ც.
ეთნოგრაფიული	199 ც.
ნუმიზმატიკური	5518 ც.
მხატვრული სურათი	155 ც.
ფოტოგრაფიული სურათი	9303 ც.
სულ	10026 ც.

მთავრობის დადგენილებით 1926 წლის ბოლოს წ/კ. გამაერცვლებელ საზოგადოებას ჩამოერთვა იურიდიული პირის უფლება. 1927 წლის დასაწყისში შეიქმნა სალიკვიდაციო კომისია, რომელმაც ამავე წლის 20 ივნისს დაამთავრა თავისი საქმიანობა და მიახდინა წ/კ. გამაერცვლებელი საზოგადოების

⁴¹⁹ საქართველოს უახლესი ისტორიის არქივი (შემდეგ შემოკლებით - სუი არქივი), ფ. 481, ან. 1, საქმე 2137, ფ. 10.

ლიკვიდაცია. საზოგადოების დარჩენილი ქონება გადაეცა საქართველოს მწვერალთა კავშირს.

ამრიგად, ქართველთა შორის წერა-კითხვის გამავრცელებელი საზოგადოება ცდილობდა პირნათლად მოეხადა თავისი ვალი მამულის წინაშე. ქართული სკოლების, ბიბლიოთეკების, მუზეუმის გახსნით და მშობლიურ ენაზე წიგნების გამოცემით, მას განათლება შექმონდა მოსახლეობაში და აღვივებდა მათ ინტერესს წარსული კულტურის ნაშთებისადმი.

საზოგადოების მუზეუმმა ფასდაუდებელი წვლილი შეიტანა ქართული ხალხის ეროვნული თვითშეგნებისა და პატრიოტიზმის ამაღლების საქმეში, როცა ეძიებდა, კრებდა, ინახავდა და აშუქურებდა ჩვენი საზოგადოების სულიერების უპეირფასეს განძს: ძველ ხელნაწერებს, წიგნებს, დოკუმენტებს, სიგელ-გუჯრებს და ისტორიულ ნივთებს. ამით მან ისინი დაკარგვას გადაარჩინა და შთამომავლობას შემოუნახა. წ/კ. საზოგადოების მიერ მოგროვილმა და მის მუზეუმში დაცულმა ბევრმა ექსპონატმა შემდგომში გაამდიდრა საქართველოს მუზეუმის ფონდები.



§ 7. საქართველოს საისტორიო და საეთნოგრაფიო საზოგადოების მუზეუმი.

საქართველოს სამუზეუმო ცხოვრებაში XX საუკუნის დასაწყისში მნიშვნელოვანი ცვლილებები მოხდა. ქართველი ერის თვითშეგნებისა და განათლების ამაღლებისთვის ბრძოლაში ქართველთა შორის წერა-კითხვის გამავრცელებელი საზოგადოების მუზეუმს ჩაენაცვლა საქართველოს საისტორიო და საეთნოგრაფიო საზოგადოების მუზეუმი. სწორედ ამ უკანასკნელმა იტვირთა ქართული კულტურის ძეგლების, ნივთებისა და სხვა წარსულის ნაშთების მოძიება, შესწავლა, შეგროვება და მათი გადარჩა.

თუ V/კ. გამავრცელებელი საზოგადოება ძირითადად კულტურულ-საგანმანათლებლო საქმიანობით იყო დაკავებული, ამ პერიოდში მის გვერდით დაარსებული ასევე საზოგადოებრივი დაწესებულების- საქართველოს საისტორიო და საეთნოგრაფიო საზოგადოების- მუშაობის მთავარ მიმართულებად სამეცნიერო საქმიანობა გამოიკვეთა.

ბევრმა ქართველმა მამულიშვილმა სწორედ ამ საზოგადოებას დაუკავშირა თავისი საქმიანობა და მთელი თავისი ძალები ერის ისტორიისა და კულტურის ამსახველი მასალების მოძიების, შეგროვების და შესწავლისკენ წარმართა. საქართველოს საისტორიო და საეთნოგრაფიო საზოგადოებამ წარმატებით შექმნა ერის სამსახურში ჩაეყენებინა მთლი იმდროინდელი ქართველი ინტელიგენციის მოღვაწეობა და სამეცნიერო პოტენციალი.

რევოლუციური მოძრაობით დამფრთხალი ხელისუფლება იძულებული იყო ანგარიში გაეწია ქართველი ხალხის ეროვნულ-განმათავისუფლებელი მოძრაობისთვის და შეერიგებოდა ეროვნული სამეცნიერო საზოგადოებების აღმოცენებას.

ქართველი საზოგადოება მტკივნეულად განიცდიდა იმ გადაუჭრელ პრობლემას, რომელიც V/კ. გამავრცელებელი საზოგადოების წინაშე უბინაობის გამო იდგა. გადიოდა წლები მაგრამ ამ პრობლემას ვერაფრით ვერ შეელოდნენ. ამიტომ XIX საუკუნის ბოლოს ისევ მკვეთრად დადგა საკითხი ქართული მუზეუმის-“საერო სახლის” დაარსების შესახებ. ილიასეული “ივერია” 1895 წელს აღნიშნავდა: “დიდად სასურველია, რომ ამ XIX საუკუნის დამლევში მაინც

მოიფიქროს ჩვენმა განათლებულმა საზოგადოებამ, რომ საერო სახლის, მუზეუმის აგება საჭირო არის და მით გაუჩინონ ბინა მას, რაც კიდევ დარჩენილა ჩვენს ქვეყანაში ძველი ნიუთნი და ნაშთნი და ყველა ერთად მოაწყოს ჩვენ წინაპართა სასახელოდ და სადიდებლად.⁴²⁰

“მუზეუმის აშენება სხვა საჭიროებაზედ მაღლა სდგას— წერდა დ. კარიჭაშვილი—ეს უბრალო შენობა იქნება ძველი მთელი ქართველობისა, იგი იქნება საკუთრება არა ერთის რომელიმე საზოგადოებისა, არამედ საზოგადოდ მთელის ერისა და კერძოდ თითოეულის ქართველისა”.⁴²¹

ცნობილი მეცნიერი ალ. ხახანაშვილი ხაზგასმით მიუთითებდა, რომ წ/კ. საზოგადოების მუზეუმის შენობის აგების იდეის “შეფერხება, რასაც რასაკვირველია ჩვენ ხელმოკლეობას და საერთო სიღარიბეს ვაბრალებთ...პატივსადებს საბუთს არ გვაძლევს დავიწყებას მივცეთ ზემოხსენებული კეთილი განზრახვა”⁴²² და აყენებდა “საერო,” ქართული სახლის აშენების გეგმას. მისი აზრით, ეს “საერო” სახლი უნდა ყოფილიყო ქართველებისათვის “პატარა უნივერსიტეტი და სამეცნიერო აკადემიაც, შესაფერისი მოწყობილობებით,” რომელშიც მუზეუმისა და ბიბლიოთეკის გარდა თავშესაფარს პოუვებდა სხვადასხვა ქართული საზოგადოებები. აქ მოთაესდებოდა აგრეთვე სალექციო აუდრტორიები, ლაბორატორიები, გამომცემლობები და სხვა.

ამგვარად, სამუზეუმო ტიპის ეროვნულ სამეცნიერო-საგანმანათლებლო დაწესებულებების შექმნას, ინტელიგენციის მოწინავე წარმომადგენლები უკავშირებდნენ საერთოდ ქართული სამეცნიერო კერის საფუძვლის ჩაყრის საკითხს.

მომკლავრებულ ქართული სამეცნიერო ძალების თაოსნობით შექმნილ სამეცნიერო საზოგადოებებს წინ უძღოდა წრეების ჩამოყალიბება. XIX საუკუნის ბოლოს შეიქმნა ისტორიისა და არქეოლოგიის მოყვარულთა წრე. გაზეთი “ცნობის ფურცელი” აუწყებდა თავის მკითხველებს: “სდგება პატარა წრე ჩვენის ისტორიისა და არქეოლოგიის მოყვარულთა, რომელნიც აპირებენ თავიანთ შორის შეაგროვონ თანხა და შეუდგნენ საისტორიო და საარქეოლოგიო მასალების ბეჭდვას”⁴²³ და

⁴²⁰ გაზ. “იერია”, 1895 წლის 26 ნოემბერი, № 256.

⁴²¹ გაზ. “იერია”, 1898 წლის 25 იანვარი, № 18.

⁴²² შურნ. “კვალი” 1895, № 47.

⁴²³ გაზ. “ცნობის ფურცელი”, 1896 წლის 31 ოქტომბერი, № 12.

მოუწოდებდა დახმარებოდნენ “ამ სასარგებლო და ფრიად საჭირო საქმეში.”

XX საუკუნის დასაწყისში, მოსკოვის უნივერსიტეტის ქართველმა სტუდენტებმა შექმნეს “ქართული კულტურის მოყვარულთა წრე”, რომელსაც უწოდეს ილია ჭავჭავაძის სახელი.⁴²⁴ შემდგომში აღნიშნული წრე უკვე თბილისში ქართველი ინტელიგენციის ძალისხმევით გადაკეთდა “საქართველოს ისტორიისა და მწერლობის მოყვარული წრედ”. ამ წრის ჩამოყალიბებას საზოგადოება კმაყოფილებით შეხედა. წრის წევრები: ალექსანდრე სარაჯიშვილი, დავით კარიჭაშვილი, გრიგოლ ყაფიშიძე, სერგო გორგაძე და სხვები, რომელთაც სათავეში ექვთიმე თაყაიშვილი ედგა, ცდრილობს ზემოთ ხსენებული წრის ბაზაზე სამეცნიერო-საზოგადოებრივი დაწესებულების საქართველოს საისტორიო და საეთნოგრაფიო (შემდგომში შემოკლებით-ს.ს.ს.) საზოგადოების დაარსებას. მისი მიზანი იქნებოდა მოეძია და გამოემსუვრებინა ისტორიული სიძველენი, გაეცნო ერისათვის თავისი წარსული და ამით ჩაენერგა მოსახლეობისათვის უკეთესი მომავლის იმედი. ამ მოძრაობაში თავიდანვე ჩაებნენ ქართული საზოგადოების სხვადასხვა ფენის წარმომადგენლებიც: თბილისის გუბერნიის თავადაზნაურობის წინამძღოლი გ. ბაგრატიონ-დავითაშვილი, თავადები-ე.ლ. მიქელაძე, ა. თუმანიშვილი, ი. აფხაზი, მ. მაჩაბელი; სამხედროები: გ. ყაზბეგი, ბ. ვასაძე ნ. დიასამიძე; სასულიერო პირები: დეკანოზი ა. თოთბაძე, მღვდელი კ. ცინცაძე, დეკანოზი კ. კეკელიძე; მეწარმეები: დ. სარაჯიშვილი, ნ. ლოღობერიძე და მ. ჯამბაკურ-ორბელიანი; მეცნიერები: ა. ცაგარელი, მ.მუსხელიშვილი; ინტელიგენციის წარმომადგენლები: ალ. სარაჯიშვილი, დ. კარიჭაშვილი, გ. ყიფშიძე, ს. გორგაძე, კ. მაყაშვილი და სხვები.

ზემოთ დასახელებულ პირთა ძალისხმევით შედგა წესდების პროექტი, რომელიც დასამიტკიცებლად წარედგინა ახლად დანიშნულ კაკასიის მეუწისწავალს გრაფ ი. ვორონცოვ-დაშკოვს. მთაყრობამ, რომელიც ცდილობდა ქვეყნის დემოკრატიული პროცესებისადმი ხელშეწყობის ილუზიის შექმნას, 1907 წლის 20 ივნისს მიიღო საზოგადოების წესდება.

ამავე წლის 20 სექტემბერს დაეით სარაჯიშვილის სახელში, თბილისის გუბერნიის თავადაზნაურთა საკრებულოს დარბაზში (დღევანდელი-ბელინსკის ქ. №2) შედგა საქართველოს საისტორიო და საეთნოგრაფიო საზოგადოების პირველი კრება.

⁴²⁴ სტი არქივი, ფ. 2094 ან. I, საქ. 94, ფ. 6.

მან საზოგადოების დამფუძნებლებად 38 წევრი აირჩია. წესდების მიხედვით, საზოგადოება მიზანად ისახავდა საქართველოს ისტორიის შესწავლისა და ქართველი ხალხის ცნობიერების ამაღლებისთვის მოეძია, შეეკრიბა, შეესწავლა და შთამომავლობისთვის შემოენახა ერის ისტორიის ამსახველი ყოველგვარი ნივთი თუ დოკუმენტური მასალა. ამიათვის მას უნდა მოეწყო ექსპედიციები, ექსკურსიები და გამოფენები; გაემართა საჯარო ლექციები, დისკუსიები და კრებები; გაეშალა ფართო საგამომცემლო საქმიანობა, დაეარსებინა მუზეუმი და ცფნსაცავი, გამოენახა სახსრები, როგორც მუზეუმის შენობის ასაგებად, ისე საზოგადოების უზრუნველსაყოფად.⁴²⁵

ს.ს.ს. საზოგადოება შედგებოდა საპატიო, მზრუნველი, ნამდვილი, კორესპონდენტი და დამხმარე წევრებისაგან. საზოგადოების საქმიანობას ხელმძღვანელობდა საზოგადო კრება და არჩეული საბჭო. ს.ს.ს. საზოგადოების მოღვაწეობის პირველი ათი წლის მანძილზე სულ გაიმართა საბჭოს 158 სხდომა და 124 საზოგადო კრება.⁴²⁶ საბჭო შედგებოდა 9 პირისაგან (თავმჯდომარე, მისი მოადგილე, მუზეუმისა და ბიბლიოთეკის მცველები, მდივანი, ხაზინადარი და 3 წევრი). პირველსავე კრებაზე საბჭოს თავმჯდომარედ აირჩიეს ექ. თაყაიშვილი.

ექვთიმე სიმონის ძე თაყაიშვილი (1863-1953) წყართმცოდნე, არქეოგრაფი, არქეოლოგი, საზოგადო მოღვაწე. ოზურგეთის სასწავლებლისა და ქუთაისის კლასიკური გიმნაზიის დამთავრების შემდეგ სწავლას აგრძელებს პეტერბურგის უნივერსიტეტში. 1887 წელს სამშობლოში დაბრუნების შემდეგ მუშაობს იწყებს თბილისის სათავადაზნაურო სკოლასა და გიმნაზიაში. პეტერბურგის ისტორიულ-ფილოლოგიური სკოლის აღზრდილი ახალგაზრდობიდანვე აგრძელებს წყართმცოდნეობის დარგში თავის მასწავლებლების მარი ბროსესა და დიმიტრი ბაქრაძის გზას. ხელს პეიდებს საქართველოს სიძველეთა შეკრებას და მათ მეცნიერულ დამუშავებას. თავისი დაუჯალაყი შრომით უდიდესი ამაგი დასდო ძველი ქართული ხელნაწერების, სიგელ-გუჯარებისა და მატერიალური კულტურის ძეგლთა გამომზეურებას, შესწავლასა და გადაარჩენას. მისი ნაშრომები ორჯერ (1907, 1911 წწ) დაჯილდოვდა რუსეთის მეცნიერებათა აკადემიის ოქროს მედლით და მიჩნეული იქნა "იშვიათ და ძვირფას შენამატად რუსული ორიენტალისტიკისა".

⁴²⁵ საქართველოს საისტორიო და საეთნოგრაფიო საზოგადოების წესდება, ტფ. 1910 წ. გვ. 2.

⁴²⁶ თაყაიშვილი ე. მცორე უწყება საქართველოს საისტორიო და საეთნოგრაფიო საზოგადოების მოღვაწეობის პირველი ათი წლის განმავლობაში, კრებულში-აკად. ე. თაყაიშვილი, თბ. 1966, გვ. 192.

თავისი ხანგრძლივი სიცოცხლის მანძილზე ე. თაყაიშვილი მრავალი საზოგადოებრივი და კულტურული საქმის მოთავე და მესვეური იყო: 1888 წ. მას ირჩევენ წ/კ გამავრცელებელი საზოგადოების გამგეობის წევრად, 1889 წ. დიმიტრი ბაქრაძის წინადადებით—საგლეხიო მუზეუმის კომიტეტის წევრად, იმავე წელს ხდება ქართული დრამატული საზოგადოების წევრი, 1891 წ. —“წიგნების გამომცემელთა ამხანაგობის” წევრი. მომდევნო წლებში—თბილისის სამეურნეო საზოგადოების ბანკის გამგეობის წევრი, 1902 წ. —კავკასიის სტუდენტთა საზოგადოების გამგეობის წევრი და ქართველთა სათვისტომოს საპატიო წევრი, 1907 წ. —საისტორიო და საეთნოგრაფიო საზოგადოების თავჯდომარე, 1913 წ.— ქართული კულტურის მოყვარული საზოგადოების წევრი, 1915 წ. —კავკასიაში ნატოფი ხელოვნების წამახალისებელი საზოგადოების წევრ-თანამშრომელი, 1916 წ. —კავკასიის კუსტარული საზოგადოების კომიტეტის წევრი და სხვა.⁴²⁷

ე. თაყაიშვილი 1894 წ. არჩეული იყო საიმპერატორო არქეოლოგიური კომისიის წევრ-თანამშრომლად, მოსკოვის არქეოლოგიური საზოგადოების კავკასიური განყოფილების წევრად, 1901 წ. იყო—გეოგრაფიული საზოგადოების კავკასიის განყოფილების წევრი, აღმოსავლეთმცოდნეობის თბილისის განყოფილების წევრი, 1907 წ.—კავკასიის ისტორიულ-არქეოლოგიური ინსტიტუტის დირექტორის მოადგილე, 1922 წ.—საყრანგეთის ნუმიზმატიკური საზოგადოების წევრი და პარიზის აზიური საზოგადოების წევრი; იყო თბილისის უნივერსიტეტისის ერთ-ერთი დამაარსებელი, მისი პროფესორი და არქეოლოგიური კათედრის გამგე.

საქართველოს მატერიალური კულტურის ძეგლთა გამოსავლენად და შესასწავლად შეპირარა თითქმის მთელი საქართველო. განსაკუთრებული მნიშვნელობა ეკუთვნის სამხრეთ-დასავლეთ საქართველოში მისი ხელმძღვანელობით 1902, 1907 და 1917 წლებში განხორციელებულ ექსპედიციებს.

იღია მისი დეაწლი ემერაციის დროს სამუზეუმო ძეგლმანქანების მოვლა პატრონობისა და ვადარჩენის საქმეში. ამისთვის ქართველმა ხალხმა მას “საქართველოს მეტურქლეთუხუჯკისი” უწოდა. ქართულმა გლეხებმა იგი წმინდანად შერაცხა.

საისტორიო და საეთნოგრაფიო საზოგადოების თავმჯდომარის ამხანაგად (მოადგილედ) აირჩიეს დეკუსო კარიჭაშვილი, ხაზინადარად—ალ. სარაჯიშვილი, საზოგადოების მუზეუმ-ბიბლიოთეკის მცველად იღია ფერაძე, 1909 წლიდან ამ

⁴²⁷ ლომთათიძე გ. ექვთიმე თაყაიშვილის ცხოვრება და დეაწლი, კრებულში—აკად. ექვთიმე თაყაიშვილი, თბ., 1966, გვ.36.

თანამდებობაზეა აღ. სარაჯიშვილი, საზოგადოების მდივნად არჩეული იქნა სურგო გორგაძე.⁴²⁸

ს.ს.ს. საზოგადოების ჩამოყალიბებას დიდი თანაგრძნობით შეხვდა მოსახლეობა. იგი ნამდვილად საერთო—ეროვნული ორგანიზაცია ხდება. მისი წევრები იყვნენ ერის სასიკადადულო შვილები: აკაკი წერეთელი, ვაჟა—ფშაველა, იაკობ გოგებაშვილი, ვასილ ბარნოვი, დავით კლდიაშვილი, ეკატერინე გაბაშვილი, ნინო ნაკაშიძე; უმაღლესი სასულიერო პირნი: კირიონი, ლეონიდე, ალექსანდრე, პეტრე ეპისკოპოსი; ხელოვნების მუშაენი: ზაქარია ფალიაშვილი და დიმიტრი არაყიშვილი; დიდი მეცნიერები: ივანე ჯავახიშვილი, ნიკო მარი, ალექსანდრე ხახანაშვილი, იოსებ თარხნიშვილი, მოსე ჯანაშვილი და სხვები.

პირველ წელს საზოგადოებაში თუ ირიცხებოდა 98 წევრი, ერთი წლის შემდეგ ეს რიცხვი 436—მდე გაიზარდა. საზოგადოების სახსრებს შეადგენდა წევრთა საწევრო გადასახადები და მოსახლეობისგან გაღებული შემოწირულობანი. მაგალითად, მზრუნველი პირის საწევრო წლიური გადასახადი 600 მანეთამდე აღწევდა. ს.ს.ს. საზოგადოების საქმიანობის პირველ წელს საზოგადოების ბიუჯეტი 379 მანეთს და 76 კაპ. შეადგენდა, ხოლო 10 წლის შემდეგ საზოგადოების შემოსავალმა 14000 მანეთს მიაღწია, ხოლო 1916 წლის ბალანსი უდრიდა 89257 მან. და 98 კაპ.⁴²⁹ ფულადი სახსრების გარდა, საზოგადოებას სწირავდნენ ისტორიულ ნივთებს, ძველ ხელნაწერებს, სიგელ-გუჯრებს და სხვა.

პირველსავე საზოგადო კრებაზე მიიღეს გადაწყვეტილება, რომ საზოგადოებასთან ჩამოყალიბებულიყო ანთროპოლოგიის, ისტორიის, ლიტერატურის, ლინგვისტიკის და ნუმისმატიკის განყოფილებები.

მძიებულნი და შვროვებული ნივთების დასაბინავებლად ლა ჯასაცავად საზოგადოების წესდების მესამე მუხლის პირველი პარაგრაფის მიხედვით, უნდა გაეხსნათ მუზეუმი, რომლის ძირითადი ამოცანა იქნებოდა ისტორიული ნივთებისა და დოკუმენტების მოძიება და დაცვა, რათა “საზოგადოების თვალსაწიერიდან არ დაკარგულიყო წარსულის ნაშთების აღნუსხვა, შესწავლა და მოვლა—პატრონობა.”

⁴²⁸ კრებული, “ძველი საქართველო”, ტ. III, ტყ; 1913, გვ 3.

⁴²⁹ თაყაიშვილი ე, დასახ. ნაშრ., კრებულში — “ე. თაყაიშვილი” გვ. 199.

ს.ს.ს. საზოგადოების მუზეუმის დაარსების ნებართვა ოფიციალურად 1912 წლის 24 იანვარს გაიცა, თუმცა ამ პერიოდისათვის საზოგადოებას უკვე ჰქონდა დაგროვილი საკმარის რაოდენობის სამუზეუმო ექსპონატები.) პირველ ხანებში ძველი წიგნები და ხელნაწერები თუ გროვდებოდა. პირველი ექსპონატები, რომლებმაც საფუძველი ჩაუყარეს მუზეუმ-ბიბლიოთეკის ფონდებს იყო ნიკოლოზ ხიზანიშვილის (ურბნელის) ქერავის მიერ 25 ცალი ძველი ქართული წიგნისა და 52 ცალი არაქართული წიგნის შეწირვა. ასევე მნიშვნელოვანი იყო ისტორიის მოყვარულთა წრის მიერ გამოცემული "თამარიანის" და 70-იოდე მანეთის შემოწირვა.

საზოგადოების მუზეუმში მოთავსდა სადეკორატივო საკრებულოსთან დაარსებულ საადგილმამულო კომისიის ოთახის ერთ-ერთ კუთხეში. მუზეუმის ფონდების გამდიდრების საქმეში დიდი წვლილი შეიტანა 1907 წელს დაარსებულმა სამუზეუმო კომისიამ, რომლის თავჯდომარე იყო აქთაყაიშვილი, კომისიის წევრები კი—ალ. სარაჯიშვილი, დ. ცეცხლაძე და სხვები.

კომისიამ ენერგიული მუშაობა გააჩაღა სამუზეუმო ნივთების მისაძიებლად და შესაგროვებლად. ექსპონატები მუზეუმში ხვდებოდა შემოწირულობათა და შესყიდვის გზით.

1908 წლის განმავლობაში არაერთი მნიშვნელოვანი შემოწირულობა შემოვიდა ექ. თაყაიშვილმა მუზეუმ-ბიბლიოთეკას გადასცა ორი ხელნაწერი: ვახტანგის VI კანონები და სამართალი. მას სხვებმაც მიბაძეს: მოსე ჯანაშვილმა მეტად მნიშვნელოვანი არქეოლოგიური ნივთები შესწირა, თავადმა გიორგი დავითის ძე ერისთავმა—ექვსი ძველებური ბეჭედი, არაბული მონეტა, საკალატოზო შეეული (მინანქრიანი), დასაკეცი ხატის ძვლის პატარა კარი და სხვ. ვენერაღმა ვლადიმერ მაყაშვილმა—1691 წლის ხელნაწერი "დავითნი" და 1738 წლის ხელნაწერი "გამლოცვანი"; მარიამ ჯანაშვილმა—ორბელაძისამ ყურცხლით გაწყობილი კეხი, ოქროთი დაფერილი ხატი, ვერცხლის რახტი, ოქრომკვლით ნაკერი ქალის პირსაბურთი, სამღვდელო ფილინი, სტიქარი, ქაშარი, ოღარი და მარგალიტით შემკული საბუხრეები.⁴³⁰

1909 წლის ბოლოს მუზეუმის ფონდებში უკვე ირიცხებოდა 79 სამუზეუმო ნივთი—ძირითადად: ნუმიზმატიკური მასალა, საეკლესიო და ეთნოგრაფიული ნივთები. მაგრამ სამუზეუმო

⁴³⁰ რ. მეტრეველი, საქართველოს საისტორიო და საეთნოგრაფიო საზოგადოება, თბ. 1982 წ. გვ. 68.

ნივთების შეკრებას და სათანადოდ მოვლა-პატრონობას ხელს ძალზე უშლიდა თითქმის ყველა მუზეუმისთვის დამახასიათებელი სენი—საგამოფენო და საფონდო ფართის სიმცირე. ს.ს.ს. საზოგადოების მესვეურები თავიდანვე ენერგიულად აყენებდნენ მუზეუმისათვის შესაფერისი შენობის აგების საკითხს. ექ. თაყაიშვილი 1907 წლის სექტემბერში ილიას ხსოვნისადმი მიძღვნილ პუბლიკაციაში წერდა: “ამჟამად, ჩვენთვის აუცილებელს საჭიროებას შეადგენს მუზეუმის აშენება, სადაც უნდა მოთავსდეს ქართული კულტურის ნაშთები, რომელიც ეხლა “წერა-კითხვის საზოგადოებაში” ინახება. ამ მუზეუმში უნდა შეგვიბოთ ყოველგვარი საისტორიო, საარხეოლოგიო, სალიტერატურო და საეთნოგრაფიო ნაშთები და ნიმუშები საქართველოს ერისა. მუზეუმში უნდა მოვაწყოთ ისე, რომ საქართველოს წარსული და აწმყო ნათლად გვედგას თვალწინ”.⁴¹

მუზეუმში ექსპონატების დაგროვებასთან ერთად, სამუზეუმო კომისიის და მისი თავკაცის ექ. თაყაიშვილის ძალისხმევით, შესაძლებლობა შეიქმნა საზოგადოების მუზეუმ-წიგნსაცავისთვის უფრო ვრცელი ფართის გამოყოფა, თბილისის სათაყვანისაურო გიმნაზიის შენობის (ამჟამად თბილისის უნივერსიტეტის შენობის I კორპუსი) მეორე სართულის ვრცელ დარბაზში. მოგვიანებით მუზეუმმა ამავე შენობის მესამე სართულსაც მთელი მარჯვენა ფრთა დაიკავა. შემდგომში აქ წერა—კითხვის გამავრცელებელი საზოგადოების წიგნთსაცავ-მუზეუმიც გადმოვიდა, რითაც ბევად გადაურჩა იმ ხანძარს, რომელიც გაჩნდა ამ მუზეუმის ძველ სადგომზე—დ. სარაჯიშვილის ქარვასლაში.

ოფიციალური ნებართვის მიღების შემდეგ, უფრო სწრაფად დაიწყო მუზეუმის ფონდების ექსპონატებით გამჭვიდრება.

1911 წელს მუზეუმს მნიშვნელოვანი ძველებური ხელნაწერები შესწირეს: ა. ქვლიყაძემ, დ. ყიფიანმა, ზ. მაღალაშვილმა, ს. გამრეკელმა, ს. ჯაყარიშვილმა, ა. გარაყანიძემ, გ. ყარანგოზაშვილმა და სხვებმა. განსაკუთრებით უნდა აღინიშნოს გ. საყვარელიძის მემკვიდრეების მიერ გადმოცემული ვახტანგ მეექვსის დროინდელი სიგელ-გუჯრები, ხელნაწერები, 31 ვერცხლისა და 29 სპილენძის მონეტები; ასევე მნიშვნელოვანი იყო ლეონარდ ზუბალაშვილის მიერ შემოწირული 14 დოკუმენტი, ბიძინა მაყაშვილის მიერ გადმოცემული XIX საუკუნის ხელნაწერები, სამსონ

⁴¹ გაზ. “ისარი” 1907 წლის 14 სექტემბერი, №201.

ბაიდაშვილის მიერ ნაჩუქარი 60 სიგელ-გუჯარი, "სამდივნოს წიგნი", "წიგნი ზეციდან ბოძებული" და სხვა სიძველენი; მანვე მუზეუმს შესწირა ყმების განთავისუფლების აღსანიშნავად მოჭრილი მედალიონი; ნატალია გობედაშვილმა--ხელნაწერი "ბუქანიანი", თეიმურაზ პირველის თხზულებანი და სხვები; დუშიკო ფაველენიშვილმა--ტყავსა და ქაღალდზე დაწერილი 8 საგელი; ი. მაჭავარიანმა--"არჩილიანის" XVIII საუკუნის ხელნაწერი; რაქაძენ დათეშიძემ--"ეფფხისტყაოსნის" XVII საუკუნის ხელნაწერი და სხვა.⁴³²

მუზეუმს ძველი ნივთები უსახსოვრეს: ე. გულისაშვილმა, ნ. ჯაფახიშვილმა, ე. კვესაძემ, ქ. ჯანდიერმა, ნ. ჯავრიშვილმა, ს. ღამბაშიძემ და სხვებმა. განსაკუთრებით აღსანიშნავი იყო მღვდელ იოსებ ჩიტაძისაგან საჩუქრად მიღებული ალექსანდრე ბატონიშვილისეული თოფი, ორი დამბაჩა, ხანჯალი, 9 ქართული და ბიზანტიური მონეტა, 4 ქართული თეთრი და სხვა; გენერალმა სპირიდონ ანდრონიკაშვილისგან--ორი სპილენძის ძველებური ჯვარი და ქათბის 24 ოქროს ღილი; ალექსანდრე სარაჯიშვილმა-- რკინით შეჭედული დიდი ძველებური სკივრი; ანა კაპანაძისამ-- ღეთისმშობლის ხატი და სადაფი.

მუზეუმს ნუმიზმატიკური მასალა შესწირეს: ვ. დეკანოზიშვილმა, დ. ჯავრიშვილმა, გ. ასათიანმა, ა. მინდელმა, ნ. ახმეტელაშვილმა, ვ. კანდელაკმა, ნ. ქარსელაძემ, ვ. ნახუცრიშვილმა, ო. გორგაძემ, ი. პაიჭაძემ, გ. ყაზბეგმა და ნ. შატბერაშვილმა.

განსაკუთრებით მნიშვნელოვანი იყო: მღვდელ ალექსანდრე ფხალაძის მიერ შემოწირული რუსუდან მეფის დროს მოჭრილი მონეტა, სპილენძის 11 და ვერცხლის 5 მონეტა და ვახტანგ კანდელაკის მიერ გადმოცემული კოლხური თეთრი.

დროთა განმავლობაში საზოგადოების მუზეუმმა ისტორიული, არქეოლოგიური, ეთნოგრაფიული ნივთებისა, და ფოლკლორული მასალების მოძიებისა და შეკრების მიზნით, დაიწყო ფაროო საექსპედიციო სამუშაოების განხორციელება. საქართველოს სხვადასხვა კუთხეებში მოწოდებულ ექსპედიციებში მუზეუმის თანამშრომლებთან ერთად მონაწილეობას იღებდნენ საგანგებოდ მოწვეული მეცნიერები, მხატვრები, ფოტოგრაფები და სხვადასხვა სპეციალობის მქონე პირები. სულ მოეწყო ორმოცზე მეტი ექსპედიცია: ქართლი, კახეთი, ქიზიყი, იმერეთი, გურია, სამეგრელო, რაჭა-ლეჩხუმი, სამცხე-ჯავახეთი-- ეს იყო არასრული სია საქართველოს იმ

⁴³² "ძველი საქართველო", ტ. III ტფ. 1914, გვ. 5.

კუთხეებისა, სადაც მუზეუმის ექსპედიცია სწავლობდა მატერიალური კულტურის ძეგლებს. იღებდა ნახაზებს, გეგმებსა და ფრესკის ასლებს. ამ ექსპედიციების დროს ახალ სიმაღლეზე იქნა აყვანილი ქართული კულტურის ძეგლთა შესწავლის მეცნიერული დონე.

ეკლესია-მონასტრების კედლებიდან ფრესკების გადმოხატვა საგანგებოდ მოწვეული ახალგაზრდა მხატვრების მიერ, მთელი საქართველოს მასშტაბით ხორციელდებოდა. ძირითადად ხდებოდა დინასტიური პორტრეტების: ქართველ მეფე-დედოფალთა, ერისთავებისა და დიდებულთა ფრესკის პირების დამზადება. ფრესკის ასლები შესრულდა შემდეგი ეკლესია-მონასტრების კედლებიდან: ბეთანია, საფარა, მცხეთა, ყონწვისი, ჭულევი, ტიმოთეს უბანი, ნაბახტევი, ნაყურალეში, ტაბაკანი, ვანი, გარეჯი, ბერთუბანი და ნეკრესი.⁴³³

მუზეუმმა მოიპოვა და შეკრიბა მრავალი ისტორიული ღირებულების მქონე ნივთი და ხალხური ზეპირსიტყვიერების ნიმუში, ძველი ხელნაწერი და სიგელ-გუჯარი. ეს ექსპედიციები მნიშვნელოვანი იყო იმიტომაც, რომ დროთა განმავლობაში ბევრი ძეგლი დაინგრა, ფრესკა განადგურდა, მრავალი ისტორიული ნივთი საერთოდ გაქტრა და მხოლოდ მუზეუმის მიერ ჩატარებული ამ სამუშაოების შედეგად თუ შემორჩა შთამომავლობას.

ამ მხრივ განსაკუთრებით საყურადღებო იყო I მსოფლიო ომის მიწურულს სამხრეთ-დასავლეთ საქართველოში მოწყობილი ტაო-თორთუმ-ისპირის ექსპედიცია, რომელშიც ექ. თაყაიშვილის გარდა მონაწილეობდნენ არქიტექტორი ან. კალგინი, ი.ზდანევიჩი, ახალგაზრდა მხატვრები: დ. შევარდნაძე, ლ. გუდაშვილი, და მ. ჭიაურელი. ექსპედიციას დიდი დახმარება აღმოუჩინეს I მსოფლიო ომში მონაწილე ქართველმა ოფიცრებმა. შესწავლილი იქნა ხახულის, ექექის, ოშკის, იშხანის, ბანას, პარხლის ტაძრები, თორთუმის ციხე და სხვა ქართული ხუროთმოძღვრული ძეგლები გაკეთდა მათი მეცნიერული ანახაზები და გეგმები. ფიქსაცია გაუკეთდა მატერიალური კულტურის ძეგლებს, არქიტექტურულ დეტალებს და მნიშვნელოვან საგნებს, გადმოღებული იქნა ფრესკებიდან ასლები და სხვა. როგორც ექ. თაყაიშვილი აცხადებდა: "ამ ექსკურსიების დროს არის უმეტესად შეგროვილი ჩვენი

⁴³³ ექ. თაყაიშვილი, დასახ. ნაშრ., კრებულში - "ე. თაყაიშვილი," გვ. 195.

მუხეუმი—ბიბლიოთეკის ნივთები, ხელნაწერები, სიგელ-გუჯრნი, სურათები, ფრესკები და გეგმები”⁴³⁴

ექსპედიციებში მოძიებული, შესყიდული თუ შემოწირული მასალების შესწავლის გარდა, მუხეუმი მნიშვნელოვან საგანმანათლებლო საქმიანობასაც ეწეოდა. მიღებული მეცნიერული შედეგები და დასკვნები ცნობილი ხდებოდა საზოგადოების კრებებსა და ფართო აუდიტორიის სამსჯავროზე. საზოგადოების კრებები სისტემატურად იმართებოდა თითქმის ყოველ თვეში. ამ კრებებზე საზოგადოების მიმდინარე საკითხების გარდა ისმენდნენ სამეცნიერო ლექცია-მოხსენებებს როგორც საზოგადოების წევრები, ისევე მოწვეული სპეციალისტები.

ს.ს.ს. საზოგადოების მოღვაწეობის პირველი ათი წლის განმავლობაში მოწვეულ 124 კრებაზე სულ ჩატარებულა 88 საჯარო ლექცია. საზოგადოება ამ მხრივ, მეტად დაეაღებულა ყოფილა საზოგადოების წევრის ივანე ჯავახიშვილისაგან. იგი საზოგადოების სახელით და საზოგადოების სასარგებლოდ თითქმის ყოველ წელს კითხულობდა საჯარო ლექციებს. ივანე ჯავახიშვილის გარდა, საზოგადოების კრებებზე საჯარო ლექციები წაიკითხეს: ექვთიმე თაყაიშვილმა, ალექსანდრე ხახანაშვილმა, აკაკი შანიძემ, კორნელი კეკელიძემ, პავლე ინგოროყვამ, დავით კარიჭაშვილმა, სერგო გორგაძემ, გიორგი ჩუბინაშვილმა და სხვებმა. ლექციების თემები ეხებოდა საქართველოს ისტორიის, ეკონომიკის, სამართლისა და კულტურის სხვადასხვა აქტუალური პრობლემებს. ლექციებს როგორც ვთქვით, ფართო აუდიტორია ესწრებოდა და ყოველთვის ხალხით გატყდილ დარბაზში ტარდებოდა.

ს.ს.ს. საზოგადოების სამეცნიერო სამუშაოთა შედეგები ხშირად ქვეყნდებოდა საზოგადოების გამოცემებში. ამისათვის დაარსდა ორი სერია: “ძველი საქართველო” და “საქართველოს სიძველენი”. თუ პირველში ძირითადად ქვეყნდებოდა სამეცნიერო შრომები, გამოკვლევები კუმიანიტარული მეცნიერების სხვადასხვა დარგში, მეორეში ისტამბებოდა თვით წყაროები: სიგელ-გუჯრები, ხელნაწერები, ისტორიული წერილები და სხვა დოკუმენტები. კრებული “ძველი საქართველო” სულ გამოვიდა ოთხ ტომად, ხოლო “საქართველოს სიძველენი” სამ ტომად. ამ წიგნში სულ დაიბეჭდა 1527 სიგელ-გუჯარი და სხვა საბუთები.

⁴³⁴ ექ. თაყაიშვილი, დასახ. ნაშრ., კრებულში —“ე. თაყაიშვილი”, გვ. 193.

ამ პერიოდში ს.ს.ს. საზოგადოება ქართველოლოგიის ცენტრის ფუნქციებსაც ასრულებდა. იგი განსაკუთრებით ამახვილებდა ყურადღებას ლექსიკოგრაფიულ და ლინგვისტურ საკითხების კვლევაზე. ამ მიმართულებით მოღვაწეობდნენ: ა. შანიძე, ი. აბულაძე, პ. კარბელაშვილი, ს. გორგოძე, ი. სონღულაშვილი, გ. იმნაიშვილი და სხვები. საზოგადოება სცემდა ორ ფოლკლორული ხასიათის სერიას— “ძველი ქართული მწერლობა” და “ქართული ხალხური ზეპირსიტყვიერება”. 1914 წელს გამოიცა “ეფესიტაოსანი”, ხოლო 1916 წელს—“შანამეს” ქართული თარგმანის I ტომი. გამოსაცემად მომზადდა სხვა ნაშრომებიც, მაგრამ შემდგომში გამეფებულმა ანარქიამ შეაფერხა მუშაობა.

ექსპედიციებში მოგროვებული მასალათა საფუძველზე მუზეუმმა ორჯერ მოახერხა მოეწყო თავადაზნაურთა გიმნაზიის შენობაში გამოფენების მოწყობა. 1914 წელს გახსნილ ფოტო გამოფენაზე ძირითადად წარმოდგენილი იყო სამეგრელოსა და გურიაში შეკრებილი მასალა, რომელიც ასახავდა ამ რეგიონებში არსებულ მატერიალური კულტურის ძეგლებსა და მხარის ეთნოგრაფიულ ყოფას.

1917 წელს მოწყობილ მეორე გამოფენაზე ძირითადად ნაჩვენები იყო საქართველოს სხვადასხვა კუთხეში მდებარე ეკლესია-მონასტრებიდან აღებული ფრესკის პირები. აღნიშნულ გამოფენებს დიდი ინტერესი გამოუწვევია დამთვალიერებლებში, განსაკუთრებით მეორე გამოფენამ “დიდი ყურადღება მიიქცია თავისი ორიგინალობით, არა თუ ჩვენში, არამედ რუსეთშიაც”⁴³⁵

მუზეუმის ფონდები თანდათანობით მდიდრდებოდა სხვადასხვა შემოწირულობებით, შესყიდვითა და ექსპედიციებში მოგროვილი მასალებით.

1910 წელს მუზეუმში თუ იყო მხოლოდ 79 ექსპონატი და ისიც უმთავრესად ხელნაწერები და წიგნები, 1917 წლისათვის მუზეუმში უკვე ირიცხებოდა 2432 ერთაული არქეოლოგიური, ეთნოგრაფიული და ისტორიული მნიშვნელობის ნივთი, 550 ნაქსო-ნაკერი ექსპონატი, 62 ქანდაკება, 585 მხატვრული ტილო-ისტორიულ პირთა პორტრეტები.

განსაკუთრებით მდიდარი იყო მუზეუმის ნუმიზმატიკური ფონდი. ეს ფონდი ძირითადად შედგა სამი კოლექციისაგან: 1) საქართველოს კათოლიკოს-პატრიარქის კირიონ II კოლექცია, რომელშიც ითვლებოდა 2700 ერთაული, უმთავრესად დასავლეთ ევროპისა და აზიის სახელმწიფოების მონეტები. 2) იაკობ

⁴³⁵ ექ. თაყაიშვილი, დასახ. ნაშრ., კრებულში —“ე. თაყაიშვილი”, გვ. 193.

მედვედივეისაგან შექნილი კოლექცია, რომელიც ძირითადად ქართული მონეტებისაგან შედგებოდა და 3) ექვთიმე თაყაიშვილისაგან შემოწირული კოლექცია, რომელიც მოგროვებული ან შექნილი იყო საქართველოს თითქმის ყველა კუთხიდან.

მუზეუმის ნუმისმატიკურ კოლექციაში განსაკუთრებით გამოსარჩევი და მნიშვნელოვანი იყო ქართული მონეტები. აქ ბევრი ე.წ. "უნიკუმი" (იშვიათი) მონეტა მოიპოვებოდა. ქართული მონეტების ქრონოლოგია მოიცავდა პერიოდს—კოლხური თეთრიდან დაწყებული ქართულ—რუსული თეთრით დამთავრებული, რომელის გამომშვებაც შეწყდა 1833 წელს.

აღნიშნული მონეტების განსაზღვრაში, შესწავლაში, მეფეთა და დინასტიების მიხედვით მათ დალაგებაში საზოგადოების მუზეუმს უდიდესი სამსახური გაუწია ქართული ნუმისმატიკის საუკეთესო სპეციალისტმა ევგენი პახომოვმა.

1917 წელს ქართული მონეტების ფონდი ითვლიდა 3883 ერთეულს, აქედან 1081—ვერცხლის, 2794—სპილენძის და 4—ბრინჯაოს მონეტას.⁴³⁶

ასევე გაიზარდა საზოგადოებაში დაცული წიგნადი ფონდი. 1917 წლისათვის აქ აღნუსხული იყო 9875 წიგნი. აქედან 1495 წიგნი ქართულ ენაზე იყო გამოცემული. ამავე პერიოდში აქ ირიცხებოდა 1427 ხელნაწერი, 8000-ზე მეტი სოცილ-გუჯარი და 160 ალბომი.

ქართული ინტელიგენციის მოწინავე წარმომადგენლებს უდიდესი წვლილი მიუძღვით, საზოგადოების ჭეხუემის ფონდების არა მარტო გამდიდრებაში, არამედ მატერიალური სახსრებით დახმარებაშიც.

დაკით სარაჯიშვილმა ს.ს.ს. საზოგადოებას შესწირა 100 000 მანეთი. ამ თანხით ვერაზე, წყნეთის ქუჩაზე უნდა ეყიდათ მიწის ნაკვეთი, მუზეუმის ბინის ასაშენებლად.

პეტრე თუშინიშვილმა კი—საჩუქრად გადასცა ერთი დეკეტინა ფართობის მიწის ნაკვეთი სათავადაზნაურო გიმნაზიის მახლობლად. მან აგრეთვე ფოტოგრაფ დიმიტრი ერმაკოვს დაამზადებინა საქართველოს ეკლესია-მონასტრების და სიძველეთა ფოტო-ალბომი და საჩუქრად გადასცა საზოგადოების მუზეუმს.

ნიკოლოზ ლოდობერიძემ მუზეუმს ანდერძით გადასცა თავისი ქონების საწილი, რომელიც შეფასებული იყო 13000 მანეთად.

⁴³⁶ ექ. თაყაიშვილი, დასახ. ნაშრ., კრებულში —"ე. თაყაიშვილი", გვ.194.

მრეწველმა და მეცენატმა აკაკი ხოშტარიამ საზოგადოებას შესწირა 8000 მანეთი და სამუზეუმო ნივთები, ექიმმა ი. მრეულიშვილმა—5000 მანეთი, ნიკოლოზ ჯაყელმა და მიხეილ მირიამულმა კი ათას-ათასი მანეთი.

ს.ს.ს. საზოგადოებას მატერიალურად ეხმარებოდნენ ჩვენი სასიკადალო მამულიშვილებიც, მიუხედავად იმისა, რომ ისინი თვითონ განიცდიდნენ მატერიალურ ხელმოკლეობას. აკაკი წერეთელმა ანდერძით საზოგადოებას გადასცა თავისი პატარა მამული და ის თანხა, რომელიც უნდა შეკრებილიყო მის დაკრძალვაზე გვირგვინების სანაცვლოდ. ეს თანხა შეადგენდა 13000 მანეთს.

იაკობ გოგებაშვილმა საზოგადოებას შესწირა სესხის მომგებიანი ბილეთი, რომლის ღირებულება ათას მანეთს უტოლდებოდა.

საზოგადოებას მატერიალური დახმარება გაუწია აგრეთვე საქართველოს კათალიკოს—პატრიარქმა კირიონ II, აკადემიკოსმა ნიკო მარმა, პროფესორმა ალექსანდრე ცაგარელმა და სხვებმა.

ყოველივე ამის შედეგად, საქართველოს საისტორიო და საეთნოგრაფიო საზოგადოებას დაუგროვდა საკმაოდ სოლიდური ქონება. 1917 წლისათვის იგი შეფასებული იყო 700000 მანეთად.

1914—15 წლებში საზოგადოების მუზეუმს მნიშვნელოვანი ნივთები შესწირეს: დარია და ივანე ჭავჭავაძეებმა—ერეკლე მეფის საწერ-კალაში, ვერცხლის კოლოფი, რამდენიმე ხელნაწერი ლოცვანი და მხატვრული ტილო; ეასილ მამულაშვილმა—ერეკლე მეფის ნაქონი მაშხალა; მინადორა ტატიშვილმა—ერეკლე ბატონიშვილის კუთვნილი მინის ჭურჭელი და ერეკლე მეფის ასულის ანა ბატონიშვილის წერილი ქსნის ერისთავისადმი; იასონ ციციშვილმა—ერეკლე მეფის ასულის მარიაშის სამშითვო ნივთები: ფაიფურის, ფიანისის და მინის ჭურჭელი (8 ერთეულამდე) და ანტონ კათოლიკოსის ნაქონი თეფში, თბილისის მოურავის ესტატე ფანასკერტელ-ციციშვილის ორი სავარძელი, მხატვრული ტილო, კერამიკული სასმისები და სხვა; პლატონ იოსელიანის ქვრივმა ანა ნიკოლოზის ასულმა—რამდენიმე ანტიკვარული ნივთი ძველებური ავეჯის კომპლექსიდან და კარაბადინის ხელნაწერები; ანა კაპანაძე—სპილენძის სამკლავე ოქროს

ზარნიშით, ოქრომკედის ქამარი ვერცხლის აბზინდით და მეფე ერეკლეს დროინდელი რამდენიმე მონეტა.⁴³⁷

გარდა ამისა, შემოწირულობები გაიღეს: მ. თარხნიშვილმა, მ. ხუციშვილმა, ან. წერეთელმა, ა. ფალაყანდიშვილმა, ი. როსტიაშვილმა, ზ. ტურიაშვილმა, ივ. ჭაუჭავაძემ და სხვებმა.

ამავე წლებში მუზეუმს თინათინ კესეღმა გადასცა "ვეფხისტყაოსნის" XVII საუკუნის ხელნაწერი; იოსებ საყვარელიძემ—31 სიგელ—გუჯარი; დიმიტრი სულხანიშვილმა—როსტომ მეფის დროინდელი საბუთები; ეპისკოპოს კირიონმა—129 წიგნი და ხელნაწერი; პავლე თუშანიშვილმა—2438 წიგნი და ხელნაწერი; დიმიტრი აბაშიძემ—33 სიგელ—გუჯარი, მხედრულად ნაწერი "კონდაკი" და საგვარეულო დოკუმენტები; ნიკო ახმეტელაშვილმა—12 ცალი სიგელი; შალვა ქარუმიძემ მხედრული ანბანით შესრულებული ხელნაწერები "როსტომიანი" და "სამართალი მეფის ვახტანგისა"; ანა წერეთელმა—40-მდე ისტორიული საბუთი; ს. ღამბაშიძემ—ვახტანგ VI სამართალი, რამოდენიმე ძველი სიგელი და საწერი მოწყობილობის კომპლექტი; ხოლო ა. მაყაშვილმა—23 სიგელ—გუჯარი; ი. საყვარელიძემ—31 სიგელ—გუჯარი⁴³⁸ და სხვა.

ამ სახის ექსპონატები გადასცეს მუზეუმს აგრეთვე: მ. იმედაშვილმა, ზ. მაღალაშვილმა, მ. მარტიაძემ, ემიხელიძემ, დ. გურამიშვილმა, მ. ჩხვიძემ და თ. სახოკიამ.

მუზეუმისადმი განსაკუთრებით ბევრი იყო შემოწირული ნუმიზმატიკური მასალა: ზაქარია ფორაქიშვილმა მუზეუმს გადასცა თეიმურაზ მეფის დროინდელი სპილენძის მონეტები, მიხეილ ზედგენიძემ—20 ვერცხლისა და ოქროს მონეტა, მოსე თოიძემ—26 სპილენძის მონეტა და რამდენიმე მხატვრული ტილო, პეტრე შაპრაძემ—ანტიკური ხანის მონეტები და სხვა.

ნუმიზმატიკური ფონდის გამდიდრებისთვის აგრეთვე მადლობა დაიშასახურეს: მ. ნაცვლიშვილმა, მ. არაქელაშვილმა, ვ. პაპიძემ, გ. ნოზაძემ, ვ. ბარნოვმა, ს. ვანნაძემ, ა. ამირაჯიბმა, ე. თარხან—მოურავმა და სხვებმა.⁴³⁹

შემოწირულობებით, შესყიდვითა და ექსპედიციებში მოპოვებულ სამუზეუმო მასალის დიდი რაოდენობით დაგროვებამ, მეტისმეტად გადატვირთა მუზეუმის საფონდო ოთახების ისედაც მცირე ფართობი. არც საექსპოზიციო ფართს უჩანდა სასიკეთო პირი. ახალი საფონდო ფართის გამოძებნის

⁴³⁷ კრებული "ძველი საქართველო", ტ. III, ტფ., 1914, გვ. 4.

⁴³⁸ კრებული "ძველი საქართველო", ტ. III, ტფ., 1914, გვ. 5.

⁴³⁹ კრებული "ძველი საქართველო", ტ. III, ტფ., 1914, გვ. 6.

საჭიროებამ, აიძულა საზოგადოების მესვეურების ძალისხმევა ამ მიმართულებით წარმართულიყო.

როგორც ზევით აღვნიშნეთ, ასეთივე მდგომარეობაში იყო ჩავარდნილი და ანალოგიური პრობლემები აწუხებდა წერა-კითხვის გამავრცელებელი საზოგადოების მუზეუმსაც. ამიტომ სამუზეუმო საქმიანობის განვითარების მიზნით, გადაწყდა საქართველოში არსებული მთელი სამუზეუმო ძალების გაერთიანება და პრობლემის ერთიანი ძალებით მოგვარება. ამას ემსახურებოდა ექ. თაყაიშვილის თავმჯდომარეობით სამუზეუმო კომისიის შექმნა. კომისია ძალასა და ენერგიას არ ზოგავდა მუზეუმის საბინაო პრობლემის გადასაჭრელად. იგი ცდილობდა საქმეში ჩაება რომელიმე შეძლებული ქველმოქმედი და გულშემატკივარი. მუზეუმის შენობის აგების თაობაზე პირველად მათ მიმართეს ცნობილ მრეწველებს და მეცენატებს ძმებ ზუბალაშვილებს. მაგრამ იმპერიოდში ზუბალაშვილების გართულებული და გაუარესებული კომერციული მდგომარეობის გამო, ეს საქმე ადგილიდან აღარც დაძრულა.

ქართულმა საზოგადოებამ გულთან ახლოს მოიტანა სამუზეუმო კომისიის გასაჭირი. 1910-1914 წლებში ბევრი შემოწირულობები შედიოდა კომისიის სახელზე მიწის ნაკვეთის საყიდლად და მუზეუმის შენობის ასაგებად. მათგან აღსანიშნავია დავით სარაჯიშვილის ღიდი მამულიშვილობა, რომელმაც იკისრა მიწის ნაკვეთის ყიდვა და მუზეუმის შენობის აგება. ამისათვის გამოყო კიდევ სათანადო თანხა.

მატერიალური საფუძვლის შექმნას მოჰყვა მუზეუმის შენობისათვის საჭირო მიწის ნაკვეთის შერჩევა. მალე ასეთი ადგილიც გამოინახა ჯერ ვერაზე, ფრეილინის ქუჩაზე, სათავადაზნაურო გიმნაზიის გვერდით, ხოლო შემდეგ, არჩევანი შეჩერდა უკეთეს ვარიანტზე. ე.წ. "ფიქრის გორაზე" 60090 მანეთად შესაძლებელი იყო 1800 კვ. საყენი მიწის ნაკვეთის ყიდვა. ზოგი კომისიას ურჩევდა მუზეუმზიათვის შეეძინათ ანჩისხატის ეკლესიის მახლობლად გიორგი XII ყოფილი სასახლე.⁴⁴⁰ საქმე თითქოსდა სასიკეთოდ უნდა წარმართულიყო. ისევ გულშემატკივრების შემოწირულობებით კომისიამ მუზეუმის შენობის ასაგები თანხის შეგროვებაც შეძლო. მაგრამ სულ მალე სიტუაცია მკვეთრად უარესობისაკენ შეიცვალა. პირველი მსოფლიო ომის დაწყებას ქვეყანაში არსებული

⁴⁴⁰ გ. ლომთათიძე, ექვთიმე თაყაიშვილის ცხოვრება და ღვაწლი, კრებულში, "ექვთიმე თაყაიშვილი", თბ. 1966, წ. გვ. 42

სიძნელეების გამწვავება მოჰყვა. ამას დაემატა დაეთ სარაჯიშვილის გარდაცვალება და ბოლოს, რევოლუციური კატაკლიზმების შედეგად გამეფებულმა უწესრიგობამ და ფულის კატასტროფულმა ინფლაციამ გააუფასურა შემოწირულობებით მოგროვებული თანხები და მუზეუმიზმისათვის ახალი შენობის აგების იდეა საბოლოოდ დაასამარა.

მიუხედავად უბინაობისა და საერთო გაჭირვებისა საქართველოს საისტორიო და საეთნოგრაფიო საზოგადოება მაინც განაგრძობდა ფუნქციონირებას. საზოგადოების სამუშაოებიდან აღსანიშნავია რაჭაში მოწყობილი ექსპედიცია, საიდანაც ბევრი სამუზეუმო ნივთი იქნა შეკრებილი. საქსპოზიციო სამუშაოებიდან უნდა აღინიშნოს 1920 წელს ორგანიზებული ქართული ხუროთმოძღვრული ნიმუშების გამოფენა, რომელიც უმთავრესად ექვთიმე თაყაიშვილის ხელმძღვანელობით ჩატარებული ექსპედიციების შედეგად მოგროვილი მასალების საფუძველზე მოეწყო.

ამ გამოფენის გამართვა დიდი მოვლენა იყო ქართველი ხალხის სულიერ ცხოვრებაში. მისი მნიშვნელობა გასცილდა ჩვეულებრივი გამოფენის ფარგლებს. ექსპოზიციაში ასახული იყო ქართული მატერიალური კულტურის ძეგლთა გვემები, ფოტოსურათები; ჩამოსხმული იყო ქანდაკებითი ნიმუშები. ექსპოზიციამ თვალნათლივ წარმოადგინა ქართული ხუროთმოძღვრების განვითარება VI საუკუნიდან—XVII საუკუნემდე; ნაჩვენები იყო, თუ რა სრულყოფას მიაღწია ხუროთმოძღვრების ქართულმა სტილმა ისტორიის ათსაუკუნოვან მანძილზე.⁴⁴¹

საქართველოში საბჭოთა ხელისუფლების დამყარების შემდეგ ს.ს.ს. საზოგადოების მდგომარეობა შეიცვალა. მისი თავკაცის ექ. თაყაიშვილის, საქართველოს სამუზეუმო განძეულობის საპატრონოდ და გადასარჩენად საზღვარგარეთ ემიგრაციაში წასვლის შემდეგ, 1922 წელს საისტორიო საზოგადოებას სათავეში უღებდა ივანე ჯავახიშვილი. ამ პერიოდში საზოგადოების მუზეუმის ფონდების გამდიდრებაც მოხერხებულა. ეს მომხდარა საქართველოდან რუსეთში პირველი მსოფლიო ომისა და რევოლუციების დრის გატანილი მნიშვნელოვანი ისტორიული საბუთებისა და ხელნაწერების დაბრუნების შედეგად. მათ დამუშავებასა და მოწესრიგებაში აქტიური მონაწილეობა მიუღიათ: ს. ჯანაშიას, არნ. ჩიქობავას, ა. შანიძეს, ს. კაკაბაძეს და სხვა თვალსაჩინო მეცნიერებს.

⁴⁴¹ რ. შეტრეველი, დასახ. ნაშრ. გვ. 115.

XX საუკუნის 20-იან წლებში საისტორიო და საეთნოგრაფიო საზოგადოება ჯერ კიდევ წარმოადგენდა ქართული ისტორიული მეცნიერების მნიშვნელოვან კერას. მაგრამ ბოლშევიკური მმართველობის პერიოდში, რადგან საზოგადოება საქველმოქმედო ორგანიზაცია იყო, მას ფინანსურად ძალზე გაუჭირდა. საბჭოთა ხელისუფლებამ სამუზეუმო და სამეცნიერო სამუშაოთა აქცენტები სხვა მიმართულებებით გადაიტანა. მიუხედავად იმისა, რომ ს.ს.ს. საზოგადოებაში ქართული ინტელიგენციის მოწინავე სამეცნიერო ელიტა იყო გაერთიანებული, \ 1927 წელს საზოგადოების მუზეუმში წყვეტს არსებობას. სამუზეუმო ექსპონატები ჯერ თბილისის სახელმწიფო უნივერსიტეტის, ხოლო შემდეგ საქართველოს მუზეუმის ფონდებში გადადის.

ამრიგად, საისტორიო და საეთნოგრაფიო საზოგადოების მუზეუმი, რომელიც ეროვნულ დაწესებულებად ჩამოყალიბდა, თავის არსებობის მანძილზე დიდსა და მნიშვნელოვან სამუშაოებს ასრულებდა. იგი ეძებდა, კრებდა და შთამომავლობას უნახავდა ქართველი ერის მდიდარი კულტურული მემკვიდრეობის ნიმუშებს. მის კედლებში დიდი სამეცნიერო-კვლევითი სამუშაოები ტარდებოდა, რითაც მნიშვნელოვნად მდიდრდებოდა ქართული ისტორიოგრაფია და წყაროთმცოდნეობა.



§ 8 საეკლესიო მუზეუმი

XIX საუკუნის 80-იან წლებში, როდესაც ცარიზმმა ქართული კულტურის წინააღმდეგ გააძლიერა თავისი რეაქციული საქმიანობა, ადგილობრივი საზოგადოების მოწინავე წარმომადგენლების გვერდით ტრადიციულად დადგა ქართული ეკლესია. იგი გადაჭრით დაუპირისპირდა თვითმპყრობელობის კოლონიურ პოლიტიკას და აქტიურად დაიწყო ბრძოლა ქართული ენის, / სარწმუნოებისა და კულტურის დაცვა-გადარჩენისთვის. ერთ-ერთი ასეთი ღონისძიება იყო საეკლესიო სიძველეთა, ქართული კულტურის შემაღლებელი ნაწილის-საეკლესიო სიძველეთა მოძიება, ერთ ადგილას მოგროვება, შესწავლა, დაცვა და მათი პროპაგანდა.

საშიშროება, რომელიც ამ პერიოდში ქართულ საეკლესიო სიძველეებს დაემუქრა მართლაც დიდი და რეალური ჩანდა.

1811 წელს საქართველოს მართლმადიდებლური ეკლესიის ავტოკეფალიის გაუქმების შემდეგ, ქართული ეკლესიამონასტრების მთელი ქონება საქართველო-იმერეთის სინოდალური კანტორის ხელში გადავიდა, რომელსაც რუსი ეგზარქოსები განაგებდნენ. მათი უმრავლესობის მხრიდან საქართველოს სიძველეებისადმი გულგრილობისა და უყურადღებობის შედეგად თანდათანობით იპარკვებოდა და ნადგურდებოდა ქართული საეკლესიო ქონება. ამ ფაქტს თვით რუსეთის საზოგადოების მოწინავე წარმომადგენლებიც ხშირად გულისტკივილით აღნიშნავდნენ.

ცნობილი მწერალი და ღვთისმეტყველი ნიკოლოზ დურნოვ მიუთითებდა: “რუსი ეგზარქოსები საქართველოში იმეტომ კი არ მოდიოდნენ, რომ ეპატრონათ აქაური ეკლესიისათვის, არამედ იმისთვის, რომ გაეპარცვათ და გაეყვლიფათ ივერიის უძველესი ეკლესიის ქონება, ძალით აღმოეფხვრათ ქართული ენა და შეიღებ ნაპარცვი ქონებითა და ფულით დაბრუნებულიყვნენ რუსეთში.”⁴⁴² გაზეთი “ცნობის ფურცელი” იბოწმებდა რა იმდროინდელ უურნალ “Петербургская ведомость”-ში იმავე ავტორის კორესპოდენციას, წერდა: “საქართველოს ყოველ კუთხიდან ისმის ტაძრების დაქცევაო, მათი მშვენიერი ხუროთმოძღვრების და ქანდაკების ნაწარმოების გადაგვარება, განადგურება და აოხრებაო.”⁴⁴³

⁴⁴² საქართველოს ეკლესიის აკლება, ბაქო, 1907, გვ. 8.

⁴⁴³ გაზ “ცნობის ფურცელი,” 1901 წლის 6 სექტემბერი, № 246.

გამოჩენილი რუსი მხატვარი ე. ვერეშჩაგინი აღწერდა ბიჭვინთის ტაძრისადმი რუსი ბერების ბარბაროსულ დამოკიდებულებას, როდესაც ბათქაშით შელესეს და გაათეთრეს უძველესი ფრესკები. იგი აგრეთვე მიუთითებდა ხობისა და შემოქმედის მონასტრებში დაცული დიდებული ხატებისა და სამკაულების გაძარცვაზე. კუმურდოს, გელათისა და სხვა ეკლესიათა უძველეს ხელნაწერებისა და ნიეთების გატაცებაზე.

რუს ეგზარქოსთა ყურადღების მიღმა დარჩენილი ქართული საეკლესიო საგანძური თანდათანობით იძარცვებოდა სხვადასხვა ჯურის ავანტიურისტთა და ავაზაკთა მხრიდან. ცნობილია, რომ ეგზარქოსს ვესევის დროს გაიძარცვა მსოფლიო მნიშვნელობის ნიეთი-ხახულის ღვთისმშობლის ხატი, რომელიც გელათის მონასტერში ესვენა. 1856 წელს ხახულის კარედს ჩამოხსნეს მისი ცენტრალური ნაწილი, X საუკუნის ნახელავი ღვთისმშობლის მინანქრის ხატი ევდრებისა, ტიხრული მინანქრით შემკული სახარების მოჭედილობა (X—XI ს.), რომელიც ორ ნაწილად გაიყო. ერთი ნაწილი დაცულია ბერლინის მუზეუმში, მეორე კი შეადგენს ბელგიელი კოლექციონერის საკუთრებას.⁴⁴⁴ ხახულის ხატიდან აგრეთვე მოიპარეს ოთხი დიდი და შვიდი პატარა ლალის თვალი. ეს ძვირფასი თვლები თამარ მეფეს გელათისთვის შეუწირია და თითოეულს საკუთარი სახელი ჰქონია: "ობოლა," "კედელა," "შედევა" და ა. შ. ხატის ტიხრული მინანქარის დიდი ნაწილი შემდეგ მ. ბოტკინის კოლექციაში მოხვდა.

იმავე ეგზარქოსის წაყრუებით გაიძარცვა გელათის მონასტრის მშვენება—XI საუკუნის ქართული სახარების ოქროთი მოჭედილი ყდა იშვიათი შაიოლკებით. იგი ერთმანეთს შესაკეთებლად წაიღო ქუთაისის გენერალ-გუბერნატორმა გრაფმა ლევაშოვმა და მისი ოქროს მოჭედილობა შეცვალა ნაკლებფასიანი ვერცხლით. ორიგინალი შემდეგ აღმოჩნდა პეტერბურგში სტროგანოვების მუზეუმში. სირნის საკათედრო ტაძრიდან დაიკარგა აუარებელი სიმდიდრე. ასეთივე დღეში ჩაყარდა ალავერდის, ბოდბის, ნინოწმინდის, იოანე ნათლისმცემლის, მარტვილის, ჯუშათის, შემოქმედისა და სხვა მონასტრები.

ლევაშოვისა და პანინის სახელებთანაა აგრეთვე დაკავშირებული გელათის მონასტერში დაცული იმერეთის

⁴⁴⁴ ამირანაშვილი შ., საქართველოდან სხვადასხვა დროს გატანილი სამუზეუმო განძეულობა და მისი დაბრუნება, თბ., 1968, გვ. 4.

კათალიკოსთა შესამოსელების გაბარცვა. ეს ბიზონი კონსტანტინეპოლის დაცემამდე, XV საუკუნეში იქნა ოქრომკედით დამზადებული და შემკული იყო მსხვილი მარგალიტებითა და ბრილიანტებით. მისგან მძარცველებმა 8 გირვანჯა ოქრო გამოაღნეს, ხოლო მარგალიტებიდან და ფირუშებიდან გულსაბნეუები გააკეთეს. გელათიდან ასევე დაიკარგა საპატრიარქო თვალ-მარგალიტებით შემკული შიტრა, რომელსაც ამშვენებდა ვახტანგ გორგასლის გვირგვინის ბრილიანტებიანი ჯვარი. ეს ქვები ვახტანგ მეფემ სპარსეთში ლაშქრობის დროს მოიპოვა.⁴⁴⁵

პაფლე ეგზარქოსის დროს მეტეხის ეკლესიიდან გაქრა ბეთლემის ღვთისმშობლის ძვირფასი ხატი, როცა იგი 1891 წელს იპოვნეს, მასზე ძვირფასი ლითონისა აღარაფერი იყო. იმავე ეგზარქოსის დროს დაიკარგა ნინოწმინდის ეკლესიის ღვთისმშობლის ხატი. სიონის ეკლესიიდან გრაფმა ბობრინსკიმ უამრავი ხელნაწერის მოპარვა შეძლო. ეგზარქოსმა პალატიმ მასთან დაახლოებულ მხატვარ საბინ გუსს ნება დართო წაეღო სამეგრელოს და გურიის საეკლესიო ნივთები. ერთ-ერთი მოხელე ზენიგოროდსკი ეგზარქოს პალადის სარეკომენდაციო წერილით დადიოდა ქართულ ეკლესიებში და უვიც ბერებისგან ჩაღის ფასად იძენდა საეკლესიო ნივთებს,⁴⁴⁶ სეკტიცხოვლის ეკლესიის შეკეთებისას სამეფო სალოცავიდან მოიპარეს როდოსის მარმარილოს სვეტები და შეცვალეს იგი უბრალო ქვის ბოძებით. ძარცვაში არც მაღალი ჩინის მოხელეები აკლებდნენ ხელს.. ა. გოლიცინმა ვახტანგ მეფის დროსა და მუზარადი გადასცა მოსკოვის არქივს.⁴⁴⁷ საქართველოდან გატანილი ნივთები და მანუსკრიპტები შემდეგ ევროპის მსხვილ სამუზეუმო ცენტრების საცავებში აღმოჩნდა. ბარონმა დე ბაი ამ სიძველეებით საზღვარგარეთ დიდი ექსპოზიცია მოაწყო.

მოსკოვის ისტორიულ მუზეუმში აღმოჩნდა საფარისა და წებელდის კანკელის ფილები, შემკული დიდებული ჩუქურთმებით და რელიეფური კომპოზიციებით, აგრეთვე ბუღის ტაძრის ქანდაკებათა ნიმუშები.

XIX საუკუნის ბოლოსა და XX საუკუნის დასაწყისში მომძლავრებულმა რევოლუციურმა მოძრაობამ კიდევ უფრო დაძაბა ქვეყანაში ვითარება და სისტემატური ხასიათი მისცა

⁴⁴⁵ საქართველოს ეკლესიის აკლება, ბაქო, 1907, გვ. 10.

⁴⁴⁶ იქვე გვ. 13.

⁴⁴⁷ გაზ. "ცნობის ყურცელი", 1898 წლის 22/II №462; 1899 წლის 6/V, №240.

კლესიების რბევას. იმდროინდელი პრესა საესება ამა თუ იმ კლესიის ქონების გაძარცვის ფაქტების გადმოცემით⁴⁴⁸.

ქართული საეკლესიო განძეულის გადარჩენისა და პატრონობის გარდა, დღის წესრიგში დადგა მათი, განსაკუთრებით კი ძველი ხელნაწერების, შესწავლის აუცილებლობა. ამ პერიოდში საქართველო-იმერეთის სინოდალური კანტორის ხელში თავი მოიყარა უამრავმა ხელნაწერმა და სიგელ-გუჯარმა. 1852 წელს სახელმწიფო კომისიის მიერ შედგენილი კატალოგის მიხედვით, საეზარქოსოში 3000-ზე მეტი ხელნაწერი ითვლებოდა, მათ შორის 850 ანტიოქიის, იერუსალიმის, სინასა და ასონის ქართული მონასტრებიდან ჩამოტანილი მანუსკრიპტები და საბუთები.⁴⁴⁹ მათ დიდი მნიშვნელობა ჰქონდათ მთელი ქრისტიანული სამყაროს ისტორიისა და კულტურის კვლევისთვის.

ეკლესია-მონასტრების ნივთებისა და სასულიერო ისტორიულ ნაშთთა დაცვა—გადარჩენის საჭიროებამ და მათი მეცნიერული შესწავლისადმი ყურადღების გამახვილებამ ქართველი ამღვდელოების წინაშე დააყენა სპეციალური განძთსაცავის, ზუზეუშის შექმნის აუცილებლობა. ამ საკითხში სამღვდელოებას ხსარი აქტიურად დაუჭირა საერო საზოგადოებამ. ილია ჭავჭავაძე გულსტიკივით აღნიშნავდა: "ვინ იცის, რამდენი სველი ნაშთია გაფუჭებული აქა-იქ ეკლესიებში, მონასტრებში, ტაძრებში. რა დიდძალი გუჯრები, სიგელები და სხვა ნაწერები უადგილო--ადგილას ყრია დღეს აქა-იქ უპატრონოდ, ზოუფელელად-- ყოველი ეს რომ, შეძლებებისამებრ ერთ ალაგს თბილისში მოგვიგროვდეს, როგორც აზრადა აქვს მუზეუმსა, მაშინ, იმედია დაეინახავთ, რა განძი დებულა ჩვენს ქვეყანაში უქმად და გამოუყენებლად".⁴⁵⁰

ისტორიკოსი დიმიტრი ბაქრაძე ასე ასაბუთებდა სიძველეთა მუზეუმის შექმნის საჭიროებას: "მხოლოდ იმ ხალხს შეუძლია იქონიოს საკუთარი, სამღვდიო ისტორია, რომელთაც თავისის მუზეუმი აქვს კარ--ღია ყველა ისტორიულის მასალების შემუშავების მოსურნესათვის. უმისოდ შეუძლებელი საქმეა ხალხმა ისტორია იქონიოს."⁴⁵¹

⁴⁴⁸ გაზ. "დროება," 1866, 4/XI, №36; 1882, 5/VI, №115; "ცნობის უწყრცელი" 1884, 13/XII, № 268.

⁴⁴⁹ Бахрадзе Д., Статьи по истории и древностям Грузии, ტფ., 1876, გვ. 38.

⁴⁵⁰ ჭავჭავაძე ი., თხზულებანი ორ ტომად, ტ. 2, თბ., 1977, გვ. 345.

⁴⁵¹ გაზ. "ივერია," 1877 წლის 21 აპრილი, №8, გვ. 14.

ჯერ კიდევ ადრე, 1873 წელს, დ. ბაქრაძე საიმპერატორო მეცნიერებათა აკადემიისადმი გაგზავნილ მოხსენებით ბარათში წერდა: “არ შეიძლება სინანული არ გამოიწვიოს იმან, რომ მეცნიერ ღიუბას თქმით “ძველი ქართული ნაცია, რომელიც უხსოვარი დროიდან მცვიელად ედგა კავკასიის ყელს და პირდაპირი შეხება ჰქონდა ყველა ცნობილ ხალხთან, ნაკლებად არის შესწავლილი მისი საუკეთესო და სარწმუნო ძეგლების, ტაძრებსა და ხატებზე მრავალრიცხოვანი წარწერების, მანუსკრიპტებისა და ხელნაწერების მეშვეობით.”⁴⁵² ამის გამო, იგი დაჯინებით აყენებდა ქართულ სიძველეთა შეკრებისა და მათი მეცნიერული შესწავლის საკითხს. 1886 წელს კავკასიის მთავარმართებელ დონდუკოვ-კორსაკოვს და საქართველოს ეგზარქოსს პაულეს დ. ბაქრაძე მოახსენებდა: “თქვენს ხელში არა მარტო ბოლო მოუღოს ქართულ სიძველეთა ძარცვას და გადაარჩინოს რისი ხსნაც კიდევ შეიძლება, არამედ ისიც, რომ იგი ხელმისაწვდომი გახადოს მეცნიერებისათვის. ამის გამო, ვფიქრობ საჭიროა სასულიერო მმართველობასთან შეიქმნას განსაკუთრებული მუზეუმი, რომელსაც დაერქმევა-“საქართველოს საეგზარქოსოს საეკლესიო მუზეუმი.”⁴⁵³

დ. ბაქრაძის დიდი ძალისხმევის შედეგად 1888 წლის 15 ივლისს თბილისში დღის 12 საათზე, სიონის საკათედრო ტაძრის ეზოში, საზეიმო ვითარებაში საფუძველი ჩაეყარა თბილისის საეკლესიო სიძველეთსაცავს, მუზეუმს, რომელიც ოფიციალურად ასე იწოდებოდა “საქართველოს საეგზარქოსოს ყოვლადწმინდა ღვთისმშობლის ძმათა საეკლესიო ძველ ნაშთთა საცავი.” გახსნას დაესწრნენ საქართველოს ეგზარქოსი, მთავარეპისკოპოსი პალადი და სამღვდელოების უმაღლესი წარმომადგენლები. მრავალრიცხოვან დამსწრეთა წინაშე ერცვლი სიტყვა წარმოთქვა დ. ბაქრაძემ, რომელიც გამოქვეყნდა ეურნალ “მწყემსი”⁴⁵⁴.

1889 წლის 19 თებერვალს ყოვლადწმინდა ღვთისმშობლის ძმათა საბჭომ 1888 წლის 3 ივნისის თავის სხდომაზე სიძველეთსაცავის გამგედ დანიშნა დ. ბაქრაძე და მას შესთავაზა მიეღო საცავის ექსპონატები, რომლებიც მანამდე ებარა საბჭოს თავმჯდომარეს დეკანოზ ე. ელიევს.

საეკლესიო სიძველეთსაცავის-მუზეუმის დაფუძნებას დიდი სიხარულით შეხვდა ქართველი საზოგადოება. ილია ჭავჭავაძე

⁴⁵² Бакрадзе Д., Археологическое путешествие по Грузии и Адчир, . 1878, გვ. 15.

⁴⁵³ Бакрадзе Д., Статьи по истории и древностям Грузии, ტ. 9, 1876, გვ. 37.

⁴⁵⁴ ურბ. “მწყემსი,” 1888 №14—15.

წერდა: “დიდი ხანია ლაპარაკი იყო, რომ აქაური სასულიერო წოდება აპირებს სიონთან დაარსოს მუზეი შესანახად და დასაცველად ძველთა საეკლესიო ნაშთთა, რაც კი აღმოჩნდება საქართველოს საეგზარხოსოში, ჩვენდა სასიხარულოდ ეს განზრახვა უკვე შესრულებულია და სიონის ჩრდილოეთით, სიონისავე ეზოში დღეს წამოჭიმულია ლამაზი შენობა მუზეისათვის”.⁴⁵⁵

1889 წლის 24 იანვარს ეგზარხოსმა №300 ბრძანებით დამტკიცა ბაქრაძის მიერვე შექმნილი სიმველეთსაცავის წესდება. მის მიხედვით საცავი “არსდება იმ აზრით, რომ დაცული იქნას ძველი საეკლესიო ნაშთები, რომელნიც საქართველოს საეგზარხოსოში მოიპოვებინა.”⁴⁵⁶ ასეთ ნაშთებად მოიაზრებოდა “ძველი ხელნაწერები, წიგნები, გუჯრები (სამონასტრო აქტები), საეკლესიო ნიუთები, ავეჯი, ჭურჭელი” და სხვა, რომლებიც აღარ იხმარებოდა ღვთისმსახურების დროს, აგრეთვე ის ნიუთებიც, რომლებიც აღმოჩნდებოდა სასულიერო შენობათა ნანგრევებში. წესდებაში ხაზგასმით იყო აღნიშნული, რომ სხვადასხვა ეპარქიებში გაბნეული საეკლესიო ნიუთები და ხელნაწერები უნდა მოგროვებულიყო ერთ ადგილზე—საცავში. წესდებით იკრძალებოდა “საეკლესიო—საარხეოლოგიო ნაშთთა მუზეუმს გარეთ გადაცემა.”

თბილისში საეკლესიო მუზეუმის ჩაბოყალიბებას იღია ჭაუჭავაძე მხურვალედ მიესალმა: “ამ მუზეუმის დაარსებას ყველა ჩვენი ქვეყნის მოყვარე კაცი დიდის სიყვარულით უნდა მიუგებოს და დიდი მადლობა ჩაინერგოს გულში იმათ მიმართ, ვინც ეს ფრიად სასარგებლო საქმე ითაყვეს და სისრულეში მოიყვანეს”.⁴⁵⁷

1888 წლის 3 ივნისს გამართულ კრებაზე მუზეუმის მართვა და “სამუდამო ყურის გდება ძველი დროის ნაშთთა დასაცველად” დაივადა მუზეუმთან ჩამოყალიბებულ საეკლესიო და საარქეოლოგიო განყოფილების საბჭოს, რომელშიც შევიდნენ: კიევის სასულიერო აკადემიის მღვდელ-მონაზონი ლეონიდე (ოქროპირიძე), სასულიერო სემინარიის მასწავლებლები: თედო ჟორდანი, ვასილ ბარნოვი, მღვდელი

⁴⁵⁵ ჭაუჭავაძე ი., თხზულებანი ორ ტომად, ტ. 2, თბ., 1977, გვ. 344.

⁴⁵⁶ წესდება საქართველოს საეგზარხოსოში ყოველადწმინდა ღვთისმშობლის ძმათა საეკლესიო ძველნაშთთა საცავისა, ტფ., 1889, გვ. 3.

ჭაუჭავაძე ი., თხზულებანი ორ ტომად, ტ. 2, თბ., 1977, გვ. 344.

პოლიექტ კარბელაშვილი, სპირიდონ თაყაიშვილი, ალ. მირიანაშვილი და დეკანოზი ნ. კალისტოვი. ეს უკანასკნელი ასრულებდა საბჭოს მდივნის მოვალეობასაც. საექლესიო-საარქეოლოგიო განყოფილების საბჭოს თავმჯდომარედ და სიძველეთსაცავის გამგედ დაინიშნა დიმიტრი ბაქრაძე.

დამატური ზაქარიასძე ბაქრაძე (1826-1890 წწ) XLX საუკუნის ქართული ისტორიოგრაფიის თვალსაზრისით წარმოადგენელი, საზოგადო მოღვაწე, რომელმაც მთელი თავისი ცხოვრება მეცნიერებისა და კულტურის აღორძინებისთვის სამსახურში გაატარა. მოსკოვის სასულიერო აკადემიის კურსდამთავრებული მუშაობას იწყებს ვერ გორის სამრევლო სკოლაში, ხოლო 1856 წლიდან ქუთაისის გუბერნატორის კანცელარიაში საგანგებო დაეალებათა მოხელედ. მაგრამ სამეცნიერო სამუშაოებისადმი ლტოლვამ და ვრცელნი ინტერესებისადმი სამსახურმა იგი დიდ ისტორიკოსად ჩამოაყალიბა. მან თავის მოღვაწეობის მიზნად დაისახა პასუხი გაცეცა საქართველოს ისტორიის მრავალ საჭირობოროტო და კარდინალური საკითხისთვის ამისთვის მას აუცილებლად მიაჩნდა ძველი ქართული ნივთიერი და წერილობითი ძეგლების გამოვლენა, შეკრება და მათი შესწავლა. ამ მიზნის განსახორციელებლად საუკეთესო საშუალებად მუზეუმის ჩამოყალიბება მიაჩნდა. ნაყოფიერი სამეცნიერო საქმიანობისთვის იგი 1879 წელს პეტერბურგის მეცნიერებათა აკადემიის წევრ-კორესპონდენტად აირჩიეს.

იგი მრავალი საშვილიშვილო საქმის თაკაცი იყო. მისი თაოსნობით თბილისში შედგა არქეოლოგთა V საერთა შორისო ყრილობა, აქტიურად მონაწილეობდა წ/კ გამაურცვლებელი საზოგადოების დაარსებაში, იყო კავკასიის ისტორიისა და არქეოლოგიური საზოგადოების თავმჯდომარე, ნაყოფიერად თანამშრომლობდა არქეოგრაფიულ კომისიაში. მისი ღვაწლი აღიარებული იქნა საზოგადოების მიერ. ილია თვლიდა, რომ მის ღვაწლს "მადლობელი ვრი და დაეალებული ქვეყანა თავის დღეში არ დაივიწყებდა". მანვე დ. ბაქრაძის სამგლოვიარო გეორგეინს ასე წააწერა: "საფლავი შენისთანა კაცისა სალოცავია მამულისა".

ილია ჭავჭავაძე საექლესიო მუზეუმის ხელმძღვანელობას მაღალ შეფასებას აძლევდა: "მმათა საბჭოს საექლესიო-საარქეოლოგიო ნაწილი მუზეუმისა ჩაუბარებიათ იმისთანა კაცთათვის, რომელთა შორის უფროს—ყრთხი ცნობილ არიან, ვითარცა მცოდნენი და მეკლევარნი ჩუენის ისტორიისა და არქეოლოგიისა. მისთანა კაცნი საკმაოდ თავმდებნი არიან, რომ ახლად დაწყებულ საქმეს კარგნი გამგებელნი ეყოლება და მაშასადამე, თვით საქმის კეთილად დაწყებისა და განგრძნობისა"⁴⁵⁸.

⁴⁵⁸ ჭავჭავაძე ი., თხზულებანი ორ ტომად, ტ. 2, თბ., 1977, გვ. 345.

მუზეუმის გახსნისთანავე მოიხაზა უახლოეს პერიოდში სიძველეთსაცავის საქმიანობის ძირითადი მიმართულებები. დ. ბაქრაძის თქმით: "არქეოლოგია საზოგადოდ და საქართველოსი განსაკუთრებით, ძალიან ძნელი საქმეა, ვინაიდან ძველ ნაშთებზე ქართული წარწერების შესწავლა, მათი ისტორიულად და ფილოლოგიურად გარჩევა ხანგრძლივ მომზადებასა და შრომას ითხოვენ. ამიტომ განყოფილება საჭიროდ რაცხს ეს ძველნაშთთა საცავი თავდაპირველად აქციოს თავის მოსამზადებელ სკოლად. შემდეგ, რასაკვირველია აღძრულ იქნება კითხვა ძველნაშთთა საცავში მოგროვებულ ნივთების მეცნიერულ გარჩევაზე და სპეციალურ გამოცემაზე, რომელმანც უნდა შეატყობინოს განათლებულ საზოგადოებას ის ნივთები, რომელნიც საცავში იქნებიან."⁴⁵⁹

თავიდანვე ინტენსიური მუშაობა წარიმართა მუზეუმის ფონდების შესავსებად. 1889 წლის თებერვალ—მარტში დიმიტრი ბაქრაძის ხელმძღვანელობით ჩატარდა ორი ექსპედიცია მცხეთაში და დაეთ-გარეჯში. პირველმა ექსპედიციამ მოიძია 58 მანუსკრიპტი, სეპტიცხოელის ეკლესიის გუმბათის ქვეშ იპოვნა ხელნაწერების ფურცლებით სავსე დიდი ყუთი და 50 ცალი სოკალ-გუჯარი,⁴⁶⁰ მეორე ექსპედიციამ მოახერხა მოგროვებინა 50 ხელნაწერი და რამდენიმე ათეული საეკლესიო ნივთი. გარდა ამისა, როგორც ანგარიშია აღნიშნული, იოანე ნათლისმცემლის მონასტრის ერთ-ერთ კედელზე აღმოაჩინა ბაგრატ IV მეუღლის ბორენის, თამარ მეფისა და ლაშა გიორგის მანამდე უცნობი ფრესკები.⁴⁶¹ იმავე წელს სიძველეთსაცავის ფონდებში ჩაირიცხა სინოდალური კანტორის კუთვნილი საეკლესიო ნივთების ის ნაწილი, რომელიც აღწერილი იყო 1852 წლის კატალოგში.

1889 წლის 9 მარტს სიძველეთსაცავის გამგედ დაინიშნა თედო ჟორდანია. მალე მასვე დაეკისრა საბჭოს მდივნის მოვალეობის შესრულებაც.

თედო (თედორე) დაითის-ქე ჟორდანია (1854--1916 წწ) საზოგადო მოღვაწე, ისტორიკოსი, ფილოლოგი. ქუთაისისა და თბილისის სასულიერო სემინარიების დამთავრების შემდეგ სწავლა გააგრძელა მოსკოვის სასულიერო აკადემიაში. 1879 წელს დაიწყო მუშაობა თბილისის სასულიერო სემინარიაში ზედამხედველად. 1889 წლიდან დ. ბაქრაძის წინადადებით სამუშაოდ გადმოვიდა საეკლესიო მუზეუმში და უდიდესი ამაგი დასდო ამ დაწესებულებას. განსაკუთრებით დიდი იყო მისი დაშლასურება ქართული საეკლესიო სიძველეთა მოძიების,

⁴⁵⁹ ჟურნ. "მწეუმი," 1888 № 14—15 გვ. 16.

⁴⁶⁰ სცი არქივი, ფ. 1471, ან. 1, საქ. 19, ფ. 18.

⁴⁶¹ Тифлисское церковное древлехранилище, ტფ., 1898, გვ. 12.

შესწავლის, აღწერისა და მათი დაცვის საქმეში. უტყუარი მეცნიერული აღიარებით დაჯილდოვებულმა მეკლევარმა მზახერსა დიდალი სამუხეუმო ექსპონატების გააჩუღენა, გადარჩენა, და მათი შემოტანა მეცნიერულ მიმოქცევაში. მან პირველმა აღწერა მუხეუმის ფონდებში დაცული ხელნაწერები და სივლე-გუჯრები. თავის ფუნდამენტალურ სამტომიან ნაშრომში "ქრონიკები", თავი მოუყარა საქართველოს ისტორიის ამსახველ მრავალ პირველხარისხვან მასალას ასევე დიდა მისი დამსახურება ძველი ქართული ლიტერატურის ძეგლების და გრამატიკის შესწავლის საქმეში. ეწეოდა აქტიურ საზოგადოებრივ საქმიანობას: იყო წ/კ გამავრცელებელი, საისტორიო და საეთნოგრაფიო საზოგადოებების წევრი. შეუპოვრად იბრძოდა სკოლებში ქართული ენის სწავლების გასაუმჯობესებლად.

1889 წლის 15 თებერვალს ეგზარქოსმა დაამტკიცა საბჭოს გადაწყვეტილება იმის შესახებ, რომ საქართველოს ყველა მნიშვნელოვან ეკლესია-მონასტერში, იქ დაცული საეკლესიო ნივთებისა და ხელნაწერების შემოწმება-აღწერის მიზნით, ზაფხულობით უნდა მოწყობილიყო ექსპედიციები. წესდების მე-3 პუნქტის თანახმად თითოეული ექსპონატი, თუ მას გააჩნდა ისტორიული ღირებულება, დაწვრილებით უნდა აღწერილიყო და დაეწყოთ მუშაობა ოფიციალური კატალოგის შესდგენად.

მოგვიანებით, დიმიტრი ბაქრაძის გარდაცვალების შემდეგ, 1890 წლის 17 აპრილს მუხეუმის საბჭოს თავმჯდომარედ დაინიშნა არქიმანდრიტი ნიკოლოზი.

დ. ბაქრაძის გარდაცვალება მეტად უარყოფითად დაეტყო მუხეუმის საქმიანობას. როგორც ეგზარქოსისადმი გაგზავნილ ანგარიშებშიდან ჩანს, მოუწყვსრიგებელი ყოფილა ეკლესიებიდან წამოღებული ნივთების მიღება—ჩაბარების აქტები და დოკუმენტაცია, არც ექსპონატების ინვენტარიზაცია მდგარა სათანადო დონეზე. მოსკოვის საიმპერატორო არეოლოგიური საზოგადოების თავმჯდომარე პროფესორი პ. უვაროვა 1895 წლის 12 სექტემბერს სწერდა საქართველოს ეგზარქოსს ვლადიმერს: "ბოლო ხანებში სიძველეთსაცავის დათვალეიერების დროს, მე იგი დამხვდა საესეებით მიტოვეიერული, ძძაძუ მდგომარეობაში"⁶² და რჩევას იძლეოდა, რომ გადახალისებულოყო მუხეუმის ხელმძღვანელთა შემადგენლობა.

1895 წლის 20 ნოემბერის გადაწყვეტილებით, მუხეუმის ხელმძღვანელი საბჭო შეიცვალა გამგე-კომიტეტით. ეგზარქოსმა ვლადიმერმა კომიტეტის თავმჯდომარედ და სიძველეთსაცავის გამგედ დანიშნა არქიმანდრიტი ლეონიდე, წვერებად: ილუშენი კირიონი, დეკანოზი პ. კენტოშვილი, მღვდლები: კ. ცინცაძე და მ.

⁶² Церковный музей духовенства Грузинской епархии, ტუ. 1916, გვ. 4.

ტყემალაძე, ა. თოთიბაძე და პ. კარბელაშვილი; სასულიერო სასწავლებლების ინსპექტორები და მასწავლებლები: მ. ჯანაშვილი და ექ. თაყაიშვილი, ი. მახათაძე, ილ. ფერაძე, ა. ქუთათელაძე, ნ. მთვარელაშვილი, ა. ნატროშვილი; წ/კ. საზოგადოების მდივანი დ. კარიჭაშვილი და ფოტოგრაფი ალ. როინაშვილი.⁴⁶³

თელი ქორდანია სხვა სამუშაოზე გადასვლის გამო განთავისუფლდა დაკავებული თანამდებობიდან და 1898 წლის 10 აპრილიდან არქიმანდრიტ ლეონიდეს დაუკლებით მოსე ჯანაშვილი შეუდგა სიძველეთსაცავის გამგის მოვალეობის შესრულებას.

მოსე გიორგიძე ჯანაშვილი (1855-1934 წწ), საზოგადო მოღვაწე, ისტორიკოსი, ფილოლოგი, კუბლიცისტი. კახის სამრევლო სკოლისა და თბილისის სასულიერო სემინარიის დამთავრების შემდეგ პედაგოგიურ მოღვაწეობას ეწეოდა ქუთაისისა და თბილისის გიმნაზიებში. 1888 წლიდან მუშაობს საეკლესიო მუზეუმში. მის სახელთან მჭიდროდ არის დაკავშირებული მუზეუმის მოძიებითი, საფონდო და სამეცნიერო სამუშაოების მაღალ დონეზე წარმართვა მ. ჯანაშვილი მრავალმხრივი და ფართო დიპლომატიის მეცნიერი იყო. მისი კვლევის საგანს შეადგენდა საქართველოს ისტორია, ეთნოგრაფია, ნუმიზმატიკა, ფილოლოგია და ევკლეგან ღრმა კვალი დატოვა. მისი ხანგრძლივი სამეცნიერო მოღვაწეობის შედეგად მდიდარი მემკვიდრეობა დარჩა, რომელიც მოიცავდა 1600-ზე მეტ ნაშრომს, მათ შორის 70-მდე მონოგრაფიას იგი ავტორია მრავალი ისტორიული, წყაროთმცოდნეობითი და მხარეთმცოდნეობითი ნაშრომისა. მისი შრომები გამოირჩეოდა ფართო წყაროთმცოდნეობითი ბაზით. მან აღმოაჩინა "ქართლის ცხოვრების" ე.წ. ჯანაშვილისეული ნუსხა, "სერაპიონ ზარზმელის ცხოვრება" და ბევრი ისტორიული წყარო, რომლებსაც უდიდესი მიშენელობა კჳონდა საქართველოს ისტორიისათვის, იკვლევდა აგრეთვე ქართულ გრამატიკის და ლექსიკოგრაფიის საკითხებს. 1920 წლიდან იყო თბილისის სახელმწიფო უნივერსიტეტის პროფესორი. ამავე წლიდან იყო საქართველოს საისტორიო და საეთნოგრაფიო, ქართული საენციკლოპედიური და სხვა საზოგადოებების წევრი.

1899 წლის 12 იანვრის სხდომაზე ეგზარქოსმა ფლაბიანემ გორის ეპისკოპოსის ლეონიდეს ნაცვლად კომიტეტის თავმჯდომარედ დანიშნა ალავერდის ეპისკოპოსი კირიონი, ხოლო მდივნად—სასულიერო სემინარიის მასწავლებელი ილია ფერაძე.

სხვადასხვა დროს სიძველეთსაცავის კომიტეტის წევრები იყვნენ: არქიმანდრიტი დოსითეოსი, დეკანოზები: მ. ხელაშვილი,

⁴⁶³ გახ "ცნობის ფურცელი", 1897, 9 IV, №166; "ივერია", 1899, 13/II, №33.

დ. ლამბაშიძე და ი. ხახუტაიშვილი, სასულიერო სასწავლებლების მასწავლებლები: უ. სანებლიძე, მ. ჩოგოვაძე, ი. როსტომაშვილი და გ. წერეთელი; ინსპექტორი ე. მამინეიშვილი, მღვდლები მ. კელენჯერიძე, ბ. ფურცელაძე, და სხვები. კომიტეტთან შექმნილი იყო მუდმივმოქმედი კომისია, რომლის თავმჯდომარე იყო ეპისკოპოსი ანტონი, მდივანი კი—კალ. ცინცაძე. კომისიის წევრებად მუშაობდნენ არქიმანდრიტი ნაზარი, კორნ. კეკელიძე, ექ. თაყაიშვილი, ს. გორგაძე, მ. ჯანაშვილი და სხვები.

ყველა ისინი დიდი ენთუზიაზმით ჩაებნენ მუშაობაში. მათ ღრმად სწამდათ მუზეუმის მომავლის. ექ. თაყაიშვილი 1899 წელს წერდა: "სიძველეთსაცაეი საქართველოს ისტორიის მკვლევარსაც და მოყვარულსაც გაუწევს დაუფასებელ სამსახურს, რაც მოკლე დროში გამოჩნდება. მოვა დრო, რომ ტფილისის საეკლესიო სიძველეთსაცაეის არსებობა ეცოდინება ყველას, ვინც კი იკვლევს წარსულს და მადლობით მოიხსენიებს მისი არსებობა და მისი საუნჯენი ეცოდინება მთელ რუსეთს და მთელ ქვეყანას."⁴⁶

კომიტეტის სხდომაზე მიიღეს გადაწყვეტილება, რომ საეკლესიო მუზეუმის ფონდების შექმნის მიზნით ყურადღება განსაკუთრებით გამახვილებულიყო მოძიებით-შემგროვებლობით საქმიანობაზე. ეპისკოპოს კირიონის წინადადებით შედგა სამი კომისია, რომელთა წევრებსაც უნდა შემოეფლოთ მთელი საქართველოს ეკლესია-მონასტრები და შეერჩიათ სამუზეუმო მასალა. ამასთან ერთად, უნდა შედგენილიყო მათზე სათანადო ცნობები. სამუშაოების დაწყებას ვარაუდობდნენ აღმოსავლეთ საქართველოდან. პირველ კომისიას ექ. თაყაიშვილის თავმჯდომარეობით უნდა შეეკრიბა სამუზეუმო მასალა თბილისის ტაძრებიდან, მეორე კომისიას არქიმანდრიტ დოსითეოსის თავმჯდომარეობით დაევალა ექსპონატების შერჩევა კასეთის ეკლესიებიდან, ხოლო მესამე კომისიას კირიონის თავმჯდომარეობით—ქართლის ეკლესიებიდან. გარდა ამისა, წამოყენებული იქნა წინადადება, რომ კომიტეტს სამუზეუმო ნივთების გამოსავლენად საქართველოს ყველა კუთხეში პყოლოდა თავისი წარმომადგენლები და თანამგროძიონი.

რადგან ამ ექსპონატებს მსოფლიო ეკლესიების ისტორიის კვლევისთვის დიდი მნიშვნელობა ჰქონდა, მუზეუმში შემოსული განსაკუთრებით საყურადღებო ხელნაწერი და ნივთი

⁴⁶ გაზ. "ივერია", 1899 წლის 16 თებერვალი, #35.
212

მეცნიერულად დაწვრილებით უნდა შესწავლილიყო და რუსულ ენაზე გამოსაქვეყნებლად მომზადებულიყო. გადაწყდა, რომ ასეთი სამუშაოების ჩატარებისას ეთანამშრომლათ კავკასიაში მართლმადიდებელი ქრისტიანობის აღმადგინებელ, საისტორიო, საეთნოგრაფიო და სხვა საზოგადოებებთან.

საეკლესიო მუზეუმი ტერიტორიულად მდებარეობდა სიონის ეზოს ჩრდილოეთ ნაწილში, პირველ ხანებში იგი ღია იყო კვირაში ორჯერ ორშაბათს 15-დან 17-საათამდე, ხოლო კვირაობით 12-დან 14 საათამდე, 1898 წლიდან მუზეუმი მუშაობდა კვირაში 3-ჯერ: სამშაბათობით და ხუთშაბათობით 9-დან 11-მდე, ხოლო კვირაობით 10-დან 13 საათამდე. შესასვლელი ბილეთის ფასი ჯერ 20 კაპიკი ღირდა, ხოლო შემდეგ მუზეუმის დათვალიერება უფასო გახდა.⁴⁶⁵

საეკლესიო მუზეუმმა ენერგიულად წარმართა სამუშაოები ხელნაწერებისა და სამუზეუმო ნივთების გამოსაველენად და მათი თბილისში გადმოსატანად. პირველსავე წლებში მნიშვნელოვანი საეკლესიო სიძველეები იქნა გადმოტანილი მცხეთის, დავით გარეჯის, გელათის, სამთავეროსა და სოხუმის ეკლესიებიდან.

1899 წელს ექ. თაყაიშვილის თაოსნობით სიძველეთსაცავში გადმოიტანეს თელავის სამეფო კარის ეკლესიიდან "ფრიად შესანიშნავი ისტორიულ-არქეოლოგიური ნივთები" და დოკუმენტები. ეპისკოპოსმა კირიონმა ქვაბთახევის მონასტრში დაკრული მთელი ხელნაწერებისა და წიგნების გადმოტანა შექმნა თბილისში.⁴⁶⁶ თედო ეორდანაის ძლისხმებით კი მოხერხდა მუზეუმში ჯრუჭის მონასტრის ხელნაწერების დაბინავება.

მოძიებული მასალების გარდა, მუზეუმის ფონდები მდიდრდებოდა შემოწირული საეკლესიო ნივთებითაც. 1898 წელს ეპისკოპოს კირიონს მუზეუმისთვის შემოუწირავეს რამდენიმე ძვირფასი საეკლესიო ხელნაწერი და წიგნი, მათ შორის აღსანიშნავი იყო: "ვახტანგ VI სჯულის კანონი", XII საუკუნის ეტრავტი—"ოთხთაყი", დამკვეთი მუჩატური გრიგოლი; მაქსიმე აღმსარებლის 1028 წლის "კლემაქსი, 1494 წელს ყვარყვარეს-ძე ზუჭვაბუკის დაკვეთით შესრულებული "დავითნი" და სხვა.⁴⁶⁷ ასევე მნიშვნელოვანი იყო ეპისკოპოს ალექსანდრეს და არქიმანდრიტ პიროსის შემოწირულობანი. სიონის ტაძრის

⁴⁶⁵ გაზ. "Кавказский календарь" на 1914 год, გვ. 873.

⁴⁶⁶ გაზ. "ცნობის ფურცელი", 1888 წლის 22 აგვისტო №612.

⁴⁶⁷ Тифлисское церковное дредехранение, ტფ., 1898, გვ. 56.

დეკანოზს ესტატე ელიევს საეკლესიო წიგნებისა და ხელნაწერთა კატალოგის დასაბუჯდად ასი მანეთი შემოუწირავს. აღლ. როინაშვილს მუზეუმისათვის გადაუცია დედოფალ რუსუდანიის დროს მოჭრილი მონეტა. გარდა ამისა, იმდროინდელი პრესა იტყობინებოდა, რომ "ბატონ როინაშვილს აღუთქვამს იმავე საცავს უნდა გადაეცე ყველა ჩემგან მოგროვილი საეკლესიო-არქეოლოგიური ნივთებიო."⁴⁶⁸

აკაკი წერეთელს მუზეუმისთვის შეუწირავს ეტრატზე დაწერილი მინიატურული სახარება და წიგნები.

1899 წლის 17 მარტს მუზეუმის გამგე-კომიტეტის სხდომაზე აღინიშნა: "დაიწყო გადაზიდვა სხვადასხვა ძვირფას სიძველეთა საქართველოს ტაძარ-მონასტერთაგან ტფილისის სიძველეთ-საცავში. გადაზიდული იქნა ათასამდე ხელნაწერი ნივთი შესანახად და შესასწავლად—სიძველეთსაცავის კომიტეტის ერთგულებაჲ ხელნაწერთა და ძვირფას ნივთთა ტფილისში ერთად თავმოყრის საქმეში უმაღლეს წერტილამდის მიაღწია. საცავში მოთავსებული იქნა წმინდანაწილებიანი ხატები, ჯვრები და წიგნები, რომელთაც ძვირფას განძად თელის ქართველი ერი."⁴⁶⁹

მუზეუმის ფონდების ზრდა საყუქველს აძლევდა იმდროინდელ პრესას განეცხადებინა: "საეკლესიო მუზეუმი თანდათან იზრდება და წარმატებაში მოდის. მალე მოვესწრებით იმ დროს, როცა ჩვენი თავმოსაწონებელი მუზეუმი თითოთ საჩვენებელი შეიქმნება განათლებულის კაცობრიობისთვის."⁴⁷⁰

არსებობის ათი წლის თავზე საეკლესიო მუზეუმში უკვე მოგროვილი იყო 1359 ექსპონატი, აქედან 271 ხელნაწერი და 65 ეტრატი, რომელთა ფურცელების რაოდენობა 16326 შეადგენდა. ეტრატები მიეკუთვნებოდა IX-XII საუკუნეებს, ხოლო ქალაღდზე ნაწერი—XIII-XVIII საუკუნეებს. 60-მდე ხელნაწერი გადაწერილი იყო ათონის, ოპიზის, გარეჯის, მცხეთის, ბანის, შემოქმედისა და გრემის ეკლესია-მონასტრებში და მათი ნაწილი სარგმნილი იყო ეჭვითვე მთაწმინდელის მიერ. სიგეჲ-ტუჯართა რიცხუ მუზეუმში 933 ერთეულს შეადგენდა, მათგან 869 იყო ქართული, 56-- სპარსული და 8--ბერძნული. ქართულ სიგელ-ტუჯართა შორის 24 არის "ტყავზედ ნაწერი ფრიად ბველი დროის."⁴⁷¹

⁴⁶⁸ გაზ. "ცნობის ფურცელი", 1897 წლის 8 ოქტომბერი, № 334.

⁴⁶⁹ გაზ. "ივერია", 1903 წლის 25 მარტი, № 68.

⁴⁷⁰ გაზ. "ივერია", 1900 წლის 3 ნოემბერი, № 240.

⁴⁷¹ გაზ. "ცნობის ფურცელი", 1898 წლის 15 ივლისი, №581.

მუზეუმში დაცულ საეკლესიო ნივთთა შორის საყურადღებო იყო ჯვრები და ხატები, თამარ მეფისა და რუსუდანის დროინდელი მონეტები, მრავალი საეკლესიო ნივთი: ბარძიმი, თასი, საზუდაშე, ოდიკი და მირონის ტურტელი; აგრეთვე ტანსაცმელი: ფილონი, ენქერი, ოლარი, სარტყელი და შიტრა. მათ შორის იყო ფილონი წარწერით “საქართველოს მეფის სძალმან ქეთევან- უბღვენ მონასტერსა შენსა მცირე ესე მოსართმევი- დღეთა სიგრძედ და მუულისა ჩემისა საქართველოს მეფის ძის გიორგისა”; კიპაროსის ჯვარი მხედრული წარწერით: “მეფის პერაკლეს ასულსა ელენეს, 1704. ამინ.” ეს უკანასკნელი შემკული იყო 22 ცალი ზურმუხტითა და მრავალი ლალით. ჯვარი მოჭედილი იყო ოქროთი. ჰქონდა ევრცხლის ჩარჩო და სახელური.⁴⁷²

კატალოგის მიხედვით, ერთი წლის შემდეგ მუზეუმში ხელნაწერთა რაოდენობა გაიზარდა 484 ერთეულამდე. სიგელ-გუჯართა რიცხვი—944 მდე, ხოლო ნივთების რაოდენობამ 102 ცალს მიაღწია.⁴⁷³

მუზეუმის ფონდებში დაცული ექსპონატებიდან განსაკუთრებით ღირებული იყო ხელნაწერები და ეტრატები. მათ უდიდესი მნიშვნელობა ჰქონდათ არა მარტო ქართული ეკლესიის ისტორიისათვის, არამედ ჩვენი მეზობელი ქვეყნებისა და მთელი მართლმადიდებელი ეპარქიების წარსულის კვლევისათვის. ამ მხრივ აღსანიშნავი იყო: შემოსულობათა დავთარში პირველ ნომრად გატარებული XI საუკუნის ეტრატი-გრიგოლ ღვთისმეტყველის თხზულებათა კრებული, თარგმნილი ექვთიმე მთაწმინდელის მიერ და გადაწერილი 1031 წელს კონსტანტინეპოლში; მე-19 ნომრით — X საუკუნის მრავალთავი, დამკვეთნი იოანე მტბევარი და მამა თევდორე; № 24-- ეფრემ მცირეს XI საუკუნის დიალექტიკა; № 51—ვახტანგ VI სტამბაში დაბეჭდილი ბიბლია; №93—პარაკლიტონი 1093 წელს გადაწერილი ათანასე არყანდ-ყოფილის მიერ ოპისის ნათლისმცემლის მონასტერში და სხვა.⁴⁷⁴

1902 წლის 13 ივნისს მუზეუმის ხელმძღვანელობა და საცავში დაცული მთელი ქონება ჩაიბარა ალავერდის ეპისკოპოსმა დიმიტრიმ. ამასთან დაკავშირებით მუზეუმში ჩატარდა ინვენტარიზაცია. ჩაბარებას აწარმოებდა მღვდელი პ.

⁴⁷² Тифлисское церковное дрелехранилище, ტფ., 1898, გვ.108.

⁴⁷³ Джанапшвили М., Каталог церковного музея Груз. экзархата, .1899, გვ. 15.

⁴⁷⁴ Жордания ф., Описание рукописей Тифлисского церковного музея, ნაწ. I, ტფ., 1903, გვ. 95.

კარბელაშვილი. შეჯერებას დაესწრო კომიტეტის მთელი შემადგენლობა. გაირკვა, რომ სიძველეთსაცავში დაცული ნივთები შეესამამებოდა საინვენტარო დაუთრებში და კატალოგებში დაფიქსირებულ რაოდენობას. ადგილზე არ აღმოჩნდა მხოლოდ 2 ხელნაწერი, რომლიც ეგზარქოსის ნებართვით შესასწავლად გატანილი ჰქონიათ ექ. თაყაიშვილს და მოსკოველ პროფესორს ა. სპასკის.⁴⁷⁵

ეპისკოპოს დიმიტრის შემდეგ მუზეუმის ხელმძღვანელები იყვნენ ეპისკოპოსები: ეფიმი(1904—1905 წწ.), პეტრე(1905—1909წწ.), დაეითი(1909—1911წწ.) და ანტონი(1911—1917წწ.).

1908 წლისათვის საეკლესიო მუზეუმში 1040 ხელნაწერი და ძველებური წიგნი ითვლებოდა, რომელთა ფურცლების რაოდენობა 30900 შეადგენდა.

1913 წელს ექსონატთა საერთო რაოდენობა საეკლესიო მუზეუმში უკვე 3114 ნომერს ითვლიდა: აქედან ხელნაწერი იყო 1075 ერთეული, 1074—სიგელ-გუჯარი, 183—საეკლესიო ნივთი, 116—საეკლესიო ტურტელი და ჯვარი: მათ შორის იყო დავით კურაპალატისა და რუსეთის პირველი ხელმწიფის მიხეილ თეოდორეს-ძის ჯერები, 142—ძველებური ხატი, და სხვა საეკლესიო ნივთები, 102—ცალი ქვა. მათ შორის XI საუკუნის და 993 წლით დათარიღებული; 50—საბრძოლო იარაღი, 215—ძველი მონეტა და 158—ახლად დაბეჭდილი სასულიერო წიგნი.⁴⁷⁶

საეკლესიო ნივთებიდან განსაკუთრებით უნდა აღინიშნოს დავით III ჯვარი. იგი გორის მაზრის სოფელ ბრეთში მარანში მიწის თხრისას უპოვია გლეხ ა. ქართველიშვილს და ჩაუბარებია ადგილობრივ ეკლესიისათვის, შემდეგ კი თავად გრ. დიასამიძის ინიციატივით იგი გადაეცა საეკლესიო მუზეუმს. ვერცხლის ჯვარი მოოქრულია. მას აქვს ასომთავრული წარწერა: "ქრისტე ადისუ დღეგრძელობით დავით კურაპალატი, ამინ. ოსტატი ასათ".

ასევე საინტერესო იყო ვერცხლის მოოქრული რუსული ჯვარი, რომელიც ეკუთნოდა რუსეთის რომანოვების სამეფო დინასტიის პირველ წარმომადგენელს მიხეილ თეოდორეს-ძეს. ჯვარს წინა მხრიდან ჰქონდა წარწერა: "Повелением Великаго Государя Царя и Великаго князя Михаила Федоровича всея Руси и отца его Великаго Государя Святийшаго патриарха Филорета Никитича

⁴⁷⁵ გაზ. "ივერია", 1902 წლის 30 ივნისი, №128.

⁴⁷⁶ Джаңашвили М., Церковный музей. в кн. "Летопис Грузии". 1913, გვ. 99.

Московскаго и всея Русия зделанъ сей крестъ къ Василию Кесарійскому. "477

საეკლესიო მუზეუმის ისტორიის პირველ ეტაპზე თუ უმეტესად მოძიებით-შემგროვებლობით საქმიანობაზე კუთვნილია აქცენტი, შემდგომ უპირატესად ყურადღება დაეთმო მუზეუმის ფონდებში დაცულ მასალათა მეცნიერულ შესწავლას. მუზეუმში შემოტანილი ხელნაწერები კომიტეტის თავმჯდომარის მიერ შესასწავლად ნაწილდებოდა წევრებს შორის. მათზე შეადგენდნენ რეფერატებს, რომლებსაც საჯაროდ ეცნობოდნენ სამეცნიერო სხდომებზე. რეფერატში მოცემული უნდა ყოფილიყო ექსპონატის აღწერილობა, შინაარსი, მისი ანალიზი და მნიშვნელობა. ამ სამუშაოებში ჩაბმული აღმოჩნდა იმდროინდელი საქართველოს სთთქების ყველა თვალსაჩინო პუბლიცისტი და რედაქტორი. მუზეუმის მასალებზე ასევე ნაყოფიერად მუშაობდნენ რუსეთიდან და საზღვარგარეთიდან ჩამოსული სწავლულები და სტუდენტები.

მუზეუმის ექსპონატებს მსოფლიოს სამეცნიერო საზოგადოება პერიოდული ორგანოს—“საქართველოს ეგზარქატის მაცნეს” და კატალოგების მეშვეობით ეცნობოდა. ამ მხრივ, აღსანიშნავია თედო ჟორდანიის და მოსე ჯანაშვილის მოღვაწეობა. 1902 და 1903 წლებში გამოქვეყნდა თ. ჟორდანიას მიერ შედგენილი “საეკლესიო მუზეუმის ხელნაწერთა აღწერილობის” I და II წიგნი, ხოლო 1908 წელს —III წიგნი, რომლიც შეადგინა მოსე ჯანაშვილმა. მანვე 1898, 1889, 1913, 1914 და 1916 წლებში გამოსცა “საქართველოს ეპარქიის საეკლესიო სიძველეთსაცავის” კატალოგები. ამ გამოცემათა უმრავლესობა გამოსულია რუსულ ენაზე.

მუზეუმსა და იქ დაუნჯებულ ექსპონატების მნიშვნელობაზე ხანგასამით მიუთითებდა პეტერბურგის სასულიერო აკადემიის პროფესორი, თეოლოგიის დოქტორი ი.სოკოლოვი: “სიონის ტაძართან არსებულ საეკლესიო მუზეუმში მოგროვდა მრავალფეროვანი შინაარსის მქონე ქართული წერტილობითი ძეგლები, როგორც ხელნაწერები და ძველი ნაბეჭდი წიგნები, ასევე ქართული საეკლესიო სიძველეთა ბევრი ნიმუში. მუზეუმში დიდ სამეცნიერო ინტერესს იწვევს, ხოლო მისი ინვენტარი ქართველოლოგთა მხრიდან იმსახურებს დაწვრილებით შესწავლას. ქართული ხელნაწერების გარეშე შეუძლებელია საეკლესიო ქართულლოგიის სფეროში პროდუქტიული სამეცნიერო მუშაობა—უფრო მეტიც, ბიზანტიური პერიოდის

ბერძნულ-აღმოსავლური ეკლესიის ისტორიის ბევრი საკითხის საკვლევად ქართულ ხელნაწერთა ცნობების შემოტანა სამეცნიერო მიმოქცევაში აუცილებლობას წარმოადგენს.⁴⁷⁸ ფონდებში თავმოყრილი ხელნაწერების საფუძველზე საეკლესიო მუზეუმმა არაერთი მნიშვნელოვანი ნაშრომი გამოქვეყნა: ა) თ. ჟორდანიას-ქრონიკები, მეფე დავითის ანდერძი, შიო-მღვიმის მონასტრის სიგელი; ბ) მ. ჯანაშვილის-საეკლესიო მუზეუმის პერგამენტის ხელნაწერები, ეგვიპტის ნისიმის ეკლესიის შესახებ, გ) კ. კეკელიძის-ლიტურგიული ძეგლები, დ) ვ. თაყაიშვილის-არქეოლოგიური ძიებანი, ე) პ. ინგოროვას-ქართული სასულიერო პოეზია VIII-XIII საუკუნეებში, ე) გ. ნიკოლაძის-საეკლესიო კრებები XVIII საუკუნეში, ზ) ა. ნატროვის-ივერიის მონასტრის ისტორია, და სხვა. სამუზეუმო მასალაზე დაყრდნობით შედგა: 1. ქართული ბიბლიის ისტორია, 2. ქართულ-რუსული ლექსიკონი, 3. პალეოგრაფიული ცხრილები, და 4. მოსკოვის არქეოლოგიური სასწავლოებისათვის გადაიწერა ურბნისის სახარება.⁴⁷⁹

მუზეუმის კომიტეტის ძალისხმევით გამოიცა 20-მდე წიგნი. მათ შორის: ა) აბო თბილელის ცხოვრება, ბ) ძველი ქართული არქივარტიკონი, გ) 1074 წლის ათონის ქართველთა მონასტრის კრებული, დ) კათალიკოს არსენის თხზულება-ცხოვრება წმინდა ნინოსი (X ს.) ე) იოანე ბოლნელის ქადაგებანი, ზ) დაუჯდომელი და სხვა.⁴⁸⁰

ამ შრომებში მოყვანილ და სამეცნიერო მიმოქცევაში შემოტანილ მუზეუმის ხელნაწერების შეშვობით ბევრ მნიშვნელოვან ისტორიულ მოვლენას მოეფინა ნათელი. ამ მხრივ განსაკუთრებით საინტერესო იყო VI-XIII საუკუნის ეტრატები, რომლებიც ეხებოდნენ მეფე გუბაზსა და ბიზანტიის ისტორიას, ათონის მთაზე ივერთა მონასტრის დაარსებას, ქართველ წმინდა მამების და მონაზონთა ღვაწლს და სხვა.

საეკლესიო მუზეუმის საგანძურიდან განსაკუთრებულ აღნიშვნას იმსახურებს საცავში № 529-ით გატარებული გ. წ. "ციმისხის ეტრატი"-ათონის ქართველთა მონასტრის კრებული. იგი შეიქმნა 1074 წელს და მის შინაარს შეადგენს: ისტორიები, ბიოგრაფიები, გალობები და სინოდიკა (აღაპები). კრებული იწყება გიორგი მთაწმინდელის მიერ 1066 წელს დაწერილი

⁴⁷⁸ ურბ. "Церковный вестник", პეტროგრადი, 1914, № 30, გვ. 6.

⁴⁷⁹ Джанашивили М., Церковный музей, в кн. "Летопись Грузии", ტფ. 1913, გვ. 100.

⁴⁸⁰ Церковный музей духовенства Грузинской сπαρχии, ტფ. 1916, გვ. 7.

ერცელი წერილით, რომელიც ეხება წიგნის დამკვეთს ექვთიმე ათონელს (1028 წ.), მის მამას იოანეს და ცნობილ სარდალს თორნიკე ერისთავს, რომელიც მოღვაწეობდა X საუკუნის II ნახევარში. კრებულში შეტანილია: ა) ილარიონ ქართველის ცხოვრება, რომელმაც იმპერატორ ვასილის დროს (867 წ.) დაარსა თესალონიკის ქართველთა მონასტერი და ბ) იოანე ღვთისმეტყველის შოგზაურობა, რომელიც შედგენილია მისი მოწაფის და თანამგზავრის პროხოროს მიერ. კრებული მთავრდება ქართული სიწმინდეების საპატივცემულოდ აღავლენილ გალობებით.⁴⁸¹

აღნიშნული კრებული უძვირფასეს ცნობებს იძლევა საქართველოს იმ მეფეებზე, რომლებსაც სამსახური გაუწევიათ ან რაიმე შეუწირავთ მონასტრისათვის. მათ შორის მოხსენიებულია თამარ მეფე და ბიზანტიის იმპერატორი, ეროვნებით სომეხი, იოანე ციმისხი-ჩიმიშვიანი (969-976წწ.) რომელიც თავის ხაზინიდან ყოველწლიურად 244 დრაკანს უხდიდა მონასტერს. გაზ. "ივერია" 1900 წელს წერდა: "ხელნაწერი ფრიად შესანიშნავია საეკლესიო ისტორიის მეცნიერებისათვის. აქ ჩართულია მრავალ დღემდე უცნობი წმინდანთა სახელები და მათი ცხოვრება. ქართველ წმიდათაგან ჩართულია ილარიონ ქართველის, წმ. ეფთვიმეს და მისის მამის იოანეს დღესასწაული. სეინაქსარს დართული აქვს ტიბიკონური საჩვენებელი და წარწერანი თვით გიორგი მთაწმინდელისა. წინათ სეინაქსარი შიო-მღვიმის ლაერის საკუთრება ყოფილა".⁴⁸²

1916 წელს მუხეშში სულ ირიცხებოდა 1116 ხელნაწერი და ძეგლებური წიგნი, 1017-სიგელ-გუჯარი, 184—საეკლესიო ნივთი და შესამოსელი, 120—ჯვარი და ჭურჭელი, 142—ხატი და პორტრეტი, 105—ქვის ნივთი, 50 კაჭის ძეგლებური თოფი, 215—ძეგლი მონეტა, 650—ახლად დაბეჭდილი წიგნი.⁴⁸³

საეკლესიო მუხეშში თავდაპირველად თავის ხარჯებს მხოლოდ შემოწირულობების გზით შემოსული თანხებით ფარავდა. უნდა აღინიშნოს ვეზარქოს ფლაბიანეს, ეპისკოპოსების ლეონიდეს, კირიონის, არქიმანდრიტების დონსთეოსის, ესტატეს და სხვათა ფინანსური დახმარებები. 1897 წლიდან მუხეშის თბილისის საეპარქიო სანთლის ქარხნის

⁴⁸¹ Джанашиви М., Пергамский рукописи музея, в кн. "Летопись Грузии", ტფ., 1913, გვ. 101.

⁴⁸² გაზ. "ივერია", 1900 წლის 3 ნოემბერი, № 240.

⁴⁸³ Церковный музей духовенства Грузинской епархии, ტფ., 1916, გვ. 7.

შემოსავლებიდან ყოველწლიურად დაენიშნა 1000 მანეთი. მაგრამ ეს თანხა არ იყო საკმარისი. ქრონიკული უსახსრობის პირობებში გაძნელებული იყო საქართველოს სხვადასხვა რაიონებში ექსპედიციების მოწყობა, ჭირდა ექსპონატების შექმნაც. მაგრამ ხშირად მდგომარეობას ამსუბუქებდა საქმისადმი უანგარო თავდადება, სხვადასხვა პირებისა და საზოგადოებებისგან მიღებული დახმარება. ამ მხრივ აღსანიშნავია 1902 წლის ნოემბერში დიდი მთავრის გიორგი მიხეილის-ძისა და მისი მეუღლის მარიამის მიერ გაღებული თანხები. იმავე წლის დეკემბერში არაგვის ერისთავის ოჯახმა მუზეუმს შესწირა XIII საუკუნის 303 ფურცლიანი სვინაქსარი და სხვა.⁴⁸⁴

მიუხედავად სახსრების ნაკლებობისა, მუზეუმი ზოგჯერ ახერხებდა ექსპონატების შექმნასაც. როგორც ანგარიშებიდან ჩანს, 1900-1901 წლებში შეუძენიათ ვერცხლით გაწყობილი ბროლის სურა წარწერით: "საქართველოს კათოლიკოსის მეფის ძის ანტონისა არის, 1811 წ.", გიორგი მეფის ბეჭედი, რომაული ხმალი, ძველებური კრამიტი ჯვარის გამოსახულებითა და ასომთავრული წარწერით, ბრინჯაოს კერპი, ქართული და ასირიული ვერცხლის მონეტები და სხვა.⁴⁸⁵

საეკლესიო მუზეუმს ეკავა სოინის საკათედრო ტაძრის ეზოში ორსართულიანი შენობა, რომელიც თავის დროზე ეკლესიის ძმათა საბჭომ ააგო და მოიყვანა წესრიგში. 1899 წლის 29 ნოემბერს ეგზარქოსმა ფლაბიანემ ეს შენობა სასულიერო წოდების საკუთრებად გამოაცხადა. მანვე იკისრა აგრეთვე შენობის მიმდინარე შეკეთებებისა და საჭირო სამეურნეო ხარჯების გაღება. XX საუკუნის დასაწყისში გამოირკვა, რომ აღნიშნული ნაგებობა ვეღარ აკმაყოფილებდა მუზეუმის მოთხოვნებს და ღადგა ახალი მუზეუმისთვის შესაფერისი შენობის აგების საკითხი. მაგრამ რადგან ვერ მოხერხდა ახალი შენობის ასაგები თანხის შეგროვება, გადაწყდა, რომ მუზეუმი გადატანილიყო ქალაქკარელ, ევრაზე, აქ არსებულ სასულიერო სემინარიის შენობაში. ამ წინადადებას აზრთა სვადასხვაობა გამოიწვია. "ცნობის ფურცელი" აცხადებდა: "ადგილობრივ მთავრობას გადაუწყვეტია, რომ საეკლესიო მუზეუმი, რომელიც სოინის ტაძრის შენობაშია, გადაიტანოს ევრაზე და მოათავსოს სასულიერო სემინარიის ახალს შენობაში". ამასთან ერთად,

⁴⁸⁴ გაზ. "ივერია", 1902 26/XI № 253; 1902 10/XII № 364.

⁴⁸⁵ Краткий отчет по церковному музею за 1900-01 гг., ст. 14.

გაზეთი რჩევას იძლეოდა: "დღეს მუზეუმი ადვილი მისადგომია. თუ მართლა იგი ვერაზე გადაიტანეს, მაშინ ვერ შეძლებენ იმ სიშორეზე სიარულსა."⁴⁸⁶ ამ და სხვა მიზეზების გამო საეკლესიო მუზეუმს გაფართოება აღარ ღირსებია. მომდევნო წლებში განვითარებულმა მოვლენებმა მუზეუმის მდგომარეობა კიდევ უფრო დაამძიმა.

ამასთან ერთად, ისიც უნდა აღინიშნოს, რომ მუზეუმის გამოფენები და აქ დაცული ექსპონატები დიდ ინტერესს იწვევდნენ საზოგადოებაში. მათ ათვალიერებდნენ არა მარტო თბილისის, არამედ საქართველოს სხვადასხვა ქალაქებიდან სპეციალურად ჩამოსული სტუმრები. საგამოფენო დარბაზებში გაკეთილები და თემატური საუბრები უტარდებოდათ სასულიერო სასწავლებლის მოსწავლეებს. თუ 1898 წელს მუზეუმი დაუთვალიერებია 18000 ადამიანს, ეს რიცხვი 1916 წლისათვის 40000-მდე გაზრდილა.⁴⁸⁷ დამთვალიერებელთა შორის იყვნენ ქვეყნის უმაღლესი პირები, საიმპერატორო ოჯახის წევრები, დიდი მთავრები, მინისტრები, სახელმწიფო სათათბიროს დეპუტატები, სასულიერო წოდების წარმომადგენლები და სხვა. მუზეუმში ხშირად ტარდებოდა ექსკურსიები, როგორც იმპერიის სხვადასხვა ქალაქებიდან, ისე ვეროპის, აზიისა და ამერიკის ქვეყნებიდან. მაგალითად, 1913 წელს იგი დაუთვალიერებია კიევ-პეჩორის ლავრისა და იაპონელ სასულიერო პირებსაც. მუზეუმმა ღირსეული მასპინძლობა გაუწია 1881 წელს თბილისში ჩატარებულ არქეოლოგთა V საერთაშორისო ყრილობისა და 1913 წელს შემდგარ რუს ბუნებისმკვლევართა და ექიმთა XIII ფორუმის დელეგატებს.

მუზეუმში დაცულ ხელნაწერებისადმი დიდ დაინტერესებას იჩენდნენ სხვადასხვა სამეცნიერო დაწესებულებები: 1911 წელს რამილენიმე ხელნაწერი შესასწავლად გაიგზავნა საიმპერატორო მეცნიერებათა აკადემიაში, აზიის მუზეუმში და სხვა.

მუზეუმის ექსპოზიციებისა და ფონდებში დაცული ექსპონატების მოწონებაზე კარგად მეტყველებს სტუმართა ის გამოხმაურებები, რომლებიც მოყვანილია ამ დაწესებულების ანგარიშებში. მაგალითად, კიევის სასულიერო აკადემიის რექტორი, არქივისკომისი პლატონი 1903 წლის 7 ივლისს წერდა: "განმაცვიფრა მუზეუმში თავმოყრილმა მეცნიერებისა და

⁴⁸⁶ გაზ. "ცნობის ფურცელი", 1909 წლის 26 ნოემბერი, №2681

⁴⁸⁷ Церковный музей духовенства Грузинской епархии, ტფ., 1916 გვ. 7.

მსოფლიოსათვის უცნობმა ლიტურგიული და საეკლესიო-ისტორიული მნიშვნელობის ხელნაწერთა სიუხვემ. ვისურვებდი, რომ ქართველ მოსწავლელე ახალგაზრდობას განსაკუთრებული ყურადღება მიექციოს ამ იშვიათი განძისათვის.⁴⁸⁸ პეტერბურგელი პროფესორი ანდრეი პარხოვი 1911 წლის 6 ოქტომბერს აღნიშნავდა: “ქართული საეკლესიო-არქეოლოგიური მუზეუმის დათვალიერებამ წარუშლელი შთაბეჭდილება დატოვა ჩემსე, როგორც მაღალმხატვრული ქართულ სიძველეთა სიმდიდრით, ისე ამ საგანძურის აღწერით”.⁴⁸⁹ ანალოგიურ მოსაზრება გამოუთქვამს ცნობილ მეცნიერებს პ. უვაროვას, რ. კონდაკოვს და სხვებს.

მუზეუმში მოსულ დამთვალიერებელს აუცილებლად აჩვენებდნენ აქვე სიონის ტაძარში დასვენებულ ქართველი ერის ერთ-ერთ ღირშესანიშნავ ისტორიულ ნივთებს-წმ. ნინოს ჯვარს და სიონის ღვთისმშობლის ხატს, რომლებიც დიდ შთაბეჭდილებას ახდენდნენ მნახველებზე: ზომით 1,4 ადლის სიგრძის და 0,3 ადლის სიგანის ჯვარი ჩასმული იყო ფარჩის შალითაში და დაფარული იყო ვერცხლის ჭედურობით. IX-X სს. ხელნაწერების მიხედვით იგი ქართველთა განმანათლებელს წმ. ნინოს თავის თმებით შეუკრავს ვახის ტოტებისაგან. ეს ჯვარი 1749 წელს მიტროპოლიტ რომანოზს წაუღია რუსეთში და გადაუცია ვახტანგ VI ძის ბაქარისათვის. მის შვილიშვილს უფლისწულ გიორგის კი ჯვარი მიურთმევია იმპერატორ ალექსანდრე პირველისათვის. ამ უკანასკნელმა 1801 წლის 15 ოქტომბერს იგი წაუშლდვარა თბილისში შემოსულ რუსსაა ჯარს და მას აქვთ წმ. ნინოს ჯვარი დაუნჯებულა სიონის საკათედრო ტაძარში. რაც შეეხება სიონის ღვთისმშობლის ხატს, იგი შემკულია 70 ცალი აღმასით, 200-ლადლით, 160-იაგუნდით, 90-ზურჩუხტით, 70-ფირუხით და 600-მარგალიტით და სხვა ძვირფასი თვალთ.⁴⁹⁰

საეკლესიო მუზეუმში საქველმოქმედო საქმიანობითაც გამოირჩეოდა. მუზეუმის ბიბლიოთეკით არა მარტო უწყასოდ სარგებლობდა საზოგადოება, არამედ მისი სასულიერო წიგნებით მარაგდებოდა თბილისის სხვადასხვა სასწავლებელი. მუზეუმს წიგნები შეუწირია პეტერბურგში არსებულ “ქართულ

⁴⁸⁸ Краткий отчет по церковному музею за 1900-01 гг, გვ. 7.

⁴⁸⁹ Церковный музей духовенства Грузинской епархии, ტფ., 1916. სტ. 13.

⁴⁹⁰ Церковный музей духовенства Грузинской епархии, ტფ., 1916. გვ. 13.

სამეცნიერო წრისათვის", ყარსის ქალთა გიმნაზიისათვის და სხვა.⁴⁹¹

საქართველოში საბჭოთა ხელისუფლების დამყარების შემდეგ, კვლესიაზე ტოტალური შეტევის პერიოდში, ფუნქციონირება შეწყვიტა საეკლესიო მუზეუმმა. მის ფონდებში დაუნჯებული ექსპონატები გადავიდა განათლების სახალხო კომისარიატის გამგებლობაში და 1921 წელს გადაეცა თბილისის უნივერსიტეტის სიძველეთსაცავს. მთელი მასალის გადაცემა ოფიციალურად დაევალა მოსე ჯანაშვილს. უნივერსიტეტის სიძველეთსაცავის ხელმძღვანელები კორნელი კეკელიძე და აკაკი შანიძე რამოდენიმე თვის განმავლობაში იბარებდნენ ექსპონატებს. იგი მოათავსეს უნივერსიტეტის შენობის მე-3-ე სართულზე. რაც შეეხება მ. ჯანაშვილს, ისიც გადაიყვანეს უნივერსიტეტში და დანიშნეს სიძველეთსაცავის გამგის ასისტენტად.

მოგვიანებით, უნივერსიტეტში განთავსებული საეკლესიო მუზეუმის ხელნაწერები სამთავრობო გადაწყვეტილებით შეუერთდა საქართველოს მუზეუმის ფონდებს. მის ბაზაზე მუზეუმში 1929 წელს ჩამოყალიბდა ხელნაწერთა განყოფილება პავლე ინგოროყვას მეთაურობით. საეკლესიო მუზეუმის კოლექციებმა აქ შეინარჩუნეს საკუთარი სახელები და მათ ფონდებს მიეცათ ცალკე ლიტერი. იგი აღირიცხებოდა პირობითი ასოითი ნიშნით-A, საეკლესიო მუზეუმში ექსპონატების მოამაგემ და მცველმა მოსე ჯანაშვილმა საქართველოს მუზეუმში კონსერვატორის თანამდებობა დაიკავა.⁴⁹²


ამრიგად, XIX საუკუნის II ნახევრსა და XX საუკუნის დასაწყისში საეკლესიო მუზეუმმა დიდი ეროვნული მისია იკისრა, როცა სათავეში ჩუდგა ქართველი ერის სულიერი და მატერიალური კულტურის ძველ ნაშთთა შეკრების, შესწავლისა და გადარჩენის საქმეს. თავის არსებობის მანძილზე იგი საეკლესიო ხელნაწერების, წიგნებისა და ნივთების მნიშვნელოვან განმსახივრებელ ჩამოყალიბდა. საეკლესიო მუზეუმში რევოლუციამდელ თბილისში კავკასიის მუზეუმის შემდეგ ყველაზე დიდ და ღირებულ კოლექციებს ფლობდა, რომელიც დღემდე აინტერესებდა სამეცნიერო სამყაროს. საეკლესიო მუზეუმის შემწევობით მსოფლიოს საზოგადოება

⁴⁹¹ მუბლაძე მ., ნიკოლაიშვილი თ., საეკლესიო მუზეუმში თბილისში, გაზ. "ახალგაზრდა კომუნისტი" 1989 წლის 21 ოქტომბერი.

⁴⁹² საქართველოს უახლესი ისტორიის არქივი, ფ. 300, ან.3, საქ. 140, ფ.

ახლოს გაეცნო და კარგი შთაბეჭდილება დატოვა ქართველი ერის მდიდარი სულიერი და მატერიალური კულტურის ნაშთებმა.

ეროვნული დაწესებულებების ქართველთა შორის წერა-კითხვის გამავრცელებელი, საისტორიო და საეთოგრაფიო საზოგადოებების და საეკლესიო მუზეუმების ექსპონატების საქართველოს მუზეუმის ფონდებში თავმოყრას უდიდესი მნიშვნელობა ჰქონდა. როგორც ივანე ჯავახიშვილი აღნიშნავდა "ამის წყალობით საქართველოს მუზეუმი ჩვენი ქვეყნის უდიდეს სამეცნიერო და საგანმანათლებლო დაწესებულებად გადაიქცა."






ლიმბერი ბაქრაძე



თედო ჟორდანიას




ო. ჯაფარიშვილი და ნ. მარი ანისის გათხრებზე 1903წ.



სამეცნიერო ექსპედიცია მცხეთაში 1904წ.



მოსე ჯანაშვილი



ექვთიმე თაყაიშვილი

თავი IV

საქართველოს მუზეუმი (1919-1932წწ)

საქართველო 1918 წლის 26 მაისს კოლონიური უღლისგან განთავისუფლებისა და ეროვნული სახელმწიფოებრიობის აღდგენის შემდეგ შეუდგა ახალი, დემოკრატიული რესპუბლიკის მშენებლობას, რამაც ხელსაყრელი პირობები შექმნა ძველი მუზეუმების, პირველ რიგში კავკასიის მუზეუმის ბაზაზე ახალი სამუზეუმო დაწესებულება ჩამოყალიბებულიყო.

ეროვნულ ხელისუფლებას კარგად ესმოდა კავკასიის მუზეუმის მნიშვნელობა და თავიდანვე მას დიდი ყურადღება დაუთმო. კავკასიის მუზეუმი, მოიაზრებოდა როგორც ქართველი ხალხის მატერიალური და სულიერი კულტურის უმნიშვნელოვანეს ნიმუშთა თავმოყრისა და დაცვის ცენტრი, რომლის საფუძველზეც შესაძლებელი იქნებოდა ეროვნული ინტერესების მატარებელი დაწესებულების შექმნა.

1918 წლის 3 ივნისს კავკასიის მუზეუმის დირექტორად დაინიშნა ამავე დაწესებულების გეოლოგიის განყოფილების გამგე ნოე მანუჩარის ძე ყოფიანი. ამასთან ერთად დაიწყო მოსამზადებელი სამუშაოები მუზეუმის სამეცნიერო საბჭოს ჩამოსაყალიბებლად. 1919 წლის იანვარში მთავრობის თაოსნობით დაარსდა სპეციალური კომისია, რომელსაც დაეუალა მუზეუმის დებულების შემუშავება.

1919 წლის 1 აგვისტოს დამუშობებელმა კრებამ და საქართველოს მთავრობამ მიიღო დეკრეტი კავკასიის მუზეუმის გაუქმებისა და მის ბაზაზე საქართველოს მუზეუმის დაარსების შესახებ.⁴⁹³ დეკრეტში აღნიშნული იყო: "1. გაუქმებულ იქნეს ქალაქ ტფილისში არსებული კავკასიის მუზეუმი. 2. დაარსდეს საქართველოს მუზეუმი, რომელსაც გადაეცეს კავკასიის მუზეუმის ყოველი უძრავი და მოძრავი ქონება და საქმე. 3. დამტკიცებულ იქნეს ამასთანავე დართული დებულება საქართველოს მუზეუმისა."⁴⁹⁴ დებულების შესაბამისად საქართველოს მუზეუმის მიზანსა და ამოცანებს შეადგენდა საქართველოს მეცნიერულად შესწავლის ხელშეწყობა, რისთვისაც თავი უნდა მოეყარა, მოეწესრიგებინა, შეენახა და მეცნიერულად დაემუშავებინა ყველა მასალა და კოლექცია,

⁴⁹³ სსმ არქივი, 1919 148/136, გვ. 19.

⁴⁹⁴ საქართველოს დემოკრატიული რესპუბლიკის სამართლებრივი აქტების კრებული 1918-1921, თბ., 1990, გვ 307.

რომლებიც შეეხებოდნენ საქართველოს და მისი მეზობელი ქვეყნების ფიზიკურ ბუნებას, ეთნოგრაფიასა და ისტორია-არქეოლოგიას.⁴⁹⁵

საქართველოს მუზეუმი შევიდა სახალხო განათლების სამინისტროს სისტემაში. მას განაგებდა სამეცნიერო საბჭო, რომელიც შედგებოდა დირექტორის, განყოფილების გამგეების და თბილისის სახელმწიფო უნივერსიტეტის პროფესორთა საბჭოს მიერ არჩეული 5 წარმომადგენლისგან.

დებულების მიხედვით, (მუზეუმი შედგებოდა ხუთი განყოფილებისაგან: გეოლოგიის, ბოტანიკის, ზოოლოგიის, ეთნოგრაფიის და ისტორია-არქეოლოგიის.) დირექტორსა და განყოფილებათა გამგეებს ირჩევდა სამეცნიერო საბჭო და ამტკიცებდა განათლების მინისტრი.

საქართველოს მუზეუმის სახსრებს შეადგენდა: ა) სახელმწიფო ხაზინიდან სახალხო განათლების სამინისტროს განკარგულებაში გადადებული განსაზღვრული თანხა და ბ) სპეციალური თანხა. "მუზეუმის სპეციალურ თანხას შეადგენდა: 1) მუზეუმში შესასვლელი გადასახადი, 2) შემოწირულობანი და 3) გამოცემათა და კოლექციათა დუბლიკატების გაყიდვით მიღებული შემოსავალი"⁴⁹⁶

(საქართველოს მუზეუმთან არსებობდა წიგნსაცავი, სადაც თავმოყრილი იყო ლიტერატურა ძირითადად საქართველოსა და მისი მეზობელი ქვეყნების შესახებ. მას ეწოდა "საქართველოს მუზეუმის სამეცნიერო ბიბლიოთეკა."

საქართველოს მუზეუმს რთულ პერიოდში მოუწია საქმიანობის დაწყება. პირველი მსოფლიო ომის, რევოლუციებისა და გართულებული საგარეო პოლიტიკის შედეგად, ქვეყანა ეკონომიკურად განანაგებული იყო. ისეთი დიდი დაწესებულების ნორმალური ფუნქციონირებისთვის, როგორც იყო მუზეუმი, საჭირო თანხები არსად ჩანდა. მუზეუმის გამოფენები დაიხურა, აქედან გამოძინარე სპეცთანხები აღარ იკრიბებოდა, ექსპედიციები ძალზე შეზღუდული მასშტაბებით ტარდებოდა, ახალი შენობის მშენებლობის დამთავრებას ჯერ კიდევ ბევრი აკლდა. მაგრამ სამაგიეროდ დიდ პოლიტიკურ და სოციალურ ძვრებთან დაკავშირებით შექმნილი ახალი ვითარება საიმედო

⁴⁹⁵ საქართველოს დემოკრატიული რესპუბლიკის სამართლებრივი აქტების კრებული 1918-1921, თბ., 1990, გვ. 108.

⁴⁹⁶ იქვე გვ. 108.

⁴⁹⁶ საქართველოს დემოკრატიული რესპუბლიკის სამართლებრივი აქტების კრებული 1918-1921, თბ., 1990, გვ. 108.

ხიდაგს ქმნიდა მუზეუმის ფუნქციონირების განახლებისთვის. ეროვნული დამოუკიდებლობის აღდგენისა და ნაციონალური თვითშეგნების აღზევების ფონზე, ახალგაზრდა სახელმწიფოს ხელეწიფებოდა ყველა სიძნელის გადალახვა.

(უპირველეს ყოვლისა საჭირო იყო მუზეუმის გაეროვნულობა, როგორც მისი პირველი ქართველი დირექტორი ნოე ყიფიანი აღნიშნავდა: “კავკასიის მუზეუმის უმთავრეს ნაკლს შეადგენდა ის გარემოება, რომ მუზეუმში საკუთრივ საქართველო სუსტად გახლდათ წარმოდგენილი. საქართველოს მუზეუმი უმთავრეს მიზნად ამ შემკვიდრებით გადმოცემული ნაკლის გამოსწორებას ისახავს”.⁴⁹⁷ ეს პროცესი უნდა დაწყებულიყო კადრებიდან: 1919 წელს საქართველოს მუზეუმის სამეცნიერო საბჭომ დირექტორად ისევ აირჩია ნოე ყიფიანი.

ნოე მანუჩარის ძე ყიფიანი (1887-1966 წ.წ.) დაიბადა 27 იანვარს ხონის რაიონში, მოსამსახურის ოჯახში. 1903 წელს სწავლობდა ქუთაისის პროგიმნაზიაში. 1906 წელს დაამთავრა თბილისის კლასიკური გიმნაზია. სწავლა განაგრძო საზღვარგარეთ. 1912 წელს დაამთავრა პარიზის სორბონის უნივერსიტეტის საბუნებისმეტყველო მეცნიერებათა ფაკულტეტი. 1912-1913 წლებში საღისურტაციო ნაშრომის მომზადებასთან დაკავშირებით, მუშაობას იწყებს ალფრედ ლაკრუასთან, მოგვიანებით კი — ემილ პოეტანს. 1915 წელს დაბრუნდა რუსეთში და თანამშრომლობდა აკადემიკოს ნიკოლოზ ანდრეუსოვთან. ამ უკანასკნელის წარდგინებით საიმპერატორო მეცნიერებათა აკადემიაში იგი აირჩია კავკასიის მუზეუმის გეოლოგიის განყოფილების გამგედ.⁴⁹⁸ ნოე ყიფიანმა ცხრა წელი დაჟყო მუზეუმში და გარკვეული კვალი დატოვა მის ისტორიაში.

საქართველოს მუზეუმში 1918 წელს მუშაობდა სულ 19 მუშაკი. მუზეუმი ახლადდამოუკიდებულ თბილისის უნივერსიტეტთან ერთად ახალგაზრდა ქართველ მეცნიერთა სამჭედლოდ იქცა.

1919 წლის სექტემბრიდან მუზეუმში მიიღეს ახალი თანამშრომლები: მინერალოგიის განყოფილების გამგედ — პროფესორი აღექსანდრე თვალჭრელიძე, ზოოლოგიის განყოფილების გამგედ — ზოოლოგიურ მეცნიერებათა დოქტორი ივანე ჩხიკვიშვილი, ბოტანიკის განყოფილების გამგედ — ბორის შიშკინი, ბიბლიოთეკის გამგედ — აღექსანდრე სვანიძე, მის თანაშემწედ — ნინო ჭავჭავაძე, 1920 წლის 1 ივნისიდან არქეოლოგიის განყოფილების გამგედ — პროფესორი გიორგი ჩუბინაშვილი, მუზეუმის მდივნად — სოლომონ იორდანიშვილი, იგი

⁴⁹⁷ სსმ არქივი, 1920 149/137, ფ. 116.

⁴⁹⁸ ნ. ყიფიანის საოჯახო არქივი, ფ. 15.

1920 წლიდან შეცვალა სერგი მაკალათიამ. პრეპარატორად მუშაობდა ელენე ამირაშვილი; ასისტენტებად—მარიამ ბარათაშვილი, ელისაბედ ქიქოძე, თანამშრომლებად შალვა ამირანაშვილი, თამარ ამირეჯიბი, თინათინ დვალი, თამარ ლომინაძე, ალექსანდრე ლომაძე, გიორგი ეპიტაშვილი, მხატვარი ვეგენი ლანსერე.⁴⁹⁹

მუზეუმის მუშაობაში უნივერსიტეტიდან ჩაერთვნენ საქარველოს თვალსაჩინო მეცნიერები და სახელოვანი ჩამუღლიშვილები.

1920 წლის 9 იანვარს თბილისის სახელმწიფო უნივერსიტეტის რექტორი ივანე ჯავახიშვილი ატყობინებდა მუზეუმის დირექტორს, რომ მუზეუმის სამეცნიერო საბჭოში თბილისის უნივერსიტეტის წარმომადგენლებად არჩეული არიან: ექვთიმე თაყაიშვილი, გიორგი ჩუბინაშვილი, ალექსანდრე თვალჭრელიძე, სოლომონ ქურდიანი და ალექსი ნათიშვილი.⁵⁰⁰ მუზეუმის სამეცნიერო საბჭოს პირველი სხდომა გაიმართა 1920 წლის 1 იანვარს.

1919 წელს მუზეუმის დირექტორი განათლების მინისტრს სწერდა: "ცხადია მეტად რთულ სამეცნიერო დაწესებულებას, როგორც საქართველოს მუზეუმი თავისი ხუთი განყოფილებით და ბიბლიოთეკით, ერთ დღესაც არ შეუძლია მოადუნოს მუშაობის მსგელობა. მუზეუმი გარკვეულად სცდილობს, რომ საიმედოდ მომზადებულნი მუშაკნი შემოიკრიბოს თავის გარშემო და თავიდანვე დაამკვიდროს სწორი მეცნიერული კვლევა—ძიების ადათი. 12 მარამობისთაიდან მუზეუმმა მოიწვია რამდენიმე სპეციალისტი და ბიბლიოთეკარი და უკვირდება თუ რამდენად შეეფერება მათი მუშაობის უნარიანობა მუზეუმის არსებით მოთხოვნას. ვფიქრობ, რომ ამ მხრივ მუზეუმმა საიმედო გაჩოსავალი იპოვა"⁵⁰¹

მუზეუმი დიდ მატერიალურ გასაჭირს განიცდიდა. ამას მიტყვევებს მის არქივში დაცული უამრავი ბარათი და მოხსენება, რომლებიც ეგზავნებოდა განათლების სამინისტროს. "მუზეუმის თანამშრომლები ეწევიან მძიმე მუშაობას და ამასთან ერთად, ისეთ განსაკუთრებულ პირობებში, როგორიც არის მუზეუმის ჯერ კიდევ მოუწყობელი ლაბარატორიები და განყოფილებები. ჩვენი მუშაობა გაცილებით ძნელია, ვიდრე მასწავლებლისა და შესაძლებელია შრომის უნარის დაკარგვაც."⁵⁰²

⁴⁹⁹ სსმ არქივი, 1920, 149/137, ფ. 206

⁵⁰⁰ სსმ არქივი, 1920, 149/137, ფ. 140

⁵⁰¹ სსმ არქივი, 1919, 148/136, ფ. 37.

იტყობინებოდნენ მუზეუმიდან. ისინი უპირველეს ყოვლისა, ოთხოვდნენ ექსპონატების შესაწამლად და კოლექციების დასაცავად ნაფტალინს, სპირტს, ფორმალინს, ქადალდს, "მუზეუმის მსახურთათვის მანუფაქტურას, ფეხსაცმელს, შაქარს, საპონს, სანთელს" ⁵⁰² და ა. შ.

მუზეუმის დირექტორი 1919 წელს მოახსენებდა ზემდგომ ორგანოებს: "ისეთ მდგომარეობაში დაგვიტოვეს იგი საქართველოს მუზეუმის დღევანდელ მუშაკებს, რომ ამ ეამში მუზეუმის ხუთივე განყოფილება უდიდეს გასაჭირს განიცდის როგორც მათთვის აუცილებელი სამეცნიერო ლიტერატურის, ისე ლაბორატორიულ ხელსაწყოთა მხრივ, აღარას მოგახსენებთ იმ ბიბლიოთეკის შესახებ, რომელიც ზემოხსენებული მიზეზების გამო უკვე 5 წელია, რაც მოკლებულია საშუალებას მიიღოს ესა თუ ის ახალი მეცნიერული ნაშრომი."⁵⁰³

მიუხედავად უდიდესი ინფლაციისა და საყოველთაო გაჭირვებისა, ხელისუფლება მაინც ცდილობდა რითიმე დახმარებოდა მუსეუმს.

1919 წლის 19 დეკემბერს დამფუძნებელმა კრებამ და რესპუბლიკის მთავრობამ მიიღეს დეკრეტი საქართველოს მუზეუმის შენობის დასამთავრებლად მნიშვნელოვანი სახსრების გამოყოფის შესახებ. 1919-1920 წლებში განათლების სამინისტრომ მუზეუმს "ნიუთების შესაძენად გადასცა 104,800 მანეთი. ხოლო სამეცნიერო, საგამომცემლო და საოჯახო ხარჯებით" 1920 წლის დასაწყისში სხვადასხვა ფონდებიდან ყოველთვიურად გამოიყოფოდა 3,333, 3750 და 1250 მანეთი.⁵⁰⁴ ამ თანხებით მოხერხდა ექსპედიციებისა და მივლინებების მოწყობა. ვლ. ქიქოძე გაემგზავრა გორის რაიონში, ნ. ყიფიანი – ორთაჭალის მიდამოებში, პ. სვიდერენკო – შორაპნის მაზრაში, ი. ჩხიკვიშვილი – კუმისის ტბაზე, ა. ლომაძე – ყარაიაზში, ა. მარკოვი – ფასანაურში, ა. თვალჭრელიძე – კინტრიშის ხეობაში, პ. შიშკინი – აღმოსავლეთ გურიაში და სხვა.

მუზეუმი ამ თანხებით აგრეთვე ახერხებდა თავის სამუშაოებზე მაღალკვალიფიციური რუსი და უცხოელი სპეციალისტების მოწვევასაც: 1920 წლის ივნისში ბოტანიკური მასალების მოსაწესრიგებლად მიიწვიეს ალ. გროსჰეიმი. ურმიის კოლექციების დასამუშავებლად – გ. მაიოროვი, ენტომოლოგიურ მასალებზე სამუშაოდ – პენზის საბუნებისმეტყველო მუზეუმის

⁵⁰² სსმ არქივი, 1919, 148/136, ფ. 79.

⁵⁰³ სსმ არქივი, 1919, 148/136, ფ. 86.

⁵⁰⁴ სსმ არქივი, 1920, 149/137, ფ. 122.

სპეციალისტი გრ. ოლსუფევი.⁵⁰⁵ ამ დაწესებულებისთვის ძალზე მნიშვნელოვანი გამოდგა ცნობილ ბოტანიკოს ნ. ვორონიხინთან თანამშრომლობა.⁵⁰⁶

1919 წელს დაისვა რესპუბლიკაში გაბნეული სამუზეუმო ნივთებისა და წიგნების საქართველოს მუზეუმში თავმოყრის საკითხი. ამის ინიციატორად გამოდიოდა მუზეუმის დირექტორი ნ. ყიფიანი: “ჩვენი სახელმწიფოს ინტერესები გვიკარნახებს, რომ ყველა სამუზეუმო მასალა თავმოყრილი და დაცული იყოს საქართველოს მთავარ მუზეუმში”.⁵⁰⁷ აღნიშნულ ეტაპზე განსაკუთრებით სასურველად იქნა მიჩნეული შინამრეწველობის კომიტეტის მუზეუმის, აბასთუმანში ღიდი მთავრის გიორგი რომანოვის კერძო ბიბლიოთეკის, ბორჯომის სატყეო მუზეუმის, ლიკანში რომანოვების სასახლის ნივთებისა და წიგნების მუზეუმისთვის გადმოცემა.

საქართველოს მუზეუმში გახდა ქართული მატერიალური კულტურის ძეგლთა მეთვალყურეობისა და ისტორიული მნიშვნელობის ნივთთა დაცვის ცენტრი. 1920 წლის აპრილში საქართველოს მუზეუმთან დაარსდა ისტორიული მნიშვნელობის საგნების შექმნის ფონდი. ფონდთან ფუნქციონირებდა კომისია. 1920 წლის 24 მაისს კომისიის წევრებმა ე. თაყაიშვილმა და გ. ჩუბინაშვილმა განათლების სამინისტროს მიმართეს თხოვნით საარქეოლოგიო ნივთთა შესაძენი ფონდიდან 418500 მანეთის გამოყოფის შესახებ. ამ თანხით უნდა შეეძინათ: 1) კოლექციონერ ა. ტერ-ოგანეზოვისგან ნუმიზმატიკური მასალა, რომელიც მოიცავდა 700-მდე ერთეულს, მათ შორის 400-მდე ვერცხლის, დანარჩენი სპილენძის (არშაკიდების, სასანიდების, ქართულ, რუსულ, რომაულ, ბერძნულ, ბიზანტიურ და სხვა) მონეტებს, 2) ორი ძველებური ხმალი, 3) ქართული ხელნაწერი წიგნი, 4) სამი ძველი ნაბეჭდი წიგნი (კონდაკი), 5) მოვერცხლილი ორი ყანწი, 6) ოქრომკედით ნაქარგი აბრეშუმის ბოხჩა, 7) ერეკლე მეფის ხანჯალი მინანქრიანი ოქროს ბუდით და 8) ღამბაჩა.⁵⁰⁸ 1920 წელს მუზეუმმა შეიძინა ე. ბაგრატიონის, მ. ვაჩნაძის, გ. შერვაშიძის, ყაფლან. ორბელიანისა და მარიამ ერისთავის ოჯახებიდან სამკაული, იარაღი, ტანსაცმელი, ხალიჩები და სხვა ნივთები.⁵⁰⁹

⁵⁰⁵ სსმ არქივი, 1920, 149/137 ფ. 263.

⁵⁰⁶ საქართველოს ცენტრალური ისტორიული არქივი (შემდეგში - სკი არქივი), ფ. 1935, ან.1, საქ. 948, ფ. 6.

⁵⁰⁷ სსმ არქივი, 1919, 148/136, ფ. 51.

⁵⁰⁸ სსმ არქივი, 1920, 149/137, ფ. 163.

⁵⁰⁹ საქართველოს მუზეუმის საკოლექციო დაეთარი, გვ. 4—17.

ამავე წელს, ექ. თაყაიშვილს ისტორიულ-კულტურული მნიშვნელობის საგნების შესყიდვის ფონდიდან გამოუყვეს 300.000 მან. მუზეუმისთვის ძველი მონეტების, იარაღისა და ხელნაწერების შესაძენად. ამავე კომისიას 1920 წლის ოქტომბერში გაუგზავნია თხოვნა მხატვრული სურათების, ნუმიზმატიკური მასალისა და იარაღის საყიდლად, რისთვისაც ხაზინიდან გამოუყვეს 150 ათასი მანეთი.⁵¹⁰

1919-1920 წლებში მუზეუმის მიერ განხორციელებული ექსპედიციების, ნივთების შესყიდვისა და შემოწირულობების გზით მუზეუმში შევიდა ბევრი მნიშვნელოვანი ექსპონატი. 1920 წლის მაისში ივ. ტყეშელაშვილმა მუზეუმს შესწირა ძველი ოსმალური ხმალი, ხანჯალი, თოფი, ფარი, ყაღამგანი, დამბაჩა და სხვა.⁵¹¹ 1920 წელს მუზეუმმა ა. დადუშქელიანისაგან მიიღო საინტერესო ვერცხლის ნივთები: თამარისეული ლარნაკი, ეამეისეული ჩარა (ფიალა), აგრეთვე 5 ერთეული ყელსაბამი და სურა.

ამავე დროს, აბასთუმნის სახელმწიფო მამულების მმართველმა გიორგი კოკოჩაშვილმა მუზეუმს საჩუქრად გადასცა ახალციხის მაზრასა და ბორჯომის ხეობაში შეგროვებული მდიდარი ზოოლოგიური და ბოტანიკური კოლექცია⁵¹² და სხვა.

საყოველთაო ანარქია და გამწვავებული საგარეო პოლიტიკური ვითარება გარკვეულად აისახებოდა მუზეუმის საქმიანობაზეც. 1919 წლის ბოლოს ხანგრძლივი კამათი ამტყდარა ამერ-იმერეთის სომხურ გრიგორიანული ეკლესიის ეპარქიის ეპისკოპოს მხითარის მოთხოვნაზე, რომ ეჩმიაძინის ეკლესიის მუზეუმს გადასცემოდა 1910 წელს კავკასიის მუზეუმის მიერ მიღებული ბითლისის მონასტრის უნიკალური კარი.⁵¹³

ამავე პერიოდში მუზეუმის დირექცია პროტესტს გამოთქვამდა იმ ფაქტის გამო, რომ ყოფილი კავკასიის მუზეუმის არქეოლოგიური განყოფილების გამგე ბ. ტერ-ავეტისიანი აპირებდა აზერბაიჯანისა და სომხეთის მთავრობებისათვის მიეყიდა 500-ზე მეტი სპარსულ-არაბული ხელნაწერი.⁵¹⁴ ეს ძვირფასი ექსპონატები ტერ-ავეტისიანმა მოიპია ანატოლიაში კავკასიის მუზეუმის მიერ განხორციელებული ექსპედიციის დროს და ამ მუზეუმის საკუთრებას წარმოადგენდა.

⁵¹⁰ სსმ არქივი, 1920, 149/137, ფ. 226.

⁵¹¹ სსმ არქივი, 1920, 149/137, ფ. 132.

⁵¹² სსმ არქივი, 1920, 149/137, ფ. 311.

⁵¹³ სსმ არქივი, 1919, 148/136, ფ. 132.

⁵¹⁴ სსმ არქივი, 1919, 148/136, ფ. 161.

საქართველოს მთავრობის ჩარევის შემდეგ ორივე ეს ინციდენტი მუზეუმის სასარგებლოდ დამთავრდა.

მუზეუმის მძიმე მატერიალური მდგომარეობა და კავკასიის მუზეუმის ძველი პრივილეგიების დაკარგვა თანამშრომელთა (განსაკუთრებით არაქართველთა) მცირე ნაწილისათვის საბაზი გამხდარა არქეოლოგია-ეთნოგრაფიის განყოფილების ასისტენტ დ. გორდევას ინიციატივით პეტროგრადში გაგზავნილი წერილისა, რომელშიც იყო მოთხოვნა მუზეუმის ისევ რუსეთის მეცნიერებათა აკადემიის სისტემაში დაბრუნების შესახებ. წერილში ამის მთავარ მოტივად მოყვანილი იყო ის, რომ მუზეუმი მთელი კავკასიის საკუთრება იყო და არა მარტო საქართველოსი.⁵⁵ მთავრობის მიერ გადადგმულმა მტკიცე ნაბიჯებმა—ეერძოდ, მუზეუმის ქართულ დაწესებულებად გამოცხადებამ, ძირშივე აღკვეთა ზემოთ აღნიშნული მოსაზრება.

1920 წლიდან დიდი ყურადღება დაეთმო მუზეუმის მეცნიერული პროდუქციის გამოქვეყნებასაც. საფუძველი ჩაეყარა პერიოდულ გამოცემებს:—“საქართველოს მუზეუმის მოამბე“-ს და “საქართველოს მუზეუმის შრომებს“. ამ უკანასკნელის I ტომი გამოვიდა 1920 წელს და 1932 წლამდე სულ გამოიცა 8 ტომი, ხოლო “მოამბე“-ს გამოქვეყნება დაიწყო 1922 წლიდან და 1932 წლამდე სულ გამოვიდა 7 წიგნი.

(მუზეუმის გამოცემათა ხელმძღვანელობა დაეაღებული ქობინა ჯერ გ. ჩუბინაშვილს, მოგვიანებით კი—გ. ჩიტაიას.)

1919-1920 წლებში მოხერხდა ურთიერთობების აღდგენა ევროპის ანალოგიურ სამეცნიერო დაწესებულებებთან: პარიზის, ლონდონის, ბერლინის და რომის მუზეუმებთან. მათ დაიწყეს თბილისში თავიანთი გამოცემების გამოგზავნა.

1920 წელს საქართველოს მუზეუმს დაეგადა ძველი ხუროთმოძღვრული ძეგლების შეკეთება-დაცვაზე თვალყურის დევნება და მზრუნველობა. დამუშობებელმა კრებამ 1920 წლის 13 აგვისტოს დეკრეტით ამ სამუშაოებისთვის გამოყოფა 2 მილიონი მანეთი.⁵⁶ ამ ხაზით მუზეუმმა მოითხოვა თანხა გელათისა და მარტვილის მონასტრების სახურავების შესაკეთებლად და შესაღებად. ხელისუფლებამ ამ სამუშაოებისთვის გაიღო 800 ათასი მანეთი.⁵⁷ მუზეუმის სამეცნიერო საბჭომ გამოყო კომისია ხუროთმოძღვრულ ძეგლთა შესასწავლად. მასში შევიდნენ: პროფ.

⁵⁵ კოლაშვილი ლ., საქართველოს მეისტორიე, გაზ. “თბილისი”, 2002, 25/V, № 15.

⁵⁶ გაზ. “საქართველოს რესპუბლიკა”, 1920 წლის 21 აგვისტო, № 188.

⁵⁷ სსმ არქივი, 1920, 149/137, ფ. 236.

ბ. ჩუბინაშვილი, ინჟინრები ნ. სევეროვი და ა. კალგინი. ისინი გაემგზავრნენ მცხეთაში სვეტიცხოვლისა და ჯვრის მონასტრის მღვდმარობის გამოსარკვევად. ამის გარდა, მათ ევლანსერესთან ერთად შეისწავლეს კახეთის ძველები კერძოდ, ბოდბის წმინდა ნინოს, ალავერდისა და შუამთის ეკლესიების მღვდმარობა. შეკეთდა ვეჯინის ამაღლებისა და ხირსის მონასტრების დაზიანებული საძირკველი და კედლები, მუზეუმის ფონდებში გადმოტანილი იქნა წრომის ეკლესიის მოზაიკის ფრაგმენტები.

ისტორიული და მხატვრული ნივთების მუზეუმში თავმოყრის უზრუნველსაყოფად დიდი მნიშვნელობა ჰქონდა საქართველოს დამფუძნებელი კრებისა და რესპუბლიკის მთავრობის 1920 წლის 28 მაისის დეკრეტს: "საისტორიო, საარქეოლოგიო, სამხატვრო და სხვა საკულტურო ნივთების საქართველოს რესპუბლიკიდან გატანის აკრძალვის შესახებ"⁵¹⁸. საზღვარგარეთ გატანას არ ექვემდებარებოდა: "1) ყოველგვარი მიწაში და სასაფლაოებში ნაპოვნი ნივთები ლითონისა, ძვლისა, თიხისა, მინისა და ხისა; 2) ყოველგვარი საეკლესიო ნივთი და სამკაული, ხატი, ჯვარი, ჭურჭელი, შესამოსელი, ქსოვილები, ნაკერ-ნაქარგი ნივთები, ხელნაწერი და ძეგლი ნაბეჭდი წიგნები, სიგელ-გუჯარნი, ქანდაკებანი და ჩუქურთმიანი ქვები; 3) ყოველგვარი ძველი იარაღი, საომარი და საოჯახო; 4) ყოველგვარი ძველი სამკაული დედაკაცისა და მამაკაცისა; 5) ძველი ფულები, მედლები, ეტონები; 6) სურათები, ნახატები და მხატვრული ნაწარმოებები".

მნიშვნელოვანი იყო დამფუძნებელი კრებისა და მთავრობის 1920 წლის 30 მარტის დეკრეტი საქართველოს ეროვნული სამხატვრო გალერეის დაარსების შესახებ,⁵¹⁹ რითაც თბილისში ერთ-ერთ დიდ სამუზეუმო დაწესებულებას-საქართველოს ხელოვნების მუზეუმს ჩაეყარა საფუძველი.

ამ პერიოდშიც მთავარ საკითხად რჩებოდა საქართველოს მუზეუმის შენობის მშენებლობის დასრულება. დამფუძნებელი კრებისა და რესპუბლიკის მთავრობის 1919 წლის 19 დეკემბრის დეკრეტით მუზეუმის შენობის მშენებლობის დამთავრებისთვის გამოყო 5 500 000 მანეთი.⁵²⁰

⁵¹⁸ საქართველოს დემოკრატიული რესპუბლიკის სამართლებრივი აქტების კრებული 1918-1921, თბ., 1990, გვ. 396.

⁵¹⁹ საქართველოს დემოკრატიული რესპუბლიკის სამართლებრივი აქტების კრებული 1918-1921, თბ., 1990, გვ. 379.

⁵²⁰ სცი არქივი, ფ. 1935, ან.1, საქ 900, ფ. 14.

დაარსდა სპეციალური სამშენებლო კომისია, რომლის თაემჯდომარედ დაინიშნა გ. ჟურელი. სამშენებლო კომისიას დაეკისრა მუზეუმის მთავარი კორპუსის ორი—სამხრეთისა და ჩრდილოეთის ფრთის სასწრაფოდ დამთავრება. ხოლო განათლების სამინისტროს დაევალა მშენებლობის პროცესის მეთვალყურეობა.

განათლების მინისტრმა 1920 წლის 5 აპრილს მთავრობის წინაშე აღძრა საკითხი იმის შესახებ, “რომ ლორის-მელიქოვის ქუჩაზე გამავალი კვარტალი, სადაც მუზეუმის შენობაა აგებული და სადაც ამჟამად სხვა დაწესებულებებიც არიან მოთავსებულნი (ქალთა გიმნაზია და მთავრობის სტამბა), გადაეცეს მუზეუმს, ვინაიდან ამ შენობაში ადრე თუ გვიან თავი უნდა მოიყაროს საქართველოს სხვადასხვა მდიდარმა და ღიღმა მუზეუმებმა, რომელთა ერთ შენობაში მოთავსება მოითხოვს მის გაფართოებას.”²¹

1920 წელს გარკვეული თანხები გამოიყო აგრეთვე ფასადის მოსაპირკეთებლად. ამ თანხებით დაკონსერვებული მშენებლობა განახლდა და დაიწყო შენობის გადახურვის სამუშაოები.

დამოუკიდებელი სახელმწიფოს ჩამოყალიბებამ და ეროვნული სულისკვეთების აღმავლობამ, განაპირობა მუზეუმის შენობის ფასადის შეცვლის აუცილებლობა. ქართველი ერის სულიერი და მატერიალური კულტურის საცაეს გარეგნული იერიც შესაბამისი უნდა ჰქონოდა.²² ამიტომაც დაისვა მუზეუმის შენობის ფასადის გაფორმების ქართულ ეროვნულ არქიტექტურასთან მიახლოების საკითხი. ამისთვის სამშენებლო საქმეში ჩართეს ახალგაზრდა ნიჭიერი არქიტექტორები ნიკოლოზ სევეროვი და ანატოლი კალგინი. მაგრამ შემდგომ პერიოდში განვითარებულმა ტრაგიკულმა პოლიტიკურმა ბატალიებმა კიდევ რამოდენიმე წლით შეაფერხა მუზეუმის შენობის მშენებლობის დასრულება.

ამრიგად, ახალგაზრდა ეროვნული მთავრობა ძალისხმევას არ იშურებდა მუზეუმისთვის ნორმალური ფუნქციონირებისა და განვითარების პირობების შესაქმნელად, მაგრამ არ დასცალდა.

²¹ სცი არქივი, ფ. 1935, ან. 1, საქ. 900, ფ. 6.

²² სცი არქივი, ფ. 1935, ან. 1, საქ. 900, ფ. 6.

საქართველოში საბჭოთა ხელისუფლების დამყარების შემდეგ, მუზეუმს რთული პერიოდი დაუდგა: ხელისუფლების ცვლის კატაკლიზმებმა უდიდესი საფრთხე შეუქმნა მუზეუმში დაცულ ეროვნულ განმეულობას. მუზეუმის საუკეთესო ექსპონატები საქართველოს ხაზინასთან ერთად საზღვარგარეთ აღმოჩნდა გატანილი:

ყველაფერი დაიწყო 1921 წლის თებერვლის შუა რიცხვებში, როდესაც საბჭოთა რუსეთმა დამოუკიდებელი საქართველოს რესპუბლიკის წინააღმდეგ სამხედრო აგრესია წამოიწყო.

13 თებერვალს მან დიდი ძალებით შემოუტია ეორონცოვკასა და სადახლოსთან. 20 თებერვალს მოწინააღმდეგე უკვე თბილისის მისადგომებთან იდგა და ყარაიანის მხრიდან შეტევისთვის ემზადებოდა. ამ დღესვე წითელმა არმიამ დაიწყო საბრძოლო მოქმედებები შავიზღვისპირეთში ადღერის მხრიდანაც.

ყოჯორსა და ტაბახმელასთან გააფთრებულმა ბრძოლებმა ცხადყო მდგომარეობის სერიოზულობა, რამაც საქართველოს მთავრობას გადააწყვეტინა თბილისიდან ხაზინისა და სამუზეუმო ძვირფასეულობის გახიზვნა.

ექვთიმე თაყაიშვილი ამ მოვლენებთან დაკავშირებულ საფრანგეთში დაწერილ მოგონებებში გადმოგვცემს: "ტფილისის დატოვებამდე ორი დღით ადრე, მენშევიკური მთავრობის თავმჯდომარემ საღამოს გამოგვიცხადა, "ხვალ დილით ჩვენ ხაზინის ქონებას ევაკუაციას ეუშვრებით და ქუთაისში ვგზავნით, საჭიროა მუზეუმის უძვირფასესი ნივთებიც გავხიზნოთ." შევატყობინე ეს ამბავი ყველა მუზეუმთა გამგეებს. მთელი ღამე დაუცხრომლად იმუშავეს და დილით ყუთები მზად იყო. გამოვიყოსოყყოს "გრუსაკი", ჩამოიყუარეთ ყველა მუზეუმს და ყუთები გაიგზავნა ქუთაისში. სამუზეუმო ნივთების მეთვადყურედ ნ. ყიფიანმა, საქართველოს (ყოფილი კავკასიის) მუზეუმის გამგემ გააყოლა ჩვენგან კარგად ცნობილი იონა თამაშვილი,⁵²³ რომელმაც მოგვითხრობითი დამოწმება, ქუთაისის ხაზინამ უკლებლად მიიღო გაგზავნილი სამუზეუმო ნივთები. ის დამოწმება ყიფიანმა მე მარჩენა".⁵²⁴

⁵²³ ვფიქრობთ, აქ უზუსტობაა, იგი უნდა იყოს მუზეუმის ასისტენტი სოლომონ იორდანიშვილი.

⁵²⁴ თაყაიშვილი ექ. ქართული სამუზეუმო ქონების ისტორიისთვის, მრავალტომეულში—"დაბრუნება", ტ. I, თბ., 1991, გვ. 471.

საქართველოს მუზეუმის არქივში დაცულ დოკუმენტში, რომელიც შედგენილია 1921 წლის 17 თებერვალს №230 და ეგზავნება შინაგან საქმეთა მინისტრის მოადგილეს, ეკითხულობთ: "საქართველოს საეთნოგრაფიო მუზეუმის გამგემ ექვთიმე თაყაიშვილმა, საეკლესიო მუზეუმის გამგემ კალისტრატე ცინცაძემ და საქართველოს მუზეუმის გამგემ ნოე ყიფიანმა იქონიეს რა მსჯელობა ფრონტზე შექმნილ მდგომარეობის შესახებ, დაადგინეს, რომ მათდამი რწმუნებულ მუზეუმთა უპირფასესი საგნები ჩააბარონ ქუთაისის ხაზინას. აღნიშნულის გამო გთხოვთ გვიბოძოთ სათანადო საშუალება და მოწერილობა ქუთაისის ხაზინისადმი. მუზეუმთა მხრივ აღნიშნულ საგნებს გაჰყვება ორი მცველი".⁵²⁵

1921 წლის 17 თებერვლითაა აგრეთვე დათარიღებული უახლესი ისტორიის არქივში დაცული დეკანოზ კალისტრატე ცინცაძის ბარათი მოსე ჯანაშვილისადმი: "ბ. მოსე! ინებეთ და წაბრძანდით მუზეუმში და რაც ძვირფასი ოქრო-ვერცხლის ნივთებია ჩაალაგეთ ყუთში და გააზანდეთ წერა-კითხვისა და საისტორიო მუზეუმების ნივთებთან ერთად. მასთან ჩააბარეთ ის ყუთი, რომელიც სიონში არის დაცული. ეს განკარგულებაა მისი უწმინდესობისა. დეკ. კ. ცინცაძე".⁵²⁶

ძნელი დასაჯერებელია, ზემოთ ჩამოთვლილ მუზეუმების ხელმძღვანელებს ერთპიროვნულად, ზემდგომი ორგანოს-განათლების სამინისტროს გარეშე, მიეღოთ ასეთი გადაწყვეტილება. უნდა ვივარაუდოთ, რომ ეს მოხდა მთავრობის ინიციატივით, ან ზეპირი დაქვლებით (რახედაც მიუთითებს ექვთიმე თაყაიშვილის ზემოთ მოყვანილი მოგონება). ყოველ შემთხვევაში, არქივებში რაიმე წერილობით საბუთს ან სამთავრობო ორგანოების გადაწყვეტილებას ამ საკითხზე — ყურ მივაგენით.

ექვთიმე თაყაიშვილი ემიგრაციიდან დაბრუნების შემდეგაც თბილისში დაწერილი მოგონების II ეარიანტშიაც იგივეს იმეორებს: "თბილისის დატოვებაზე რომ შეიქმნა ლაპარაკი, ნ. ჟორდანიამ თქვა: "განძეულობა სულ ქუთაისში გადავიტანოთ და სულ ბოლოს ჩვენც წავალთ, რითაც მოგვიხერხდებაო. . . საზღვარგარეთ გაგზავნაზე არც კი გვიფიქრია და არც სიტყვა დაუპირავს ვისმე".⁵²⁷

⁵²⁵ სსმ არქივი, 1921, 151/139, ფ. 47.

⁵²⁶ სუი: არქივი, ფ. 461 ან. 1, საქ. 79, ფ. 1

⁵²⁷ თაყაიშვილი ექვთიმე, რჩეული ნაშრომები, ტ. I, თბ., 1968, გვ. 345.

სამი დღის შემდეგ სამუზეუმო ნივთები უკვე ქუთაისის ხაზინაში იყო. მუზეუმის არქივში დაცულია ქუთაისის მთავარი ხაზინადარის ი. მისაბიშვილის 1921 წლის 20 თებერვლით დათარიღებული № 5695 შეტყობინება: “ქუთაისის ხაზინა გაცნობებთ, რომ მათ მიერ გამოგზავნილ მოწმობასთან ასისტენტ სოლომონ გიორგის-ძე იორდანიშვილის სახელზე თებერვლის 18-ის თარიღით №231, მისგან, იორდანიშვილისაგან მიიღო ხაზინის სალაროში შესანახად 12 ყუთი თოკებით შეკრული და მუზეუმთა სათანადო ლუქის ბეჭდით დაბეჭდილი და ერთი რკინის ცეცხლუქარება კასსა.”⁵²⁸

მუზეუმიდან უძვირფასესი ექსპონატების გამოტანის გადაწყვეტილება ძალზე საპასუხისმგებლო იყო, მით უმეტეს, რომ იგი მიღებული იყო მუზეუმის სამეცნიერო საბჭოსა და იმ დროს მოღვაწე ივანე ჯავახიშვილის, კორელი კეკელიძის, აკაკი შანიძის, გიორგი ჩუბინაშვილის და სხვათა გვერდის ავლით. მოგვიანებით ივანე ჯავახიშვილი მკაცრად შეაფასებს იმჟამინდელი ხელისუფლების ამგვარ ქმედებას.⁵²⁹

ქუთაისის ხაზინაში თავი მოიყარა საქართველოს მუზეუმებიდან და ეკლესია-მონასტრებიდან გამოტანილმა ძვირფასეულობამ. იქვე ჩაიტანეს მარტვილის, ხობისა და გელათის მონასტრების ნივთები, რაც ე. თაყაიშვილის შენიშნით: “რა თქმა უნდა დიდი უტაქტობა იყო ნ. ჟორდანიასიცა და მაშინდელი კათალიკოზის ლეონიდესიც.”⁵³⁰

საჩქაროდ შეკრებილი დიდძალი განძეულობა მოითხოვდა დახარისხებას, აღწერას და სათანადო ყუთებში მოთავსებას. ამას მთელი დღე და ღამე მოუწოდნენ ექვთიმე თაყაიშვილი, მთავრობის მხრიდან ძვირფასეულის მეთვალყურედ დანიშნული ფინანსთა მინისტრის მოადგილე იოსებ ელიგულაშვილი, განათლების მინისტრი დაეით კარდვლაკი და თბილისის ხაზინის გამგე ი. ბეკი.

მაღე მდგომარეობა კიდევ უფრო დაიძაბა. XI წითელი არმიის მიერ თბილისის დაკავების შემდეგ მოწინააღმდეგე ახლა უკვე სამი მხრიდან მოიწვედა წინ. 33-ე მსროლელი დიუხისა და 38-ე ბრიგადა მაშისონის უღელტეხილიდან უტეგდა.

საჭირო გახდა ქუთაისის საჩქაროდ დატოვებაც. მთავრობამ ახალ რეზიდენციად ბათუმი შეარჩია და გადაწყვიტა საეკლესიო ძვირფასეულობისა და სამუზეუმო საგანსურის იქ გადატანა.

⁵²⁸ სსმ არქივი, 1921, 151/139, ფ. 48.

⁵²⁹ ჯავახიშვილი ი., შოთა რუსთაველისა და მისი ეპოქის გამოფენა, გაზ. “კომუნისტი”, 1937 წლის 9 მარტი, №55.

⁵³⁰ თაყაიშვილი ექ., რჩეული ნაწერები, ტ. I, გვ. 345.

ასეთი ძვირფასი ტვირთის ტრანსპორტირების საფრთხე უკვე ქუთაისის ხაზინიდან ბათუმის სადგურში გადატანის დროსვე გამოჩნდა, როდესაც სათვალავში დააკლდათ ერთი ყუთი, რომელშიც ყველაზე უფრო ძვირფასი ნივთები იყო ჩალაგებული. დიდი ხნის უშუალო ძებნის შემდეგ, "თაყაიშვილი-იხსენებს ექ. თაყაიშვილი-რაყ საუკეთესო იყო დაკარგული მგონა. გადავწყვიტე აღარ გამოვსულიყავი ქუთაისიდან, სანამ იმ ყუთს არ იპოვნიდნენ." მაგრამ განათლების მინისტრის მოთხოვნით, იგი იძულებული გახდა გაყოლოდა ტვირთს ბათუმში. განძეულობა ბათუმში 2 მარტს ჩაიტანეს. აქ რკინიგზის სადგურის სატვირთო ბაქანზე ძვირფასეულობით დატვირთული ვაგონი მთელი ოთხი დღე-ღამის განმავლობაში იდგა მხოლოდ ე. თაყაიშვილისა და რამდენიმე ადამიანის ამარა.

არც ბათუმში აღმოჩნდა უსაფრთხო ადგილი. მის წინააღმდეგ შეიქმნა სპეციალური დამკვრელი ჯგუფი მე-18 საკაეღურიო და 28-ე მსროლეელი დივიზიების 53-ე და მე-9 ბრიგადების შემადგენლობით, რომელიც უტივედა გოდერძის უღელტეხილიდან.

ბათუმში იმართებოდა დამფუძნებელი კრების უკანასკნელი სხდომები. საქართველოს მთავრობამ ამიერკავკასიაში საფრანგეთის წარმომადგენლის აბელ შვეალისე რჩევით მიიღო გადაწყვეტილება, საფრანგეთში გაეხიზნა განძეულობა და თვითონაც იქ გადასულიყო. ექვთიმე თაყაიშვილს წინადადება მისცეს, შეუღლესთან სინო პოლტორაცკაიასთან ერთად, მცველად გაყოლოდა განძეულობას საზღვარგარეთ. მთავრობის მხრივ კი განძის მეთვალყურედ კვლავ იოსებ ელიგულაშვილი რჩებოდა.

5 მარტს ძვირფასეულობა გადაიტანეს საფრანგეთის კრეისერ "ერნესტ რენანზე". მას აქ დაუმატეს ბორჯომის დიდი მთავრის სასახლიდან წამოღებული მდიდარი ბიბლიოთეკა, ზუგდიდის სასახლის დაღიანისეული ნივთები და ის ერთი ყუთიც, რომელიც ქუთაისში დაკარგული ჯგონათ. ხაზინისა და მუზეუმის განძეულობამ სულ 236 ყუთი, ერთი დიდი კალათა და 12 ტომარა შეადგინა.³³¹

11 მარტს გეშა ბათუმში დატოვა და გეზი კონსტანტინოპოლისაკენ აიღო. მასზე ექვთიმესა და თანმხლები პირებისათვის ადგილი არ აღმოჩნდა და ისინიც იძულებული

³³¹ თაყაიშვილი ექ., ქართული სამუზეუმო ქონების ისტორიისავის, მრავალტომეულში—"დაბრუნება", ტ. I, თბ., 1991, გვ. 475.

გამხდარან კერძო გემით 14 მარტს კონსტანტინოპოლში დაწვოდნენ კრეისერს.

თურქეთის ნავსადგურში ხაზინის ძვირფასეულობა ტომრებიდან ყუთებში გადააწვეს. საქართველოდან გახიზნულმა ტვირთმა სულ შეადგინა 248 ყუთი და ერთი კალათა. ყველაფერი ეს გადაიტანეს საფრანგეთის სამხედრო სატრანსპორტო გემ "ბონე პოაზე". 20 მარტს ამ უკანასკნელმა დატოვა ნავსადგური და გეზი მარსელისაკენ აიღო. მარშრუტი ასეთი იყო: მერსინი-ალექსანდრეტა-ბეირუთი-ბიზერტა. 10 აპრილს საღამოს დასრულდა ფათურაკებით აღსაესე გზა და გემმა ღუზა მარსელის ნავსადგურში ჩაუშვა.

საფრანგეთში ჩატანილი განძეულის შემდეგი ბედის შესახებ მოვიყვანთ ნაწევრტს ე. თაყაიშვილის 1935 წლის 9 აპრილის წერილიდან ეუკოლ ბერიძისადმი: "ვინაიდან ზოგი სამუზეუმო ნივთები არეული იყო მთავრობის სხვა საქონელთან, ამიტომ მარსელში მოსვლისას მოვითხოვე კომისია, რომელიც გამოყოფდა სამუზეუმო ნივთებს სხვა ნივთებისაგან და მიიღებდა ზომებს მათი ჯეროვანი დაცვისათვის. კომისია შედგა ოთხი კაცისაგან, პროფ. ზურაბ ავალიშვილის, ანდრია დეკანოზიშვილის, იოსებ ელიგულაშვილის და ჩემ მიერ. ის ყუთები, რიცხვით 13, რომელნიც ტფილისის მუზეუმებიდან იყო წამოღებული და მუზეუმების ბეჭდებით დაბეჭდილი, კომისიას არ გაუხსნია. სხვები გაუხსენით, ნივთები გადავარჩიეთ და სამუზეუმო ფონდში მოვათავსეთ: ყველა წამოღებული— გელათის, მარტვილი და ხობის ნივთები, აგრეთვე ზუგდიდის სასახლის ნივთები და ყველა ის ნივთები, რომელნიც მთავრობას ხაზინაში კქონდა შეგროვილი სხვადასხვა გაუქმებულ დაწესებულებათაგან და რომელთაც ახლობელი თუ შორეული მნიშვნელობა კქონდა მუზეუმისათვის ისტორიის, არქეოლოგიის, თუ ხელოვნების თვალსაზრისით. ყველა ნივთები ავლანუსხეთ, სია შევადგინეთ, ჯეროვნად ყუთებში ჩავაღვარეთ, დაგებულეთ მთავრობის ბეჭდით. სულ შესდგა ტფილისიდან წამოღებულიანად 39 ყუთი, რომელიც ჩავაბარეთ საფრანგეთის ბანკის მარსელის განყოფილებას შესანახად მთავრობის წარმომადგენლის- მინისტრის აკაკი ჩხენკელის სახელზე". 52

რას წარმოადგენდა უცხოეთში საქართველოდან გატანილი განძეულობა: 248 ყუთიდან უმრავლესობა— 109 ყუთი — იყო სახელმწიფო ხაზინიდან გატანილი ძვირფასეულობა. მისი სია გამოაქვეყნა გაზ. "კომუნისტმა" (1921, 9/IV). მოვიყვანთ

⁵² სუი არქივი, ფ. 600, ან. 1, ს.აქ. 4534, ფ. 69.

ნაწევებს ამ სიდან: ოქრო-17 ტომარა, 13 ფუთი; ვერცხლი-41 ტომარა, 41 ფუთი; ვერცხლის ფული-433 ტომარა; ბრილიანტი-388 ცალი, მარგალიტი-318 ცალი, ფირუზი-373 ცალი, რუსული ოქროს მონეტა-3778 ცალი და სხვა.⁵³³ ყველაფერი ეს შემდგომ გაიყიდა მილიონ 200 ათას ფრანკად.

რაც შეეხება 39 ყუთს, რომელშიც იყო მოთავსებული სამუზეუმო განძეულობა, იგი 13 წლის განმავლობაში ინახებოდა საფრანგეთის ბანკის მარსელის განყოფილებაში. მოგვიანებით, 1934 წლის 22 მაისს გადაიტანეს პარიზში და დააწვეეს "ბანკის მთავარ შენობაში". მისი სია გამოქვეყნდა გაზ. "კომუნისტი" (1931, 22/II) და არსებობს საქართველოს მუზეუმის არქივშიც. მარტო ამ მუზეუმიდან გატანილმა ოქროსა და ვერცხლის ნივთებმა შეადგინა:

- | | |
|-------------------------------------|------------------------------|
| ა. პანტიკაპეის კოლექციიდან | 59 ერთეული. |
| ბ. ახალგორის კოლექციიდან | 68 ერთეული. |
| გ. სტეფანწმინდის კოლექციიდან | 24 ერთეული. |
| დ/ დიგორის კოლექციიდან | 176 ერთეული. |
| ე. ოქროს ნივთები საინვენტარო წიგნით | 8 ერთეული. |
| ვ. ნუმიზმატიკური მასალა | 1193 ერთეული. ⁵³⁴ |

ნივთებიდან განსაკუთრებით მნიშვნელოვანი იყო სასაფეთქლე-საკიდები, საყურეები და ყელსაბამი სოფელ საძეგურიდან; სამეფო გვირგვინი და სხვა.

30-იან წლებში შედგა სპეციალური სამთავრობო კომისია ვუკოლ ბერიძის (თაყაიჯდოძის), გ. ჩუბინაშვილის, დ. შევარდნაძის, გ. ვრინევესის, ი. შარლემანის და ს. გორგაძის შემადგენლობით, რომელმაც ოქროს ძანეთებში შეაფასა საქართველოს მუზეუმებიდან გატანილი ძვირფასეულობის მატერიალური ღირებულება, რაც შემდეგი თანხით გამოიხატება:

- | | |
|---|----------------------------|
| ა/ საქ. მუზეუმიდან გატანილი ნივთები შეფასლა | 8072500 მან. |
| ბ/ სამხატვრო გალერეიდან | 765850 მან. |
| გ/ საისტ.-საეთნოგრაფიო საზ. მუზეუმიდან | 277605 მან. |
| დ/ წერა/კითხვის საზ. მუზეუმიდან | 315020 მან. |
| ე/ საეკლესიო მუზეუმიდან | 100000 მან. |
| ვ/ ნუმიზმატიკური მასალა | 1277605 მან. |
| ზ/ კატალოგში ჩაუწერელი ოქროს ნივთები | 464435 მან. ⁵³⁵ |

მთელი განძეულობა განსახკომს იმდროინდელი კურსით 10471770 ოქროს მანეთად შეუფასებია.

⁵³³ გაზ. "კომუნისტი", 1921 წლის 9 აპრილი, № 31.

⁵³⁴ სსმ არქივი 1921, 151/139, ფ. 58—60.

⁵³⁵ გაზ. "კომუნისტი", 1931 წლის 22 თებერვალი № 45.

აქვე, საგანგებოდ უნდა აღინიშნოს ის ფაქტი, რომ განძეულის 39 ყუთი მოგვიანებით, 23 წლის შემდეგ, უკლებლივ დაუბრუნდა საქართველოს ისე, რომ "ერთი ნემსიც არ მოკლებია"...

ბედად სამუზეუმო განძის დაცვა ითავა დიდმა მამულიშვილმა ექვთიმე თაყაიშვილმა, რომელმაც შეძლო მრავალი ფათერაკებიდან დაეცვა იგი. ჭეშმარიტებას დადავებდა მხცოვანი მეცნიერი, როდესაც აღნიშნავდა: "მთელი სამუზეუმო ძეგრფასეულობა ემიგრაციაში წასულ მენშვეიკურ მთავრობასთან ერთად საფრანგეთისაკენ წავიდა და მეც ძალაუნებურად მომიხდა ემიგრანტობა, რათა არ ჩამოეშორებოდი ჩვენი ერის სასიკადალო კულტურულ საგანძურს, დამეცვა იგი ყოველგვარი საფრთხისაგან, ამ საქმეს ვემსახურებოდი თითქმის მეოთხედი საუკუნის განმავლობაში და მიუხედავად მრავალგვარი გასაჭირისა და იმდენი ხნის უსიხარულო ემიგრანტული ცხოვრების სიმძიმისა, შემიძლია ვთქვა, რომ პირნათლად მოვიხადე ეს ჩემი მოვალეობა მშობლიური ერის წინაშე".⁵³⁶

გეროვნული განძეულის ეპოპეის კეთილად დასრულებაში ექვთიმე თაყაიშვილის დიდ დამსახურებასთან ერთად, აუცილებლად უნდა აღინიშნოს ის ვადამწყვეტი როლი, რომელიც ითამაშა ი. ბ. სტალინის დიდმა საერთაშორისო აქტორიტეტმა და იმ პერიოდში საფრანგეთის ლიდერის დე გოლის დაინტერესებამ, მეორე მსოფლიო ომის მთავარი გამირის გული მოეგო.

დაკუბრუნდეთ 1921 წლის თებერვლის იმ სუსხიან დღეებს... თუ რაიმეზე უარყოფითად მოქმედებდა ომი და უწესრიგობა, ეს უპირველეს ყოვლისა მუზეუმზე ითქმის. 20 თებერვალს ფრონტისპირა თბილისში მუზეუმის დირექტორი ბრძანებდა: "საქართველოს მუზეუმის მსახურთა საყურადღებოდ, თანახმად მთავრობის 20 თებერვლის დადგენილებებისა, ყველა სახელმწიფო დაწესებულებებში მუშაობა შეწყვეტილია, მთავრობის ახალ გახკარგულებამდე"⁵³⁷. ექსტრემალურ სიტუაციაში გარკვევა მწელი ჩანდა. მუზეუმის თანამშრომელთა ნაწილი ფრონტზე აღმოჩნდა გაწვეული. დირექტორი მუზეუმის სამეცნიერო საბჭოს სახელით 22 თებერვლს გენერალური შტაბის უფროსს სწვრდა: საქართველოს მუზეუმის საბჭო უმორჩილესად გთხოვთ გაათავისუფლოთ სამხედრო მოვალეობისაგან პირები, რამელთაც დაეკლებული აქვთ შექმნილ სახიფათო

⁵³⁶ თაყაიშვილი ექ. რჩეული ნაშრ., ტ. I, გვ. 345.

⁵³⁷ სსმ არქივი, 1921, 151/139, ფ. 49.

მდგომარეობის გამო საქართველოს მუზეუმის, საისტორიო და საეთნოგრაფიო საზოგადოების მუზეუმისა და ეროვნული გალერეის ევაკუაცია და დაცვა.³³⁸ ჩამოთვლილ გასათავისუფლებელ პირთა შორის საქართველოს მუზეუმიდან მოხსენიებული არიან ნოე ყიფიანი, გიორგი ჩუბინაშვილი, სოლომონ იორდანიშვილი და შალვა ამირანაშვილი.

ახალი ხელისუფლება შეეცადა თავის ხელში აეღო და გაეკონტროლებინა მუზეუმში ის, რისი გადაარჩენაც მოხერხდა: 1921 წლის 5 აპრილს რესპუბლიკის მუშათა და გლეხთა ინსპექციამ საქართველოს მუზეუმის შენობაში ჩაატარა რევიზია. მუზეუმის ქონებისა და სალაროს შემოწმების შემდეგ მიღებულ აქტში ვითხულობთ: "რაც შეეხება მუზეუმის ქონებას, ის ჩალაგებულია ყუთებში ახალი შენობის აშენების დროს და დღესაც ყუთებშია დაცული. დანარჩენი ნაწილი ნივთებისა მოთავსებულია ვიტრინებში, რომელთა აღრიცხვა კატალოგის მეშვეობით სწორი აღმოჩნდა... უძირფასესი ქონება მუზეუმისა (ოქროს და ვერცხლის ნივთები) ყოფილი მთავრობის წინადადებით, 2 ვიტრინა ნივთები, ჩალაგებულ იქნა ფოლადის ცეცხლგამძლე ზანდუკებში და გაიგზავნა ქ. ქუთაისს... ზანდუკს, აქვს 2 გასაღები ერთი ჩაკეტილია შიგ ზანდუკში, მეორე კი ინახება მუზეუმის დირექტორთან"³³⁹.

საქართველოს რევოლუციური კომიტეტის თავმჯდომარე მამია ორახელაშვილი 1921 წლის 29 მარტის №24 ბრძანებით დავალებას იძლეოდა: "წინადადება ეძლევა საქართველოს მუზეუმის დირექტორს ნ. ყიფიანს, რომ მუზეუმის შენობაში არაფერ არ დაუშვას და ჩემი განკარგულების გარეშე არაფერს, ვინც არ უნდა იყოს, არ გადასცეს მუზეუმის ქონება. მუზეუმის შენობა ღორის-მელიქოვის №10-ში არ ექვემდებარება ჩხრეკას, რეკვიზიციას და სხვა დაწესებულებასთან გაერთიანებას."³⁴⁰

ამ მიმე პერიოდში მუზეუმის მუშაობას ხელმძღვანელობდა სამეცნიერო საბჭო. მის შემადგენლობაში იქ. თაყაიშვილის ნაცვლად 1921 წლის 10 მარტიდან აირჩიეს ივანე ჯავახიშვილი და კორნელი აკეელიძე.³⁴¹

იყო ექსპერიმენტებიც, განათლების სახალხო კომისარიატის 1922 წლის №441 ბრძანებულებით "წინათ არსებული საქართველოს მუზეუმის სამეცნიერო საბჭოს ნაცვლად,

³³⁸ სსმ არქივი, 1921, 151/139, ფ. 50, 166.

³³⁹ სსმ არქივი, 1921, 151/139, ფ. 115.

³⁴⁰ სსმ არქივი, 1921, 151/139, ფ. 62.

³⁴¹ სსმ არქივი, 1921, 151/139, ფ. 67.

დაარსდეს მუზეუმის სახელმძღვანელო სამეცნიერო კოლეგია ალ. ნათიშვილის თავმჯდომარეობით. წევრები: ივ. ჯავახიშვილი, კ. კეკელიძე, ა. ქურდიანი და ნ. ყიფიანი. სამეცნიერო კოლეგიას დაევალოს მუზეუმის ადმინისტრაციულ მართვა—გამტეობის უახლოესი მდგომარეობა და სამეცნიერო სამუშაოების ხელმძღვანელობა.⁵⁴² კოლეგია უნდა შეკრებულყო თვეში ორჯერ. მაგრამ სხვადასხვა მიზეზების გამო კოლეგია არაქმედითუნარიანი გამოდგა.

მუზეუმის დირექტორი ნ. ყიფიანი 1921 წლის ანგარიშში მიუთითებდა: “მრავალი დაბრკოლება გადაელობა საქართველოს მუზეუმს ამ ხნის განმავლობაში”⁵⁴³ ამ დაბრკოლებებიდან მთავარი იყო უბინაობა და უსახსრობა. დირექტორი განათლების სახალხო კომისარს მოახსენებდა იმ საფრთხეზე, რომელიც მოელოდა ექსპონატებსა და წიგნებს მოუვლელობის გამო, რომლებიც “უკვე 12 წელიწადია ყუთებშია ჩალაგებული და უსარგებლოდ ძვეს. მაგრამ მთავარი ის არის, რომ თუ ამ მდგომარეობამ კიდევ რამოდენიმე ხანს გასტანა, ისინი მთლიანად გაფუჭდება და ეს მდიდარი განძი დაგველუპება.”⁵⁴⁴

მუზეუმის მომდევნო დირექტორი ალ. ჯანელიძე თავის მოხსენებაში წერდა: “ყოფილი კავკასიის მუზეუმის ძველი შენობის ევაგუაციას, ომისა და რევოლუციური წლების ამბებს მეტად მძიმე გავლენა მოუხდენიათ მუზეუმის კოლექციებზედაც. მდგომარეობა ისეთი იყო, რომ თითქმის ყველაფერი ახლად ასაწერი შეიქნა.”⁵⁴⁵

განსაკუთრებული სირთულეები იყო ფონდების მოვლა-პატრონობის თვალსაზრისით. სამუზეუმო ნივთები, რომელიც წლების განმავლობაში ყუთებში იყო ჩალაგებული, ზიანდებოდა და მოითხოვდა გაშლას, დახარისხებასა და განიავებას. “მუზეუმს არა აქვს არც ერთი საგამოყენო დარბაზი. მუზეუმის ძვირფასი კოლექციები არა თუ გაუშლელია და გამოუყენებელი რჩება, სივიწროვეს გამო მათი დაზიანებისგან უზრუნველყოფაც კი ძნელი გამხდარა.”⁵⁴⁶—დასძენდა დირექტორი.

⁵⁴² სუი არქივი, ფ. 300, ან. 3, საქ.32, ფ.11.

⁵⁴³ ყიფიანი ნ., საქართველოს მუზეუმის მოქმედების მოკლე ანგარიში (1919-1921 წწ), საქართველოს მუზეუმის მოამბე, ტ. I, ტფ., 1922, გვ.112.

⁵⁴⁴ სსმ არქივი, 1924 № 142, ფ. 258.

⁵⁴⁵ ჯანელიძე ა., საქართველოს მუზეუმის 1926 წლის მუშაობის ანგარიში, სსმ მოამბე, ტ. III, 1927, გვ.272.

⁵⁴⁶ იქვე, გვ. 290.

1921 წლიდან შეწყდა საქართველოს მუზეუმის ყოველგვარი ურთიერთობა და კავშირები საზღვარგარეთის სამეცნიერო დაწესებულებებთან და ცენტრებთან.

მუზეუმის თანამშრომელთა მატერიალური მდგომარეობა ისეთივე მძიმე რჩებოდა, როგორც თბილისის მოსახლეობის აბსოლუტური უმრავლესობისა: “ჩვენ საქართველოს მუზეუმის მოსამსახურენი მატერიალურად შევიწროვებული ვართ, გასაოცარი სიძვირე ყოველგვარი სანოვაგისა, გოქურა ზრდა მათი ფასებისა გეისპობს საშუალებას ნორმალური შრომისათვის.”—იტყობინებოდნენ მუზეუმიდან.

ფულის კურსის არნახული ინფლაციის პირობებში, მუზეუმის თანამშრომელი იღებდა მსყიდველობით უნარს მოკლებულს, სამაგიეროდ ციფრებით ფანტასტიკური სიდიდის ხელფასს, რომელიც თითქმის ყოველთვე იზრდებოდა. მაგალითად, 1923 წელს მუზეუმის მუშაკებისთვის ხელფასის სახით გაცემულა: ივლისში—მილიარდ 548 მილიონი მანეთი, აგვისტოში—მილიარდ 887 მილიონი, სექტემბერში—3 მილიარდ 329 მილიონი, ოქტომბერში—4 მილიარდ 672 მილიონი, ხოლო ნოემბერში—9 მილიარდ 950 მილიონ 950 ათასი მანეთი.⁵⁴⁷

მუზეუმის პრეპარატორის ხელფასი მკ-11 კატეგორიის მიხედვით 11 მილიონ 200 ათას მანეთს აღემატებოდა. რაკი ამ თანხით არსებობა შეუძლებელი იყო, მუშაკს ეძლეოდა ე.წ. “სასაქონლო ფული”—19 მანეთი და 20 კაპიკი, საბჭოთა კავშირის მასშტაბით იმხანად შემოდებული მყარი ვალუტით—“ჩერვონეცით.” ამით თითოეულ ადამიანსზე განაწილებული “ულუვის” მიხედვით, შეიძლებოდა ცოტაოდენი სურსათის ყიდვა. ამასთან ერთად, ისიც უნდა აღინიშნოს, რომ “კურის ულუფაზე” ყოველთვიური ხელფასიდან იკავებდნენ 675 ათას მანეთს. მუზეუმიდან წასვლის შემთხვევაში მუშაკი უმაღლეს კარგავდა ამ მცირე შეღავათსაც. მუზეუმის მხატვარ ივლანსერეს 1923 წელს სერიოზული უსიამოვნება შეიხვდა “ულუვის” სიდიდან დაგვიანებით ამორიცხვისთვის.

ახალი ცხოვრების დამახასიათებელ სტილში იყო მუზეუმში ადგილკომის თაოსნობით მოწყობილი იაფი სასადილო და “მუშათა მაგიდები,” 1923 წლის 3 ივლისს გამართულ საერთო კრებაზე განუხილავთ მუზეუმში “შუღმივად აღუღებული წყლის” შემოდებისა და შესვენებაზე “ტკბილი ჩაის მოწყობისა” და მეოთხედი გირვანქა (104 გრ.) პურის მიღების საკითხი,

⁵⁴⁷ სსმ არქივი, 1923, 153/141, ფ.589.

რისთვისაც კოლექტიურად შეუქენიათ სათანადო ჭურჭელი, ხუთ-ხუთი კერამიკული ჭიქა თითოეული განყოფილებისთვის.⁵⁴⁸

1922 წლის მაისში განხორციელდა მუზეუმის მუშაკთა საშტატო ერთეულის შემცირება, თანამშრომელთა რაოდენობა 30-დან 22-მდე დავიდა.

თანხების დაზოგვის მიზნით მოხდა არქეოლოგიისა და ეთნოგრაფიის განყოფილებების გაერთიანება.

იმის გამო, რომ მუზეუმი ფინანსური ხელმოკლეობის შედეგად ვერ იხდიდა გადასახადებს, ხშირად რჩებოდა წყლისა და სინათლის გარეშე⁵⁴⁹ და იყო გაუთავებელი მოთხოვნები მათ აღსადგენად.

მუზეუმის მუშაკებს არც არსებული რეჟიმის სუსტი მოკლებიათ. არქივში შემონახულია მუზეუმის დირექტორის 1923 წლის 9 ოქტომბრის №248 წერილი ე. წ. "ტფილისის გამასწორებელი სახლების გამტვირთავი კომისიის" თავმჯდომარისადმი, სადაც იგი თავდებად უდგება მუზეუმის ეთნოგრაფ გიორგი ჩიტაიას, რომელიც დაკავებული იქნა საგანგებო კომისიის განკარგულებით. რამდენიმე თვის პატივრობას გ. ჩიტაია დაუაყადმყოფებია და მოუთავსებიათ ციხის სააჯადმყოფოში. "მაქვს პატივი ვიშუამდგომლო კომისიის წინაშე: გ. ჩიტაია შებყრობილია ტუბერკულოზის მძიმე ფორმით, მისი ფიზიკური არსებობა მოითხოვს საგანგებო მოვლას, ამის გამო გთხოვთ გაანთავისუფლოთ იგი გამასწორებელი სახლიდან"⁵⁵⁰. წერდა დირექტორი.

მესხეთის სამეცნიერო ექსპედიციაში მყოფი გ. ჩიტაია დაუპატიმრებიათ აბასთუმანში. როცა იგი თბილისში გადმოყავდათ სამგზავრო მატარებლის კუპეში დამგზავრებულ ლაფრენტი ბერიას მისთვის განუცხადებია: "რატომ არ ურიგდებით ახალ მთავრობას და რატომ ებრძვით მას". როგორც გ. ჩიტაია თავის მოგონებებში გადმოგვცემს, თბილისის სადგურშივე მათი გზები გაყარდა: "ლ. ბერია-- მთავრობის სახლში, მე კი-- "მეტეხში" მისაბრძანეს, სადაც მაშინ ქართული საზოგადოების ბევრი თვალსაჩინო წარმომადგენელი იჯდა".⁵⁵¹

არც მუზეუმის მუშაკთა საცხოვრებელი ბინები ყოფილა დაცული საფრთხისგან და უცხო პირთა შესახლეებისგან. 1921

⁵⁴⁸ სსმ არქივი, 1923, 153/141, ფ. 290.

⁵⁴⁹ სუი არქივი, ფ. 300, ან 3, საქ. 69, ფ. 72.

⁵⁵⁰ სსმ არქივი, 1923, 153/141, ფ. 488.

⁵⁵¹ ჩიტაია გ., ჩემი ცხოვრების გზებსა და ბილიკებზე, თბ., 1988, გვ. 53.

წლის 11 ივნისს მუზეუმის დირექცია ატყობინებდა სათანადო ორგანოებს: “საქართველოს მუზეუმი სამეცნიერო მიზნით გზაენის ხეესურეთში 3 პირს: მხატვარ ვ. ლანსერეს, კონსერვატორიის ინსპექტორ ზაქარია ფალიაშვილს, მასწავლებელ თეოდო სახოკიას და გთხოვთ უბოძოთ მათ დაცვითი ქაღალდი მათი ბინების ხელშეუხებლობის შესახებ.”⁵⁵²

საბჭოთა ხელისუფლება ახალ პირობებშიც ცდილობდა საქართველოს მუზეუმისთვის დახმარების გაწევას:

საქართველოს რევოლუციური კომიტეტის 1921 წლის 22 მარტის №1157 განკარგულებით, საქართველოს მუზეუმს, რომელიც განიცდიდა დიდ სივიწროვეს, ბიბლიოთეკისათვის გადაეცა იქვე, მეზობლად მდებარე ქართული სათავადაზნაურო საადგილმამულო ბანკის შენობა,⁵⁵³ თუმცა ამის პრაქტიკულად განხორციელებას ათეული წლები დასჭირდა.

1921 წლის 28 მაისს საქართველოს რევკომის ბრძანებით, შინაგან საქმეთა სახალხო კომისარიატმა მიიღო დადგენილება— “სიძველეებისა და ხელოვნების ძეგლთა დაცვის შესახებ”.⁵⁵⁴ ამას მოჰყვა საქართველოს რევკომის 1921 წლის 11 ივლისის № 322 დეკრეტი— “რესპუბლიკის ფარგლებს გარეთ კულტურისა და განათლების საგნების გატანის აკრძალვის შესახებ”.⁵⁵⁵

1921 წლის აგვისტოში საქართველოს მუზეუმთან აღდგა ისტორიულ-კულტურული მნიშვნელობის საგნების შესაქენი ფონდი, რომელსაც უმაღლეს გამოვეო 891 666 მანეთი.⁵⁵⁶

დასაფლეთ საქართველოში სამუზეუმო საქმის მოწესრიგებას ეხებოდა რევოლუციური კომიტეტის 1922 წლის 23 თებერვლის №337 დეკრეტი, განათლების სახალხო კომისარიატის სისტემაში ქ. ზუგდიდში “სამეგრელოს მუზეუმის შექმნის შესახებ”.⁵⁵⁷

საბჭოთა ხელისუფლების დონისპიებებიდან განსაკუთრებით მნიშვნელოვანი იყო რუსეთის ცენტრალური აღმასრულებელი კომიტეტის პრეზიდიუმის 1922 წლის 29 აგვისტოს დადგენილება “საქართველოსათვის საარქივო მასალათა და სამუზეუმო განმეუღობათა დაბრუნების შესახებ.”

მიზანშეწონილად მიმანჩნია დაწერილებით შეიჭირდე ამ საკითხზე. 1922 წლის დასაწყისში საქართველოს მთავრობამ

⁵⁵² სსმ არქივი, 1921 151/139 ფ.234.

⁵⁵³ სსმ არქივი, 1923, 153/141, ფ.110.

⁵⁵⁴ მოამბე შინაგან საქმეთა კომისარიატისა, 1922, №7.

⁵⁵⁵ სუი არქივი, ფ. 281, ან. 1, საქმე 201, ფ.110.

⁵⁵⁶ სსმ არქივი, 1921 151/139 ფ. 39.

⁵⁵⁷ Ревкомы Грузии, სოხუმი, 1963, გე. 412.

დააყენა რუსეთის მუზეუმებსა და საცავებში არსებული ქართულ სიძველეთა სამშობლოში დაბრუნების საკითხი. რუსეთის იჰამინდელი მთავრობის ზემოთ მოყვანილი დადგენილების მე-12 პარაგრაფით აღინიშნა: "რუსურ-ს საცავებში და მუზეუმებში დაცული ყველა რეგალიები და სიძველეები მათი ქართული წარმომავლობის დამტკიცების შემთხვევაში გადაეცეს საქართველოს სს რესპუბლიკას"⁵⁵⁸ საკითხის მოგვარება დაეუალა რუსეთის განათლების სახალხო კომისარიატს და ცენტრალურ არქიუს მეცნიერებათა აკადემიასთან ერთად. ამ დადგენილებას წინ უსწრებდა ცენტრალური აღმასრულებელი კომიტეტის 1922 წლის 20 ივნისის №48 (4) გადაწყვეტილება, რომლის ძალითაც შეიქმნა საგანგებო კომისია რუსეთის მეცნიერებათა აკადემიის, განათლების კომისარიატის წარმომადგენელთა, ექსპერტთა და ქართველ მეცნიერთა შემადგენლობით. კომისიაში შევიდნენ: ა. ლუნაჩარსკი, მ. პოკროვსკი, ს. ოლდენბურგი, საქართველოდან რუსეთის აკადემიურ საქმეებში წარმომადგენელი დ. ჯგუშია, საქართველოს განათლების კომისარი დ. კანდელაკი და სხვები. საქართველოს მხრიდანაც შეიქმნა კომისია კ. კეკელიძის, ა. შანიძის, პ. ინგოროსიყვას და ს. კაკაბაძის შემადგენლობით. მოგვიანებით ამ კომისიას დაემატა შალვა ამირანაშვილი.

როგორც კ. კეკელიძის მოხსენებიდან ჩანს, კომისიაში კამათი გამართულა მთავარი საკითხის ირგვლივ: რა ძეგლები უნდა დაბრუნებოდა საქართველოს. აქ განსარკვევი იყო: ა) ის ძეგლები, რომლებიც საქართველოდან გაიტანეს რუსეთთან შეერთების შემდეგ თუ მანამდე. ბ) აღმინისტრაციული წესით გატანილნი, თუ შესყიდვით ან შეწირულობის გზით რუსეთში მოხვედრილი ნივთები. გ) მხოლოდ "ქართული წარმოშობის" ნივთები თუ სხვა ძეგლებიც.⁵⁵⁹

ახანგრძლივი კამათის შემდეგ საქართველოდან რუსეთში სხვადასხვა დროს გატანილი სამუზეუმო და საარქივო მასალები კომისიამ ორ ჯგუფად დაყო: პირველ ჯგუფს მიეკუთვნა ის სიძველენი, რომელიც პირველი მსოფლიო ომის დროს იქნა ევაკუირებული საქართველოდან ჩრდილოეთ კავკასიის ქალაქებში (ეკატერინოდარში, სტავროპოლში და სხვ.). მეორე ჯგუფში კი შევიდა ის ნივთები და დოკუმენტები, რომელიც ბოლო ასი წლის განმავლობაში სხვადასხვა გზით

⁵⁵⁸ სუი არქივი, ფ. 600, ან.1 საქ.47, ფ.15.

⁵⁵⁹ საქართველოს სიძველეთა დამბრუნებელი კომისიის წევრის კ.კეკელიძის მოხსენება, ჟურნ. "მაცნე", 1971, №4, გვ. 185.

მოხვდა მოსკოვისა და პეტერბურგის მუზეუმებსა და არქივებში.⁵⁶⁰

1922 წლის 24 ივნისს განსახკომის საგანგებო კომისიამ დასახა ის ზოგადი პრინციპები, რომელთა საფუძველზეც უნდა მომხდარიყო “რუსული მეცნიერებისთვის ზიანის მიუყენებლად” ქართული მხარისთვის მისი კუთვნილი სიძველეთა გადაცემა. გადასაცემი მასალა დაჯგუფდა სამი კატეგორიად. I კატეგორიაში შევიდა მსოფლიო ომის დროს საქართველოდან ევაკუირებული მასალა, რომელიც ინახებოდა ყუთებში შეფუთულ მდგომარეობაში და ექვემდებარებოდა საქართველოსთვის დაუყოვნებლივ გადაცემას. II კატეგორია მოიცავდა იმ ექსპონატებსა და საბუთებს, რომლებიც შემთხვევით აღმოჩნდნენ რუსეთის სხვადასხვა დაწესებულებებში და არ იყვნენ შესულნი სამეცნიერო ბრუნვაში. ისინი საქართველოს პრინციპში უნდა გადასცემოდა იმ პირობით, რომ ზოგიერთ ნივთზე უნდა ყოფილიყო საგანგებო კომისიის ნებართვა. III კატეგორიაში კი შეტანილი იყო ის მასალები, რომლებსაც კჭონდათ მსოფლიო მნიშვნელობა და გახდნენ რუსეთის მუზეუმებისა და არქივების ორგანული ნაწილი. ისინი როგორც წესს არ ექვემდებარებოდნენ რეევაკუაციას.

რუსეთის საცავებში მოხვედრილი ქართული კულტურის ფასეულობათა გადარჩევისა და ზემოთ ხსენებულ კატეგორიებზე დაყოფისთვის რუსეთის სახკომსაბჭოში შეიქმნა სპეციალური კომისია, რომელშიც შევიდნენ მეცნიერებისა და კულტურის თვალსაჩინო წარმომადგენლები: აკადემიკოსები მ. კრისტინი, ნ. მარი, ს. ოლდენბურგი ვ. ბარტოლდი და სხვები. საქართველოსათვის მის კუთვნილ სიძველეთა დაბრუნების გადაწყვეტილებას მოჰყვა საპროტესტო ტალღა რუსეთის სამეცნიერო წრეებიდან. შალვა ამირანაშვილის გამმოცემით, განსაკუთრებით აქტიურობდნენ მეცნიერებათა აკადემიის წარმომადგენლები: “როგორც ნ. მარისა და ს. ოლდენბურგის წერილობითი განცხადებიდან ჩანს, ისინი არ ცნობდნენ საქართველოს სიძველეთა და ისტორიულ ფასეულობათა უკან დაბრუნების უფლებას”. მათ ბევრი რუსი მეცნიერი თანაუგრძნობდა: “სამუზეუმო ნივთების ასეთმა გადაცემებმა რუსეთის საცავები შეიძლება ჩააყენოს კატასტროფულ მდგომარეობაში”⁵⁶¹—უდერდა მოტივაციად.

⁵⁶⁰ სუი არქივი, ფ. 300, ან.3, საქ.77, ფ.1.

⁵⁶¹ სუი არქივი, ფ. 600, ან.1 საქ.47, ფ.15.

მაგრამ ქართულ მხარესაც გააჩნდა ძლიერი არგუმენტები: მათ მხარეს იყო სიმართლე და მხარდამჭერები, იმხანად კრემლში მომუშავე ქართველი პარტიული მუშაკების (ი. სტალინის, ა. ენუქიძის, ა. სვანიძის) სახით.

1922 წლის 9 ოქტომბერს რუსეთის ცენტრალური აღმასრულებელი კომიტეტის პრეზიდიუმის სხდომაზე დამატებით იქნა განხილული ეს საკითხი. მ. კალინინისა და მ. პოკროვსკის მხარდაჭერით ზემოთ მოყვანილ დადგენილებას დაემატა წინადადება: "იმ სიძველეთა გარდა, რომლებსაც აქვთ მსოფლიო მნიშვნელობა და შესულია სამეცნიერო ბრუნვაში".³⁶²

მოსკოვში ამ პერიოდში რუსეთის სახკომსაბჭოსთან იხილებოდა ანალოგიური საკითხი—რუსეთის საცავებში დაცულ პოლონეთისა და უკრაინის კუთვნილ სიძველეთა ამ ქვეყნებისთვის გადაცემის შესახებ. იმისთვის, რომ პრეცედენტი არავისთვის არ შექმნილიყო, კულტურული მემკვიდრეობის დაცვის თაობაზე რომის საერთაშორისო ხელშეკრულების XI მუხლზე დაყრდნობით, გაიმარჯვა "მსოფლიო მნიშვნელობის მქონე სამუზეუმო კოლექციების ხელშეუხებლობის" წინადადებაში, რასაც საქართველოს წარმომადგენლობა პროტესტით შეხვდა. ოფიციალურ დოკუმენტში ეს უთანხმოება მხოლოდ ასე დაფიქსირდა: "რუსეთის საცავებში დაცულ საქართველოს მატერიალური კულტურის ძეგლთა კონსტატაციისას, რუსეთისა და საქართველოს წარმომადგენელთა შორის უთანხმოება არ არის. მსჯელობა გაიმართა მხოლოდ მეცნიერებათა აკადემიის აზიის მუზეუმისა და პეტროგრადის საჯარო ბიბლიოთეკაში, დაცულ კოლექციებსა და ხელნაწერების შესახებ."³⁶³ უნდა ითქვას, რომ სწორედ ისინი წარმოადგენდნენ "განსაკუთრებული ღირებულების მქონე ექსპონატებს".

ბოლოს, "საქმე დაბოლოვდა ჩვენმა სასარგებლოდ და სასურველად" (კ. კეკელიძე). მიღწეული შეთანხმების თანახმად, "მოსკოვის მუზეუმებში, დაცული ქართული სიძველეები დაუყოვნებლივ უდავოდ და სრულად უნდა დაბრუნებოდა საქართველოს, ხოლო პეტროგრადის მუზეუმებიდან პირველ რიგში უდავოდ უნდა გადავიბოდა ყველა უნიკუმი. ხოლო პეტროგრადში უნდა დარჩენილიყო ის ძეგლები, რომლის მსგავსი მოიპოვებოდა საქართველოს მუზეუმებში."³⁶⁴

³⁶² სუი არქივი, ფ. 300, ან 3, საქ. 77, ფ. 16.

³⁶³ სუი არქივი ფ. 600, ან 1, საქ. 47, ფ. 17.

³⁶⁴ საქართველოს ხელნაწერთა ინსტიტუტის ფონდი, №1513, გვ. 1.

რუსეთისა და საქართველოს წარმომადგენელთა ერთობლივ სხდომაზე საბოლოოდ დადგინდა ქართული მხარისთვის გადასაცემ ნივთებისა და დოკუმენტების ნუსხა. 1923 წლის იანვრიდან დაიწყო ქართულ სიძველეთა დაბრუნება სამშობლოში. 1923 წლის 24 მაისს პეტროგრადის საჯარო ბიბლიოთეკიდან საქართველოს მხარეს გადაეცა ძველი ქართული ხელნაწერები, ისტორიული დოკუმენტები და ხელოვნების ნაწარმოებთა დიდი კოლექცია.⁵⁶⁵ ზემოთხსენებული კომისიის ერთ-ერთი წევრი შალვა ამირანაშვილი ექვთიმე თაყაიშვილს 1923 წლის 17 მარტის წერილით პარიზში ატყობინებდა: "მსურს შეგატყობინოთ ისეთი რამ, რაც თქვენ ძალზე გესიამოვნებათ. რუსეთიდან ჩვენში ჩამოიტანეს და საისტორიო მუზეუმს ჩააბარეს აგვისტოს დამლევს: 1. ქართული დროშა 1711 წლის (არჩილ მეფის საკუთრება ყოფილა, როგორც წარწერა მოწმობს) 2. ვეფხისტყაოსანი, გიორგი XI-ის ვეფხისტყაოსანის მსგავსი, მოსურათებულია არშიები, 3. პატარა ტანის ეტრატზე ნაწერი სახარება მინიატურებით, XII საუკუნის, 4. ტრაქტატი 1783 წლის, ორ ხეულად ეტრატზე, მხედრული ხელით ნაწერი, 5. ტყავის ფარი, მოხატული წმინდანების სურათებით, 6. ავგაროზი, სურათებით შემკული XVIII საუკუნის დამლევს".⁵⁶⁶

წერილში ჩამოთლილია აგრეთვე ამ პერიოდში საქართველოში დაბრუნებული ის სამეფო რეკალიები, რომელსაც ქართლ-კახეთის ბოლო მეფე გიორგი XII ფლობდა და სხვა უმნიშვნელოვანესი ნივთები: 1. მეფის გვირგვინი ოქროსი ძვირფასი ქვებით შემკული; 2. მეფის ტახტი; 3. მინაქრის ხატებით შემკული კვერთხის თავი; 4. ოქროს კვერთხის თავი, სპარსული მინაქრით შემკული; 5. საფარის კანკელი; 6. წებელის კანკელი; 7. სურათებიანი დაყითნი (XVI ს.) (71 მინიატურა); 8. ქსოვილი (ქნქერა), (წარწერაში მოხსენიებულია მეფე გიორგი და დედოფალი საამარი); 9. მუზარადი და რკინის პერანგი და სხვა. რუსეთის საგანძვეულობაში ყოფილა ქართული მინაქრის ხატები, რომელიც ბოტკინის კოლექციას ეკუთვნოდა. ეს ძეგლებიც უნდა მივიღოთ მოკლე ხანში."⁵⁶⁷

⁵⁶⁵ ამირანაშვილი შ., საქართველოდან სხვადასხვა დროს გატანილი განძეულობა და მისი დაბრუნება, თბ., 1968, გვ. 5.

⁵⁶⁶ საქართველოს ხელნაწერთა ინსტიტუტის ფონდი № 1513, გვ. 1.

⁵⁶⁷ საქართველოს ხელნაწერთა ინსტიტუტის ფონდი, № 1513, გვ. 3.

ზემოთ ხსენებული სამეფო საინვესტიტურო ნიშნები ქართლ-კახეთის მეფე გიორგი XII-სთვის 1798 წელს რუსეთის იმპერატორის პავლე პირველის შეკვეთით პეტერბურგში დააზადებია ოსტატებს პ. ტერემენსა და ნ. ლიხტს. იგი შედგებოდა მაღალი ხარისხის ოქროსგან და შემკული იყო 1318 ბრილიანტითა და 349 ლალით. 1799 წლის 1 დეკემბერს ანჩისხატის ეკლესიაში რუსეთის ელჩმა პ. კოვალენსკიმ საზეიმო ცერემონიაზე სამეფო რეგალიები გადასცა გიორგი XII. ამ უკანასკნელის გარდაცვალების შემდეგ ნივთები გაიგზავნა რუსეთში და 1811 წლიდან ინახებოდა კრემლის იარაღთა პალატაში⁵⁶⁸. 1923 წლის 5 თებერვალს ექსპონატები გადაეცა საქართველოს და 10 აგვისტოს ისინი უკვე თბილისში იყო.

განსაკუთრებით გაჭირდა ჩრდილოეთ კავკასიიდან სიძველეთა გადმოტანა. ამის მიზეზი უტრანსპორტობა იყო. ქართულმა მხარემ ისარგებლა რსფსრ გზათა უწყების კომისრის ფ. ძერჟინსკის თბილისში ყოფნით და პრობლემა სასწრაფოდ მოაგვარა. ჩრდილოეთ კავკასიაში გაიგზავნა ცენტრალური არქივის ხელმძღვანელი სარგის კაკაბაძე. იგი 1923 წლის 27 თებერვალს განათლების კომისარს ატყობინებდა: "თანახმად დავალებისა, მე მოვიარე ყველა საჭირო პუნქტები ჩრდილო კავკასიაში, სადაც მოთავსებული იყო საქართველოდან გატანილი საარქივო და სამუზეუმო მასალები. . . შეეკრიბე ყველა ეს მასალა, რომელიც გადარჩენილი იყო დროთა ვითარებისაგან დაღუპვას და გამოგზავნე. ამჟამად მთელი ეს მასალა (11 ვაგონი, მათ შორის ერთი სპეციალურად დიდი ზომის სამუზეუმო სურათების და მასალის გადმოსატანად) ტფილისში ჩამოტანილია."⁵⁶⁹ მისივე მცვადინებით 4 ვაგონით თბილისში გადმოგზავნილი იქნა კავკასიის ყოფილი მეფისნაცვლის კანცელარიის საარქივო საქმეები-სულ 983 ფუთა და ე.წ. "დიდების ტაძრის" მუზეუმის ექსპონატები. გარდა ძვირფასი ლითონისგან დამზადებული ნივთებისა, რომლებიც უკვე მოსკოვისა და რუსეთის სხვა მუზეუმებში აღმოჩნდა გაგზავნილი.⁵⁷⁰ ჩამოსული მასალები განაწილდა თბილისის მუზეუმებს, სამხატვრო გალერეასა და ცენტრალურ არქივს შორის.

⁵⁶⁸ Бичикашвили И., О регалиях последних царей Картли и Кахети, გაზ.

"Свободная Грузия," 2002, №112.

⁵⁶⁹ სუი არქივი, ფ 300, ან 3, საქ 28, ფ. 10.

⁵⁷⁰ იქვე, ფ. 11.

საქართველოს სახალხო კომისართა საბჭოს 1923 წლის 30 მაისის №98 დადგენილებით საქართველოს მუზეუმს გამოეყო და როგორც დამოუკიდებელი დაწესებულება თბილისში დაარსდა საქართველოს სახელმწიფო საჯარო ბიბლიოთეკა. დადგენილების მე-2 პარაგრაფით, "ბიბლიოთეკას საფუძვლად დაედგას საქართველოს მუზეუმთან არსებული საჯარო ბიბლიოთეკა და საქართველოს სახალხო კომისართა საბჭოს ცენტრალური აკადემიური ბიბლიოთეკა."⁵⁷¹ საქართველოს სახელმწიფო საჯარო ბიბლიოთეკაც დაექვემდებარა განათლების სახალხო კომისარიატის სამეცნიერო დაწესებულებათა მთავარ მმართველობას.

განათლების მინისტრის 1924 წლის 18 სექტემბრის №141 დადგენილებით, რესპუბლიკის სამეცნიერო დაწესებულებათა მთავარმართველობასთან დაარსდა მისი ქვემდებარე "სიძველეთა და ხელოვნების დაცვის განყოფილება. მის გამგედ დაინიშნა სარგის კაკაბაძე. წევრებად: საქართველოს მუზეუმის დირექტორი ნ. ყიფიანი, საისტორიო საზოგადოების მუზეუმის დირექტორი ს. გორგაძე, ეროვნული სამხატვრო გალერეის დირექტორი დ. შვეარდნაძე და უნივერსიტეტის პროფესორი გ. ჩუბინაშვილი.

საქართველოს სახალხო კომისართა საბჭოს 1923 წლის №279-ის ბრძანებით განათლების კომისარიატთან შეიქმნა სპეციალური კომისია სამუზეუმო საქმის მოსაგვარებლად.

სამუზეუმო საქმიანობის ხელმძღვანელობის მხრიდან ზოგჯერ ადგილი აქონდა საეჭვო ექსპერიმენტებსა და გაუგებარი გადაწყვეტილებების მიღებას. მუზეუმების რეორგანიზაციას ითვალისწინებდა სახკომსაბჭოს 1923 წლის 12 ნოემბრის №114 დადგენილება, რის მიხედვითაც თბილისში არსებული სამუზეუმო ფონდების, ეკლესიებისთვის ჩამორთმეული სათანადო კოლექციებისა და რუსეთიდან რევეაკუაციის წესით მიღებულ სამუზეუმო ნიუსების მოსათავსებლად უნდა დაარსებულიყო ახალი საბუნებისმეტყველო და საისტორიო-საეთნოგრაფიო მუზეუმები: "საბუნებისმეტყველო მუზეუმი გამოყოფილ იქნას საქართველოს ახლანდელ მუზეუმიდან. ხოლო საისტორიო-საეთნოგრაფიო მუზეუმი შეესებულ იქნას საქართველოს მუზეუმიდან გამოყოფილი საისტორიო-საარქეოლოგიო და საეთნოგრაფიო

⁵⁷¹ მოამბე შინაგან საქმეთა სახალხო კომისარიატისა, № 53,

განყოფილების კოლექციებით⁵⁷². ეს ფაქტობრივად საქართველოს მუზეუმის დაშლას ნიშნავდა.

1924 წლის 3 იანვარს საგანგებოდ მოწვეული მუზეუმის სამეცნიერო საბჭო ივ. ჯავახიშვილის თავმჯდომარეობით პროტესტს გამოთქვამდა ამის გამო: "მუზეუმი მიზანშეუწონლად სცნობს განსრახულ რეორგანიზაციას მუზეუმისას და მოითხოვს გამორკვეული იქნეს, რა მიზნების გამო დაუპირეს მოსპობა საქართველოს მუზეუმს".⁵⁷³

აღნიშნულ დადგენილებას სასარგებლო შედეგი არ მოუტანია და პრაქტიკულად ვერც განხორციელდებოდა. განათლების კომისარიატი რესპუბლიკის მთავრობას მოახსენებდა: "დადგენილება ვერ შესრულდა სათანადო შენობის უქონლობის გამო".⁵⁷⁴ ახალი შენობის მიღების შესაძლებლობა იმხანად კი მხოლოდ საქართველოს მუზეუმს გააჩნდა. ამიტომ, მაღე დადგა ამ მუზეუმიდან სხვა უჯრედების გამოყოფის ნაცვლად, მთელი რესპუბლიკის სამუზეუმო კოლექციების თავმოყრის, ცენტრალიზაციისა და საპირისპირო გადაწყვეტილების მიღების აუცილებლობა: 1923 წლის 12 ნოემბრის №114 გადაწყვეტილების დამატებად, სახკომსაბჭომ მოგვიანებით მიიღო დადგენილება იმის შესახებ, რომ საქართველოს მუზეუმის ფონდებში თავი უნდა მოეყარა სხვადასხვა მუზეუმებში გაბნეულ კოლექციებს.⁵⁷⁵

ასე რომ, საქართველოს მუზეუმის ახალი შენობის აგება იძენდა განსაკუთრებულ მნიშვნელობას. იგი გახდა ამ მუზეუმში მთელი რესპუბლიკის "სამუზეუმო ფონდის გაერთიანებისა და ცენტრალიზაციის" ერთ-ერთი მთავარი მასტიმულირებელი ფაქტორი. ამიტომ მთავრობამ მუზეუმის მშენებლობის საკითხის დადებითად გადაჭრას დიდი ყურადღება დაუთმო.

საქართველოს რევოლუციური კომიტეტის ერთ-ერთ უპირველეს საზრუნავს წარმოადგენდა სათანადო თანხის მოპოება მუზეუმის შენობისთვის, რომლის მშენებლობაც უსაძისრობის გამო შეჩერებული იყო. სულ მაღე თანახმად რეკომის 1921 წლის 17 მაისის დადგენილებისა, გამოინახა 22 მლ. 500 ათასი მანეთი⁵⁷⁶ და იმავე წლის აგვისტოდან სააღმშენებლო კომისიამ (ნ. ყიფიანის თავმჯდომარეობით)

⁵⁷² სუი არქივი, ფ 600, ან. 1, საქმე, 1758, ფ. 6.

⁵⁷³ სსმ არქივი, მცირე საბჭოს ოქმები. ფ. 54.

⁵⁷⁴ სუი არქივი, ფ 600, ან. 1, საქმე, 1758, ფ. 5.

⁵⁷⁵ სუი არქივი, ფ 600, ან. 1, საქმე, 1758, ფ. 7.

⁵⁷⁶ სსმ არქივი, 1921, 151/139, ფ. 185.

განაახლა თავისი სამუშაოები. მშენებლობა საქაო ტემპებით მიმდინარეობდა, მაგრამ სამშენებლო მასალების დეფიციტის გამო, განსაკუთრებით გაჭიანურდა შენობის სამხრეთი ფრთის ბანური გადახურვის სამუშაოები.

განათლების სახალხო კომისარიატის 1922 წლის აგვისტოს №429 განკარგულებით შეიცვალა სააღმშენებლო კომისიის შემადგენლობა. მასში შევიდნენ: სარგის კაკაბაძე (თავმჯდომარე), წევრები: ნ. ყიფიანი, ი. ჩხიკვიშვილი, ინჟინრები ნ. სევეროვი და ა. ლევაჟა.⁵⁷⁷ მაგრამ, ისედაც უამრავ პრობლემას დაემატა ის უთანხმოება, რომელიც წარმოიშვა მუზეუმის დირექტორსა და კომისიის თავმჯდომარეს შორის. პირველი საერთოდ არ უშვებდა მუზეუმის შენობაში მეორეს, ხოლო ეს უკანასკნელი ბრალს სდებდა დირექტორს მასში, რომ იგი თვეების მანძილზე არ ესწრებოდა კომისიის სხდომებს. ბოლოს ეს იმით დამთავრდა, რომ ორივენი გამოყვანეს კომისიის შემადგენლობიდან. თავმჯდომარეობა დაეუკალა ივ. ჩხიკვიშვილს, ხოლო 1924 წლის 4 მაისის ბრძანებით—განათლების კომისარს დ. კანდელაკს.

სამშენებლო მასალების გაძვირებისა და საყოველთაო ინფლაციის გამო, მშენებლობის დასამთავრებელად აუცილებელი შეიქნა დამატებით თანხის გამონახვა. 1922 წლის ბოლოს, სააღმშენებლო კომისიამ დამატებით მიიღო 4 მილიონი მანეთი,⁵⁷⁸ მაგრამ არც ეს თანხა აღმოჩნდა საკმარისი. 1923 წლის 8 ივნისს მუზეუმს გამოეყო 5 მილიარდ. 500 მილიონი მანეთი.⁵⁷⁹ ამით მოხერხდა იმავე წლის ზაფხულში მეტეუმის ახალი, მთავარი შენობის სამხრეთისა და ჩრდილოეთის ფრთების მშენებლობის დასრულება.

რაც შეეხება მთავარ საგამოყენო კორპუსს, ამ წელს მთლიანად დამთავრდა ცოკოლისა და I სართულის სამშენებლო სამუშაოები.

1923 წლის ზაფხულის ბოლოსთვის საქართველოს მუზეუმის დირექციის განკარგულებაში იყო შემდეგი ფართობი: ჯერ კიდევ XIX საუკუნის 60-იან წლებში აგებულ ძველ სამსართულიან შენობაში ლორის-მელაქოვის ქუჩის №10-ში—ორი სართული. (მესამე სართულზე მოთავსებული იყო ქალთა II სასწავლებელი და თბილისის XI პროფტექნიკუმი), ამ კორპუსში მუზეუმს ეკუთვნოდა 12 ოთახი.

⁵⁷⁷ სუი არქივი, ფ. 300, ან 3, საქ. 32, ფ. 13.

⁵⁷⁸ სსმ არქივი, 1922, 152/140 ფ.160.

⁵⁷⁹ სსმ არქივი, 1923, 153/141, ფ. 99.

ახალი შენობის მარჯვენა, ჩრდილოეთ ფრთაზე კალაუბნის (ყოფილი ბარონის) ქუჩის კუთხეში, ოთხსართულიან შენობაში მუზეუმს ეკავა II ოთახი, ხოლო მარცხენა, სამხრეთის ფრთაზე, მუზეუმის (ყოფილი ნიკოლოზის) ქუჩის კუთხეში, ექვს-სართულიან შენობაში --24 ოთახი. გარდა ამისა, მუზეუმს ეკუთვნოდა ლორის-მელიქოვისა და მუზეუმის ქუჩების კუთხეში XX საუკუნის 10-იან წლებში აგებული სამსართულიანი საფონდო შენობა და ეზოში მდებარე პატარა ორსართულიანი ფარდული 6 ოთახით.⁵⁸⁰

, აღნიშნულ ფართობზე მუზეუმის განყოფილებები შემდეგნაირად განაწილდა: ახალი შენობის მარცხენა ფრთის ქვედა I და II სართულებზე განლაგდა ბიბლიოთეკის საცავი და სამკითხველო დარბაზი, ხოლო ზედა III-VI სართულები გადაეცა ზოოლოგიურ განყოფილებას აქვე, III სართულზე ამ განყოფილებას დაეთმო საგამოფენო დარბაზი.

ახალი შენობის მარჯვენა ფრთის II-IV სართულები დაიკავა არქეოლოგიისა და ეთნოგრაფიის განყოფილებებმა. I სართულზე მდებარეობდა აუდიტორია.

ძველი შენობის გამოთავისუფლებულ ოთახებში განლაგდნენ გეოლოგიისა და პოტანიკის განყოფილებები. თუმცა ამ კორპუსის II სართულზე რამდენიმე ოთახი დარჩათ არქეოლოგებს, ხოლო III სართულზე--ეთნოგრაფებს. ამავე შენობაში იყო მოთავსებული დირექციაც. საფონდო კორპუსი დაიკავა განყოფილებათა საცავებმა.

მუზეუმში საცხოვრებელი ფართობი ეჭირათ დირექტორის ოჯახს, მეუბოვესა და დარაჯს.

1924 წლის 15 ივლისს სახალხო კომისართა საბჭოს №1383 დადგენილებით საქართველოს მუზეუმს უნდა გადასცემოდა მუზეუმის ძველი შენობის მე-3-ე სართულზე ქალთა II სასწავლებლის მიერ დაკავებული ფართი.⁵⁸¹ მაგრამ ამ დადგენილების რეალიზებას კიდევ რამდენიმე წელი დასჭირდა.

ახალი შენობის ნაწილის მსპლრატაციაში გადასცემა და მუზეუმის გაფართოება მუშაობის ახალ პერიონტებს შლიდა ამ დაწესებულების თანამშრომელთა წინაშე.

1923 წელს ისევ 27-მდე გაიზარდა მუზეუმის მუშაკთა რიცხვი. მუზეუმში მოვიდნენ ახალი თანამშრომლები: მიხეილ შავარდნაძე, გიორგი ჩიტაია, კონდრატე თათარიშვილი (უიარაღო), ვერა ბარდაველიძე-ლოშია, ნიკოლოზ ჯავახიშვილი,

⁵⁸⁰ სსმ არქივი, 1923, 153/141, ფ. 470.

⁵⁸¹ სსმ არქივი, 1924, №142, ფ. 511.

ივანე კაჭარავა, კონსტ. ნიკურაძე, ივანე მენაღარიშვილი და სხვები.

როგორც ზემოთ აღინიშნა, ფულის ინფლაციური პროცესების გამო, მუზეუმის მუშაკები მატერიალურად მტკად მძიმე მდგომარეობაში იმყოფებოდნენ. ამიტომაც ხშირად დგებოდა მათი საყოფაცხოვრებო პირობების გაუმჯობესების საკითხი. მაგრამ თანამშრომელთა მოთხოვნები დაჟინებული ხდებოდა, როცა საქმე ეხებოდა სამუზეუმო ექსპონატების დაცვას. ისინი განსაკუთრებით მოითხოვდნენ სადებინფაციო საშუალებებს საფონდო მასალების შესაწამლად: ნაფტალინს, მორბანის ზეთს, ბრომთილიის ხსნარს, სპირტს და სხვას.⁵⁸²

მუზეუმის მუშაკთა თანამდებობები კვალიფიკაციის მიხედვით შეესაბამებოდა 5-დან 17-მდე კატეგორიას. დირექტორი, როგორც უმაღლესი მე-17 კატეგორიის მუშაკი, ხელფასს იღებდა 45 მანეთს. განყოფილების გამგეები მე-15 კატეგორიით—38 მანეთს, ასისტენტები მე-14 კატეგორიით—35 მანეთს “ჩერვონეცით”⁵⁸³ და ა.შ. რასაკვირველია ეს არ იყო საკმარისი და არ აკმაყოფილებდა მუზეუმის მუშაკებს და იყო გაუთავებელი მოთხოვნები მათი უფრო მაღალ, შესაფერ კატეგორიებში გადაყვანის შესახებ. თითქმის ყველა მაღალკვალიფიციურ მუზეუმის მუშაკს ჰქონდა შეთავსებით სხვა სამუშაო, უმთავრესად, უმაღლეს სასწავლებლებში. მუზეუმის დირექციას სპეციალური ბრძანების გამოცემა დასჭირდა, რითაც ყოველ შემთავსებელ მუზეუმელს დილის I საათამდე თავისი სამუშაო დღე მხოლოდ მუზეუმისათვის უნდა დაეთმო.⁵⁸⁴

უნდა ითქვას, რომ ამ პერიოდში მუზეუმში თავი მოიყარეს, პროფესიონალმა, სპეციალისტებმა ქრომლებსაც საზღვარგარეთის, რუსეთისა და საქართველოს უნივერსიტეტებში ჰქონდათ მიღებული განათლება: ნ. ყიფიანს დამთავრებული ჰქონდა პარიზის, სორბონის უნივერსიტეტი; გ. ჩუბინაშვილს და კ. კრელს—ლაიფციგის; ალ. თვალჭრელიძეს—გეტინგენის და მოსკოვის; კ. თათარიშვილს—ბრიუსელის; ივ. ჩხიკვიშვილს—კიევის; მ. შავარდნაძეს—ციურიხის; ა. ილინსკის და ბ. შიშკინის—ვარშავის; მ. ბარათაშვილს, ე. ქიქოძეს და ე. ლანსერეს—მოსკოვის; დ. გორდევებსა და გ. სმირნოვს—ხარკოვის; გ. ჩიტაიას, ს. მაკალათიას, შ. ამირანაშვილს, თ.

⁵⁸² სსმ არქივი, 1923, 153/141 ფ. 77.

⁵⁸³ სსმ არქივი, 1924, №142, ფ. 358.

⁵⁸⁴ სსმ არქივი, 1923, 153/141 ფ. 43.

დვალსა და ე. ლომიას—თბილისის წამყვანი უმაღლესი სასწავლებლები.⁵⁸⁵

1921 წელს მუზეუმის ტექნიკურმისტი კარლ კრელი მივლინეს საზღვარგარეთ. იგი 4 თვე იმყოფებოდა ლაიფციგში ანატომიის ინსტიტუტის კონსერვატორ მაქს ზუმელთან.⁵⁸⁶ კვალიფიკაციის ამაღლების შემდეგ იგი საერთაშორისო მასშტაბის ერთ-ერთი საუკეთესო სპეციალისტი გახდა. მის მიერ დამზადებული ფიტულები დიდი მოწონებით სარგებლობდა საზოგადოებაში.

1922 წელს ე. კრელმა შექმნა ზოოლოგიური განყოფილების ერთ-ერთი მნიშვნელოვანი ექსპონატი—ვეფხვის ფიტული.

1922 წლის 5 დეკემბერს თბილისის მახლობლად, სოფელ ლელობთან ადგილობრივმა გლეხებმა გიორგი წითურაშვილმა, სიმონ და იოსებ ბექაურებმა და ალექსი წიკლაურმა მოკლეს ორი მეტრის სიგრძის ვეფხვი. იგი ლენქორანიდან (თალიშიდან) თბილისამდე გარეულ ტახებზე ნადირობას შემოყოლია.⁵⁸⁷ 1923 წელს მაღალხარისხონად დამზადებული ფიტული სხვა ექსპონატებთან ერთად გამოიფინა მუზეუმის ახალი შენობის სამხრეთი ფრთის ზოოლოგიური გამოფენის დარბაზში. გამოფენა შესანიშნავი გამოვიდა. ვეფხვის ფიტული წარმოდგენილი იყო ბიოლოგიურ ჯგუფში, ლენქორანის ლანდშაფტის გარემოცვაში, ჭაობიან ლერწმებში. ასევე დიდი ოსტატობით იყო შესრულებული სხვა ექსპონატებიც, რაც დამთვალიერებლებზე დიდ შთაბეჭდილებას ახდენდა. მიუხედავად იმისა, რომ შესასვლელი ბილეთი ღირდა 50 ათასი მანეთი, კარგა სახს გამოფენაზე დამთვალიერებელთა დიდი რიგი იდგა. ამ გამოფენიდან მიღებულმა შემოსავალმა მარტო 6 თვეში 36 მილიონ 280 ათას მანეთს გადააჭარბა.

ზოოლოგიურ გამოფენასთან ერთად, მუზეუმის ახალი შენობის ჩრდილოეთ ფრთაში გადაწყდა მოწყობილიყო ეთნოგრაფიული გამოფენა. 100 მანეთი (ოქროთი) გამოუყვანს ე. ზიტარას ეთნოგრაფიული კოლექციის—“გლეხის დარბაზის” მოსაწყობად.⁵⁸⁸

1923 წელს საქართველოს მუზეუმმა მიიღო მიწვევა მოსკოვის სახალხო მეურნეობის მიღწევათა გამოფენაზე მონაწილეობის მისაღებად, სადაც ექსპონირებული იქნებოდა ქართველი

⁵⁸⁵ სსმ არქივი, 1922, 152/140, ფ. 375.

⁵⁸⁶ სუი არქივი, ფ. 600, ან. 1, საქ. 1215, ფ. 13.

⁵⁸⁷ ჩხიკვიშვილი ივ., ლელობის მახლობლად მოკლული ვეფხვი,

კრებულში—სსმ მოამბე, ტ. II, თბ., 1923, გვ. 12.

⁵⁸⁸ სსმ არქივი, 1923, 153/141, ფ. 23.

გლეხის ყოფა-ცხოვრების ამსახველი ეთნოგრაფიული ნივთები. საგამოყენო კომიტეტმა ამ მასალის შესაძენად გამოყო 100 მილიონი მანეთი.

ამრიგად, 14 წლის იძულებითი უმოქმედობის შემდეგ მუზეუმმა დაიწყო თავისი ერთ-ერთი მთავარი ფუნქციის— საგამოყენო სამუშაოების შესრულება.

1922 წლის 23 დეკემბრიდან მუზეუმის მიმდინარე საკითხების გადასაწყვეტად შეიქმნა მცირე საბჭო, რომელიც უნდა შეერებილიყო 2 კვირაში ერთხელ. საბჭოს მდივნად აირჩიეს გ. ჩიტაია.

საქართველოს მუზეუმის თანამშრომლები, მიუხედავად დიდი სიძნელეებისა, გულმოდგინედ ასრულებდნენ ყოველდღიურ, მიმდინარე სამუშაოებს. ისინი უმეტესად დაკავებული იყვნენ საფონდო და მოძიებითი სამუშაოებით.

1921 წლის მუზეუმის ანგარიშების მიხედვით, საბუნებისმეტყველო განყოფილებათა თანამშრომლებმა დაამუშავეს ჭოროხის აუზის, გურიის, სვანეთის, ჭიათურისა და დასავლეთ საქართველოს სხვა ადგილებში წარმოებული ექსპედიციების დროს მოძიებული გეოლოგიური, ბოტანიკური და ზოოლოგიური კოლექციები; დაიწვეს თბილისის მიდამოების გეოლოგიის სისტემური შესწავლა, რითაც საფუძველი ჩაეყარა საქართველოს გეოლოგიის სისტემურ კვლევას.

მუზეუმის ფონდები გამდიდრდა პალეონტოლოგიური, პეტროგრაფიული და ორნითოლოგიური მასალებით. შესწავლილ იქნა მანგლისის, ატენისა და ბორჯომის ხეობის სპორიანი ფლორა. მოწესრიგდა პერბარიუმი და შეიკა კატალოგი. მუზეუმის ფონდები გამდიდრდა 22400 ეგზემპლარი საქართველო მასალით. მიიღეს აგრეთვე მწერების და ფრინველების 55 ათასი ეროული.³⁸⁹ მოეწყო ორნითოლოგიური კაბინეტი.

ეთნოგრაფიულ განყოფილებაში ევ. ლანსერემ ჩაიხატა ეთნოგრაფიული ჯგუფები თავისი ტანსაცმლით და შედგა ქართული კოსტიუმის კატალოგი, მუზეუმში შემოვიდა ათასამდე ეთნოგრაფიული ნივთი.

1923 წლის მარტიდან ფართოდ გაიშალა სამუშაოები მუზეუმის ახალ შენობაში გადასასვლელად. ვიდრე ახალ საფონდო ოთახებში ნივთებს გადაიტანდნენ, მუზეუმის მცირე საბჭოს გადაწყვეტილებით, თითოეულ ნივთს ჩაუტარდა

³⁸⁹ ყიფიანი ნ., საქართველოს მუზეუმის მოქმედების მოკლე ანგარიში (1919-1921 წწ.), სსმ მზამბე, ტ. I, თბ., 1922, გვ. 110.

დღეზინფექცია. ამისათვის ეზოში აშენდა სპეციალური საღებინფექციო კამერა, რაც დაჯდა 100 მილიონი მანეთი.⁵⁹⁰

ახალ შენობაში ნივთებისა და წიგნების გადატანის სამუშაოებისთვის 1923 წლის 19 აპრილს გამოყოფილი 250 მილიონი მანეთი განაწილდა განყოფილებების მიხედვით. ამავე წლის 7 ნოემბერს დამატებით გამოიყო 1200 მანეთი (ოქროთი). ამ პერიოდში მწვავედ დადგა სამუზეუმო ნივთებისთვის სათანადო ჭურჭლის, თაროებისა და ინვენტარის დამზადების საკითხი. ამისათვის მუზეუმის თითოეულმა განყოფილებამ წარადგინა განაცხადი, რომლის საერთო ჯამმა შეადგინა 51813 მანეთი (ოქროთი).

1922 წელს საქართველოს მუზეუმმა სულ დახარჯა 672 ილიარდ 095 მილიონი მანეთი, 1923 წელს მუზეუმისათვის ათვალისწინებულმა ხარჯთაღრიცხვამ შეადგინა 89263 მანეთი (ოქროთი), 1924 წელს კი—149626 მანეთი (“წერეონეცით”).

(1921-1923 წლებში მუზეუმში შემოსული ნივთებიდან დსანიშნაეია: მანანა ორბელიანისეული ეელსაბამი (ფარლული), რომელსაც კქონდა ბროწეულის ყვაეილის მოყვანილობა, მინანქრით შემკული ოქროს ფოთლები, აღმასის თელები და მაღალი ღირსების მარგალიტები.⁵⁹¹ ბარბარე ერისთაეისგან შემოწირული ქსნის ერისთაეების საგეარეულოს ძვირფას ყდაში ჩასმული თერთმეტი სასულიერო და საერო წიგნი.

1921 წელს მუზეუმთან არსებულმა შემფასებელმა კომისიამ 8 მილიონ 220 ათას მანეთად შეისყიდა ეახტანგ მეფის კანონთა კრებული, თამარიანი, კონდაკი, ფსალმუნი, დაფარნა (ბარძიმის დასაფენი), სპარსული ეაზა, მინანქრიანი ჭიქა და მონეტები.⁵⁹²

განათლების კომისარიატისგან და პოლიტიკური განათლების კლუბების გაერთიანებისგან მუზეუმმა მიიღო ძველებური ნივთები: ვერცხლის ჭურჭელი, საომარი და სამეურნეო იარაღი, ეთნოგრაფიული ტანსაცმელი, ხალიჩები, ქირმანშალი (მატყლის ფურადი ქსოვილი) და სხვა.⁵⁹³ 1923 წელს თბილისის მშრომელთა საურთიერთო საზოგადოების გამგეობისგან მუზეუმს გადმოეცა თბილისელ ამქართა დროშები. ამავე პერიოდში შეიძინეს გუმბრის მახლობლად

⁵⁹⁰ სუი არქივი, ფ.300, ან. 3, საქ. 69, ფ. 5.

⁵⁹¹ სსმ არქივი, 1923, 153/141, ფ.238.

⁵⁹² სსმ არქივი, 1921, 151/139, ფ.437.

⁵⁹³ საქართველოს მუზეუმის 1922-28 წწ საკოლექციო დავთარი გვ. 22--34.

აღმოჩენილი პალეონტოლოგიური მასალა—სამხრეთის სპილოს ეშვი და კბილი, აგრეთვე პანტიკაპეური მონეტა.

საყოველთაო გაჭირვების პირობებში მუზეუმში ნივთები ასეთი გზითაც ხვდებოდა: “მოქალაქე აღ. ეროვნება გასაყიდად მოიტანა ძველი ხელოვნების დამბაჩა, მაგრამ ვინაიდან იგი განიცდის უფესსაცმელობას, გთხოვთ აღმოუჩინოთ დახმარება მიეცეს მას ერთი წყვილი ფეხსაცმელი, რათა ამით შეძლება მიეცეს ჩვენ მუზეუმს შეიძინოს ძველი ხელოვნების ნივთი”,⁵⁹⁴ - ატყობინებდნენ მუზეუმიდან ზემდგომ ორგანოებს.

1923 წლიდან მწვავედ დაისვა მუზეუმში შესული ნივთების აღრიცხვიანობის მოწესრიგების საკითხი. მუზეუმის მცირე საბჭოს გადაწყვეტილებით ყველა განყოფილებისთვის უნდა შემოღებულიყო საინვენტარო წიგნი. დაფორის ნიმუშის შემუშავება დაეწავლა კომისიას. სულ მალე გ. ჩიტაიამ წარმოადგინა კოლექციების კატალოგისთვის ჩასაწერი სამი ფორმა: საკოლექციო დაფთარი, კოლექციების სარეგისტრაციო სიები და საბარათო კატალოგი. საინვენტარო დაფთარში ნივთზე უნდა შემდგარიყო შემდეგი მონაცემები: საკოლექციო ნომერი, შემოსვლის დრო, ნივთის აღწერილობა და ფასი.⁵⁹⁵

1924 წლის 25 აპრილს მცირე საბჭოს სხდომაზე მიიღეს გადაწყვეტილება მუზეუმის (განსაკუთრებით კი ყოფილი კავკასიის მუზეუმის) ექსპონატების ეტიკეტების გადაქართულების შესახებ.

1924—1925 წლებში მუზეუმში შემოწირულობით შემოსული ნივთებიდან მნიშვნელოვანი იყო: ვ. ბაგრატიონების ოჯახიდან—ოქროს ზარნიშინი ხმალი და აზარფეშა; მარიამ დადეშქელიანისგან—ჩოხა, ახალუხი, კაბა და სვანური ეთნოგრაფიული ტასაცმელი; ა. ონიანისგან—14 ერთეული სვანური საბრძოლო და სამეურნეო იარაღი; თბილისელ ვაჭართა საპაიო ამხანაგობისგან—9 ერთეული ეთნოგრაფიული ტანსაცმელი, იარაღი და ჭურჭელი;⁵⁹⁶ ცნობილი მქსოვილის თებრონე გელჯაშვილის მიერ დამზადებული ხალიჩები.⁵⁹⁷

1926 წელს მუზეუმში შემოსული 664 ნივთიდან აღსანიშნავია: ა. მიქელაძის, მ. ჩინჩალაძის და გ. ვეზირიშვილის

⁵⁹⁴ სსმ არქივი, 1923 151/139, ფ.149.

⁵⁹⁵ საქართველოს მუზეუმის მცირე საბჭოს ოქმები, გვ. 51.

⁵⁹⁶ საქართველოს მუზეუმის 1922-28 წწ საკოლექციო დაფთარი გვ. 134-146.

⁵⁹⁷ სსმ არქივი, 1924, №142 ფ.მ.

მიერ შემოწირული საომარი საჭურველი, კოლხური ვერცხლის მონეტები და ბრინჯაოს იარაღები.

(მუზეუმის მიერ შექმნილი ნივთებიდან გამოსაყოფია: გ. მუხრან-ბატონისგან—ძველებური, კაეის თოფი; ცნობილ კოლექციონერ ა. მირზოევისაგან—165 ერთეული საბრძოლო იარაღი, ვერცხლისგან დამზადებული საყოფაცხოვრებო ჭურჭელი, მუსიკალური საკრავები და სხვა; ოქროშტედელ მ. ანიევისგან—7 ცალი საეკლესიო ვერცხლის და ოქროს ჭურჭელი; ს. ჩუბინაშვილისგან—ქართული ხმალი და სხვა⁵⁹⁸

1926 წლისათვის მუზეუმში მუშაკთა რიცხვმა 29-ს მიაღწია. დაწესებულებაში მოვიდნენ ახალი თანამშრომლები: პროფესორები ალ. ჯანელიძე და გ. ნიორაძე, ენევის უნივერსიტეტის კურსდამთავრებული, გეოლოგიურ მეცნიერებათა დოქტორი ივ. რუხაძე, თბილისის უნივერსიტეტის დოცენტები ს. ყაუხჩიშვილი და ნ. იოსელიანი, მხატვარი კ. ქავთარაძე, პრეპარატორები—კ. გაბუნია და გ. გოგილაშვილი, ასისტენტები—დ. ციციშვილი და მ. აფხაზი.

მუზეუმის სამეცნიერო საბჭო, რომელიც ბოლო ხანებში ფაქტობრივად აღარ ფუნქციონირებდა, დაშლილად იქნა გამოცხადებული. 1926 წლის თებერვალში დაინიშნა ახალი სამეცნიერო საბჭო, რომელსაც დროებითი საბჭო ეწოდა. მასში შევიდნენ: პროფესორები ალ. ჯანელიძე, გ. ჩუბინაშვილი, ს. ქურდიანი, ფ. ზაიცივი; დოცენტები ნ. იოსელიანი, ს. ყაუხჩიშვილი; განყოფილების გამგეები: ი. ჩხიკვიშვილი, გ. ნიორაძე და მ. შავარდნაძე. საბჭოს მდივნის მოვალეობას ასრულებდა გ. ჩიტაია. 1927 წლის აპრილიდან კი სამეცნიერო საბჭოს მდივანია ავქსენტი აფაქიძე.

მუზეუმის სამეცნიერო საბჭომ დირექტორის პოსტზე წარადგინა პროფესორ ალ. ჯანელიძის კანდიდატურა, რომელიც 1926 წლის 15 მარტს დაინიშნა კიდევ ამ თანამდებობაზე.

ალექსანდრე ილიაშვილის ბე ჯანელიძე (1888—1975 წ.წ.) დაიბადა რატის მაზრის სოფელ ნიკორწმინდაში. სწავლობდა საჩხერეში, ქუთაისის კლასიკურ გიმნაზიაში. შემდეგ სწავლა უნაგრძო ჰარიზში სორბონის უნივერსიტეტში. სამშობლოში დაბრუნების შემდეგ მსახურობდა ქუთაისის ქალთა კერძო ქართულ გიმნაზიაში. ვინაიდან საზღვარგარეთული დიპლომა მასწავლებლობის უფლებას არ იძლეოდა, ა. ჯანელიძემ მოაშურა ქ. ყაზანს ექსტერნად ჩააბარა გამოცდები ყაზანის უნივერსიტეტში. სამშობლოში დაბრუნების შემდეგ, თბილისის უნივერსიტეტის საბჭომ მას შესთავაზა

⁵⁹⁸ საქართველოს მუზეუმის 1922-28 წწ. საკოლექციო დათვარი გვ 58.

საპროფესიოროდ მომზადება გეოლოგიის დარგში და განათლების სამინისტროსთან შეთანხმებით, მივლინებული იქნა ევროპაში. მუშაობდა პარიზში, ერენობლში. 1923 წელს თბილისის უნივერსიტეტში დაიცვა სადოქტორო დისერტაცია და გახდა გეოლოგია-მინერალოგიის მეცნიერებათა დოქტორი. 1925 წელს იგი აირჩიეს თბილისის სახელმწიფო უნივერსიტეტის პროფესორად.

ხელისუფლება თანდათანობით სულ უფრო მეტ ყურადღებას უთმობდა მუზეუმის პრობლემების გადაჭრას. ყოველწლიურად იზრდებოდა მუზეუმის მუშაკთა რიცხვი. 1927-1928 წლებში მუზეუმში მოვიდნენ ახალი თანამშრომლები: განყოფილების გამგედ-პავლე ინგოროყვა, ასისტენტებად-ნიკოლოზ ბერძენიშვილი და ალექსანდრე ბარამიძე, კანცელარიის გამგედ-ავქსენტო აფაქიძე, ბიბლიოთეკარებად-ქრისტინე შარაშიძე და ნინო ნაკაშიძე, პრეპარატორებად ალექსანდრა ვაშაკიძე და ანა ხარაძე.

ასევე ყოველწლიურად იზრდებოდა მუზეუმის დაფინანსებაც. მყარ საფუძველზე დგებოდა მუზეუმის მატერიალურ-ტექნიკური ბაზა.

1927-1932 წლებში, მუზეუმში განყოფილებების, თანამშრომელთა და დაბანდებული თანხების რაოდენობა შევამებულად ასე გამოიხატება:⁹⁹ (ცხრილი 18):

წლები	1927/28	1928/29	1929/30	1930/31	1931/32
განყოფილებები	6	6	8	8	9
თანამშრომლები	29	31	38	39	41
ბელყასი	21157	32861	70857	73552	116603
სამეცნ. ხარჯები	2462	7713	15427	69105	85314
მამურნ. ხარჯები	2742	3300	6219	2550	10400
სამეც. ხარჯები	3658	4150	5061	5945	6486
სულ	30019	48024	97564	151152	218803

მუზეუმის თანამშრომელთა რიცხვის ზრდამ და დაფინანსების გაუმჯობესებამ, მუზეუმის მუშაობა გამოაცოცხლა. 1927-29 წლებში საქართველოს ბევრ კუთხეში მოეწყო მუზეუმის ექსპედიციები: ზოოლოგიური განყოფილების თანამშრომლები ი. ჩხიკვიშვილი, კ. თათარიშვილი და ვ. რეიში მუშაობდნენ ალაზნის ველზე, დედოფლის წყაროსა და სოფელ შილდის მიდამოებში.

ბოტანიკურმა განყოფილებამ ექსპედიცია ჩაატარა თელეთის ველზე, კოჯორსა და ქოროღლის მიდამოებში, თეძმისა და

⁹⁹ ცხრილი შედგენილია საქართველოს მუზეუმის ანგარიშების მიხედვით.

ბორჯომის ხეობებში. ქსპედიციაში მონაწილეობდნენ: ელ. ქიქოძე, დ. სოსნოვსკი და ე. ყარაშურხა.

გეოლოგიის განყოფილების თანაშრომლებმა ა. თვალჭრელიძემ და ი. რუხაძემ ექსპედიციები მოაწყვეს გარე კახეთში, ივრის ხეობაში, ძირულას მასივში, ალბულაღისა და ლისის ტბის მიდამოებში.

არქეოლოგიური და ეთნოგრაფიული ექსპედიციები ჩატარდა მცხეთაში, ზემო რაჭაში, მთიან ქართლში, მდინარე ჩხერიშელას სანაპიროსთან, “ღვეის ხვრელის” გამოქვაბულში. გარდა ამისა, მოხერხდა ზემო-ავეჯალის კიდროელქტროსადგურის მშენებლობის დროს შემთხვევით აღმოჩენილი სამარხის გათხრა.⁶⁰⁰

(აღსანიშნავია 1926 წელს ხევსურეთში ჩატარებული ექსპედიცია, რომელშიც მონაწილეობდნენ: გ. ნიორაძე, გ. ჩიტაია ი. შარლემანი და დ. ციციშვილი. ექსპედიციამ იმუშავა ბარისახოში, ლიქოქში, ხახმატში, ღულში, შატილში და ახიელში. (მუზეუმში ჩამოიტანეს 435 ერთეული ეთნოგრაფიული ნივთი. მათ შორის: სამეურნეო და საბრძოლო იარაღი, გადასაზიდი საშუალებები, ავეჯი, სამკაული და სხვა. ექსპედიციამ შეძლო ერთ-ერთი ხევსურული ხატიდან მოპოვებინა ძველებური “საჯურუბო” (შერისხვის) დროშა.

1927 წლის დასაწყისში შესაძლებელი შეიქნა არქეოლოგიისა და ეთნოგრაფიის განყოფილებების ერთმანეთისაგან განცალკევება. 1929 წელს მუზეუმის განყოფილებებს შეემატა ხელნაწერებისა და ისტორიულ-ეთნოგრაფიული განყოფილებები.

ხელნაწერთა განყოფილება ჩამოყალიბდა ყოფილი წერაკითხვის გამავრცელებელი საზოგადოების, საქართველოს საისტორიო და საეთნოგრაფიო საზოგადოებისა და საეკლესიო მუზეუმების ხელნაწერთა მდიდარი კოლექციების ბაზაზე, რომელსაც 1930 წლის ოქტომბერში მიემატა უნივერსიტეტის სიძველეთა მუზეუმის ხელნაწერთა მთელი ფონდები. საქართველოს მუზეუმში ხელნაწერთა კოლექციებს მიეცათ დამოუკიდებელი ლიტერი—პირობითი ასოითი ნიშანი: საეკლესიო მუზეუმის კოლექციას—A, წერაკითხვის საზოგადოების კოლექციას—S, საისტორიო-საეთნოგრაფიო საზოგადოების კოლექციას—H, ხოლო მუზეუმის ახალ

⁶⁰⁰ ჯანელიძე აღ. საქართველოს მუზეუმის 1927 წლის მუშაობის ანგარიში, სსმ მოაზბე, ტ. IV, 1928, გვ. 375.

კოლექციას—Q ლიტერი. განყოფილების გამგე გახდა პავლე ინგოროყვა.

ისტორიულ-ეთნოგრაფიული განყოფილებაც შეიქმნა საქართველოს საისტორიო და საეთნოგრაფიო მუზეუმის ნიეთიერი ფონდების ბაზაზე და გადმოტანილ იქნა საქართველოს მუზეუმში თავისი ინვენტარით

მუზეუმის ახალი შენობის ნაწილობრივ დამთავრებასა და მასში განყოფილებების გადასვლასთან დაკავშირებით დაისვა ახალი გამოფენების მოწყობის საკითხი. მუზეუმის შენობის სამხრეთ ფრთაში, ზოოლოგიური გამოფენის გაფართოებასთან ერთად 1927 წლის მაისში სამეცნიერო საბჭოს სხდომაზე გადაწყდა შენობის ჩრდილოეთ ფრთაში აუდიტორიის ზემოთ არსებულ ოთახებში ხევისურეთისა და ფშავეის ამსახველი ეთნოგრაფიული გამოფენების მოწყობა. საგამოფენო მასალების მოძიებისა და შევსების მიზნით 1928 წლის გაზაფხულზე ამ რეგიონებში ჩატარდა ექსპედიცია, რისთვისაც გამოიყო 55 ათასი მანეთი. მასში მონაწილეობდნენ გ. ჩუბინაშვილი, გ. ნიორაძე, გ. ჩიტაია და ს. ყაუხჩიშვილი; ამ პერიოდში ს. მაკალათია მივლინებით იმყოფებოდა ზემო რაჭაში.

1927—1929 წლებში მუზეუმს ბევრი მნიშვნელოვანი ექსპონატი შეემატა: კ ავალიშვილის, მ. ანდრონიკაშვილის, ი. მუჩაიძის, პ არჯევანიძის, გ. ზელინსკაიას, ლ. ნიკოლაიშვილის და სხვათაგან შემოწირულობისა თუ შესყიდვის გზით მიღებულმა ნივთებმა გაამდიდრეს მისი ფონდები. განსაკუთრებით უნდა აღინიშნოს ცნობილი მეიარაღე სპეციალისტის პოლკოვნიკ ზ. კობიაშვილისგან მიღებული საბრძოლო იარაღის საუცხოო კოლექცია, რომელიც შედგებოდა 184 ერთეულისაგან. ამ კოლექციიდან აღსანიშნავია გიორგი სააკაძისეული კაეის თოფი წახნაგოვანი ფოლადის ლულით, წაშლილი წარწერით და დამღათ. თოფს გააჩნდა ლითონის სამი საღტე, ამობურცული ჰეიდურობით. ჩახმახი შექმული იყო ყურცხლას ფირფიტებით. კონდახზე პკონდა ინკრუსტაცია.⁶⁰²

ასევე აღსანიშნავია—პაჯი მურატის ნაქონი თოფი და ერეკლე მეორის შვილის, ალექსანდრე ბატონიშვილის რახტი.⁶⁰³

მაგრამ მთავარი საზრუნავი, როგორც ხელისუფლების, ისე მუზეუმის დირექციისა, რუსთაველის გამზირზე მთავარი საგამოფენო კორპუსის მშენებლობის დამთავრება იყო, რითაც

⁶⁰¹ სსმ არქივი, 1927, № 38, ფ. 4.

⁶⁰² საქართველოს მუზეუმის 1929-1931წწ. საკოლექციო დავთარი, გვ. 23.

⁶⁰³ იქვე, გ. 42.

შეერთდებოდა უკვე აგებული შენობის ჩრდილოეთისა და სამხრეთის ფრთები. განსაკუთრებული ყურადღება დაეხმო მინარეთის მსგავსი კოშკებიანი, სპარსულ სტილში გადაწყობილი მუზეუმის ფასადის გადაკეთებას.

ჯერ კიდევ 1923 წელს განათლების სახალხო კომისარიატის დადგენილებით, შედგა მუზეუმის შენობის ფასადის გადაკეთებაზე წარმოდგენილი პროექტების შემაჯავებელი კომისია ივ. ჯავახიშვილის თავმჯდომარეობით. კომისიაში შევიდნენ: გ. ჩუბინაშვილი, დ. შევარდნაძე, ო. შარლემანი, გ. გრინვესკი და ნ. ყოფიანი.⁶⁰⁴ კომისიამ თავისი სხდომა ჩაატარა 1923 წლის 18 ივლისს და დაადგინა: “ხმების უმეტესობით მიეცეს I პრემია (ჯილდო 375 მან.) არქტ. ნ. სევეროვს, როგორც შედარებით დამაკმაყოფილებელად შესრულებული პროექტისათვის, მაგრამ შენობის აგების დროს მასში უნდა იქნას შეტანილი ზოგიერთი ცვლილებები. II პრემია (ჯილდო 125 მან.) კი მიეცეს ან. კალგინის პროექტს, როგორც მხატვრულად შესრულებულს”.⁶⁰⁵ მაგრამ 1923 წელს, კონკურსში გამარჯვებულის დასაჯილდოებლად და ვერც პროექტის პრაქტიკულად განსახორციელებლად სათანადო თანხის გაღება ვერ მოხერხდა.

ნ. სევეროვის მიერ წარდგენილი გამარჯვებული პროექტის ვარიანტი თითქოსდა ითვალისწინებდა ძველი ქართული არქიტექტურის მოტივებს (ბოლნისის სიონის, სვეტიცხოვლის ორნამენტებს), მაგრამ არ იყო თავისუფალი ეკლექტიზმისგან და გადატვირთული იყო. კომისიის დაეალებით, ნ. სევეროვი წლების მანძილზე აგრძელებდა მუშაობას პროექტზე და ხეყვდა მას.

(1927 წლის 21 ივლისს სახალხო კომისართა საბჭომ ლ. ქართველიშვილის თავმჯდომარეობით სპეციალური სხდომა ჩაატარა საქართველოს მუზეუმის შენობის მთავარი კორპუსის მშენებლობის დამთავრების საკითხზე და მიიღო დადგენილება. იგი ითვალისწინებდა შემდეგ პუნქტებს: “1. აუცილებლად იქნას მიჩნეული საქართველოს მუზეუმის მშენებლობის დასამთავრებელი სამუშაოების დაუყოვნებლივ დაწყება. 2. ამისათვის სახელმწიფო ბიუჯეტიდან გამოიყოს 100000 მანეთი, ხოლო დანარჩენი თანხა გამოინახოს საბანკო კრედიტის სახით. 3. შეიქმნას სააღმშენებლო კომიტეტი შემდეგი შემადგენლობით: ს. ჯუღელი (თავმჯდომარე), დ. კარდელიაძე, მ. ორახელაშვილი,

⁶⁰⁴ სუი არქივი, ფ. 300, ან. 3, საქ. 69, ფ. 94.

⁶⁰⁵ სსმ არქივი, 1923, 153/141, ფ. 116.

ლ. სუხიშვილი, რ. დუმბაძე, ა. მიქელაძე, მხატვარი დ. შვეარდნაძე, პროფესორები გ. ჩუბინაშვილი და ალ. ჯანელიძე, არქიტექტორი ნ. სევეროვი⁶⁰⁶ სახკომსაბჭომ ხუთი დღის შემდეგ 26 ივნისის სხდომაზე კომიტეტის შემადგენლობას დაუმატა ახალი წევრი—ლაგერენტი ბერია.⁶⁰⁷

ახლად შექმნილმა სააღმშენებლო კომიტეტმა თავის მხრივ ჩამოაყალიბა სამშენებლო-ტექნიკური კომისია, რომელსაც ევალებოდა მშენებლობის მომდინარე საკითხების პრაქტიკულად მოგვარება. კომისიას თავმჯდომარეობდა განათლების სახალხო კომისიის მოადგილე მარიაშ ორახელაშვილი. წევრებად მიიწვიეს არქიტექტორები მ. ნეპრინცევი და ნ. სევეროვი. კომისიას შენობის ფასადის სამუშაოების დასაჩქარებლად გამოეყო 350000 მანეთი.⁶⁰⁸

სააღმშენებლო კომიტეტმა მშენებლობის ხელმძღვანელად დანიშნა ნ. სევეროვი, რომელსაც საკმაოდ მაღალი ანაზღაურება --თვეში 400 მანეთი დაენიშნა.

ნიკოლოზ ძეგლეს ძე სევეროვი(1887—1957 წ.წ.) დაიბადა თბილისში. პეტერბურგის სამოქალაქო საინჟინრო აკადემიის დამთავრების შემდეგ 1915 წელს ბრუნდება თბილისში და პროფ. გ. ჩუბინაშვილთან ერთად ქართული მატერიალური კულტურის ძეგლების შესწავლის მიზნით ბერს მოგზაურობს საქართველოს სხვადასხვა მხარეში. მან აზომა, შეისწავლა და მეცნიერული გამოკვლევები მიუძღვნა მცხეთის ჯვარს, კუმურდოს, ნიკორწმინდას. ნეკრესს, ალავერდს და სხვა ქართულ ხუროთმოძღვრულ ძეგლებს. შემდეგ თავის შემოქმედებაში მან კარგად გამოიყენა მიღებული ცოდნა და ძველი ქართული არქიტექტურის ტრადიციები. ნ. სევეროვი იყო თბილისის სამხატვრო აკადემიის ერთ-ერთი ჩამომყალიბებელი და წლების განმავლობაში მისი პროფესორი.

სამშენებლო კომისიამ ცალკეული სამუშაოების შესასრულებლად მიიწვია იმ დროს თბილისში არსებული მოიჯარადე ორგანიზაციები: "სამშენი", ანდრეილექტი და ვილა ლორენცინი, აგრეთვე მირზოიანისა და აგლაძის კერძო ფირმები. ძირითადი სამუშაოების შესრულება დაეწყო სამშენებლო-სამრეწველო სააქციო საზოგადოება—"სამშენს", რომლის მთავარი კანტორა იქვე მუშობდად, თავისუფლების მოედნის №3-ში იყო მოთავსებული.

⁶⁰⁶ სსმ არქივი, 1927, №40, ან. 1, ფ. 2.

⁶⁰⁷ სუი არქივი, ფ. 600, ან. 1, საქ. 47, ფ.119.

⁶⁰⁸ ჯანელიძე ალ., საქართველოს მეზეუმის 1927 წლის ანგარიში, სსმ მოამბე, ტ. IV, 1928, გვ. 376.

სამშენებლო მასალებს იღებდნენ საბჭოეთის სხვადასხვა ადგილიდან: ცემენტი შემოქონდათ ბათუმიდან, ხე-ტყე—სტალინგრადიდან, რკინის არმატურა—უკრაინიდან და სხვა.

სამუშაოთა დიდ ნაწილს ხელშეკრულებით ასრულებდა გეორჯ მირზოიანის ფირმა.⁶⁰⁹ სამშენებლო სამუშაოების მიმდინარეობის ყოველდღიურ კონტროლს ახორციელებდა და დახმარებას უწევდა რესპუბლიკის მთავრობა. მისი წევრები: (ს. ჯუღელი დ. კანდელაკი და მ. ორახელაშვილი) უშუალოდ იყენებდნენ ჩაბმული მშენებლობის პროცესში, ხელისუფლება აქტიურად შუამდგომლობდა რესპუბლიკის ბანკებს, რომ მათ ამ მშენებლობისათვის დროულად მიეწოდებინათ კრედიტები, ცალკეული შესრულებული სამუშაოების მიღება-ჩაბარებისას, არ ერიდებოდა იმ დროს დაკანონებული წესების შეცვლას (მაგ. სამუშაოების ღია კონკურსის გარეშე ჩაბარება) და სხვა, აჯილდოვებდა და პრემიებით ახალისებდა მშენებლობის მოწინავე მუშაკებს.

1927 წლის 9 აგვისტოს სახალხო კომისართა საბჭომ №28 ოქმით დაამტკიცა ნ. სევეროვის მიერ წარმოდგენილი მუზეუმის შენობის ფასადის ჩასწორებული და გაუმჯობესებული პროექტი. მისი მეორე ვარიანტი უფრო დახვეწილი იყო და გამოირჩეოდა კომპოზიციური მთლიანობით.. ამასთან ერთად, მშენებლობის გაიაფების მიზნით, შესაძლებლად მიიჩნევს ფასადის მოსაპირკეთებელი ქუთაისური ქვა შეცვლილიყო ძეგამის ქვით, ხოლო ალგეთის ქვა—ეკლარის ქვით.

სამშენებლო კომისიამ დიდი ენერგიით დაიწყო მუშაობა. მხოლოდ 1927 წელს მშენებლობაზე დახარჯულმა თანხამ 400000 მანეთს მიაღწია, რაც აღემატებოდა გამოყოფილ თანხას. საჭირო შეიქმნა დამატებითი დაფინანსება.

1927 წლის ბოლოს სახალხო კომისართა საბჭომი სახელმწიფო ბიუჯეტიდან 1600,000 მან. გამოყო საქართველოს მუზეუმის შენობის დასამთავრებლად.⁶¹⁰

მუზეუმის შენობის დასამთავრებელი სამუშაოები საკმაოდ სწრაფი ტემპით მიმდინარეობდა. მშენებლობის დროს ფართოდ გამოიყენებოდა იმ დროს შემოღებული და მეტად გაერცვლებული მუშაობის ფორმები: დამკერელობა და სოციალისტური შეჯიბრება. მთავრობის სხდომებზე მრავალჯერ აღინიშნებოდა ინჟინერ-არქიტექტორ ნ. სევეროვის უნარიანი ხელმიქვანელობა.

⁶⁰⁹ სუი არქივი, ფ. 600, ან. 1, საქ. 1215, ფ. 10.

⁶¹⁰ სუი არქივი, ფ. 284, ან. 1, საქ. 350, ფ. 109.

1928 წლის თებერვალში სააღმშენებლო კომიტეტმა განიხილა ნ. სევეროვის პროექტის შესამე ვარიანტი და რეკომენდაცია მისცა მას, რომ დამტკიცებულიყო როგორც საბოლოო დოკუმენტი. ამასთან ერთად, კომიტეტმა გადაწყვიტა შენობის ფასადის შევირღები, სვეტისთავეები და ლავგარდანები დაეშაადებინათ ბუნებრივი ქვისაგან, მოუპირკეთებინათ მხოლოდ პირველი სართული, ხოლო დანარჩენი ნაწილი კი — ბათქაშით შეეესოთ. როგორც სპეციალისტები აღნიშნავენ, ამით შენობის საერთო სახემ საგრძობლად წააგო. ⁶¹¹

მშენებლობის დროს ხშირი იყო სამწუხარო ინციდენტებიც. 1928 წლის მაისის წერილში მუზეუმის დირექცია მიუთითებდა მშენებლობის უფროსს ნ. სევეროვს: “მიუხედავად არაერთგზის ჩვენი განცხადებისა, მუზეუმის ახალ შენობაში ისევ განმეორდა ქურდობის შემთხვევები. მიმდინარე წლის 6 მაისს აღმინისტრაციის დაუკითხავად გაღებული იქნა მარცხენა ფლიგელის ოთახი, საცა გეოლოგიური განყოფილების ქონება ინახებოდა. მის შემდეგ სამი კარადის ვიტრინა გატეხილი იღმონდა, საკეტები წაღებული” ⁶¹² და ა. შ.

(1929 წლის გაზაფხულზე დასრულდა საქართველოს მუზეუმის მშენებლობა. რუსთაველის გამზირის გასწვრივ ნ. ვანნაძისა და ა. ფურცელაძის ქუჩებს შორის მთელ კვარტალზე, თითქმის 90 მეტრის სიგრძეზე, აღიმართა შენობა, რომელიც გახდა თბილისის ერთ-ერთი საუკეთესო და ღირსშესანიშნავი ნაგებობა. ...

სიგრძის გასანეიტრალებლად ფასადი დანაწევრებულია საერთო დონიდან წინ გამოწეული ცენტრალური და ორი გვერდითი თაღებიანი შევირღებით — რიზალიტებით, რომელიც შენობის ძირითად ნაწილთან ქმნიან ერთიან, მთლიან მოცულობას. ფასადის ქვედა ორ სართულზე გამოდინა დიდი ზომის ფანჯრები, შესამე სართულის კედლები კი დააყარულია ქრომიანეთთან დაკავშირებული ნახევრადწრიული დეკორატიული თაღებით. მათ ცენტრებში მოთავსებულია დიდი რიზელები, რომელთა ფორმებში ოსტატურად გამოყენებულია ძველი ქართული არქიტექტურული მოტივები.

სპეციალისტებში მიღებული აზრით, საქართველოს მუზეუმის შენობის “არქიტექტურის დეტალები და ელემენტები, მოტივები და ხერხები ნასესხებია ეროვნული

⁶¹¹ ჯაში ნ., სპეციალისტური თბილისის ხუროთმოძღვრება, თბ., 1983, გვ. 16.

⁶¹² სსმ არქივი, 1926 № 40, ფ. 197.

ხუროთმოძღვრების მდიდარი მემკვიდრეობიდან. გააზრებულად, ლოგიკურად გარდაქმნილი სახით გამოუყენებულნი, ისინი ქმნიან არქიტექტურულ იერსახეს, რომელიც შეესაბამება შენობის დანიშნულებას.”⁶¹³

ასე აშენდა 1929 წელს დედაქალაქის ცენტრში საქართველოს მთავარი მუზეუმის საკადრისი შენობა, რომელსაც მრავალი წლის შრომა და ძალისხმევა დასჭირდა.

საქართველოს მუზეუმის შენობა სამართლიანად არის მიჩნეული ქართულ არქიტექტურაში ერთ-ერთ მნიშვნელოვან საექსპოზიციო ნაგებობად. იგი ითვლება ძველი ეროვნული ხუროთმოძღვრული მემკვიდრეობისა და ახალი ქართული არქიტექტურული ფორმების წარმატებული შერწყმის ნიმუშად.

აქვე უნდა აღინიშნოს, რომ მუზეუმის ახალ შენობას თავიდანვე ზოგიერთი ნაკლი დაჰყვა: 1. ნაგებობა სიგრძეში ძალზე გაწეული აღმოჩნდა. ამის გამო, საგამოფენო დარბაზების შესასვლელები ერთმანეთის მიმართებაში არ აღმოჩნდა სწორ ღერძზე, რის შედეგადაც დაირღვა გამჭოლი ხედვა და შეიზღუდა სააქცენტო ადგილების უფექტიანობა.

2. წყალგაუმტარობის მიღწევის თვალსაზრისით, ყოველთვის პრობლემებს ქმნიდა (და ახლაც ქმნის) შენობის ბრტყელი, ბახური გადახურვა.

მუზეუმის შენობის დამთავრებამ უკეთესობისკენ შეცვალა საქართველოს მუზეუმის ორგანიზაცია და სულ ახალი მიმართულება მისცა მის დანიშნულებას და საქმიანობას.

თუ წინა წლებში მუზეუმის თანამშრომელთა მუშაობა ძირითადად მოძიებით-შემგროვებლობითი და სამეცნიერო საქმიანობით შემოიფარგლებოდა, ახალი შენობისა და საგამოფენო დარბაზების მწყობრში ჩადგომის შემდეგ მათ წინაშე დღის წესრიგში დადგა საგამოფენო სამუშაოთა უარყოფითი გაშლის ამოცანა. ამ ამოცანის გადაჭრა ხშირად ადვილი არ იყო. უნდა გათვალისწინებულყო ხელისუფლების დაკვეთა და ქვეყნად შექმნილი ახალი საზოგადოებრივი პოლიტიკური მოთხოვნის დაკმაყოფილება.

როგორც მუზეუმის ერთ-ერთ ანგარიშში იყო ნათქვამი: “საბუნებისმეტყველო განყოფილებებმა ახლა ტექნიკურ-ეკონომიკური ამოცანები დაისახეს, ე. ი. ქვეყნის საწარმოო ძალების ჩვენება და მათი დაკავშირება სამეურნეო აღმშენებლობასთან. ზოგად-ისტორიული განყოფილებებიც

⁶¹³ ჯაში ნ., სოციალისტური თბილისის ხუროთმოძღვრება, თბ., 1983, გვ. 16.

აგრეთვე ახალ საფუძველზე დადგნენ, რომ უჩვენონ მასებს მთლიანი ისტორიული განვითარების პროცესი, შეიარაღონ მასები დრომოჭმული საზოგადოებრივ-ეკონომიკურ ფორმაციებთან და კლასებთან აქტიური ბრძოლისათვის და ჩააბან ისინი სოციალიზმის აღმშენებლობაში.⁶¹⁴

ხშირად ხელისუფლების დაკვეთის გათვალისწინება არ ხერხდებოდა, რასაც ბევრი მუზეუმელი ეწირებოდა. მარტო მუზეუმის ოთხი დირექტორის გამოცხადება “შავნებლად”- კმარა ამის საილუსტრაციოდ.

მიუხედავად ზეწოლისა, მუზეუმი მაინც ყოველთვის აგრძელებდა თავის ტრადიციულ საქმიანობას, არ ღალატობდა წლების მანძილზე დამკვიდრებულ პროფესიონალიზმსა და ქვეყნის სამსახურს.

1928 წლის 11 ოქტომბერს შემდგარმა მუზეუმის დროებითმა სამეცნიერო საბჭომ საბოლოოდ გადაანაწილა განყოფილებებს შორის საექსპოზიციო ფართი. მიღებული გადაწყვეტილებით, ახალი საგამოფენო კორპუსის მარჯვენა მხარეს მდებარე დარბაზებს დაიკავებდა ჰუმანიტარული განყოფილებები (ქვედა სართულებს არქეოლოგია, ზედას – ეთნოგრაფია), ხოლო მარცხენა მხარისა და ფლიოგელის დარბაზებს საბუნებისმეტყველო განყოფილებები.⁶¹⁵

საგამოფენო საქმიანობის მოწინავე მეთოდების გასაცნობად მუზეუმის რამდენიმე მუშაკი (აღ. ჯანელიძე, ან. კაკაბაძე, გ. ჩიტაია, გ. ჩუბინაშვილი) მიყვინებით გააგზავნეს საბჭოთა კავშირის დიდ სამუზეუმო ცენტრებში: ლენინგრადში, მოსკოვში, კიევსა და ხარკოვში. მუზეუმის მთელი ძალები ჩაება თემატურ-საექსპოზიციო გეგმების შემუშავებაში.

დაფინანსების შეზღუდულობის გამო შეუძლებელი იყო ყველა განყოფილებას ერთდროულად მოეწყო გამოფენები. ამიტომ გადაწყდა, რომ პირველ რიგში მუზეუმის ის კოლექციები გამოფენილიყო, რომლებიც რესპუბლიკის შინამრეწველობის, ნედლეულისა და წარმოების ეკონომიკური გამოყენების საკითხებს უკავშირდებოდა. ახალი საგამოფენო მასალის მოსაგროვებლად დამატებით ორჯერ მოეწყო ექსპედიცია ხევსურეთში გ. ჩიტაიას ხელმძღვანელობით. ექსპედიციის აქტიური წევრი იყო ვერა ბარდაველიძე-ლომია.

⁶¹⁴ საქართველოს მუზეუმის 1931-32 წწ მუშაობის ანგარიში, სსმ მოამბე, ტ. VII, ტფ., 1933, გ. 337.

⁶¹⁵ სსმ არქივი, 1928, №38, ფ. 23.

1929 წლის იანვარში აღ. ჯანკლიძემ საკუთარი სურვილით დატოვა მუზეუმის დირექტორის თანამდებობა და მის ადგილზე დაინიშნა ანანია (ანატოლი) კაკაბაძე, რომელიც მანამდე მუშაობდა თბილისის გეოფიზიკური ობსერვატორიის დირექტორად. მისი მოღვაწეობა მუზეუმში დიდხანს არ გაგრძელებულა. 1931 წლის მაისში იგი გათავისუფლდა დაკავებული თანამდებობიდან.

1927-28 წლებში პროფესორ ივანე ჩხიკვიშვილის ხელმძღვანელობით ჩატარდა ზოოლოგიური გამოფენის რეექსპოზიცია. გამოფენამ დაიკავა სამხრეთის ფლიგელის ორი სართული. ტაქსიდერმისტ კ. კრელის ადრე დამზადებული ექსპონატები ახლებურად, შემოქმედებითად წარმოადგინა მხატვარ-დეკორატორმა ივანე ვეფხვაძემ. გამოფენაში ჩაერთო კავკასიის მუზეუმის ძველი, რადესიული ზოოლოგიური ექსპონატებიც. ექსპოზიცია მოეწყო ლანდშაფტურ-გეოლოგიური პრინციპით და ასახავდა საქართველოს თითქმის ყველა ლანდშაფტის ცხოველსა და ფრინველს. მათი ფიტულები წარმოდგენილი იყო დამახასიათებელ ბუნებრივ გარემოში—ამისთვის სპეციალურად დამზადებული რვა დიორამის ფონზე—ამ არსებათა დამახასიათებელი ქცევებისა და პოზების გათვალისწინებით. გამოფენა ერთ-ერთი საუკეთესო იყო საბჭოთა კავშირში და მან დიდი საერთაშორისო აღიარებაც მოიპოვა.

საბჭოეთის მთავარი მწერალი მაქსიმ გორკი, რომელსაც 1928 წელს უნახავს ეს გამოფენა, წერდა: "ზოოლოგიური გამოფენა უნახე და უნდა ვთქვა, რომ მას სანიმუშოდ აწყობენ თვალსაჩინოებით, სიღამაზით."⁶⁶

1929 წლის გაზაფხულიდან დაიწყო ხევსურეთის ეთნოგრაფიული გამოფენის მოწყობა, რომლის ავტორი იყო გ. ჩიტაია. მხატვრული გაფორმება მიენდო პროფ. ი. შარლემანს. ცალკეულ მხატვრულ სამუშაოებს ასრულებდნენ ახალგაზრდა მხატვრები რ. შმერლინგი და ს. საბუცკი.⁶⁷ გამოფენისთვის საჭირო ინვენტარი და ავეჯი დაამზადლა ი. შარლემანის ესკიზებით, თუმცა გამოყენებულ იქნა კავკასიის მუზეუმის რადესიული ძველი ვიტრინები და კარადები. ამ პერიოდში ახალი საგამოფენო ავეჯის დასამზადებლად მუზეუმის ეზოშივე

⁶⁶ საქართველოს სახელმწიფო მუზეუმის ზოოლოგიური განყოფილების შთაბეჭდილებათა წიგნი, გვ. 16.

⁶⁷ საქართველოს მუზეუმის 1928-30 წწ. მუშაობის ანგარიში, ტ. VI, ტფ., 1931, გ. 464.

მოეწყო სადურგლო სახელოსნო, რომელიც კიდევ დიდხანს ფუნქციონირებდა.

ხევსურეთის გამოფენის მოწყობას საფუძვლად დაედო ამ მთიანი რეგიონის მოსახლეობის შრომის, ყოფისა და კულტურის ამსახველი ეთნოგრაფიული მასალის კომპლექსურად ჩვენება. საგამოფენო დარბაზებში დიდი გემოვნებით და საქმის ცოდნით მოეწყო ნატურალური ზომის ხევსურული ბინის და სამლოცველო კოშკების (სასანათლო და საქურუმო) მოდელები, რომლებშიც მოთავსდა დედანი ეთნოგრაფიული მასალა: ტანსაცმელი, საბრძოლო თუ სამეურნეო იარაღი, საყოფაცხოვრებო ნივთები, სამკაული, კერამიკა, ქსოვილი და სხვა.

ექსპოზიცია გაიხსნა 1931 წელს.) მან დაიკავა ახალი კორპუსის III სართულის ორი დარბაზი (400-მდე კვმ). ამგვარი გამოფენა არა მარტო საქართველოში არამედ მთელ საბჭოთა კავშირში სიახლეს წარმოადგენდა და დიდი ინტერესი გამოიწვია დამთვალიერებელში. თუმცა იყო სხვა შეხედულებებიც. გ. ჩიტაია იხსენებდა, რომ თბილისში იმხანად სასწავლებლად ჩამოსული ხევსურების ერთი ნაწილი ახირობდა: “ჩიტაიას ხევსურები ველურად ჰყავს წარმოდგენილი. სასანათლო კოშკის თავზე ფალოსის გამოსახულება ყალბია და ამგვარი რამ ხევსურეთში არ არსებობს. საჩივარი შეიტანეს ცეკაში.”⁶¹⁸

გამოფენის აუტორებსა და მუზეუმის დირექციას დიდი ძალისხმევა დასჭირდათ თავის მართლებიანათვის.

ხევსურეთის ექსპოზიციის შემდეგ, მუზეუმში შეუდგა გეოლოგიური გამოფენის მოწყობას, რომელზეც განზრახული იყო რესპუბლიკის სასარგებლო წიაღისეულის ჩვენება.

გარდა ამისა, პოლიტგანათლების ხაზით, მუზეუმში მოაწყო მოძრავი გამოფენები ზოოლოგიის, რელიგიის ისტორიისა და პირველყოფილი ადამიანის კულტურის ამსახველი და სხვა.

საქართველოს მუზეუმში რეალურად იქცა საზუგუემო მასალათა თავმოყრისა და დაცვის ცენტრად. მთაერობის გადაწყვეტილებით საქართველოს მუზეუმის შეუერთდა სხვა სამუზეუმო დაწესებულებები. 1928 წლის 17 ივლისს განათლების სახალხო კომისარი დ. კანდელაკი მოახსენებდა სახკომსაბჭოს თავმჯდომარეს: “საქართველოს მუზეუმის შენობა

⁶¹⁸ ჩიტაია გ., ჩემი ცხოვრების გზებსა და ბილიკებსზე, თბ., 1988, გვ.72.

მაღლე მზად იქნება და ჩვენც შეუდგებით რესპუბლიკის ყველა სამუზეუმო ფონდის ცენტრალიზაცია-რაციონალიზაციას".⁶¹⁹

1928 წლის 24 აგვისტოს სახალხო კომისართა საბჭომ მიიღო დადგენილება, რომლითაც "წინადადება მიეცა ყველა სახელმწიფო ორგანოს, ვის განკარგულებაშიც იყო რაიმე სამხატვრო კოლექცია ან მხატვრული მნიშვნელობის ცალკე ნივთი, 2 თვის განმავლობაში გადაეცა საქართველოს განათლების სახალხო კომისარიატისთვის საქართველოს მუზეუმში მოსათავსებლად".⁶²⁰

1929 წელს საქართველოს მუზეუმმა მიიღო და სახელმწიფო უნივერსიტეტის შენობიდან გადმოიტანა საისტორიო-საეთნოგრაფიო საზოგადოების მუზეუმის კოლექციები და ბიბლიოთეკა. ეს უკანასკნელი შეუერთდა მუზეუმის ბიბლიოთეკას, ხოლო გაუქმებული საზოგადოების კოლექციების ბაზაზე, როგორც ზევით აღინიშნა, ჩამოყალიბდა ორი ახალი უჯრედი: ხელნაწერთა განყოფილება და ისტორიულ-ეთნოგრაფიული განყოფილება. პირველს დაეთმო მუზეუმის ზეპირკვლევის (ცოკოლის) სართულში ორი საფონდო ოთახი-სეიფი ხელნაწერების შესანახად და სამი საბუშო ოთახი, ხოლო მეორე-მითავესდა ახალი კორპუსის მეორე სართულზე და აქვე მოაწყო გამოფენა, სადაც წარმოდგენილი იყო ისტორიული ხასიათის მეტად საინტერესო ნივთები და ქართული ხელსაქმის ექსპონატები.

1929 წელსვე მუზეუმში გადმოიტანეს პედაგოგიური მუზეუმის კოლექციები, რომელთა დიდი ნაწილი მანამდე სხვადასხვა სასწავლო ტექნიკუმებს გადაეცათ.

ამავე პერიოდში მუზეუმმა მიიღო სასოფლო-სამეურნეო მუზეუმისა და ბორჯომის დენდროლოგიური მუზეუმის ექსპონატები, რითაც გაამდიდრა თავისი ბოტანიკური განყოფილების ფონდები. მაგრამ განსაკუთრებით მნიშვნელოვანი იყო სახელმწიფო უნივერსიტეტის ხელნაწერთა კოლექციების, უნივერსიტეტის ხელოვნების კაბინეტთან არსებული ძველი ქართული ხელოვნების მუზეუმის ფონდების და უნივერსიტეტის ფოტოთეკის (რომელშიც 40000-მდე ნეგატივი ირიცხებოდა) გადაცემა.

მთელი ამ ზღვა სამუზეუმო მასალის სათანადო ფონდებში დაბინაებაში მონაწილეობა მიიღო მუზეუმის მთელმა კოლექტივმა, რასაც დიდი შრომა დასჭირდა. მუზეუმის

⁶¹⁹ სუი არქივი, ფ. 600 ან. I საქ. 1758 ფ. 5.

⁶²⁰ სუი არქივი, ფ. 600, ან. I, საქმე, 1758, ფ. 7.

ანგარიშებში განსაკუთრებით გამოყოფილია პეღე ინგოროყუა, ნიკოლოზ ბერძენიშვილი და ალექსანდრე ბარამიძე, რომლებმაც “ხელნაწერთა ფონდის გადარჩევა და დალაგება ჩაატარეს დაქვერელური ხაზით”.⁶²¹

მუზეუმების გაერთიანების პროცესი შემდგომ წლებშიც გრძელდებოდა. განათლების სახალხო კომისარიატის დადგენილებით საქართველოს მუზეუმს შეუერთდა 1930 წელს სახელმწიფო უნივერსიტეტის ბაზაზე ჩამოყალიბებული პედაგოგიური ინსტიტუტის მუზეუმი, რომელმაც თავის მხრივ გააერთიანა უნივერსიტეტის სიმეღლეთსაცავისა და საისტორიო-საეთნოგრაფიო საზოგადოების მუზეუმის დარჩენილი ნაწილი.⁶²²

სამუზეუმო მასალათა კონცენტრაცია მოგვიანებით, ისეთი მასშტაბებით გაფართოვდა, რომ საპირისპირო შედეგები იყო მოსალოდნელი. საქართველოს მუზეუმს შეურთეს ისეთი მუზეუმები, რომლებსაც როგორც სტრუქტურულად, ისე პროფილით, მასთან არაერთარი კავშირი არ ჰქონდა. 1931-32 წლებში საქართველოს მუზეუმს შეუერთდა სათეატრო მუზეუმი, განათლების კომისარიატის პედაგოგიური მუზეუმი. აღძრული იყო საკითხი სააღმშენებლო, ანტირელიგიური, კურორტოლოგიის, ავიაციის და სხვა სამუზეუმო ერთეულების საქართველოს მუზეუმის შემადგენლობაში შესვლის შესახებ. საქართველოს მუზეუმის დირექციას დიდი მეცადინეობა დასჭირდა ამ გადაწყვეტილებების და ექსპერიმენტების აცილებისთვის.

დიდძალი სამუზეუმო მასალების მიღება მეტად გაზარდა საქართველოს მუზეუმის ორგანიზმი და მას უფრო მეტად გამოკეთილი, დიფერენცირებული სახე მისცა. გაიზარდა აგრეთვე მუზეუმის თანამშრომელთა რაოდენობა.

(1931 წელს უნივერსიტეტიდან მუზეუმში სამუშაოდ გადმოდის დიდი ქართველი ისტორიკოსი ივანე ჯავახიშვილი. იგი ჯერ ამ დაწესებულების მეცნიერ-კონსულტანტია, ხოლო 1937 წლიდან სიცოცხლის ბოლომდე მუშაობს ისტორიის განყოფილების გამგის თანამდებობაზე.) ივანე ჯავახიშვილი თავიდანვე აქტიურად ებმევა მუზეუმის ცხოვრებაში და როგორც მოსალოდნელი იყო უკიდურეს კვალს ტოვებს ამ დაწესებულების საქმიანობის ყველა სფეროზე. მუზეუმის

⁶²¹ საქართველოს მუზეუმის 1928-1930 წწ. მუშაობის ანგარიში, სსმ ნომბე, ტ. VI, ტფ., 1931, გ. 466.

⁶²² მეტრეველი რ., საქართველოს საისტორიო-საეთნოგრაფიო საზოგადოება, თბ., 1988, გვ. 193.

მუშაობის გასაუმჯობესებლად ადგენს პროექტებს, შემოაქვს წინადადებები, გეგმავს ახალგაზრდა სამეცნიერო კადრების მომზადებას და სხვა. მუზეუმის მთავარი ამოცანების განსაზღვრისას თანამშრომელთა საერთო კრებაზე 1935 წლის 29 ივნისს იგი აცხადებდა: “საქართველოს მუზეუმი დიდი დაწესებულებაა. 1. მან უნდა ასახოს წარსული და თანამედროვე კულტურა და ამ მიზნით უნდა დააგროვოს სწმუნეუმი ნაშთები და მასალები საქართველოს ყოველმხრივი მეცნიერული შესწავლისათვის. 2. მას სოციალური მოვალეობაც აწევს: მან ფართო საზოგადოებასა და მეტადრე ისტორიული ცოდნის გასაღრმავებლად დახარება უნდა გაუწიოს მოსწავლე-ახალგაზრდობას და 3. საქართველოს მუზეუმი, როგორც უმაღლესი სამეცნიერო დაწესებულება, ინტენიურ მეცნიერულ მუშაობას უნდა აწარმოებდეს. ეს შესაძლებელია მხოლოდ მტკიცე გეგმის საფუძველზე მოხერხდეს, რაც როგორც ჩანს საქმეზე მთლად ასე არ უნდა იყოს”⁶³ .. და მოითხოვდა მდგომარეობის დაუყონებლივ გამოსწორებას. საქმის მოსაგვარებლად მას მიაჩნდა, რომ “მთავარი მნიშვნელობა თვით მუზეუმის აღწერილობას, სამეცნიერო კვლევა-ძიებასა და მუშაკების საქმიანობას აქვს”.

ივანე ჯავახიშვილი საქმისადმი დამოკიდებულებით და თავისი დაუდალავი შრომით, პირად მაგალითს აძლევდა მუზეუმის თანამშრომლებს. ზემოთხსენებულ კრებაზე იგი ხაზგასმით მიუთითებდა: “საქართველოს მუზეუმს საკმაოდ დიდი მემკვიდრეობა აქვს მიღებული, მაგრამ ამ 11 წლის წინად, რომ მთავრობის დავალებით მუზეუმის ქონება შევამოწმე, დავრწმუნდი, რომ 1910 წლიდან აქ მუშაობა შესუსტებული ყოფილა, 1914 წლიდან მთლიანად შეწყვეტილა. მრავალი მასალა აღსარიცხავი იყო. ამ ნაკლის გამოსწორება საქართველოს მუზეუმის მოვალეობა იყო. მთლიანად არის შესრულებული ეს თუ არა, ჩემთვის ნათელი არ არის”⁶⁴ ამასთან დაკავშირებით, იგი აყენებდა მუზეუმის საფონდო, სააღრიცხვო-საინვენტარიზაციო საქმიანობის მთელი სისტემის დახვეწის გეგმას.

ასევე განსაკუთრებულ ყურადღებას აქცევდა ი. ჯავახიშვილი მუზეუმის საექსპოზიციო მუშაობასაც, რომელიც მიაჩნდა მუზეუმის უმთავარეს საქმიანობად და ანიჭებდა მას დიდ კულტურულ-საგანმანათლებლო და სასწავლო-

⁶³ სსმ არქივი, №65, ან.1. ფ. 10.

⁶⁴ სსმ არქივი, №65, ან.1. ფ. 10.

აღმზრდელობით მნიშვნელობას. ამ მხრივ, სამაგალითო იყო მისი მოღვაწეობა ახალი გამოფენების მოწყობაში. მხედველობაში გვაქვს არქეოლოგიური და შოთა რუსთაველის იუბილეადმი მიძღვნილი ექსპოზიციები.

ი. ჯავახიშვილმა კრიტიკულად შეისწავლა მუზეუმის სამეცნიერო საბჭოს კომისიის მიერ შედგენილი პროგრამა და მუზეუმის შემდგომი მუშაობის საპროგრამო დებულება წარმოადგინა. მან განსაკუთრების მიაქცია ყურადღება მუზეუმის სტრუქტურაში ახალი უჯრედის, ისტორიის განყოფილების შექმნას. მიუხედავად მუზეუმის დირექციისა და რამდენიმე წამყვანი თანამშრომლის წინააღმდეგობისა, მან დამაჯერებლად დაასაბუთა ახალი განყოფილების დაარსების აუცილებლობა. მისი აზრით, ახალმა განყოფილებამ "უპირველეს თავის მოვალეობად კავკასიისა და საქართველოს ისტორიის ნივთიერი ნაშთების შეგროვება, შესწავლა და გამოფენა უნდა მიიჩნიოს, ხოლო რაკი ქართველი ერის წარსული მახლობელი აღმოსავლეთისა და დასავლეთის არა ერთი დიდი ერის სახელმწიფოებრიობასა და კულტურასთან იყო მრავალჯერ დაკავშირებული ამიტომაც, ცხადია, თანდათანობით მათი ნაშთების შეგროვება-გამოფენას სასურველობაცა და მოვალეობაც უნდა ქჷონდეს გათვალისწინებული."⁶²⁵ საკითხის გადასაჭრელად შეიქმნა კომისია ი. ჯავახიშვილის (თავმჯდომარე), გ. ნიორაძის, შ. ჩხეტიას, ლ. მუსხელიშვილის, და ს. მენთეშაშვილის შემადგენლობით. ივანე ჯავახიშვილის მეცნიერული აღღო და ძოსაზრებები შემდგომ ცხოვრებაში მთლიანად გაამართლა. 1937 წლის 22 მარტს შეიქმნა ისტორიის გამყოფილება, რომლის გამგედ ივანე ჯავახიშვილი დაინიშნა. საქართველოს მუზეუმის თითქმის ყველა მნიშვნელოვანი სამუშაოები მისი ხელმძღვანელობით მიმდინარეობდა. ისიც ძალასა და ენერგიას არ ზოგავდა ამ დაწესებულების ავტორიტეტის ამაღლებასა და მისი საქმიანობის სწორად წარმართვას.

1931 წელს მთავრობის გადაწყვეტილებით, მუზეუმში ჯერ კონსულტანტებად მოიწვიეს. ხოლო შემდეგ, მუზეუმის შტატში ჩარიცხეს გრიგოლ წერეთელი და დიმიტრი არაყიშვილი.

ამავე წელს მუზეუმის სტრუქტურაში ჩამოყალიბდა ახალი უჯრედები: მუზეუმში თავმოყრილ ეთნოგრაფიულ და ნუმისმატიკურ მასალათა სიუხვემ აუცილებელი გახადა ცალკე

⁶²⁵ საქართველოს ლიტერატურის მუზეუმის არქივი, ფ. 9080—ხ, ან. 1. ფ.

გამოყოფილიყო ეთნოგრაფიული განყოფილება და ნუმისმატიკური კაბინეტი.⁶⁶ ამავე წელს მუზეუმში ჩაირიცხა თამარ ლომოური, ქართული ნუმისმატიკის ერთ-ერთი თვალსაჩინო მოღვაწე.

მუზეუმისა და უნივერსიტეტის სამუზეუმო მასალათა შერწყმის საფუძველზე 1931 წლის ივნისში შეიქმნა ხელოვნებისა და ისტორიის განყოფილება რომელსაც სათავეში ჩაუდგა გიორგი ჩუბინაშვილი. მოგვიანებით, 1932 წელს განსახკომის კოლეგიის დადგენილებით, მუზეუმში დაარსდა ფოლკლორის განყოფილება, რომელიც აერთიანებდა პოეტურ და მუსიკალური ხელოვნების ფოლკლორულ დარგებს. ამ უჯრედის ხელმძღვანელობა დაევალა ვახტანგ კოტეტიშვილს. უფროს მეცნიერ მუშაკად კი მუშაობდა დიმიტრი არაყიშვილი. განყოფილების მუშაობაში აქტიურად მონაწილეობდა ზაქარია ფალაშვილი.

1930 წელს მუზეუმის კონსერვატორის თანამდებობაზე იწყებს მუშაობას მოსე ჯანაშვილი.

განსახკომის კოლეგიის 1930 წლის 31 ოქტომბრის დადგენილებით პროფესორი კორნელი კეკელიძე შეყვანილი იქნა საქართველოს მუზეუმის სამეცნიერო საბჭოს შემადგენლობაში “ქედაგოგიური ინსტიტუტის სამეცნიერო-სასწავლო საქმიანობასთან ახლო კონტაქტის მიზნით. მუზეუმის ხელნაწერთა განყოფილებასთან კი მოეწეოს სამეცადინეო დარბაზი, რათა მეცნიერ მუშაკებს და მოსამზადებელ კადრებს საშუალება ექონდეს მუზეუმის ხელნაწერთა სარგებლობისა.”⁶⁷

1932 წელს არქეოლოგიის განყოფილებას ხელმძღვანელობდა გიორგი ნიორაძე, ეთნოგრაფიის განყოფილებას—გიორგი ჩიტაია, ქართული ხელოვნების განყოფილებას—გიორგი ჩუბინაშვილი, მასვე დაევალა მუზეუმის დირექტორის მოადგილის მოვალეობის შესრულება.

მუზეუმის საცავებში დაგროვილი სამუზეუმო მასალის სიუხვის გამო, 1932 წლიდან ღრობებით შეწყდა ექსპედიციები და მოცილი სამუშაოები წარმართა საქსპოზიციო და საფონდო მასალათა მოვლა-მოწესრიგებისკენ.

საფონდო სამუშაოების გაძლიერების მიზნით, მუზეუმში საფუძველი ჩაეყარა ფიზიკურ-ქიმიურ სარესტავრაციო ლაბორატორიას, რომელსაც დირექტორი ან. კაკაბაძე უშუალოდ

⁶⁶ საქართველოს მუზეუმის 1928-30 წწ. მუშაობის ანგარიში, სსმ მოამბე ტ. VI, გ. 465.

⁶⁷ საქართველოს უახლესი ისტორიის არქივი, ფ. 300, ან. I, საქ. 140, ფ. 73.

ხელმძღვანელობდა. მოხერხდა აგრეთვე ფოტოგრაფიული ლაბორატორიის გამართვაც. 1932 წლისათვის მუზეუმში ფუნქციონირებდა ტაქსიდერმიული, სარესტავრაციო და ფოტოგრაფიული ლაბორატორიები. განსაკუთრებით პირველი ორი უჯრედი იყო გამორჩეული არა მარტო რესპუბლიკის, არამედ საკავშირო მასშტაბითაც. ტაქსიდერმიულ ლაბორატორიაში წარმატებით გრძელდებოდა ჯერ კიდევ კავკასიის მუზეუმის სპეციალისტის კარლ კრელის მიერ დამკვიდრებული ტრადიციები, ხოლო ფიზიკურ-ქიმიურ სარესტავრაციო ლაბორატორიაში ასევე წარმატებით მიმდინარეობდა ლითონისაგან დამზადებული ნივთების აღდგენისა და ძველი პალიმფსესტების გასამაგრებელი სამუშაოები.

1933 წლიდან მუზეუმში მუშაობას იწყებს ბორის კუფტინი, რომელმაც სწორედ ამ დაწესებულებაში მოღვაწეობისას მიაღწია ბრწყინვალე აღმოჩენებს და მოიპოვა საქვეყნოდ ცნობილი არქეოლოგის სახელი.

სხვა მუზეუმებიდან მიღებულმა მასალებმა მალე საფონდო ფართობის ნაკლებობის წინაშე კვლავ დააყენა საქართველოს მუზეუმი. თუ გავითვალისწინებთ იმასაც, რომ მუზეუმის ახალი შენობა თავიდანვე ნაგარაუდგეი იყო საფონდო მასალების 30 წლიან გაფართოებაზე და მარტო მშენებლობას დასჭირდა 20 წელი, მაშინ ნათელი გახდება, რომ მუზეუმის შემდგომი გაფართოების საკითხი უკვე 30-იან წლებშივე დადგა.

ამ პერიოდში მუზეუმის ტერიტორიაზე განთავსებულა იყო სხვადასხვა დაწესებულებები: ქალთა II სასწავლებელსა და XI პროფტექნიკუმს მუზეუმის ძველ შენობაში ლორის-მელიქოვის ქუჩაზე ეკავათ 21 ოთახი, ხოლო სტამბასა და განათლების მუშაკთა სახლს-მუზეუმის ეზოს მთელი ჩრდილო დასავლეთი ნაწილი.

მუზეუმის დირექციამ აქტიურად დაიწყო ბრძოლა სხვა დაწესებულებებისგან მუზეუმის ტერიტორიის გასათავისუფლებად.

მიუხედავად არაერთი სამთავრობო დადგენილებისა და გადაწყვეტილებისა, ზემოთ ჩამოთვლილი ორგანიზაციების სხვაგან გადაყვანის თაობაზე, ისინი მაინც კიდევ დიდხანს იმყოფებოდნენ მუზეუმის ტერიტორიაზე.

ფონდებში თავმოყრილმა უმდიდრესმა სამუზეუმო მასალამ საშუალება მისცა ამ დაწესებულებას კიდევ უფრო გაეფართოებინა საექსპოზიციო სამუშაოები. ზემოხსენებულ სოლოლოგიურ და ხევისურეთის ეთნოგრაფიულ გამოყენებს 1929-

1932 წლებში მიემატა ისტორიულ-ეთნოგრაფიული განყოფილების მიერ მომზადებული ექსპოზიციები თემაზე: "ქართული ტანსაცმელი" და "ქართული ხელსაქმე" (XVIII-XIX სს). ამ უკანასკნელის ავტორი იყო განყოფილების გამგის მოადგილე იროდიონ სონღულაშვილი. გამოფენისათვის რუსულ და ქართულ ენებზე გამოშვებული იქნა დასურათებული "გზამკვლევი". გამოფენა ღია იყო კვირაში სამჯერ. 1931 წელს იგი დაათვალიერა 3447 კაცმა. ეთნოგრაფიულმა განყოფილებამ გ. ჩიტაიას ავტორობით მოაწყო სვანეთის ეთნოგრაფიული გამოფენა. იგი აგებული იქნა სოციალურ-ეკონომიკური ფორმაციების პრინციპებზე, სტადიალური განვითარების მიხედვით, ძველისა და ახალი სვანეთის შედარებითი ჩვენებით. 1931 წელს გამოფენა ნახა 54658 დამთვალიერებელმა.⁶²⁸ ამავე პერიოდში ხელნაწერთა განყოფილებასთან ფუნქციონირება დაიწყო ე.წ. "სეიფმა", სადაც გამოფენილი იყო განსაკუთრებული მნიშვნელობის უძველესი ხელნაწერები, რომელთა ქრონოლოგიური ჩარჩო მოიცავდა VI-XV საუკუნეებს.

1929 წელს ზოოლოგიურმა განყოფილებამ მოაწყო გამოფენა "საქართველოს სარეწაო ცხოველები". იმავე წელს იგი დაათვალიერა 19985 კაცმა.⁶²⁹ მომდევნო წელს იე. ჩხიკიანიშვილის ხელმძღვანელობით მოეწყო ექსპოზიცია--"საქართველოს სოფლის მეურნეობის სასარგებლო და მავნე ძუძუმწოვრები და ფრინველები". აქ ნაჩვენები იყო მწერების, ფრინველებისა და მღრღნელების მორფოლოგია და ანატომია. დაზიანებულ მცენარეთა ნაყოფები და მავნებლებთან ბრძოლის საშუალებები. ექვს თვეში გამოფენა დაათვალიერა 5149 კაცმა. გაიხსნა აგრეთვე გეოლოგიური განყოფილების მიერ აღ. თვალტრელიძის ხელმძღვანელობით მოწყობილი გამოფენა "საქართველოს სასარგებლო მინერალური რესურსები", გამოფენა შედგებოდა ორი ნაწილისგან და წარმოდგენილი იყო: 1. საქართველოში გამოკვლეული რესურსები, მათი ბუნების, ეკონომიკური მახასიათებლებისა და პერსპექტივების ჩვენებით. 2. ღებამიწის ზედაპირის შექმნის ისტორია და კაკასიის ნიადაგისა და მთის სახეობათა მიმოხილვა. ამ გამოფენის მოწყობაში მონაწილეობა მიიღო ლენინგრადელმა აკადემიკოსმა ე. კრეივანოვსკიმ. 1930 წელს გამოფენა დაათვალიერა 10409

⁶²⁸ საქართველოს მუზეუმის 1931-32 წწ. მუშაობის ანგარიში, სსმ მოამბე, ტ. VII, გ. 344.

⁶²⁹ საქართველოს მუზეუმის 1928-30 წწ. მუშაობის ანგარიში, სსმ მოამბე, ტ. VI, გ. 473.

მნახველმა.⁶³⁰ ყველა ზემოთ ჩამოთვლილი გამოფენა გააფორმა პროფესორმა იოსებ შარლემანმა. ცალკეული სამხატვრო სამუშაოები კი შეასრულა რ. შმერლინგმა.

საქართველოს მუზეუმის ფონდებში ათეული წლების მანძილზე დაგროვილი კოლექციების გეოგრაფიული არეალი დიდად ციოდებოდა საქართველოს ფარგლებს და მთელ კავკასიას მოიცავდა. შეიძლება თამამად ითქვას, რომ იგი კვლავაც რჩებოდა კავკასიის ფლორის, ფაუნისა და ეთნოგრაფიის ამსახველ სამუზეუმო მასალათა თავმოყრის ცენტრად. ამას ადასტურებს გ. ნიორაძისა და ბ. კუფტინის მიერ 1934 წელს მოწეობილი ექსპოზიცია—“წინაკლასობრივი საზოგადოება ამიერკავკასიაში” და გ. ჩიტაიას ხელმძღვანელობით 1937 წელს გამართული გამოფენა—“კავკასიური ხალიჩა”.

1929 წლიდან მუზეუმმა საზღვარგარეთაც ფართოდ გაშალა საგამოფენო სამუშაოები. 1930 წლის ივნისს—ოქტომბერში გერმანიის ქალაქებში: ბერლინში, კიოლნში, ნიუნბერგსა და მიუნხენში მოეწყო ძველი ქართული ხელოვნების ძეგლთა გამოფენა, რომლის ავტორი იყო გ. ჩუბინაშვილი. გამოიცა კატალოგი გერმანულ ენაზე.⁶³¹ გამოფენას დიდი მოწონება ხვდა წილად. ამ გამოფენებისათვის სპეციალურად დაშვადებული ქართული ფრესკის პირები შემდეგში შეემატა ისტორიის განყოფილების ფონდებს.

გერმანიიდან გამოფენამ აესტრიაში გადაინაცვლა და ორი კვირის განმავლობაში ვენაში წარმატებით ფუნქციონირებდა.

1929 წლიდან განსაკუთრებით გააცხოველა სამუშაოები მუზეუმთან არსებულმა სიძველეთა და ბუნების ძეგლთა დაცვის კომიტეტმა, რომელსაც თავმჯდომარეობდა მუზეუმის დირექტორი. კომიტეტის ძალისხმევით ბევრჯერ მოეწყო ძეგლებზე გასვლა და ჩატარდა შესწავლა-ფიქსაციის სამუშაოები. 1929-1932 წლებში საქართველოს მუზეუმის ინიციატივით შეეკლდა ბაერატის, ეკლათის, ნიკორწმინდის, ჯერის მონასტრის, ბებრის ციხის და სხვა ძეგლები, რაზედაც დაიხარჯა 6242 მანეთი.⁶³² გ. ჩუბინაშვილის ინიციატივით მუზეუმში გადმოიტანეს წრომის ეკლესიის მოზაიკა.

⁶³⁰ საქართველოს მუზეუმის 1931-32 წწ. მუშაობის ანგარიში, სსმ მოამბე, VII, გ. 342

⁶³¹ საქართველოს მუზეუმის 1928-30 წწ. მუშაობის ანგარიში, სსმ მოამბე ტ. VI, გ. 467

⁶³² სუი არქივი, ფ. 300, ან. 3, საქ. 140, ფ. 54.

საქართველოს მუზეუმი ყოველწლიურად აფართოებდა საქმიან კავშირებს მსოფლიოს სხვადასხვა ანალოგიურ სამეცნიერო დაწესებულებებთან. იგი იღებდა კორესპონდენციებსა და სამეცნიერო გამოცემებს და თავის მხრივ კი მათ უგზავნიდა მუზეუმის შრომებს.

1926-30 წლებში საზღვარგარეთის სამეცნიერო ორგანიზაციებთან მუზეუმის კავშირ-ურთიერთობები ასე გამოიყურება.* (ცხრილი 19):

წლები	1926	1927	1928	1929	1930
სსრ კავშირი	56 (83)	93 (95)	133 (141)	159 (164)	173 (205)
საზღვ. ქვეყნ.	33 (53)	56 (71)	79 (94)	85 (118)	90 (130)
სულ	83 (136)	149(166)	212 (235)	244 (282)	263 (335)

საზღვარგარეთის ქვეყნებთან ურთიერთობის შედეგს წარმოადგენდა რომაულ-ბიზანტიური არქეოლოგიის ცნობილი სპეციალისტის დოქტორ შნაიდერის ჩამოსვლა საქართველოში. იგი ადრე აწარმოებდა არქეოლოგიურ გათხრებს კუნძულ სამოსზე, იუდეაში და სხვაგან. საქართველოში მას დაეალებული პქონდა ნოქალაქეში (ძველ არქეოპოლისში) საცდელი გათხრების ჩატარება. მან არქეოლოგიური გათხრები აწარმოა 1930-31 წლების დეკემბერ-იანვარში საქართველოს მუზეუმის ორი ასპირანტის ლევან მუსხელიშვილის და გიორგი გოზალიშვილის თანაშრომლობით. ამ საცდელი გათხრების დროს აღმოჩენილი ყველა ნივთი შემოვიდა მუზეუმში. მოკლე ანგარიში კი დაიბეჭდა მუზეუმის გამოცემაში.⁶³³

ყოველწლიურად მდიდრდებოდა საქართველოს მუზეუმთან არსებული ბიბლიოთეკის საცავეები. 1929-30 წლებში მას შეემატა 1203, ხოლო 1931 წელს 2772 ახალი წიგნი. მათ შორის 154 წიგნი ნიკო მარის ინიციატივით ლენინგრადის კულტურის ისტორიის აკადემიამ საჩუქრად გადასცა მუზეუმს. ასევე მნიშვნელოვანი იყო ყოფილი დირექტორის ალ. კაზნაკოვის დატოვებული პირადი, საკმაოდ მნიშვნელოვანი წიგნების ბიბლიოთეკის ფონდში ჩარიცხვა.

1929 წელს მუზეუმის ბიბლიოთეკა მოემსახურა 200-ზე მეტ მკითხველს, რომლებზედაც გაიცა 3510 წიგნი.⁶³⁴ ამავე წელს

⁶³³ საქართველოს მუზეუმის 1928-30 წწ. მუშაობის ანგარიში, სსმ მოამბე, ტ. VI, გ. 468.

* ფრჩხილებში მოცემულია წიგნების დასახელებათა რაოდენობა.

⁶³⁴ საქართველოს მუზეუმის 1928-30 წწ. მუშაობის ანგარიში, სსმ მოამბე, ტ. VI, გ. 471.

დაიწყო პერიოდიკის კატალოგის დამუშავება, რასაც ორი წელი დასჭირდა. სულ დამუშავდა 5000 ტომი.

1931 წელს მუზეუმის წიგნადი ფონდიდან გამოყოფილ იქნა და თბილისის საჯარო და მარქსიზმ-ლენინიზმის ინსტიტუტის ბიბლიოთეკებს გადაეცათ მუზეუმის პროფილისათვის შესაბამისი წიგნები. სხვა ბიბლიოთეკებს გადაეცათ აგრეთვე მუზეუმში დაცული ძველი ჟურნალ-გაზეთები და ბელეტრისტული ლიტერატურა.

1932 წლიდან ეკონომიკური კრიზისისა და საერთაშორისო მდგომარეობის გაუარესების გამო შესუსტდა მუზეუმის ბიბლიოთეკის დაკომპლექტება. შეწყდა უცხოეთის ქვეყნების სამეცნიერო დაწესებულებებთან სამეცნიერო პროდუქციის გაცვლა.

1932 წელს მუზეუმის ბიბლიოთეკაში სულ 300 ათასამდე წიგნი ითვლებოდა. ამ წელს იგი 300-ზე მეტ მკითხველს მოემსახურა. მათზე გაიკა 4775 წიგნი.⁶⁵

1930 წლის ნოემბერში მოსკოვში ჩატარდა მუზეუმების მუშაკთა საკავშირო ყრილობა, რომლის გადაწყვეტილებებმა კიდევ უფრო გააღრმავა ამ დაწესებულებების მუშაობაში პარტიული იდეოლოგია. მუზეუმებს დაევალა "მთელი მუშაობის გადახალისება" და მისი შეფარდება სოციალისტური მშენებლობის მოთხოვნებთან. ყრილობამ საბჭოთა მუზეუმებს მთავარ ამოცანად თანამედროვეობის, სოციალისტური ცხოვრების წესის ასახვა დაუსახა.

ექსპოზიციებში განსაკუთრებული ყურადღება უნდა დათმობოდა არა საზოგადოებრივ-ეკონომიკური განვითარების კანონზომიერებების ჩვენებას, არამედ სოციალური ფენების ურთიერთობების, კლასთა ბრძოლის და ა.შ. ასახვას. ამით მუზეუმებში სუსტდებდა ნივთის, როგორც პირველწყაროს მნიშვნელობა და მთავარი აქცენტი გადადიოდა წარმოსახვითობაზე. ამასთან ერთად, ყრილობის გადაწყვეტილებებმა მწიანე შუქი აუნთო არასწორ, მანვე ქმედებებსაც. მუზეუმებში გზა გაეხსნა სხვადასხვა კომერციულ აუქციონებზე სამუზეუმო ნივთების გაყიდვას. საქართველოს მუზეუმებმაც ვერ აუარეს გვერდი მთელ საბჭოეთში დამკვიდრებულ ამ ნეგატიურ პრაქტიკას. 1930 წელს გაიყიდა ე. წ. "ბაგრატიონების გვირგვინი", რომელიც ეკუთვნოდა ქართლ-კახეთის ბოლო მეფეს გიორგი XII.

⁶⁵ საქართველოს მუზეუმის 1931-32 წწ. მუშაობის ანგარიში, სსმ მოამბეტ, VII, გ. 361

გვირგვინი დამზადებული იყო პეტერბურგში ბაჯადლო ოქროსგან და იწონიდა ოთხ ფუნტსა და 49 მისხალს. მასზე იყო 84 ბრილიანტი, 43 ლალი და შეფასებული იყო 30000 მანეთად.⁶³⁶ გარდა ამისა, 1931 წელს ზემდგომი ორგანოების საიდუმლო წერილით მუზეუმები დააქალაქებულეს “ჩაქტარებინათ მობილიზაცია და სახელმწიფოსთვის ჩაებარებინათ” ოქროსა და ვერცხლისგან დამზადებული ნივთები, ზოდები, ნამსხერევეები, მონეტები და ა. შ. ამ განკარგულების თანახმად, საქართველოს მუზეუმმა ამ წელს იძულებით ჩააბარა 24,237 კგ. წონის ძვირფასი ლითონისგან შემდგარი ნივთები, მათ შორის შემორჩაილური წარწერებით, აზარფეშები⁶³⁷ და სხვა.

(1931 წლის მაისში საქართველოს მუზეუმის დირექტორად დაინიშნა ბარონ ბიბინეიშვილი, რომელმაც მხოლოდ ორი წელი დაჟყო ამ თანამდებობაზე. 1933 წლის ოქტომბერში მუზეუმის დირექტორი გახდა გიორგი მიროტაძე, რომლის სიცოცხლეც შეეწირა რეპრესიებს.

საქართველოს მუზეუმი, როგორც იმხანად ყველა სახელმწიფო დაწესებულება, ჩაბმული იყო სოციალისტურ შეჯიბრებაში. იგი ღვინვრადის კულტურის ისტორიის აკადემიამ გამოიწვია ამ თაოსნობაში. თავის მხრივ საქართველოს მუზეუმმაც გამოიწვია სოციალისტურ შეჯიბრში სომხეთისა და აზერბაიჯანის მუზეუმები.

(1932 წლის ბოლოს საქართველოს მუზეუმის სტრუქტურაში იყო 9 განყოფილება: გეოლოგიის, ბოტანიკის, ზოოლოგიის, ეთნოგრაფიის, არქეოლოგიის, ხელოვნებისა და ისტორიის, ხელნაწერთა, ფოლკლორის და ბიბლიოთეკა.) არსებობდა აგრეთვე ნუმიზმატიკური კაბინეტი. მუზეუმთან ფუნქციონირებდა სამი ლაბორატორია: ქიმიურ-სარესტავრაციო, სადურგლო და ფოტო-ლაბორატორია. მუზეუმის თანამშრომელთა რაოდენობამ 48-ს მიაღწია. მუზეუმის თანამშრომლები წარმატებით ახორციელებდნენ სამუზეუმიო სამუშაოებს ოთხივე — საფონდო, საგამოფენო, მოძიებითი და სამეცნიერო მიმართულებით, ამ მრავალპროფილიან დაწესებულებაში ქართული მეცნიერების ბევრი თვალსაჩინო წარმომადგენელი მუშაობდა, რომლებსაც ხელეწიფებოდა

⁶³⁶ Бичикашвили И., О регалиях последних царей Картли и Кахети,

გაზ. “Свободная Грузия”, 2002, 13/VI, №112.

⁶³⁷ ჭილაშვილი ლ., საუკუნე-ნახევრის გადასახედიან, სსმ მოამბე, 44-ბ, 2002, გვ. 26.

ნებისმიერი ამოცანის გადაჭრა. ამიტომ 1933 წლის აპრილში გამართულმა მუზეუმების მუშაკთა I კონფერენციამ, რესპუბლიკაში მთელი სამუზეუმო საქმიანობის ხელმძღვანელობა საქართველოს მუზეუმს დააკისრა. და ისიც, როგორც სათავე ორგანიზაცია, მეთოდურ და პრაქტიკულ დახმარებას უწევდა სხვა მუზეუმებს. .

1933 წლის მაისში თითქმის საქართველოს მუზეუმის ყველა განყოფილებასთან ჩამოყალიბდა სამეცნიერო სექციები, რომელშიც იმდროინდელი ქართული მეცნიერების მთელი ელიტა მონაწილეობდა. მათ მიერ მომზადებულ მოხსენებებს და ნაშრომებს მთელი სამეცნიერო სამყარო ეცნობოდა. მუზეუმის მუშაკთა დიდი სამეცნიერო პოტენციალის წყალობით დაწესებულებამ დიდი საერთაშორისო აღიარება მოიპოვა.

30-იანი წლების დასაწყისიდან მუზეუმში თავს იყრის ქართული ჰუმანიტარული და საბუნებისმეტყველო მეცნიერების ბევრი სახელოვანი წარმომადგენელი. მათი გვარების ჩამოთვლაც საკმარისი იქნებოდა იმის გასააზრებლად, თუ რა დონის სამეცნიერო პოტენციალი შეიქმნა მუზეუმში: ივანე ჯავახიშვილი, გრიგოლ წერეთელი, კორნელი კეკელიძე, გიორგი ჩუბინაშვილი, კაფლე ინგოროყვა, ნიკო ბერძენიშვილი, სიმონ ყაუხჩიშვილი, გიორგი ჩიტაია, გიორგი ნიორაძე, შალვა ამირანაშვილი, ბორის კუჭტინი, ლევან მუსხელიშვილი, ალექსანდრე ბარამიძე, თედო სახოკია, მოსე ჯანაშვილი, სერგი შაკალათია, დიმიტრი არაყიშვილი, ეგენი ლანსერე, იოსებ შარლემანი, ალექსანდრე ჯანელიძე, ალექსანდრე თვალჭრელიძე, ვახტანგ კოტეტიშვილი, ბორის შიშკინი, დიმიტრი სოსნოვსკი, ივანე ჩხიკვიშვილი, კალისტრატე გაბუნია, ივანე კაჭარავა და სხვები— ვინც საქართველოს მუზეუმს უქმნიდნენ უდიდეს ავტორიტეტს საერთაშორისო მასშტაბით.

ამასთან ერთად, შეიძლება თამამად ითქვას, რომ საქართველოში თითქმის არ მოიძებნებოდა დიდი მეცნიერი თუ ხელოვანი, რომელიც რაიმე სახით აქტიურად არ თანამშრომლობდა საქართველოს მუზეუმთან: სილოვან ხუნდაძე, აკაკი შანიძე, ვუკოლ ბერიძე, ილია აბულაძე, ვარლამ დონდუა, ვარლამ თოფურია, მალაქია ტოროშელიძე, ლეონ მეღლიქსეთბეგი, საქარია ფალიაშვილი, რენე შმერლინგი და სხვები ყოველთვის გვერდში უდგნენ მუზეუმს და ცხოველ მონაწილეობას იღებდნენ მის საქმიანობაში.

თითოეული მათგანი მჭიდროდ იყო დაკავშირებული ახალი ქართული მეცნიერების განვითარებასთან, ხოლო ზოგმა სულ

მალე შექმნა სხვადასხვა დარგის სამეცნიერო სკოლები და სათავეში ჩაუდგა მათ.

საქართველოს მუზეუმში დასაქმებულ მეცნიერ მუშაკთა ნაწილმა მოგვიანებით ჩამოყალიბებულ საქართველოს მეცნიერებათა აკადემიის ძირითადი ბირთვი შეადგინა.

ამასთანავე, უნდა აღინიშნოს ისიც, რომ 30-იან წლებში ტოტალური რეჟიმის გაძლიერებასთან ერთად სულ უფრო მწელი ხდებოდა დაწესებულებაში ნორმალური მუშაობა. მუშაობის "ახალი სტილის" შემოღება ნიშნავდა აგრეთვე მუზეუმის თანამშრომლებზე ტოტალურ თვალთვალს, შიშისა და დაძაბულობის დამკვიდრებას. სამსახურში რამდენიმე წუთით დაგვიანებისთვის შემოღებული იყო მკაცრი ადმინისტრაციული სასჯელი. როგორც საარქივო მასალიდან ჩანს, ამ უკანასკნელს ვერ ასცდნენ ნ. ბერძენიშვილი, ვ. ჩიტაია, ს. მაკალათია, ივ. ჩხიკვიშვილი, ვ. ბარდაველიძე და სხვები.

უფრო მეტიც, "ტროცკისტულ-მაენებლური" საქმიანობის იარაღიყით ბევრი მაღალკვალიფიკაციური მუზეუმის თანამშრომელი დაითხოვეს სამსახურიდან და ფიზიკურად გაუსწორდნენ. "ხალხის მტრებზე" ნადირობას შეეწირა მსოფლიო მნიშვნელობის მეცნიერი გრიგოლ წერეთელი. პირდაპირ მუზეუმშივე დააპატიმრეს და შემდეგ დახვრიტეს სამსონ ფირცხალავა. ასევე მოსპეს განყოფილების გამგე ეახტანგ კოტეტიშვილი, მუზეუმის დირექტორები: გიორგი მიროტაძე, პარმენ აფხაძე, კორნელი ქაცარავა და ღავით დემეტრაძე. გარკვეული პრობლემები შეუქმნეს ისეთ მეცნიერებს, როგორებიც იყვნენ: ივანე ჯავახიშვილი, გიორგი ჩუბინაშვილი, ალექსანდრე ჯანელიძე, გიორგი ნიორაძე, გიორგი ჩიტაია და სხვ. მიუხედავად ქვეყანაში არსებული მძიმე მდგომარეობისა, საქართველოს მუზეუმში თანდათანობით იკრებდა ძალებს და პირნათლად იხდიდა ვალს ერისა და მამულის წინაშე.

1937 წლის დასაწყისში შოთა რუსთაველის "ვეფხისტყაოსნის" 750 წლისთავის იუბილესთან დაკავშირებით, რომელიც მთელი საბჭოთა კავშირის მასშტაბით აღინიშნებოდა, მუზეუმმა მიიღო მეტად საპასუხისმგებლო დავალება— მოეწყო ამ თარიღისადმი მიძღვნილი სპეციალური გამოფენა. შეიქმნა კომისია პ. ინგოროყვას თავმჯდომარეობით. კომისიამ შევიდნენ: ი. ჯავახიშვილი, ნ. ბერძენიშვილი, კ. კეკელიძე, ა. შანიძე, ს. ჯანაშია და ა. ბარამიძე. კომისიამ ყველა ორგანიზაციული საკითხი სწრაფად გადაჭრა და ახლად შექმნილი ისტორიის განყოფილების ძალისხმევით იმავე წელს

მოაწყო საქართველოს მუზეუმის არსებობის მანძილზე ერთ-ერთი საუკეთესო და გამორჩეული ექსპოზიცია—“შოთა რუსთაველი და მისი ეპოქის მატერიალური კულტურა”. გამოფენა საზეიმო ვითარებაში გაიხსნა 1937 წლის 29 დეკემბერს. მისი პოპულარობა შორს გასცდა რესპუბლიკის ფარგლებს.

30-იანი წლების II ნახევრიდან საქართველოში ფართო არქეოლოგიური სამუშაოები იშლება. საველე სამუშაოები მიმდინარეობდა მცხეთაში სამთაეროსა და არმაზისხევში, ბოლნისში, დმანისის ნაქალაქარზე, გუდარეხში და სხვაგან. ამ სამუშაოებში აქტიურად იყვნენ ჩაბმულნი მუზეუმის თანამშრომლები, რომელთაგან განსაკუთრებით უნდა აღინიშნოს ბორის კუფტინი. მისმა მსოფლიო მნიშვნელობის აღმოჩენებმა თრიალეთში მთელი ეპოქა შექმნა არქეოლოგიურ მეცნიერებაში. მან შეიმუშავა არქეოლოგიაში დღემდე დამკვიდრებული პერიოდიზაცია, განსაზღვრა და ერთმანეთისგან გამიჯნა “მტკვარ-არაქსის” და თრიალეთის კულტურები, ახლებურად დაათარიდა ადრე და შუა ბრინჯაოს ხანის ძეგლები. მოგვიანებით მას ნაშრომისთვის “არქეოლოგიური გათხრები თრიალეთში” არქეოლოგთა შორის პირველს სტალინური პრემია მიენიჭა.

მცხეთაში არქეოლოგიური სამუშაოების გაფართოებასთან დაკავშირებით 1938 წლის ოქტომბრის მიწურულში განათლების სახალხო კომისარიატთან შეიქმნა საგანგებო კომისია განათლების კომისრის გ. კიკნაძის მეთაურობით. კომისიის წევრები მუზეუმიდან იყვნენ ი. ჯავახიშვილი, გ. ნიორაძე, და მუზეუმის დირექტორი ლ. ჭანტურია. შედგა აგრეთვე საქსპერტო კომისია ი. ჯავახიშვილის თავმჯდომარეობით. საველე სამუშაოებში მობილიზებულ იქნენ რესპუბლიკის თითქმის ყველა მუზეუმი და სამეცნიერო-კვლევითი დაწესებულებათა მეცნიერ მუშაკები. საქსპერტო სამუშაოებს და ექსპედიციებს საერთო ხელმძღვანელობას ყწევდა ი. ჯავახიშვილი. მთელი მოპოვებული მასალის დაშუშავება დაეწავა საქართველოს მუზეუმს. 29 ოქტომბრიდან სამთაეროს ჩრდილოეთით ბებრისციხის მახლობლად 14 პექტარზე ფართო მასშტაბით დაიწყო არქეოლოგიური სამუშაოები. გაითხარა 300-მდე სამარხი, საიდანაც აკრფილნი იქნა 1400-ზე მეტი მნიშვნელოვანი ნივთი.⁶³⁸

⁶³⁸ ჯავახიშვილი ი., მცხეთა-სამთაეროს არქეოლოგიური ექსპედიციის მუშაობა, გაზ. “კომუნისტი” 1938 წლის 23 დეკემბერი.

იმავე წელს მცხეთიდან 2 კმ-ში არმაზში ჩატარდა არქეოლოგიური სამუშაოები (ხელმძღვანელი ალ. კალანდაძე), სადაც აღმოჩნდა ორი სრულიად უვნებლად შენახული სამარხი მდიდარი ინვენტარით, რაც თითქმის მხოლოდ ოქროსა და ვერცხლის ნივთებისგან შედგებოდა. 1938-39 წლებში მცხეთის მიდამოებში სულ 6067 კვ. მეტრი ფართობი იქნა არქეოლოგიურად შესწავლილი. გაითხარა 1051 სამარხი. ამ აღმოჩენებმა უდიდესი ინტერესი გამოიწვია მთელ სამეცნიერო სამყაროში. პირველად გახდა შესაძლებელი საზოგადოება გასცნობოდა II-III საუკუნის იბერიის უმაღლესი თანამდებობის პირთა დაკრძალვის ინვენტარს, ხელისუფალთა ნიშნებს და სამკაულს.⁶³⁹

ამ პერიოდში მთელ საქართველოში გაშლილ არქეოლოგიურ სამუშაოებში ივანე ჯავახიშვილის ხელმძღვანელობით მონაწილეობდნენ მუზეუმის სპეციალისტები, შემდგომში ცნობილი მეცნიერები: ლ. მუსხელიშვილი, ა. აფაქიძე, ა. კალანდაძე, გ. გობეჯიშვილი, ვ. ჯაფარიძე, დ. კაპანაძე, ს. მაკალათია და სხვები.



⁶³⁹ ჯავახიშვილი ი., პიტიახშ ასფაგურის აკლდამა, წიგნ.ში "ქართველი ერის იტორია" თბ., 1960, ტ. I, გვ. 461.

ამრიგად, საქართველოს დამოუკიდებლობის მოპოვების შემდეგ მუზეუმი თავიდანვე მოიქცა ეროვნული ხელისუფლების ყურადღების ცენტრში. იგი განიხილებოდა როგორც ისტორიული ღირებულების მქონე ნივთთა მოძიების, დაცვისა და მათი პროპაგანდის უმნიშვნელოვანეს კერად. კავკასიის მუზეუმის ბაზაზე ჩამოყალიბდა ქართული დაწესებულება, რომელსაც საქართველოს მუზეუმი ეწოდა.

იწყება სრუნვა მუზეუმის გაეროვნულობისათვის: განსაკუთრებული ყურადღება დაეთმო საქართველოს ფლორის, ფაუნის, მატერიალური და სულიერი კულტურის შესწავლას და მათ ამსახველ ნიმუშთა თავმოყრას; მუზეუმში მოვიდნენ ახალი ეროვნული კადრები, დაწესებულების ხელმძღვანელად არჩეული იქნა ქართველი დირექტორი. გამოიყო ასიგნებანი მუზეუმის ახალი შენობის მშენებლობის დასამთავრებლად. მიღებული იქნა გადაწყვეტილება მუზეუმის შენობის ფასადის შეცვლის, მის ქართულ ეროვნულ არქიტექტურასთან მიახლოების შესახებ. მაგრამ ეროვნული ხელისუფლების ძალისხმევას შეექმნა მუზეუმისათვის მტკიცე მატერიალური ბაზა — უსახსრობის გამო შედეგი არ მოჰყოლია.

საქართველოში საბჭოთა ხელისუფლების დამყარების შემდეგ მუზეუმი მძიმე მდგომარეობაში ჩავარდა: საყოველთაო ანარქიისა და არასტაბილურობის გამო საფრთხე შეექმნა მის ფონდებს, მუზეუმში დაცული საუკეთესო ექსპონატები საზღვარგარეთ აღმოჩნდა გატანილი, ქვეყნად რთული ეკონომიკური ვითარების გამო გაძნელდა და შეეძირდა ამ დაწესებულების მოძიებითი, საფონდო, სამეცნიერო და სხვა სამუშაოთა დაფინანსება; შეჩერდა მუზეუმის შენობის მშენებლობა, არნახული ინფლაციის პირობებში არასახარბიელოდ გამოიყურებოდა თანამშრომელთა მატერიალური მდგომარეობა, ეკონომიკურ სირთულეებს ემატებოდა ახალი რეჟიმის პოლიტიკური სუსხიც, შეწყდა ყოველგვარი კავშირები საზღვარგარეთის სამეცნიერო დაწესებულებებთან და ა.შ.

მაგრამ დროთა განმავლობაში, ქვეყანაში პოლიტიკურ სტაბილიზაციასთან ერთად, თანდათანობით ლაგდებოდა და უმჯობესდებოდა ვითარება. ხელისუფლება სულ უფრო და უფრო მეტ ყურადღებას უთმობდა მუზეუმის პრობლემების გადაჭრას. ყოველ წლიურად უმჯობესდებოდა მუზეუმის სამუშაოთა დაფინანსება. მოხერხდა მისი ახალი შენობის

მშენებლობის დამთავრებაც. იგი თბილისის ერთ-ერთ საუკეთესო და საექტაპო მნიშვნელობის ნაგებობად იქნა აღიარებული.

ახალ შენობაში გადასვლასთან დაკავშირებით შეიცვალა მუზეუმის ორგანიზაცია და სულ ახალი მიმართულება მიეცა მის სამუშაოებს-- უპირატესობა მიენიჭა საგამოფენო სამუშაოთა ფართოდ გაშლას.

მუზეუმის ახალ საგამოფენო დარბაზებში მოწყობილ ზოოლოგიურ და ეთნოგრაფიულ ექსპოზიციებს მოჰყვა გეოლოგიურ, ისტორიულ-ეთნოგრაფიულ და ხელთნაწერთა განყოფილებების მიერ მომზადებული გამოფენები. მუზეუმმა საზღვარგარეთაც გაშალა საგამოფენო სამუშაოები. აღნიშნული ექსპოზიციები გამოირჩეოდნენ მაღალი მეცნიერული და მხატვრული ღირსებებით და სიახლით.

საქართველოს მუზეუმის საფონდო ფართის გაფართოებასთან ერთად, მთელი რესპუბლიკის მასშტაბით მოხდა სამუზეუმო მასალათა კონცენტრაცია და ცენტრალიზაცია. საქართველოს მუზეუმის ფონდებში თავი მოიყარეს სხვა მუზეუმების კოლექციებმა. ამან დიდად გაზარდა მუზეუმის ფონდები, რის შედეგადაც მის სტრუქტურაში შეიქმნა ახალი განყოფილებები და ლაბორატორიები. გაიზარდა თანამშრომელთა რიცხვი. მოხერხდა საზღვარგარეთის ანალოგიურ სამეცნიერო ორგანიზაციებთან კავშირ-ურთიერთობების აღდგენა.

ამ დაწესებულებაში თავმოყრილ მაღალკვალიფიციური სპეციალისტების წყალობით იგი რესპუბლიკის სათავო მუზეუმში გახდა. რომელიც ხელმძღვანელობას უწევდა მხარეთმცოდნეობის მუზეუმებს.

ასე რომ, საქართველოს მუზეუმში, რომელსაც კავკასიის მუზეუმიდან მემკვიდრეობით ერგო მაღალი პროფესიონალიზმი, XX საუკუნის 30-იანი წლების დასაწყისში კვლავაც რჩებოდა ქვეყნის მსხვილ კულტურულ-საგანმასათლებლო და სამეცნიერო დაწესებულებად, რომელთანაც მჭიდროდ იყო დაკავშირებული ახალი ქართული მეცნიერების განვითარება. ამ დაწესებულების საბუნებისმეტყველო და პუბლიცისტურულ განყოფილებებში დიდი სამუშაოები სრულდებოდა და საფუძველი ეყრებოდა ქართულ სამეცნიერო სკოლებს.


თავისი არსებობის 80 წლის გადასახელოდან მუზეუმი ნამდვილად იქცა ქართულ, ეროვნულ დაწესებულებად თავისი მიზნებით, სამუშაოთა ხასიათით და შინაარსით.

საქართველოს მატერიალური და სულიერი კულტურის, მისი ბუნების, ფლორისა და ფაუნის ამსახველ მასალათა კვლევით, მოძიებითა და მათი ფონდებში დაუნჯებით— შესაძლებელი გახდა დიდი ეროვნული მნიშვნელობის ფონდების ჩამოყალიბება.

საქართველოს მუზეუმი სულ მოკლე დროის განმავლობაში ჩამოყალიბდა ქვეყნის მსხვილ კულტურულ-საგანმანათლებლო დაწესებულებად. მისი ექსპოზიციები თავისი თვალსაჩინოებითა და მეცნიერული დონით ერთ-ერთი გამორჩეული იყო მთელს საბჭოთა კავშირში და ყოველწლიურად ათასობით დამთვალიერებელს იღებდა. ასევე განუხრელად იზრდებოდა მისი საერთაშორისო ავტორიტეტიც.

მეცნიერებათა აკადემიის ჩამოყალიბებამდე საქართველოს მუზეუმს თბილისის უნივერსიტეტთან ერთად, წილად ხვდა შეესრულებინა ეროვნულ სამეცნიერო დაწესებულებათა ფლაგმანის როლი.






საქართველოს მუზეუმის შენობა 1929წ.




ნოე ეფიანი



ალექსანდრე ჯანელიძე



ივანე ჯავახიშვილი საქართველოს მუზეუმის თანამშრომლებთან 1932წ.



შოთა რუსთაველისადმი მიძღვნილი გამოფენის გახსნა 1937წ.

საქართველოს სახელმწიფო მუზეუმი (1852–1932 წწ.)

შინაარსი:

თავი I	რუსეთის საიმპერატორო გეოგრაფიული საზოგადოების კავკასიის განყოფილების მუზეუმი	1
	§ 1. “ნატურალისტ ბაიერნის კაბინეტი”	38
თავი II	კავკასიის მუზეუმი და თბილისის საჯარო ბიბლიოთეკა .46	
	§ 2. კავკასიის მუზეუმისა და საჯარო ბიბლიოთეკის დაფუძნება, მათი გაერთიანება და პირველი ექსპოზიციები (1865 – 1870 წწ)	46
	§ 3. მუზეუმისა და ბიბლიოთეკის შევსება ახალი ექსპონატებითა და წიგნებით, გამოფენის გახსნა ახალ შენობაში (1871 – 1881 წწ)	82
	§ 4. ახალ უწყებაში გადასვლა, საფონდო, სამეცნიერო და საექსპოზიციო სამუშაოების გაშლა (1882 – 1903 წწ) . .	108
	§ 5. ახალი დებულების მიღება, მუზეუმის შენობის მშენებლობის დაწყება, კავკასიის მუზეუმის გაუქმება (1904 – 1919 წწ)	131
თავი III	ეროვნული სამუზეუმო დაწესებულებათა ჩამოყალიბება .160	
	§ 6. ქართველთა შორის წერა-კითხვის გამავრცელებელი საზოგადოების მუზეუმი	160
	§ 7. საქართველოს საისტორიო და საეთნოგრაფიო საზოგადოების მუზეუმი	184
	§ 8. საეკლესიო მუზეუმი	202
თავი IV	საქართველოს მუზეუმი (1919 – 1932 წწ)	225
	ილუსტრაციები	291

**G. Chkhaidze
Georgian State Museum
(1852-1932)**

(Summary)

This book is devoted to the History of Janashia Georgian State Museum of the Academy of Science. Before the Museum evolved into one of the country's leading research and educational centers, it climbed up a long and honorable path from its origin as the Caucasian Museum of the Geographical Society to become a museum of worldwide significance. The Museum has greatly contributed to the investigation and preservation of the historical heritage of the Georgian people.

As a result of elaborating upon original sources, the key role of the Museum in the creation and development of a professional museum network throughout Georgia has been clearly demonstrated. On the basis of this received heritage of preserving tradition and professionalism, the Georgian State Museum has become a cradle of national culture.

This monograph represents the first attempt at a scientific generalization of the history of the Museum. It can be used by historians, and by all those interested in problems of Georgian culture.

**Г. Чхайдзе
Государственный Музей Грузии
(1852-1932 гг)**

Книга посвящается истории Государственного Музея Грузии им. С. Джанашиа Академии наук Грузии. Прежде чем сформироваться в один из крупнейших научно-просветительских центров страны, им пройден долгий и достойный путь от Кавказского музея при географическом обществе до музейного учреждения мирового значения.

Он внес огромный вклад в дело изучения и сохранения исторического наследия грузинского народа.

На основании обработки первоисточников показана роль Музея в создании и развитии профессиональной музейной сети в Грузии. На основе преемственности традиций и профессионализма Музей Грузии стал очагом национальной культуры.

Монография является первой попыткой научного обобщения истории Музея. Она предназначена для историков и всех, интересующихся вопросами грузинской культуры.